




BIBLIOTHECA  
UNIV. JAGIELL.  
CRACOVENSIS

24244

Mag. St. De.  
Mag. St. De.

I



24244

Mag. St. Dr. I

~~Mag. St. Dr. I~~



HISTORIA  
REFORMATIONIS  
POLONICÆ,

In qua

Tum REFORMATORUM, tum ANTI-  
TRINITARIORUM origo & progressus  
in POLONIA & finitimis Provin-  
ciis narrantur.

Authore STANISLAO LUBIENIECIO,  
Equite Polono.



FREISTADII,  
Apud JOHANNEM ACONIUM.

cd lbc Lxxxv.



# LECTORI S.

**R**eformationis Polonica brevem hanc historiam, licet ab Auctore ad umbilicum nondum perductam, haud indignam luce publica judicavimus, quia multa quae vix alibi reperiantur de initiis Reformationis in Polonia, deque Antitrinitariorum origine, complectitur. Optandum certe fuisset ut ultima manus Auctoris ei imponeretur, Sed quandoquidem prematuro ereptus est fato, hoc tibi, LECTOR, damus quod possumus, plura & accuratiora dicturi, si ad manus nostras pervenissent. Ne tamen prorsus imperfecta prodiret Historia, curavimus addi ad finem binas literas, quibus calamitates Antitrinitariorum priusquam in Polonia ejicerentur, eorumque miserum exilium graphice pinguntur. Et ne quidem ignores quis fuerit Lubieniecicus, en tibi vite ejus brevem descriptionem ab uno ex filiis ejus adornatam.



Mag. H. D.

Vita

# STANISLAI LUBIENIECII

Equitis Poloni

hujus Historiae Auctoris.

**S**tanislaus Lubienietzki de Lubienietz Rolitius Eques Polonus, ex Patre Christophoro Lubieniecio Rakowienfi Ministro cujus mentio in Bibliotheca Antitrin. p. 142. Matre Catarina Philippovia, natus est Rakowia Anno 1623. d. 23. Augusti; Non, uti in Bibliotheca Antitrinitariorum, 1625. Patrem habuit egregium, studiorumque suorum promotorem diligentissimum, Testis ipse Lubieniecicus in carmine quodam Polonico (non pauca enim pia carmina lingua vernacula composuit) dum Divinam benignitatem etiam eo nomine celebrat. Is non contentus privatos ei adhibere praeceptores, ipse quoque diligentem operam navavit ut quam optime tam in pietate religionis Christianae educaretur, quam bonis artibus imbueretur. Succrescebat in spem Ecclesiae, primum in Rakoviensi gymnasio domi, dein Kisieliniam missus, ubi per aliquot annos operam dedit studiis, tum proprio quo flagrabat amore discendi, tum etiam parentis optimi saepius excitatus & literis & etiam praesentia. Sic egregia ad virtutem sectandam à prima juventute habentem adminicula voluntas parentis Kisielini ad 18. aetatis annum detinuit. Inde revocatum, cognitione Juris patrii instructum, secum solebat ad Comitria aliosque conventus Regni Nobilium ducere, vel mittere; notitiaque Virorum in patria insignium tradere, omnibusque imbuere quae & Christianum & Poloniae Regni indigenam decebat Nobilem, quippe qui ad Serenissimi Regis Poloniae, qui hodie tanta cum gloria regnat, familiam quarto consanguinitatis gradu remotus, pertinuerit.

\* 2

Sig



## VITA AUCTORIS.

Sic per aliquot tempus in patria detentum misit Thorunium, tam ad capiendum profectum humaniorum literarum, quam in specie, Linguae Germanicae addiscendae gratia, ubi duos annos exegit. Postea contigit Thoruni famosum illud colloquium Charitativum, ubi Jonæ Slichtingio & Martino Ruaro, qui eò Ecclesiae nomine venerant adfuit, non oriosus quidem, nec incuriosus rerum ibi gestarum, uti testantur Acta istius Colloquii ab ipso conscripta, ut & privata colloquia quae ipsi aliisque, cum viris doctis intercesserunt. Revocavit deinde Pater, eumque in exterarum regiones lustrandae Europae causa mittere decrevit. Tum traditus est ipsius curae à Tutoribus Dominus Stephanus Comes de Niemirycz qui nuper, Palatinus Kiowienfis, Regni Poloniae Senator & rebus gestis clarus, in vivis esse desuit. Illustrissimo huic Juveni sollicitus inspector in Hollandia Galliaque ita praefuit, ut singularem gratiam reversus ab exteris & laudem meritis fuerit. Ubique strenuè studiis operam dedit, linguas varias addidit, amicitiam bonorum & doctorum ambivit, obtinuit, confessionem Religionemque suam ubique condecoravit, cum viris eruditissimis ut ex illorum responsis videre est & ore tenus & calamo de variis materiis Theologicis contulit, eum praesertim spectans finem, ut ostenderet religionem suam non mereri ut tantis odiis exciperetur, quin imò tolerari posse & debere tolerare paratos. Patet id, inter alia, ex prolixa celeberrimi Ludovici Capelli ad eum epistola, qua probare conatur id fieri nullo modo posse. Aliquot annis peregre actis post mortem Patris qui obiit 1648. post periculossimam in Oceano, cum ex Gallia in Hollandiam tenderet, navigationem ejus carmine vernaculo mentionem facit Deoque ob liberationem gratias agit, patriis laribus redditum multri ad se evocabant, etiam egregia offerentes honoraria. Imprimis movebat Ecclesia

## VITA AUCTORIS.

clesia ad Ministerium verbi Divini invitans, quod tamen modesta ejus de se ipso opinio statim agredi vetuit. Anno 1652. d. 12. Jan. in uxorem duxit Sophiam, filiam viri in Patria nobilis propter piam Ecclesiae in agro Piellae collectae curam, cujus fuit patronus, in Ecclesia conspicui; & propter judicium solidum & alias animi dotes, vicinis accepti, ut etiam litibus obortis adversae partes, quamquam diversae religionis ad ejus sententiam provocarent, audireque acquiescerent. Is fuit Paulus Brzeski Zegota, qui à Reformatis ad Unitarios Christianos transierat. Taceo, quos mors immaturior sustulit. Eodem Anno 1652. Domino Johanni Ciachovio verbi Divini Ministro Siedliskienfi in coadjutorem datus est, ubi cum in Ecclesia & prudentiam suam & eruditionem, abunde probasset, est Pastoris ipsi in Synodo Czarkowiana ab Ecclesia, cum invocatione nominis divini, impositum munus, & ordinatus est ad ipsam Czarkowianam Ecclesiam regendam. Sed vix biennio ibi pace frui datum est. Anno enim 1655. ingruens tempestas belli Svecici sedibus expulit nostros, quorum pars, (uti ex vita Andreae Wissowatii, etiam ex Lubieniecii ipsius tractatu, qui ultimus est in Bibliotheca Antitrinitariorum, & aliunde patet) sub praesidium Regis Sveciae concedere coacta est, inter quos & noster cum sua familia Cracoviam venit. Anno 1656. d. 6. Aprilis. Ibi colloquia Christiana cum Jonæ Slichtingio inchoata, unde ejus Commentarius in Joannem primum, deinde reliqui, de quibus ut & aliis quae hic memorari debent, videatur nostri Stanislai epistola, quam operibus Jonæ Slichtingii praemisit. Totum tempus Cracovianae commorationis noster, cum reliquis Ministris praedicatione verbi Divini frequentibus jejuniis, precibusque transigebat, ipseque praeterea in gratiam Unitario-



## VITA AUCTORIS.

rum Ungarorum, qui cum Principe Rakoci Cracoviam venerant, Latine concionabatur, sacramque Eucharistiam administrabat. Dedita urbe Polonis, Unitariis nostris quos iniqua fors Cracoviam compulerat abitum in sua quisque domicilia parantibus, Jonas Slichtingius Anno 1657. d. 30. Augusti cum Svecico egressus est praesidio, cui sese noster adjunxit Stanislaus, cum Christiano Stegmanno, ut id obtinerent apud Regem Sveciae, ut Unitarii Christiani qui ejus praesidio gaudebant, in Tractatibus cum Rege Regnoque Poloniae, amnestiae includerentur, ne eorum adversarii, reliquis qui Regi Sveciae adhaeserant in gratiam receptis, Unitarios ex odio religionis excluderent. Pervenit Stetinum, inde Volgastiam 7. Octobris, ubi a Rege Sveciae benigne exceptus ( prout & antea Cracoviae ) mensae Regiae adhibebatur. Nihil tamen ibi in praedictum Patriae, quemadmodum iniqui rerum, ut hominum, aestimatores ex his similibusque circumstantiis concludere amant, agitavit. Cum in Pomerania commoraretur Tractatus pacis expectans, in Magnatum Sveciae familiaritatem facile venit, aliorum antea contractam amicitiam renovavit, confirmavit, commercium cum iis litterarum habuit ubique testimonium veritatis, Rege Principibusque ultro lacescentibus, perhibuit. Non defuerunt praesertim Stetini Lubienecio adversarii, quorum odia Theologica expertus est, illaque Concionatores etiam ad rudem plebeculam, propagare conabantur, inter quos primarius fuit Johannes Micraeus vir Stetini celebris. Similia quoque Stralsundi expertus est noster, similia tamen ubique veritati dare testimonia non neglexit. Imprimis Elbingae Anno 1659. non semel cum Illustribus Commissariis ad pacem cum Polonis faciendam, Comite de la Gardie & de Slippenbach ad mensam ejus, ab ipsis provocatus cum

## VITA AUCTORIS.

cum ipsis & doctis ibi Theologis disputavit, quemadmodum etiam coram summo Sveciae Thallasarcha Comite Wrangelio Volgasti, Stralsundi, & Hamburgi postea. Accidit Elbingae, cum gravi obsidione Stetinum a Caesareanis & Brandenburgicis premeretur, ubi conjux Stanislaus cum liberis obsidii incommodis graviter affligebatur, ut Comes Slippenbachius polliceretur Stanislaus nostrae Religionem, amplecti, modo id a Deo precibus obtineret, ut Stetinum urbs non satis munita nec rebus ad obsidionem tolerandam necessariis instructa, de cujus liberatione propterea desperabant, liberaretur ab hostibus. Lubienecius imprimis suorum miseriae motus, tribus hebdomadibus & precibus ad Deum ardentibus & jejunio frequenti consumptis, veniens ad Comitem, urbem extra periculum esse affirmavit, bonoque eos esse animo iussit. Comes adstantesque insanire cum putabant, praesertim quod ab iis reversus, in morbum inciderit. Ejus vero assertio post sex dies litteris Stetino liberato datis confirmata, graviter perterrefecit Comitem. Id enim temporis Lubienecius a nemine certus hac de re fieri potuit. Promissum cum Lubienecius, pro sua cum Comite familiaritate, aliquando reposceret, dixit ille, sese in genua procubuisse Deumque orasse patetaceret sibi, num Religio Lubienecii suscipienda esset, nec ne, sed a Deo in confessione Augustana confirmatum esse. Inde Olivano profectus est, ubi Tractatus inter Sveciae & Poloniae Reges constituebantur, dissidentibusque in Religione cautum est, quos cum altera pars excipere videretur, Regis Sveciae commissarii, manifestationem in lucem dederunt, Anno 1660. May ( quae etiam typis exstat expressa ) omnes cuiusque Religionis dissidentes conditionibus pacis inclusos esse, eo ipso testati, non satis factum con-



## VITA AUCTORIS.

conditionibus pacis. Cum sic nulla spes esset in patriam nostris redeundi, Lubieniecus Stetino mari cum familia Hafniam profectus est ea intentione, ut sibi & fratribus, Polonia pulsus, in ditio- ne aliqua Serenissimi Danæ Regis Friderici III. locum habitandi impetraret. Hafniam venit 28. Novembris Anno 1660. ubi Magnatibus visis in gra- tiam eorum venit, tum propter dotes ingenii, tum propter relationes rariores quas ex commercio lit- terarum habuit, quæ etiam Regi non semel lectæ officium illas Regi perscribendi, ipsi pepererunt. Anno. 1661. 23. Januarii optimum Regem, Re- ginam, Regios Principes utriusque sexus, saluta- vit, benigne exceptus; nihil tamen Rex quam se connivente, posse nostros Altenaviæ habitare seor- sim Lubienecio dixit. Solebat enim Rex, quoties- cumque Lubienecium in Aulâ conspexit, relictis cæteris, eum propius ut accederet compellare, & de Religionis capitibus imprimis colloqui. Quæ res invidiam etiam creavit Lubienecio, timentibus Theologis, ne Rex fieret Arianus. Non otiosus ibi vixit Lubienecius, cum legatis diversorum Regum & Principum colloquia sæpius instituit, unde com- mercii literarum augebatur materia, quam viris Clarissimis denegare non potuit. Inde de Unitariâ Religione mitior apud multos sensus: de confessi- one Lubienecii variæ quæstiones, ut & de Ecclesia & fratribus ejus. Satisfecit & eruditioni opponen- tium & subtilitatibus, magna utens parrhesia qua Regia Hafniensis & Bibliotheca personabat.

Sic & postea sæpius interrogatus, rationem spei suæ reddebat Archiepiscopo Danæ Domino Jo- hanni Schwaningio & aliis Theologis Hafniensibus modestè sensa sua proferens, id enim pro virili ca- vebat ne ansa daretur calumniis, & diceretur venisse ut Hæresin disseminaret, sub prætextu flagitate protectionis, Causam Ecclesiæ ubique egit, imò hoc

## VITA AUCTORIS.

hoc ipsius unicum fuit studium, ut commodas exuli- bus inveniret sedes, eosque præcipuis in Dania ex- terorum Principum legatis summâ curâ commenda- bat, occasiones omnes Magnatesque tentabat. His aliquandiu occupato, abitum dein adornanti post- quam Regi primum, Reginæ (quæ etiam ipsa à Lubienecio Religionis capita audivit) Regisque principibus valedixisset, oblatum est à Rege honora- rium, rogatusque est ut quæ in Europa geruntur per litteras Aulæ Regiæ referret, certus de annuo Regis salario. Sic dimissus Stralsundiam navi per- venit, inde Stetinum 11. Junii 1661. ubi more solito resagens ad communitatem pertinentes, fra- tres per litteras confirmabat, consilia subministrans, erigens solatiis, quid de loco habitationis speran- dum esset docens, ac visitans. Tacemus alia ejus propter id suscepta itinera, labores, sumptus, mo- lestias. Sic & commercio literarum cum tot viris clarissimis, & Ecclesiæ vacavit, sed non diu Steri- ni. Recrudescente enim odio adversariorum mi- gravit eodem ipso anno Hamburgum. Familia vero anno sequenti 1662. Ibi statim cum Regina Christina colloquia sacra & sæpius habita, præsentē Ora- tore Cæsareo aliorumque Principum, nec non Duce Meklenburgico à quo postea invitatus, respectu ex- lum Polonorum benignam declarationem retulit. Inde Hafniam iter terrâ suscepit venitque 7. Februa- rii 1662. ibique continuando relationum perscri- bendarum officio, commodissimus locus Hambur- gum visus, & constitutus est; A Rege liberaliter habitus sæpiusque ad privata colloquia admissus est. Sed & cum M. Eryco Gravio Aulico concionatore & confessionario suo Rex eum commisit, ipseque disputationi adfuit, cum Christophoro Pasbergio Gubernatore Regii Principis postea Regio senatore & Vice-Cancellario; deinde cum Daniele Pheisso concionatore Germanico. Quis fuerit eventus di-



## VITA AUCTORIS.

sputationis, vel ex eo concludere licet quod ille Lubienecio, Christum vocari *primogenitum ex mortuis* ad incitas redactus, negaverit, hic vero affirmaverit Johannis 17. non dici, ut sint unum sed, *ut sint in unum sicut nos unum sumus*. quos coram Rege ipse noster prolatis quæ in promptu habuit Bibliis pudorem suffudit. His pactis discessit Hafnia, venitque Fridericopolim, ibique à Magistratu urbis obtinuit ut exules in communionem & sacram & civilem reciperentur privatumque in ædibus more Polono exercitium Religionis perageretur; quod etiam per literas Fratris significavit. Lubienecius in id laboravit, nec sumptibus pepercit & damnum rei familiaris subiit, quo posset eò fratres deducere, deductis succurrere, donec ex urbe secedere jussi sunt à Principe Holfatiæ, quod debent partim Domino Superintendenti Lutherano Joanni Rembotto. Ista sedes ut & Manheimiana sub Electore Heidelbergenfi (qui duo loci paucitati exulum remanentibus aliis, in confiniis Poloniæ, sufficiebant) circa quam multa egit obrinendam tantopere laboravit, testis est Lubienecium non ita commercio litterarum (quæ etiam ad propagationem Religionis non parum fecerunt) occupatum fuisse, quin vacaret semper de commodis fratrum exulum agere. Fredericopoli venit Stetinum ad uxorem, quam etiam Hamburgum d. 29. May 1662. adduxit. Quid illic loci egerit per totum vitæ tempus, aliquatenas cognosci potest ex epistola Gallica quam sub finem vitæ scripsit, ex catalogo operum ejus in Bibliotheca Antitrinitariorum, ex colloquio cum Regina Sveciæ Anno. 1667. cum Principe Friderico Brunsvicensi, Landgravio Hassiæ Georgio Christiano, Comite Palatino Salisburgensi & aliis Principibus, quorum colloquiorum partem literis mandavit. Hoc Anno Gluckstadii quo Rex advenerat filiam traditurus in uxorem Christiano Alberto

## VITA AUCTORIS.

to Principi Holfatiæ, Regi Daniæ coram tota Aula Commentarios Crellii & Slichtingii tradidit 8. Septembris, qui Rex Lubienecium post prandium aliquoties advocans familiariter cum ipso de libertate Religionis & de Trinitate loquebatur. Regi postea Altenaviæ adfuit, eidemque in arce Gottorpiensi tractatum suum *Gluckstadii vera Tychopolis*, obtulit. Magistratus vero Hamburgensis ad importunam Sacerdotum instantiam ut urbe excederet denunciavit, idque Magistratu sæpius repetente, Lubienecio frustra innocentiam suam & Regis protectionem opponente, ad Regem profectus est Hafniam; eo absente uxor, jubente Rege, Altenaviam migravit. Oblatis Hafniæ Theatri Comerici Regi, Regique Principibus primis exemplaribus, reversus domum eodem anno Hollandiam abire coactus est, ob iniquitatem & versutiam eorum per quos Theatrum Comericum imprimi curavit. Post annos aliquot consilio amicorum, credentium jam de furore remisisse adversarios, ob commoditatem dirigendarum litterarum Hamburgum se contulit cum familia, sed nimis vigilantem expertus est Dominum Edsardii Licentiatum Theologiæ, qui indefesso studio id egit, ut cum collegis suis magistratum incitaret ut Lubienecius urbe ejiceretur. Dignus qui hic nominetur, gloriatur enim, se authorem Lubienecium cum familia urbe exactum. Imo propter Ministrorum zelum qui etiam ex cathedra in templo cum absente Lubienecio disputabant, eumque hæreticum, teterrimamque civitatis pestem proclamabant; ut ex Lubienecii manuscripto colligi potest, quod jam fecerant cum primâ vice per Hamburgum Hafniam transfret Anno 1657. Lubienecio ante migrationem, domo exire non semper tutum fuit. Cum iterum iterumque instaret, ut antea fece-



## VITA AUCTORIS.

fecerat, Magistratus, urbeque per nuntios Lubieniecio interdiceret, frustra Secretariatum Regis Poloniae obtendenti nihilque proficientibus ejusdem Regis intercessoribus, in lethalem incidit morbum. Decumbenti jam, ultimum allatum est decretum urbe ut migraret, cui etiam sese obsecuturum dixit. Causa morbi fuit venenum, ignotum ubi infusum; non ut confidenter affirmat ad denigrandos Lubieniecii domesticos adversarius ejus Edsardius, (qui hujus infortunii seriem occasione data enarrare voluit,) quod vitio religionis Lubieniecii adscribit, non cogitans multos tam ex Lutheranis Reformatisque quam Pontificiis pejori, non tantum simili, fato animam exhalasse, quasi hujus cladis ipsa conjux filiaeque occasionem per imprudentiam dedissent. Sed nimis injurius est veritati. Venenum enim ambas filias confecit. Uxor etiam quod tantillum de cibo sumisset, vix à limine mortis revocata, mortuis filiabus post brevem morbum patrem vis veneni lecto affixit d. 12. May. Serius genus morbi à Medicis agnitum, eorum tamen ope melius sese habere cepit, & spes vitae non exigua affulserat. ita ut etiam è lecto surgere potuerit & carmina funebria filiabus suis composuerit die 16. Pejus verò illo sese postea habente, medici iteratò submissum venenum dixerunt. Die 18. igitur May. Anno 1675. quo nondum 51. annum attigerat, Commendato spiritu in manus Jesu salvatoris sui, cui fideliter servierat, excessit è vita toto tempore agrotationis ad extremum ferè halitum, sermones habuit plenos in Deum, fiduciae & interni gaudii, domesticorum benedictionis, admonitionis, nominis Divini invocationis. Sic vixit Lubieniecicus convenienter suo symbolo *stand Lubenicius moriar.* Ecclesiae, suorumque decus, Regibus Sveciae, Daniae, Galliae, Poloniae, &c. Ducibus, Principibus, Magnatibus Europae imò omnibus

acce-

## VITA AUCTORIS.

acceptus, si Theologos acerbiores iisque mancipatos excipias. Sunt ad ipsum diversarum Religionum Theologorum familiares epistolae. Quis auctor mortis fuerit non facile divinare, imò, nec cui fiat injuria, nec divinare licet. Certum est, adversarios multos habuisse Lubieniecium, non tamen ob scelera & impietatem sed ob avitam Religionem & confessionem omni occasione datà viriliter propugnatam, quo factum est ut latere non potuerit. Nec minus est certum, inquisitionem quae in hujusmodi casibus adhiberi solet, à magistratu non esse institutam. Funus Altenaviam Hamburgo deductum legitimo prohibuissent Concionatores sepulcro, nisi jam in templo Altenavienfi emptum fuisset; nihil tamen omiserunt quo impedire possent, quod potuerunt effecerunt, ne, ut ibi moris est, in exsequiis Scholarum Rectores cum discipulis funus comitarentur. Sit ipsis benignior Deus quam illi fuerint proximo suo ob Religionem duntaxat & Conscientiam gravissimè vexato.

*Sacra Regia Majestatis Regnique Sveciae ad  
Pacificationem in Prussiam Legati commissarii Plenipotentiarum.*

Notum testatumque facimus, quod licet à religione Romano-Catholica in Regno Poloniae Magnoque Ducatu Litvaniae, dissidentes, in Moderno Instrumento Pacis Sueco-Polonicae Articulo, de Amnestia 2do per expressum non sint nominati, dicta tamen Amnestia tam generalis quam specialis, etiam illos concernat, eaque ipsi totà frui debeant. Neque enim Legationi Svedicae mens fuit, ullas Leges antiquas & antiquitus, contra Haereticos sic dictos sancitas, vel etiam novas durante hoc bello (quo merito praesumi debet ac potest,



## VITA AUCTORIS.

potest, nihil esse innovandum) latus; hoc tractatu confirmandi, sed potius, ut hæc Pacificatione cuncta in eum statum, qui ante hoc bellum fuit, reducerentur, nec cuiquam, quod partes sacra Regiæ Majestatis Sveciæ secutus fuerit, sub quocunque prætextu, noxæ & fraudi, sit, efficiendi. Ac prout de declaramus ac testamur, verba in §. 2. præfati articuli: *Secundum leges Regni*: ex parte nostrâ non aliam vel antè hæc admisisse vel etiam nunc admittere interpretationem posse, quam ut unusquisque, sine exceptione & ejuscunque status, Conditionis ac Religionis sit, gaudere debeat iuribus, privilegiis & consuetudinibus, tam in Ecclesiasticis quam profanis, secundum leges Regni, sicut ante hoc bellum observatum fuit. In cuius rei fidem præfens attestatum manibus nostris subscripsimus, & sigillo Legationis majori roborari fecimus. Soborhi die 11 May Anno 1660.

*Comes Magnus de la Gardie.*

*Benedictus Oxenstierna.*

*Christophorus Carolus Schlippenbach.*

*a Guldenclaw.*

(L.S.)

*Godefredus van Schroër,  
Legationis Secretarius.*

I N

## INDEX CAPITUM

### LIBRI I.

1. **P**rimæ in Jesum Christum fides statim altero seculo post excessum Apostolorum corrumpi cepta, a quæ ut Ecclesia Judaica quæ etiam statim post obitum Josuæ & seniorum corrumpi cepit. Quorum conversionum periodi demonstrantur. pag. 2.
2. Deus post tempora Apostolorum Ecclesiam sine testimoniis & institutione veritatis non reliquit. 5.
3. Gradus corruptionis ecclesiasticæ indicantur. 10.
4. Gradus Reformationis demonstrantur. 11.
5. Quomodo reformatio præparamentis sub Sigismundo I. factis in Polonia cepit ab Anno 1546. ad 1550. inclusive Rege Augusto. Hujus res gestæ primò breviter memorantur. 14.

### LIBRI II.

1. **Q**uomodo divinæ veritatis semina ex Italia in Poloniam per Lathum Socinum Anno 1551. allata fuerint. 38.
2. Qua ratione Lismaninus ad veritatis cognitionem & publicam professionem pervenerit quove successu. 40.
3. De his quæ factum Lismanini in Polonia secuta, & aliis in negotio religionis gesta sunt. 47.
4. De proscriptione ablentis Lismanini, & persecutione ulteriori Confessorum veritatis per Andream Zebrydovium Cracoviensem Episcopum facta. 55.
5. De Serveti, Valentini Gentilis, Joan. Sylvani & Bernerdini Ochini dogmatibus & morte & non nihil de Paulo Alciato & Matthæo Gribaldo ac Adamo Ministro Heydelbergensi. 96.
6. De initiis Puræ Ecclesiæ Christi per sententiam Serveti de præ- eminentia Patris à Petro Goncio in Poloniam allatam à Georgio Blandrita & Francisco Lismanino interveniente & utrumque istorum exercente & excitante Franc. Stancari de Mediatore contentione defensam factis. 111.
7. De præminentia Patris per Gregorium Pauli confirmatâ, & Ecclesiâ Christianorum Catholicorum formatâ & stabilitâ post schisma à Stanislao Sarnicio factum. 131.
8. De progressibus veritatis in Litvania ab An. 1558. in provincia Cracoviensi ab Ao. 1559. præcipue in articulis de Filio Dei, de Spiritu S. & de baptismo illustratâ: tum de colloquio Petricoviensi Anni 1562. aliisque rebus memorabilibus. 144.
9. Historia de Despota Principe Valachia, qui in Polonia degens & veritatem Christianam amplexus à Lascio Lafocio & Philippo principatui avito restitutus, à subiectis interemptus est. 153.

### LIBRI III.

1. Quo describuntur progressus veritatis, studia Sarnicii & discordia pro discordia, contra Lutomirskii & Gregorii ac aliorum pro concordia. 158.
2. Quo



2. Quo describitur effectus discordia: excessus Lismaniniē Polonia & vita: persecutio post edictum Partzovianum anni 1564. & lites Pontificum adversus Erasmus Otphinovium, tum Judæum Lublinensem & Semiconiem Aulicū Regium de violato Sanctissimo, ut vocant, sacramento, ubi obiit & de Franco di Franco Italo ac Ivano Tiscovicio Polono Christi martyribus dictum. 168.
3. De Pædobaptismo oppugnato, expugnato, ejecto. 175.
4. De persecutionibus ob impugnata dogmata de Trinitate & Pædobaptismo à Pontificiis & Calvinianis adversus veritatis confellores excitatis 193.
5. De exorto aperto Ecclesiarum Schismate posthabitu in conventu Petticoviano 1565. colloquium. 201.
6. Tabulas ultimæ voluntatis Georgii Schomani, ita integram vitæ & mortis, tum plurium actuum Ecclesiasticorum historiam continens. 207.
7. Certamina de Sp. S. persona & Deitate continens. 208.
8. De studiis concordia inter tolerantiarum dissidia, & certamina, præcipue de Synodis Lancutenſi & Scrinenſi Anno 1567. habitis. 214.
9. De Reformatorum odio in cultores veritatis in Synodo Cracoviensi Anno 1565. exercita, quæ res Andræ Duditiū præbuit offendiculum & sic incentivum subditiad inquirendam veritatem de cujus vita & morte paucis dictum. 221.
10. De itinere à Philipovio & Schomano in Moraviam suscepto, & de fratribus Moravis. 227.
11. De bello Trinitario in Transylvania orto, & certaminibus Georgii Blandiatæ & Fausti Socini adversus Franciscum Davidis pro Christo invocando susceptis. 228.
12. De fundata Racoviâ, & Synodo quæ ibi aliquot annis duravit, habitis de rebus fidei per multos viros pios colloquiis, multis & illustribus divinæ providentiæ super locum illum argumentis usque ad ruinam ejus 1638. factam. 239.
13. De Ecclesiâ Lublinensi ortu, progressu, fine, ubi & de Gozdoviensi ac Zapoviensi Ecclesiis. 253.
14. De eadem Ecclesiâ Lublinensi primum Piascios, inde Siedlicios translata, tandem nupera Suecica calamitate unâ cum reliquis dispersa. 269.
15. De Ecclesiis Submontanis, cumprimis de antiquissima & celeberrima Ecclesiâ Luclaviana in provincia Cracoviensi ubi & de Fausti Socini morte agitur. 272.
16. De Ecclesiis in provinciis Voliniæ & Kioviæ. 276.
17. In quo fragmento quædam ad sequentium temporum Historiam pertinentia afferuntur, in quibus præsertim quomodo Unitarii Poloniæ ejecti sin: post varias persecutiones narratur. 278.
18. Exemplar Epistolæ Unitariorum Exulum ad NN. 285.



HISTORIA

REFORMATIONIS POLONICÆ

*In qua tum Reformatorum, tum Antitrinitariorum origo & progressus in Polonia & finitimis Provinciis narrantur.*

LIBER I.

*Quo demonstratur, quæ Deus pro immensa sua sapientia & bonitate ab initio veritatis Apostolicæ cum hominibus sequentibus seculis egerit, quique per certos gradus reformationem Ecclesiæ in Polonia inchoavit.*

Præloquium.



Um in rebus humanis, consentiente omnis memoria ævi, & suffragante omnium prudentum consensu, ratione & experientia fulso, historia res sit præstantissima & maximè utilis, nemo non videt rem me aggredi permagnam & ratione religionis, rei divinisimæ, & per omnia ac inter omnia maximæ, per difficilem. Nam cum religione consent Respub. benè ordinatæ, eaque animi & affectus hominum ducantur, perquam arduum est citrà quoddam præconceptæ opinionis hinc illinc invidiæ periculum, historiam ejus prosequi. Nisi quod veritatis ingenue, & rei ex fide narratæ beneque gestæ conscientia instar mille testium, & omni exceptione major sit. Ego certè in hoc opere tractando industriam & fidem probabo, & cuncta boni publici studio fideliter & dilucide



explicabo, certæ fidei mixtus documentis, ut & meæ conscientia, & alienæ expectationi ac salutis curæ satisficiam. Spero autem divinâ assistente gratiâ, meditentia horum non pauca, fidei illorum longè plura additum esse.

## CAPUT I.

*Primæva in Jesum Christum fides statim altero seculo post excessum Apostolorum corrumpi cæpta, æquè ut Ecclesia Judaica quæ etiam statim post obitum Josue & seniorum corrumpi cepit. Quarum conversionum periodi demonstrantur.*

UT à capite rem arcessam, tota Christiana religio confessione brevissima Jesum à mortuis resuscitatum esse Christum, Filium Dei ac Regem cælestem, & professione vitæ hac sanctissima fide dignè absolvitur; quod ita & expressis sacris Literis testatum, & communi Christianorum judicio approbatum est, ut solum semper fuerit & futurum sit dogma Catholicum, & ad salutem æternam consequendam unicè necessarium. Hanc tam simplicem fidei confessionem mox ab excessu Apostolorum tot commentis & abusibus corruptam esse haud immeritò mirari quis posset, nisi Spiritus S. toties præmonuisset post excessum Apostolorum subintrare, & ex ipsis Ecclesiæ senioribus & Rectoribus oriri debuisse homines perverfos gregi non parcentes, cum luporum instar lacerantes, aliena docentes, sanis sermonibus Domini nostri Jesu Christi non accedentes, & ei quæ secundum pietatem est doctrinæ non acquiescentes, falsos magistros, crucis Christi inimicos, & id re ipsa evenisse historia Ecclesiastica indicasset, sicut mox visuri sumus. Tàm citò porrò à morte Apostolorum corrumpi divinam veritatem cepisse nemo mirabitur, qui idem planè in Ecclesia Judaica factum esse recordatus fuerit, cum simile testimonio illi quod Egesippus, Auctor temporibus Apostolicis proximus,

mus, & fide dignus, apud Eusebium Pamphili præcipuum, licet partium studio multum obnoxium, historia Ecclesiastica scriptorem, de corruptione Ecclesiæ excessum Apostolorum è vestigio subsecuta, reliquit, in Scriptura S. habeamus. Ita enim, in historia judicium legimus. *Servieruntque populus Domino omnibus diebus Jehosuah & omnibus diebus Seniorum, qui prolongaverunt dies post Jehosuah, qui viderunt omne opus Domini, magnum quod fecit Israël. Et mortuus est Jehosuah filius Num servus Domini, Vir centum & 10. annorum. Et sepelierunt eum in termino hereditatis ejus in Thimnath Heres in monte Ephraim ab Aquilone montis Ghabas. Et etiam omnis generatio illa congregata est ad patres suos, surrexitque generatio alia post eos, qui non noverunt Dominum, & etiam opus quod fecit Israël, feceruntque filii Israël malum in oculis Domini & servierunt Behalim. Et dereliquerunt Dominum Deum Patrum suorum, qui eduxerat eos è terra Egypti, & iverunt post Deos alienos, c. 11. v. 7. & seqq. Quibus verbis, si quid ego video, illa sunt parallela, quæ Egesippus scriptor jam jam memoratus (qui Eusebio teste sinceram prædicationis Apostolicæ traditionem simplicissima Historiæ structura commentatus est, adeo ut illa præclari ingenii monumenta iniquitate temporum perisse merito doleamus, & fragmenta quædam apud Eusebium lati legamus) memoria reliquit, dum & ille describens mortem Simeonis Cleopæ, qui vel Apostolorum, vel Apostolicorum virorum ultimus, Episcopus Hierosolymitanus anno Christi ex 1. ætatis 120. diem suum obiit, in eandem sententiam & veit è regione loquitur: *Ad hæc usque tempora, Virgo pura, & incorrupta mansit Ecclesiæ, iis qui sanam salutis prædicationis canonem corrumpere conati sunt, si tum aliqui fuerunt, in obscura quadam caligine delitescentibus. Postquam autem sacer Apostolorum chorus disferentem sortitus est finem, & generatio illa præterit, tunc impij erroris conspiratio per seductionem eorum, qui alienam doctrinam tradebant, initium cepit, & quoniam nemo amplius superstes erat ex Apostolis, jam nudo vertice contra veritatis prædicationem falsi nominis scientiam ex adverso**



*predicare conati sunt.* 1. 3. *Histor. Eccl. c. 29.* Et cur miretur quispiam & Judaicam Ecclesiam post obitum Josue ac seniorum, & Christianam post Apostolorum & virorum Apostolicorum obitum extemplo corrumpi capisse, cum & vivis Ducibus ac Magistris suis utraque non tantum agrè in mandatorum obedientia & veritate, purà permanserit, sed & ex parte depravata fuerit, & prædictionem de futura defectione voce divina acceperit. *Exod. xxxi. 8. Deut. ix. 16. xxxi. 27, 28, 29. Rom. xvi. 17. & seqq. Gal. III. i. v. i. & seqq. Philip. III. 2. & seqq. Act. xx. 29, 30. & alibi.* Atque hoc est insigne libertatis, sed & fragilitatis humanæ documentum. Quæ quidem utraque in utriusque Ecclesiæ illustri exemplo verbis sacræ & Ecclesiasticæ historiæ exhibitio manifestò cernitur, observatis utrobique notatu dignis periodicis conversionibus: quas, licet rationes illæ Chronologorum multum sæpenumero discrepent, hic quoque attingere non alienum à proposito fuit. Nam sicut Ecclesia Judaica post Ann. à nato Josua Duce centessimum undecimum, ita & Christiana eodem annorum spatio elapso post natum cælestem Josuam, corrumpi cæpta est. Et sicut illa post liberationem ex tristi servitute Ægyptiaca & duce Mose per mare rubrum, hostes Ægyptiacos suffocans transitum in tutum littus salutis, ita & hæc post liberationem ex tristissima servitute satanica, & duce cælesti Mose nostro per mare rubrum sanguinis in cruce effusi, omnes Ægypti spiritualis hostes suffocans, fideles verò lavans & servans in tutum æternæ salutis littus transitum, annos circiter 70. in integritate permansit, tam citò maximorum Dei beneficiorum & traditæ viva voce ac scriptis consignatæ veritatis oblita. Porro sicut à transitu Israëlitarum per mare rubrum, & à salute duce Mose parata, ad Joannis, qui cælestis Mosis æternæ salutis nuncium latum ferentis, præcursor extitit, nativitatem, anni 1517. ita totidem anni ad reformationem à Luthero captam, & partam veritate libertatem, intercedunt. Denique ut instituta Christi Ecclesia impleta illa ab exodo Israëlitarum ad Christi præcursores annorum 1517. periodo, intra 5. annorum

rum

rum septenarios plenam libertatem sanguine Christi partam, ita & restituta Ecclesia, impletâ simili ad exordium reformationis periodo post annos 30. circa annum scil. 1550. perfectam reformationem & libertatem divino beneficio consecuta est. Atque ita admirandam divinam sapientiam & justitiam, dum ista temporum momenta à Deo nobis rebus ipsis, exhibita, contemplamur licet illa abstrusa consiliorum ejus adyta temerario ausu non invadamus, nec illa temporum momenta, quæ Christo teste, Pater in propria posuit potestate, curiosè exploremus.

## CAPUT II.

*Deus post tempora Apostolorum Ecclesiam sine testimoniis  
& institutione veritatis non reliquit.*



Ntequam de reformatione Ecclesiæ dicere aggredior, monendum puto, Deum pro inculcata sua justitia, & paterno in genus humanum studio, satis adjumentorum ad salutem consequendam necessariorum benignè cunctis suppeditasse. Reliquit enim & commendavit semper hominibus sanâ ratione & judicio præditis Scripturam Canonicam, quam ut perfectissimam, sufficientissimam & clarissimam veritatis salutaris magistram, infallibilem esse fidei normam, & cuncta ad salutem creditu & factu necessaria continere, & res ipsa docet, & consentiens totius antiquitatis vox testatur. Dabat etiam subinde primæ veritatis testes, vel saltem, ubi adversa factio prævalens, ingrato usque ad perversitatem & tyrannidem animo, indignam se gratiâ divinâ reddiderat, veriora monentes, licet & ipsos erroribus obseptos, ne præcipiti lapsu in vitia ruentes, & errores erroribus accumulantes sine testimonio veritatis & gratiæ suæ relinqueret. Hic se mihi latissimus dicendi campus aperit, ut testes illos veritatis, licet errorum non immunes, ideo cum delectu & judicii

A 3

discre-



discretione recipiendos, per certas seculorum classes disponam. Nempe quarto seculo, quo Christianorum impotens Sacri & profani Ordinis potentia, & veritatem & pietatem Christianam magis magisque corripuit, ponerem illos Latinos Ecclesiae Doctores, & plerosque Graecorum, asserentes prerogativam patris, quem auctorem & causam Filii, hunc hominem verum à Deo exaltatum, & Spiritum S. munus Dei, nequaquam Deum dixere, tum & arbitrii libertatem & praedestinationem de universis hominibus, & cum conditione fidei ac obedientiae factam, ideoque non nudam, sive solam fidem, sed cum bonis operibus, ut ad salutem necessariis junctam docuere. Ponerem Concilia integra, Ancyranum quidem, & Gangrense & Toletanum. Cleri. celibatum, Eliberinum verò imagines damnantia, nec non Carthaginense. 3. solum Patrem ad altare invocari debere decernens. Ponerem Augustinum tot veritati consona, ut patrem Eucharisticum esse signum corporis & passionis Dominicae figuram, corpus Christi caelestibus spatiis contentum, sanctos solà imitatione adorandos, Mediatorem unum à Deo datum gloriam apud Patrem ante facta mundi fundamenta in praedestinationis certo decreto habuisse docentem; Epiphanium imaginem Christi quae in templo suspensa tunc primum apparuit lacerantem, & contra Mariolatram, quae tunc exoriebatur, graviter detonantem. Ponerem & Aërium, contra delectum ciborum, & pro aequalitate, Presbyteri ac Episcopi stantem, Eustachium Macedonianorum & Trinitariorum errores moderantem, Euphratam, Marcellum, Photinum aliosque dogmati de summa Christi divinitate, Vigilantium Sanctorum & reliquiarum venerationi & celibatui Cleri, ut enascentibus erroribus contradicentem: Tum & ipsum Arium ac Donatum cum sequacibus, qui gladio armatam Homousianorum factionem perdomuere. Ponerem omnium sequentium seculorum classibus non tantum singulos Doctores, sed & in Conciliis congregatos veritatis testes tum superioribus, tum post hac inventis erroribus contradicentes. Nec allegarem solum proletarios illos Pelagios, Scotos, Samsones, Serlones, Bertramos, Berengarios, Petros de Bruis & Baillardos, Henricos, Arnol-

dos

dos, Valdenses (quibus certè ob singularem pietatis constantiam multum res Christiana debet) de quorum uno, nempe de Baillardo Bernardus Abbas ille Celeberrimus memoriae scriptum reliquit: *Cum de Trinitate loquitur, sapit Arium, cum de gratia, sapit Pelagium, cum de persona Christi, Nestorium.* ep. 194. ac Baronius tria in eo notat, quòd rationem fecerit iudicem Articulorum fidei: quòd in doctrina de Trinitate inieperit, & mortem Christi esse nostram satisfactionem coram Deo negarit. Annal. T. XI. Anno 2140. ) Almaricos, Occamos, Alvaros, Taule-ros, Viclefos, Hussos, Weselos, Platinas, Savanarolas, & infinitos alios. Aurum enim est aurum in cuiuscunque manibus deprehendatur, licet nondum ambusta multiplici igne scoria purgatum, sed collocarem & ipsos Casares videl. Philippos, Leones, Constantinios, Carolos & Othones Magnos, Ludovicos Pios, qui Pontificum vitia & corruptelas Ecclesiae magno studio correctum ivere. Sed hoc in praesentia nostri non est instituti. Alias cum Bono Deo non tantum ex script. Sacrae auctis & Rationis sobriae penetralibus, sed & ex Antiquitatis monumentis veritatem Primam producemus. Quam puram mox post Apostolorum tempora defuisse, non sine causa ex illis Apostoli Johannis de ultima hora appetente loquentis verbis quidam colligunt, cum res ipsa clarè loquatur eam è vestigio, excedentibus Apostolis veluti recessisse. Quod cum Egesippus expressè doceat, tum verò & alii multi testimonio fide dignis, & evidenti veritati suffragantibus confirmant. Nicephor. l. 1. 41. c. 1. Neand. hist. Eccl. p. 322. Centur, Magdeb. 2. c. 1. & c. 3. tit. *Inclinatio doctrinae* (quoniam saepius ibidem veritas pro errore, & alibi error pro veritate ducatur: ) Daillæus l. 2. de vero usu Patrum c. 6. & alii. Producunt quidam viri in putandis temporum rationibus accurati, Funceius & Alstedius illam Evangelii munditiam paulò longius, ille quidem ad ann. à Christo Nato 190. hic vero ad 194. uterque ad tempora victoris Papae. Quod etiam instituto nostro multum favet. Victor enim ille primus fuit, qui Antichristiano ausu dissentientes, etiam totius Asiae Ecclesias levi de causa, anathemate ferire sustinuit, quos inter & Theodotus

A 4

Byzan-



Byzantinus Vir multæ doctrinæ fuit , Qui Christum à Deo divina potestate donatum , ante Matrem extitisse , multis id post tempora Apostolorum affirmare ausis , constanter negavit , quod & Artemas vel Artemon circa ead. tempora , magnâ fecit fiduciâ , & non exiguum sequacium numerum , scindente se in partes Ecclesiâ , habuit.

Quorum etiam protestatio Actis Historiæ Ecclesiasticæ Euseb. l. 5. c. ult. quamvis ab adversariis conscriptæ , inserta est , eos scil. ita de antiquitate hujus Sententiæ gloriosos fuisse , ut Majores omnes etiam ipsos Apostolos eadem sensisse ac docuisse , quæ illi , servatamque eam prædicationis veritatem usque ad tempora Victoris magnò animo dixerint & asseruerint. Quos postea Paulus Samosathenus Antiochiæ circa ann. 270. & Photinus Syrmii Episcopi circa ann. 350. strenuè , etiam Episcopatibus relictis , secuti sunt , nec paucos fecere discipulos , quos magis magisque crescentes adversa factio , præsertim postquam metu persecutionis soluta gladium potestatis civilis ad se rapuit , oppressit. Hos omnes unius Dei Patris rerum Creatoris & ejus filii Jesu Christi , ab eo ut geniti , ita excitati & exaltati asserunt , veritas toto script. S. Codice clariss. propozita & firmissimè munita , tuetur , & ipsæ adversantium Catholicæ huic veritati suffragantium consensu , nisi quod isti plura velint. Quis enim ad infallibilem scripturæ S. normam fidei & salutis opus componere volens non meritò ac libenter credat , Unum Deum , Deum Israël , summum rerum potenti verbo & voluntate Creatorem & benignum sapienti providentiâ , quæ circa homines , præcipuè fideles , paterna luceat , conservatorem & Rectorem esse ? Quis item non credat & agnoscat hunc Deum omnes ideò , misso ad prædicandum & divinis miraculis confirmandum Evangelium salutis Jesu Nazareno , filio suo unigenito , utpote quem Spiritus sui S. virtute in utero castissimæ virginis genitum eadem illa virtute admirabili instructum , perfectissimum voluntatis suæ Interpretem , & ad homines Internuncium ac sequestrum , postea & obita morte atrocissima Redemptorem mundi , & tandem à mortuis excitatum Dominum ac Regem cælestem , summum Pontificem & Judicem vivorum & mor-

mortuorum esse voluerit , ad poenitentiam & fidem salutarem vocare. Quis item sibi & humano generi non gratuletur , eundem credentes eligere , & ob veram , quæ scil. per caritatem operetur , & bonis operibus animata sit , fidem justificare , justos pronunciare , justitiâ suâ eis per illam fidem imputatâ , ac porro vitæ æternæ præmio donare ? Quis porro non credat , & plurimum mortalium genti gratulans non confiteatur eundem Clementissimum Patrem gratuitæ remissionis peccatorum pignus & auctorem sanguinem Filii dilectissimi dedisse ? Quis non gaudeat eundem sacro lavacro in nomen Patris , Filii & Sp. S. ablutis , & confessione sua dignè se gerentibus , mortem Christi Servatoris , quem humano generi ut victimam piacularem , unico sacrificio peccata populi expiantem dederit , & memoriam tum fracti corporis fracto pane benedicto , tum sui sanguinis fuso vino cum debita Eucharistia celebrantibus , ac vitâ Sanctæ communionem cum capite suo & corpore ejus testantibus , arrhabonem futuræ illius hereditatis Spiritum suum S. qui ex eo sit & procedat , fidelium Magistrum & Paracletum dare. Quis non exultet præ letitia ex præstanti hac cognitione conceptâ , hoc doctore & ductore cunctis , viam æternæ beatitudinis calcantibus , & Sanctæ Ecclesiæ uni capiti Christo subjectæ , membris , uni Deo per Christum Mediatorem unicum puro corde serviendum esse ? Quis si vel integra Biblia sacra , vel omnium , quotquot de religione unquam scripsere , Commentarios , illos scil. quibus unius hominis non sufficit ætas , evolvens non agnoscat hæc paucis , ad salutem necessariis , propterea & clarissimè in scriptura expositis & toties inculcatis , totam Christianam religionem , quod ad credenda & facienda attinet , absolvi , atque hanc non aliam , esse veritatis Catholicæ medullam , quæ licet adscititiis Commentorum humanorum putaminibus tecta latuerit , semper tamen in Ecclesiâ manserit ? quis denique has utpote genuinas Ecclesiæ veræ notas , cuique ad salutem sufficere negare audeat , nisi qui commodæ & concinnæ vestis caudas non tantum non necessarias , sed indecoras & incommodas assuere velit ? Satis constat talia posteriorum seculorum esse signenta , non autem primævæ



simplicitatis indicia : quæ longè minus subtilitatis & ceremoniarum , sed tanto plus solidæ pietatis habuit.

## CAPUT III.

*Gradus corruptionis ecclesiasticae indicantur.*

**Q**UAMVIS plurima scripta sub nominibus veterum Ecclesiæ Doctorum etiamnum invitâ veritate , & prudentiorum censura reclamante venduntur , multa etiam illis per vim & summam perfidiæ malitiam vel infarcta vel ablata sint : satis tamen constat principalem fidei doctrinam de Deo ita ad Concilii Niceni tempora tradi , ut Patri Unius Dei prærogativa relinquatur , Filio existentia & divinitas antè secula , sive ab initio rerum ( per quod Veteres Ario præstruxisse viam nemo non videt , & multi adversariorum fatentur ) adscribatur , Spiritus autem S. personalitas à nullo eorum , ut nec ab ipsis Concilii Niceni Patribus , affirmetur . Posthæc demum stabilito Trinitatis , præcipue quale affectum ( iudicibus Magnis viris Camerario , Pelargo , Vossio aliisque ) Athanasio Symbolum orbi Christiano indixit , dogmate reliqui errores introducti . Mox enim illa commenta de necessitate baptismi , ideoque & Eucharistiæ infantum , de Invocatione SS. de cælibatu Cleri , de Romani Pontificis præstantia dignitatis Oecumenicâ , quæ tandem in Antichristianam , ipsorum Antiquorum & celeberrimorum Romanæ Ecclesiæ Antistitum & Doctorum , Gregorii M. Episcopi Romani , Bernhardi Abbatis Claravallensis ( qui & inter SS. relati ) Eberhardi Archiepiscopi Salisburgensis aliorumque iudicio , superbiam & tyrannidem , infinitorum errorum & abusuum magistrâ & acerrimam patronam evasit , aliaque demum plura impatiens primævæ simplicitatis curiositas invenit . Cæterum de his quoque pluribus disserendi occasio in Comm. de Verit. Primavera dabitur . Sufficiat hic in præsentia , quibus gradibus tanta Ecclesiæ depravatio introducta sit , indicasse . Nunc quibus gradibus Deus eam ex Ecclesiâ abstulerit , videamus .

CA-

## CAPUT IV.

*Gradus Reformationis demonstrantur.*

**Q**Uia statim post Apostolos specioso & impunius eoque facilius & felicius fallente religionis prætextu ambitio Pontificum , Romæ præsertim à Victore suprâ nominato magis magisque crescere & varios per orbem Christianum errores ac abusus , obtentu Apostolicæ auctoritatis diffundere cepit , & tandem ad supremum interris divinitatis gradum grassata , cuncta divina humanaque sub sua jura arroganter traxit : ac demum totam religionem Christianam in Idololatriam & superstitionem ac operum meritoriorum , imò & supererogatoriorum , quæ vocantur , stultam confidentiam mutavit : ideo ab illa deprimenda & hæc castiganda Deus reformationem Ecclesiæ orsus est . Ac usus quidem est hic impetu ignei Lutheri , Adjunxit tamen ei Philippum Melancthonem & Bucerum , quorum prudentia & moderatio magno ei fuit adjumento , Carolostadio quoque & Buckenhagio strenuè se hic gerentibus . Atque sic Lutherus in primo veritatis gradu constituit homines , his legibus latis & sancitis : Solam Scripturam Sacram esse credendi regulam ; traditiones ei contrarias nequaquam esse admittendas : solum Christum esse caput Ecclesiæ , & Papam qui se illud faciat , esse Antichristum ; solum etiam Christum esse Mediatorem , ideo sanctos invocandos & imagines adorandas non esse : lolo Christi sacrificio unico peccata hominum esse expiata , ideo in Sacra Eucharistia nullum esse sacrificium , nec panem , qui in illa adhibetur , transubstantiari seu converti in ipsum Christi corpus : liberam esse & Verbi Ministris matrimonialem copulam , & populo SS. Literarum Lectionem : duo Sacramenta tantum à Christo instituta esse , Baptismum Scil. & Eucharistiam : nullum esse Purgatorium : opera bona non esse meritoria , in strictiori significatione . Et in hac quidem ardua materia Deus homines ab extremo ad medium revocare cupiens Lu-

the



therum, in alterum de solâ fide extremum deflectere permittit. Sed non eo fine ut huiusmodi extremo adherente crederent, bona opera nequaquam homini sive iustificando sive iustificato ad salutem necessaria esse, sufficere solam fidem & per eam meritoria Christi satisfactionis applicationem docendo. Hoc enim vel maximè Scripturæ Sacræ, quæ tota nil nisi bonorum operum studium & præceptorum Dei ab iis, qui servari cupiunt, observationem docet & inculcat, adversatur. At verò Deus illa Lutheri institutione id intendebat, ut omnes recti & cæli amantes ut in medio veritatis consisterent, fidem in opera bona exeuntem, sive cum iis, ut arborem cum fructibus, & corpus cum anima conjunctam, & per charitatem efficacem, ac in observatione mandatorum Dei consistentem servare, & per eam nobis Deum iustitiam suam imputare. At qualibus? Scilicet tanti ejus beneficii, quod Unigeniti Filii sanguine peccata nostra delere, & ad ea abicienda nos allicere voluerit, gratis, & gratum nostrum animum ex officii ratione, non tantum recolenda solemni ritu Eucharistico mortis Christi memoria, sed & tota vita ex præscripto ejus agenda perpetuo testantibus. Verum enim verò per Lutherum nec arrogantia Ecclesiæ ministrorum satis coercita fuerat, relicta illis Confessione Auriculari & peccatorum remittendorum licentiâ satis quæstuosâ, ac proinde ad ambitionem & populo, ipsique Magistratui gravem potentiam viâ, ac Missæ memoriâ. Tum & reliquæ Romanenses in Consubstantiatione Eucharistica & tolerandis imaginibus aliisque permanferint. Ad hæc noxia dogmata de separandis à fide, sive excludendis à Justificationis negotio bonis operibus, aliaque irreperant. Ideo emisit Deus Zwinglium, Oecolampadium, Calvinum & Petrum Martyrem, qui multum arrogantia Sacræ detraxerunt, imagines templo eiecerunt, Missæ quoque memoriam & alios non paucos, nec parvos abusus sustulerunt; bonis verò operibus nonnihil elogiorum, salva tamen Christi satisfactione attribuerunt, Consubstantiationem Eucharisticam, & realem præsentiam orali manducatione auctoratam, in spiritualem corporis & sanguinis præsentiam commutarunt. Horum autem nonnulli Zwinglii dogmate non contenti, tum novitatis tum concordie

diæ studio, Sacramentalcm, suo tamen modo realem præsentiam manducatione spirituali velatam commenti, in latissimum Sacramenti (vocis Spiritui S. ignotæ, & ut militari potius, quàm Theologicæ, ita rixis & contentionibus obnoxia) campum educis aciebus cum Lutheri assensibus usque adhuc acerrimè diglantur. Illos reformationis gradus attingit vel indicat Andr. Fricius Modrevius Sylvæ 3. tract. 1. c. 8. Sic autem ille: *Regnabant olim in Ecclesia missarum mundinationes, purgatorii ignes, indulgentiarum mercatus, patronorum auxilia infinita, & artes variae regni cælorum precio comparandi. Hæc a Luthero profligata, nemo non novit. Zwinglius missarum panopliam sustulit, atque evertit. Postquam ita Deus homines in tenebricosum idololatriæ & variorum commentorum carcerem detrufos per certos gradus in admirabilem veritatis cælestis lucem reduceret, satis declarabat non tantum non esse retrocedendum (quod tamen & illi ubique, & hi Sacramentali præsentia noviter inventa pravo fecere consilio) sed ulterius assuetis paulatim tenuiori luci oculis progrediendum, & in apicem veritatis prodeundum esse. Egregio hîc exemplo lucent, quos vulgus modò iniquis Ebionitarum, Paulianorum, Samosathenianorum & Socinianorum, modò etiam invicem sibi repugnantibus Ariatorum & Photinianorum appellationibus onerat, veritatis verò confessio Christianos constituit, agnoscit, & promulgat. Neque enim alium & Dei Filium & Mediatorem & Servatorem & Magistrum ac Dominum, quàm Jesum Christum ex Spiritu S. conceptum, ex Virgine natum, à Deo resuscitatum & glorificatum credunt & confitentur. Hæc pura & verè sola Catholica tum clarissimis Scripturis Sacris passim prodita, quàm omnium Christianorum omnibus sæculis & locis consensu confirmata veritas, quæ in Polonia & provinciis ei adjacentibus initium sumpserit, jam est exponendum.*



## CAPUT V.

*Quomodo reformatio praparamentis sub Sigismundo I. factis in Polonia cepit ab Anno 1546. ad 1550. inclusivè Rege Augusto. Hujus res gesta primò breviter memorantur.*

**S**I rem ab ovo, ut dicitur, arcessere volumus, Regi Sigismundo 2. nomine & re Augusto, Principum Laudatissimo Deus Opt. Max. hanc felicitatis prerogativam tribuit, ut sub eo, utpote & rerum pace belloque gestarum gloria & virtutum elogis Clarissimo, tantum opus in gente generosa, quæque altos gerit spiritus, perageret, quo hac ratione Christus olim sub Augusto, in Judea natus, sub Augusto, felici omine, in Polonia renatus, in corpore nempe Ecclesiæ cerneretur. Nam talem & tantum Principem hostes metuebant, mirabantur exteri, colebant vicini, venerabantur subjecti. Ille enim est, cujus auspiciis Nicolaus Sienavius, unus ex Proceribus Regni, pulso Stephano Alexandrum Valachiæ Anno 1552. præfecit, qui Dantis canos motus plebe contra Patres confurgente quiescere, & antiquis legibus vivere iussa eodem anno composuit. Ille Henricum Ducem Brunsvicensē affinem 1554. Prussiā submovit. Ille istius provinciæ res deinceps fortiter curavit & composuit, dum 1566. missis Commissariis, Joan. Funccium celebrem illum Chronologum, aliosque factionum cum Joan. Alb. Duce Meekelenburgico intarum reos, ultimo supplicio affecit. Ille Guilielmum Fürstenbergium Ordinis Theutonici in Livonia Magistrum 1557. in officium redegit, Livoniam Reip. adjunctam contra tyrannidem Joannis Basilidis Magni Ducis Moscoviæ provinciam illam 1558. invadentis, tuendam 1559. suscepit, & mox anno sequenti ad Mariæburgum exercitum ejus per Ducem Alexandrum Polubinskum clade affecit. Ille Gothardum Kelerum Ducem Curlandiæ 1562. creavit. Eodem Anno in Comitibus Petricoviensibus executionem jurium prudenter orsus legibus

gibus Remp. condidit. Ille anno sequenti duce Stanislao Lesniowolscio Castellano Czerlensi ad Heveliam mille quingentis hastatis 40. millia Moscorum ita profudit, ut supra 8. millia eorum ceciderint. Ille paulo post Nicolao Radzivillio Palatino Vilnensi & supremo militiæ Lithuanicæ Præfecto ac Gregorio Chodkevicio exercitum 10. millium ducentibus, 20. millia Moscorum (Starovolicus hic liberalior, ibi 7. hic 30. millia ponit, quamquam & alii hic 25. millia putent) ad Vlam delevit: Ille Anno 1565. duce Stanislao Cikovio, tum & Philone Cmita, sequentibus autem 1566. 67. & 68. annis per Colacos Vitepenses Moscoviam perdomuit. Inter hæc Duce Romano Sanguilcovicio 8000. Moscorum fudit ac paulo post victoriæ præmium Vlam recuperatam tulit, per Sapiebam fortem 5000. armatorum duccm Vendam defendit, & 24. Moscorum atque Livonum millia, teste Starovolscio, unâ acie prostravit. Ille Tartaros crebras in Poloniæ confinia, quandoque & interiora excursions facere ac raptò vivere fuetos, solo virtutis coërcuit metu; præsertim cum eos Albertus Laski Palatinus Siradiensis 1568. insigni ad Oczacoviam, quâ se Borylthenes & Bohus in Pontum Euxinum exonerant. Ille affecisset clade Turcarum Imperatorem Solymannum, illum Ungariæ Victorem & terrorem orbis, toto imperii, quod annis propè 20. tyrannus se vivente obtinuit, tempore (annus nempe 1520. ætatis Augusti & imperii Solymanni fuit primus) & bellica laude & artibus pacis, solâque nominis reverentiâ ad colendam amicitiam impulit; ut & filium ejus Selyum, qui ad firmandam pacem & amicitiam 1569. Ibrahimum Bassam, natione Polonum, ad eam miserat; Hoc anno novus hic Salomon Joannem Scopusum electum Hungariæ Regem, sororis Isabellæ filium cum Maximil. 2. Imperatore; anno autem sequenti Joannem Sueciæ Regem alterius sororis Catharinæ maritum cum Friderico 2. Rege Daniæ, reconciliavit, & Moscum integro amplius decennio Victor, semper ad quiescendum coëgit. Ille est denique qui eodem illo 1569. anno, Deo pacis tempora Augusti oleâ & lauro coronante, in Comitibus Lublincensibus, in quibus & de Mosco toties victo,



cto, accepta Vola, triumphum egit, difficillimo Litvanica cum regno conjunctionis negotio 1569. finem sapienter ac feliciter imposuit: Rempub. pacavit variis commissis dissidiis, & summam cum laude Pietatis, Justitiæ, & ut Clementiæ ita & Patientiæ singularis ac Prudentiæ eandem rexit: Verbo, pace, bello, domi forisque Inclytus extitit, & tantis meritis veniam leviorum vitiorum, quibus non caruit, impetravit facilem. Hujus itaque Gloriosissimi & Optimi Regum temporibus, Deus reformationis initium in regno fieri voluit, ut nemini salvâ tanti Regis reverentiâ tantum opus impedire liceret. Ac primum quidem nonnulli Ecclesiastæ, nominatim Joan. Cosminus & Laur. Prafnisius, dictus Discordia in Aula Regis contrâ compertos errores & corruptelas Ecclesiæ invehebantur. Sed & Cracoviæ post illam magnam pestem, quæ in urbe illa Anno 1543. 20. millia hominum hausit, locustarum multitudine, quæ nunquam impunè videtur, prænuñciatam, veluti exercitis ad humilitatem & dispositis ad veritatem indagandam animis, quidam Concionatores idem, occultius tamen fecere. Inter hæc illustre exemplum Johannis à Lasco Deus Sacro præcipuè Ordini Anno 1540. proposuit. Ille enim illustris prosapiæ, & magnæ doctrinæ Vir cum Præpositus Gnesnensis & Lancienensis, & in Episcopum Vespriensem nominatus esset, veritatis principis ex Institutione Lutheri, Zwinglii & Calvinii haussis, & Sacrum Ordinem & Papatum & patriam anno indicato reliquit, ac in Belgium, dehinc in Angliam se conferens, uxorem duxit. Dum in exteris ageret in promovenda veritate, & componendo bello Sacramentario strenuè desudavit. Sed de hoc viro præstantissimo plura inferius dicturi, nunc in instituto sermone pergitur. Circa illa tempora exemplum Prussiæ reformari juxta institutionem Lutheri capta, & Confessionem Augustanam Anno 1530. Caesari Carolo V. in Comitibus Imperii exhibitæ publicè & liberiùs post superatam, Rege Sigismundo I. Anno 1526. obortam difficultatem, Joanne Scholtz, ex Magistratu, & 13. aliis templa Pontificia audacter repurgare volentibus, fatalem, docentis, non paucis in regno reformationem amplectentibus animos addidit. Tanto magis

magis quòd & Albertus Dux Prussiæ Regis Sigismundi forore natus multorum Principum & statuum Imperii exemplo Confessionem Augustanam subscripserit, & polonorum illuc agentium vel illuc adventantium causa suis sumptibus Regiomonti aleret, Concionatorem Polonicum Ioannem Seclucianum, qui ibi studio & sumptu suo procuravit editionem 4. Evangelistarum Polonicam & aliquot libellos lingua Polonica contrâ invocationem SS. & alios abusus, publici juris fecit. Injecerat enim multis in regno terrorem triste Catharinæ Melchioris Vogelii Consulis Cracoviensis uxoris (Zalasoviam Stanislaus Budrinus in MS. rerum Polonicarum Commentario vernaculo c. 4. vocat) exemplum, cum enim illa Ecclesiæ Romanæ corruptelas, præcipuè circa hostiæ adorationem Idololatrieam, perstringeret, ad rogum à Petro Gamrato Episcopo Cracov. Ao. 1539. (quo ipso Faustum Socinum, Virum illum Clarissimum, patre Alexandro, matre Agnete Petruccia, ita parentibus nobilissimis aliquot Pontifices Romanos & plures Italiæ Principes sanguine complexis, natum Senis, memoriæ proditum accepimus) damnata, tanquam ad nuptias ivit ad supplicium, & læta acerbam subiit mortem. Non dissimulo, invenisse me in Chronico Lucæ Gornici Præfecti Ticocinensis, suspectam eam Judæismi fuisse, quod Filium Dei, credo, ex essentia Patris ab æterno genitum, negarit. Episcopus ille singulari Regi-næ Bonæ, matris Augusti favore & Episcopatum dictum annuo censu, & Archiepiscopum Gnesnensem primatus dignitate in Regno primum consecutus, & omnia pro libidine agens, quòd exquisitis cænarum ingeniis pinguem aqualiculum farciens, Epicuream vitam agere vulgò diceretur, impietatem cælo (quod vitium & hodie proh dolor! frequens est) velare satagebat. In Archiepiscopatu Nicolaum Dirgovium, in Episcopatu Samuelem Macieovium habuit successores, quiveritati puriori in Poloniam introduci capta acriter se opponebant. Ille præsertim. Nam Maciejavius & genio & ingenio melior, in dissentientes æquior erat, & teste Orichovio, Annal. 3. *Lutherana factionis homines magis perterrefaciebat minis quam suppliciis afficiebat.* Quà ex re nonnulli aluisse illum in Diaceli hæ-



refin Lutheri affirmabant. Budzinius tamen hypocritam & rectum veritatis ejusque cultorum adversarii fuisse dicit & exemplis docet. Hunc sive moderatiorem Episcopum Cracovienses, sive magis occultum adversarium pii nacti, in veritatis inquisitione magis magisque proficiebant. Agebat tunc in urbe Joannes Tricesius Senior, vir & nobilitate generis, & Literis a linguarum Hebr. Græcæ & Latinæ cognitione Clarissimus qui & instructissimam habebat Bibliothecam. Is femina, veritatis à magno Erasmo hausta unâ cum socio studiorum Bernerdo Wojewodka honesto sive imò & Prætoris ac typographo Cracoviensi spargebat apud Franciscum Lismaninum illum Corciraum. Iste licet Ephorus Monasteriorum de Francisci & claræ familia, Regina Bonæ à Confessionibus & Parosus Cchovenis fuerit, ex lectione tamen Concionum Bernardini Ochini Itali, Viri inter suos Romæ doctrinæ, eloquentiæ & pietatis Laudibus Clarissimi, & ob parthesiam Româ profugi, à Regina Bona sibi dono oblaturum, totam religionem Romanam in suspicionem traxerat: sæpius autem illuc veniebat Jacobus Prilufius Notarius Castrensis Cracoviensis & Juris consultus Clarissimus, cujus statutum lingua Latina compositum habetur: & Andreas Fricius Modrevius Secretarius Regius, vir undequaque Præstantissimus, cujus præclara ingenii monumenta etiamnum habemus: qui quid de rebus fidei senserit, non est difficile videre, iis qui cum judicio opera ejus legunt. Tantò magis quod & Prilufius Petro Kmitæ Palatino Cracoviensi & Marechalco Regni percharus, veritatem puriorem ei & Aula ejus feliciter instillaverit; Calibatum Cleri & alios abusus oppugnaverit, & Fricius cum per eruditionem ad maguos honores pervenire potuerit, mediocri fortuna cum veritatis cognitione contentus vixerit. Hæc quæ de illis retuli a. 1545. 1546. & 1547. in dicto Budzinii Comment. gesta reperio. ut & singulare quippiam in domo Tricesii illius a. 1546. evenisse. Cum enim is Fricium, Prilufium, Wojewodkam & Virum quendam pium ac in Script. exercitatum, natione Belgam, cui nomen Spiritui, ad prandium invitasset

vitallet, referente ipso Fricio Sylvæ I. tractat. 2. p. 81. antequam ad capiendum cibum accederent, in Bibliothecam Convivatoris omni scriptorum genere refertam se conferentes, quisque hunc vel illum librum arripens, Belga ille in libellum quendam precationum Christianarum incidit. In quo (verba sunt Fricii) cum reperisset precationes, unam ad Deum Patrem, aliam ad Deum Filium, tertiam ad Deum Spiritum S. Huj. inquit, nos compellendo, Tres-ne vos habetis Deos, & Boni? Cumque responderemus, Deum nos habere unum, qui in unitate essentie tres personas habeat. Atqui, inquit ille, Quod habet, & quod habetur, diversa sunt. Est igitur diversus Deus ille tres habens, ab istis tribus, qui ab illo habentur. Tu verò, inquit, nos, sophistam agis, & Spiritus. Simplex confessio nostra est, unum Deum esse essentia, trinum personis. Est igitur, inquit ille, Deus vobis & trinus, & unus. Certè, inquit, sed alio & alio respectu. Tum ille, Si igitur iste trinus, unus est, cur diversis orationibus eos compellatis? Cur in his orationibus, diversa beneficia, que in genus mortalium conferant, ab illis petitis? Hæc tum inter nos ultrò citroque dicta fuere. Cum enim rem omnium certissimam esse crederemus, ac religione prohiberemur de ea contentiones serere, sermonem ad res alias convertimus. Eandem rem brevibus referens Budrinus c. 4. addit, sermonem quidem aliorum fuisse tunc conversum, interim tamen convivæ hoc notasse, & questionem de Trinitate scil. in Polonia exortitum tulisse domum. Nam & Fricius addit: Verum ego rem postea diligentius expendens, tacitus mirabar, qui, feret, ut, cum personarum actiones externa omnes indivisæ esse censerentur, orationibus diversis eas appellarem: separatim patrem orando; separatim filium, separatim Spiritum Sanctum: & deinde unâ oratione Trinitatis opem implorando. Non secus, quam, si quis distinctis precibus petat aliquid à Petro, Paulo. Andrea, Jacobo, Philippo; & deinde una prece ab Apostolis omnibus auxilium flagitet: quorum ut persone, ita essentia distinctæ sunt. In vulgaribus libellis precationum extant ejusmodi orationes distinctæ ad tres personas. In quibus & res, quæ ab eis petuntur, distinctæ,



ni fallor, numerantur. Quod haud scio an novo exemplo fiat. Ac pluribus id deinceps persequitur. Solebat autem sæpè illis conventibus & colloquiis piis interesse & Jacobus Uchanius, qui tum nonnisi Canonicus Cracoviensis & Referendarius, sive supplicum libellorum magister fuit postea autem per varios Episcopatus ad Primatalem Archiepiscopatus Gnesnensis dignitatem pervenit: nec non Adamus Drevicius, & Andreas Zebridovius itidem Canonici Cracovienses, quorum hic Maciejovio illi in Episcopatu Cracoviensi postea successit, & ut videbimus, acerrimus veritatis cultorum persecutor extitit, ut similem impietatem, exemplo Gamrati pari cacozeliã tegeret. Quod etiam de Uchanio perhibetur. Suspectum eum, cum episcopatum Chelmensem gereret, (ut & Joannem Drohojovium Episcopum Cujaviensem) hæreseos, & eo nomine à Pontifice Romano Julio III. graviter admonitos, Bielscius hist. Polon. l. 1. p. 599. & 608. memorat. Piascius verò licet & ipse Episcopus, ita de eo scribit: *Jacobus Uchanski cum ob suspicionem hæresis pro Episcopatu Uladislaviensi confirmationem Romæ obtinere non posset, præconis ministerio possessionem illius Ecclesiæ invasit: & notatus propterea à Summo Pontifice Romano anathemate, ipse quoque in eum maledicta sparsit.* Sed & de Petro Episcopo Kioviensi Caspar Ciechocius Canonicus & parochus Sendomiriensis in Alloquiis Osiecentibus memoriæ prodit, cum Lutheranam potiùs quàm Catholicam religionem profiteri maluisse, Certè & Fricius dehinc eundem illum Uchanium non tantum ut Primatem, sed & veteri illa benevolentia sibi conjunctum, & dissentientibus cæteris æquiorum adque restaurandam concordiam proum in præfat. Sylvæ, 4. compellat. Erasmus Ovinovius gente Gryphius, vir pius & solers libelli de Heroibus Christianis auctor, in Thomæ Falconii (qui Ecclesiæ Lublinensis Cathedralis mysta & Concionator, ob agnitam veritatem in vincula coiectus, & ex illis liberatus harmoniam 4. Evangelistarum maternâ lingua composuit, & in agnita veritate constans permanfit:) vita memoriæ reliquit, Drohojovium illum Romano Pontifici se opposuisse, præcipuè

cupuè verò dictum Uchanisum, jus confirmandorum Episcoporum Pontifici Romano eripere voluisse, citatum ab Inquisitoribus fortiter restitisse, contra bullam citationis, sive dicam dicam Româ sibi impactam scripsisse, idque censuræ Ecclesiæ renascentis obtulisse, & propè rem eò deduxisse, ut Polonia proprio Patriarchæ subiecta esset. Cæterum Drevicius ille veritati constanter ad ultimum favit. Atque is unâ cum Tricesio & Wojewodha libros Lutheri, Zwinglii & Calvinialiorumque, Lismannino suppeditabant, ex quibus materia quoque concionandi ad populum suppeditabatur Monachis è familia Francisci, nominatim Francisco Lithvano, Stanislao Opoczno, Alberto Kozabovio itidem Lithvano, aliisque, quorum nonnulli ut fautores veritatis mortui sunt, aliis ut Budrinii verbis utar, ad vomitum redeuntibus, uti Opoczno & Joan. Szoldra. Illis addendus Joannes ille Cosminus Vir doctus & probatæ vitæ qui & apud Regem Sigismundum I. magnâ pollebat auctoritate, & apud omnes gratia, utpote cordatus, prudens, modestus. His ferè accensendus Laurentius prafnisius, aliàs Discordia nomine & re, Cosmini æmulus, qui non paucâ patrabat scandala, ideoque auribus & oculis Regis ingratus: ita ut illo mortuo, hic in corde Regis nullum veritatis profectum facere potuerit, quia nec volebat, nec tam sancto ministerio dignus erat. Impediebat veritatis in Regio corde progressum industria & vigilantia astutiaque Pontificum Romanorum, Latera Regia semper claudentium, aures ejus occupantium, insignia Regni & cor Regis, custodiam legum tenentium, oracula Regia edentium (: Maciejovius enim ille & Episcopus simul & Regni Cancellarius, licet contra avita instituta, sicut & Paulò antè Petrus Tomicius, & Joannes Chornicius ejecti fuere ) &, quod tum ferè maxime temporis & rebus eorum accommodum erat, matrimonium Regium cum Barbara Radzivillia, Stanislai Gaofoldi Palatini Trocentis relicta vidua, femina ad invidiam pulcherrimâ initum, approbantium & defendentium. Nam cum multi etiam ex illis qui veritati & reformationi favere caperant, connubium illud, utpote



cum privata & privatum, inconsulto Senatu, contractum destruerent, & contra Maciejovius ille, tum Andreas Tebridovius Chelmenfis Joannes Drohojovius Cujaviensis ac Leonardus, Camenecensis, Episcopi, alique Primores Pontificii illud adstruerent, factum est, ut Rex aversum ab illis animum ac favorem in hos converterit. Ita enim teste Orichovio factum illud Rex in pleno Senatu asseriat, ut in hæc verba eruperit: *Non mihi vita charior est quam Respub. Sed cum vobis Respub. fide mea stet salva, quoniam modo eas fides firma vobis erit, si uxori iusto vestro fidem fregero? Non est quod me vobis fidelem spectetis fore Regem, si vir uxori fuero infidelis. Quare ut fidem iurjurando firmatam à me vobis præstari vultis, ita non debetis velle, ut ejus fidei sacramentum quod uxori Deo teste dixi, vi fraudeve violenter præsertim cum à Domino Jesu palam dicatur, ac ita scriptum legatur, tum aperto recitavit illud ex libro: Quid prodest homini, si totum mundum lucretur, anime autem suæ detrimentum faciat? Quamobrem cum legitimum mihi sit cum uxore comubium, vitam prius quam uxorem deferam. Annal. 2. Itaque boni illi Viri, Veritatis fautores graviter in eo, quod in hoc negotio Regi tanto conatu se opposuerint, erraverant: olores vero ejus & adversarii eorum contrariæ parti se applicantes Regis gratiam in se derivarunt. Adco & hic verum apparuit illud Christi oraculum: *filios tenebrarum prudentiores esse in generatione sua quam filios lucis.* Inter primos illos veritatis fautores poni meretur Conradus Crupca Przeclawski, vir natus clarus, qui vigente adhuc Papatu & vix audita veritatis voce, Communionem primum sub utraque specie admisit & adhibuit: qui quantum persecutionis impetum fortiter sustinuerit, infra enarrabimus. Hic etiam memorandus est Joannes Philpovius Regius Aulicus, Vir generis & antiquitatis & splendore tum & virtute nobilissimus, qui puriorem veritatem agnitam multis commendabat cum fructu, & contra indulgentiarum ac Missarum mercatus, contra alienæ ut fidei in pedobaptismo, ita & Communicationis corporis Christi in Eucharistia applicationem inquam & Christi cum ignominia conjunctam,*

ac animarum in igne purgatorio per tot secula carnificinam, & alios errores ac abusus Pontificibus questum, populo nullum commodum, præsertim ad salutem adferentes, graviter detestabatur, sicut Orphinovius invita ejus testatur. Qui etiam Tricesium, veritatem Samueli Pinzovite, Cosmino illi supramemorato, & Leonardo Concionatoribus Regiis, tum Ilzio Professori Collegii Cracoviensis (qui in Silesiam ut & Stanislaus Napagelanus & Francisci familia ob vitæ professionem in Prussiam, ubi Regiomonti 1547. mortuus, fuga malevolorum manus evasit) aliisque instillasse, quanquam Leonardum illecebris seculi captum, & Episcopatu donatum, dona sibi à Deo credita, & talentum cognitionis rerum divinarum in terra defodisse, cumque Elavojus primogituræ, pro vili mundanarum deliciarum ferculo vendidisse, scribit. Hujus Tricesii in promovendis illis piis colloquiis & spargenda veritate singulare & Deo pios conatus semper contra mundi invidiam juvante, felix studium emittit: præcipue quod Lismanino puriorem institutionem persuaserit. Hujus enim indulgentiæ & operæ nonnulli ex familia Francisci ad veritatis cognitionem ceteris aptiores (qualis ille Alexius, qui postea Racovia egit, & Hieronymus, qui Italis Cracoviæ concionabatur & puriorem doctrinam accipiatem instillabat) ex claustris Monasticis evaserunt, & Magistro viam paraverunt. Cum hoc Lismanino & Opoczno familiarem amicitiam contraxerat vir nobilis Stanislaus Iwan, aliàs Karninski, qui altero ab Urbe lapide Alexandrovicianum prædium possidens, sæpe in Urbem commebat, & ex illa conversatione veritatis notitiam sibi comparaveret, ita ut de Communione sub utraque specie, & aliis in fide controversiis contra Podlodovium Canonicum Cracoviensem affinem suum, qui cum more receptolergius se invitabat, tum & contra Monachos Opoczni locos acriter disputabat, ita ut & Lismaninum & Opocznum in suspitionem hærescos conjecerit. Et Opoczno quidem sæpius Urbe excedere & laicare necesse habebat. Lismaninum Maciejovius Episcopus quandoque bene potus, & ita vino tam prævum



vum acuate zelum, tum audaciam excusante obtentu amicitia sapius invisebat, re autem vera libros hæreticorum apud eum deprehendere studebat. Sed Lismaninus à Prilustio illo, & Bojanovio Aula Episcopalis Præfecto (: viro disertio ac liberali, qui ambitionem & fastum successorum Petri per jocum perstringere, cum Petrus nullam Aulam, idè nec ejus Marechalcum habuerit, audientibus etiam illis, sæpè solebat) præmonitus, studiosè sibi cavebat, & datà operà libros Scoti, Thomæ & alios hujus farinae in Museo & conclavibus disponebat. Bojanovius verò hilaris anteambulo Heri huc illuc conversis in Museo oculis, & libros Scholasticorum dispositos cernens, ac Heri curiositatem malevolam deridens dicebat: Scotus hic non Paulus M. K. (puto Mosciwi Kihaze, id est, Reverendissime Princeps) limina hosti servat. Annotat id Budzinius oculatus & auritus testis, qui tunc inter familiares Lismanini fuit, ac refert adveniente improvise Episcopo se libros Lutheri, Calvinii & his similes, quorum lectioni Lismaninus incumbere, & in promptu habere solebat, confestim abstulisse & in fornacem occultasse, Episcopo quidem cunctos angulos non tantum perlustrante sed & excutiente, divinâ tamen providentiâ, quæ circa fideles præcipue versatur & conspiciendam se præbet, dolos ejus eludente. Quæ & postea apparuit, cum iste Episcopus Lismaninum Venetias profectum, & inde à Bona Regina ad faciendam Julio 30. Montenſi noviter tunc 1550. in Pontificem Maximum creato, gratulationem missum, in Aula Romana hæreseos suspectum reddiderat, & ut ob eam causam in carcerem conjiceretur, ne in Poloniam amplius rediret, author fuerat; interim Lismanino jam Româ profecto, & in Poloniam redeunte, cui in itinere Czarnovius, factus postea Posnaniensis Episcopus ab Aula gratulationis illius faciendæ causa Romam missus, & Lismanino favens hunc Episcopi actum, & simul mortem quæ in an. 1550. incidit, retulerat. Adeo ubique apparet Deum pro mirabili sua sapientia prava impiorum instituta confundere, & in bonum dirigere finem. Luculenta & memorabilia

memorabilia hujus rei in isto ipso Ivano viro nobilitate generis & pietate insigni habemus exempla indice Viro pariter nobilitatis & pietatis, tum & gravitatis ac eruditionis notæ Adamo Goslavio, gente Oxicio, qui & sanguine Ivano junctus & talium ut peritus ita & curiosus erat ac pagi illius Alexandroviciani conductum fundum habuerat. Frequenter ille in urbem commeans familiariter primario ædis cathedralis concionatore usus hominem probum errorum Pontificiorum, præsertim nefandæ idololatriæ convicerat. Hòc non contentus, eidem diu ac multum, ut est timida & ingeniosa ad necendas excusationum castes caro, reluctanti sed tandem vi conscientia adacto & divinæ providentiæ confiso persuaserat, æternam salutem assequi eum non posse, nisi publicâ palinodiâ veritatem agnitam illustraret, & quos concionibus vel seduxerat vel seductos obfirmaverat, meliora docere niteretur, ac demum vale auditoribus dicto in domum suam equo submisso usus, se reciperet. Post habitam sacro die concionem, in maxima hominum frequentia, cum jam fidelem famulum cum equo ad portam templi ex conducto stare sciret, seorsum verba ad populum facere: vale ei dicere; ingressurum se mox iter indicare: de omnibus benevolentia & beneficentia officiis gratias auditoribus omnis ætatis & conditionis ac utriusque sexus agere: tandem fateri prava, imò falsa dogmata se docuisse cum primis de idololatria non admonuisse: idè per gloriæ divinæ & propriæ salutis cunctos ad Legendas SS. Litteras, & verum invisibilem æternum L. cum ex præscripto earum, abjectis hominum commentis, colendo graviter hortari: at populus dicta cum stupore excipere, ut maneat secum instanter orare: ille verò vale novum dicere, ac denuo de omnibus benefactis gratum animum & studium veræ pietatis testari ac serio officii monere: tandem cathedra & æde sacra relicta, nulla impedimenta moratus, equum paratum conscendit & ad Ivanum pervenit. Assiduo viri istius consortio plenior veritatis hausit notitiam & inbutus pietate sumit ab hospitis intrepidi zelo flagrantis, & singulis diebus Dominicis, Mercurii & Veneris in urbem sacrorum causa commeantis exemplo, robur animumque, ut



primum una cum Patrono, dein & solus illuc veniret, quin etiam diutius ibi commoraretur. Dedit hec occasione Episcopo ( de quo modò nobis habitus sermo ) ut pro cætera cæcorelia conceptum intime dolorem in ultionem effunderet Captum absente Patrono sacerdotem in carcerem compingit & extrema minitans ad Papatum retrahere conatur. Frustra pro eo multis Procerum & Nobilium deprecantibus sumit fiduciam Ivanus invictæ virtutis vir adeundi & compellendi Episcopum. Apud quem precibus minas interspergens & auctoritate, quam ei genus, genius, olim militaris æquitas causæ ac temporum, pluribus etiam Magnatum & sacerdotum, ut diximus, Papatum in Polonia ejurantibus & ardente bello sacro Germaniæ, conditio comparaverat, dextrè & feliciter usus, post multas controversias ad ultimum, tale responsum obtinet liberum se hominem, licet non tantum Ecclesiæ catholicæ Romanæ, sed & sacri ordinis transfugam, & in quem sibi plenum jus sit, dimissurum, si hæresim veritati Catholicæ præferens Ivano potius adherere quàm ad se redire voluerit: retenturum, si ut accepit, facinus commissum doluerit & in viam redierit. Ivanus accipit conditionem, constantæ Profelyti sui certus. Adducitur è vinculis, largissimis hinc promissis, illinc gravissimis minis oneratus, & sistitur Judici & Patrono. Ibi nomine Episcopi eum nonnemo compellare, veniam delicti offerre, præcipuè quod auditione acceperit, duci eum penitentia & de admisis dolere: instanter tamen deprecante Generoso Domino Ivano optionem ei vel Patrono edhærendi vel ad Episcopum & Ecclesiam redeundi, dare: is auctoritate Episcopali sed quod majus est, comminatione privatim facta, magis percussos, quàm promissis inescatus, ad genua Episcopi procumbere, errorem fateri, veniam orare & accipere: Ivanum se & religionem ejus derelicturum pollicerè: at Ivanus indignatione pudori & dolori mista permotus eum ut mendacem & impostorem graviter objurgare: Episcopo de justa sententia gratias agere, omnem culpam in bis transfugam derivare, aculeos in hunc jacere: Episcopus eum moderari, quod desulerit hiantem, cum

assistentium

assistentium grege lætari, Ivanum tamen humaniter, quod videret iratum. compellare, ad prandium invitare. Sed ille animo ægerimus erupit potius quàm excessit è Palatio Episcopi, gratiis de hospita; litate oblata actis. Dimisso Ivano opiparum & lætissimum instruitur convivium, Pontificum potiore cænis Vino diffuens, Sacerdote inter medios applausus animi pariter agro ubi commissa liberius reputare, velut ad se rediens & conscientiæ obediens, istius terrore magis magisque oblectus cæperat. Itinerans Ivanus famulum dare sibi chirothecas jubet. Is se eas illi conclave Episcopi ingressuro in manus tradidisse, affirmare: ibi ab eo relictas conicere: ille reditum eorum repetendarum causâ imperare: is jussu exsequi. Reversus in palatium Episcopi famulus, alligato ad portam equo, repetitum Heri chirothecas Palatium luxu diffuens ascendit. Re ad Episcopum delata cum chirothecas studiosè quæsitæ nemo posset invenire, jubet is unum ex cubiculi familiaribus quamprimum optimum par chirothecarum in taberna mercatoria emi. Sacerdos interim ab aliis in cubiculo quodam derelictus & mentis anxietas plenus, viso noto Ivani famulo, & animadvertens eum palatium inivisse, cum à nemine custodiretur proripuit se & conscenso famuli equo nemine animadvertente, Ivanum festinus sequitur. Iterum per chirothecarum præstantissimum ex foro in cænaculum Episcopi adfertur. Ubi ille in sanitatem Generosi Ivani popula plena mero generosissimo, præsentem famulo exhausti curat, Chirothecas isti post oblatum unum atque alterum vini calicem tradit, salutem plurimam heron à se dici postulat. Famulus Palatio egressus equo non invento ad Episcopum redit, equum ab omnibus visum sibi ad palatii sui portam ablatum queritur, hunc sibi restitui vel alium quamprimum dari, severitatem heri metuens, instantissimè petit. Hic Episcopus convivas compellare. Hoc verò majus est quàm chirothecarum damnum! Ecquod malum istum Dnum Ivanum ad me deduxit? tum imperare quærì equum abductum, tandem precibus & lachrymis famuli permotus ad adstantes Aulae familiares dicere. Quicumque vestrum equum in promptu habet, det eum isti famulo: cujus equus

vel



vel forte domum repetiit, vel inveniri potest. Sin minus, ego damnum reparabo. Ita famulus cum a quo & donario novo dimittitur. Interim sacerdos uno ab urbe lapide Ivanum assequitur. Qui primo Spectrum se videre putat. Tandem ab eo re sibi plene exposita hominem increpat, letus tamen indignatione in gaudium versa excipit: præsertim postquam rem ab ovo accessit & qua ratione Episcopus & promittens restitutionem in priores & promotionem ad novas dignitates & extrema minitans, nec promissam liberæ dimissionis conditionem implere volens, ejus animum nondum bene obfirmatum expugnavit, retulit. Hinc Ivanus animo pacato de servando Profelyto extemplo cogitat. Interim dubius animi quæ causa sit tantæ in famulo moræ cogitat. Et ecce ille novo insidens equo cum novo & præstanti munere advolat. Ita vir pius transfugam famulum, equumque suos recipit insuper alterum equum & novum par chirothecarum velut auctarii loco accipit. Episcopus posthæc ipse toties delusus vehementissimè indignabundus doluit, præsertim cum sciret technas suas à sacerdote revelatas cunctis fuisse. Idem ille Ivanus injuria afficiebatur, ut sit à potente Vicino Severino Bonaro, Castellano Cracoviensi, etsi eidem religioni Evangelicæ addicto, imò & Ecclesiæ Cracoviensis Patrono. Apud quem cum nullæ deprecationes, ac persuasiones, ipsorum etiam verbi divini Ministrorum, valerent, imò istæ cum tanto audientiores facerent, ut majori injuria vicinum imbellem, saltem imbecillum afficere aliquando pararet, cum factò compromisso magna amicorum & Clientum stipatus caterva in agrum controversum venisset, tunc Ivanus injuria & zelo commotus sublati in celum oculis exclamavit: O Deus qui odisti mendacium injuriam & iniquitatem omnem, vides quanta injuria ab isto potente vicino afficiar. Ostende tuam magnificentiam, & adversus potentiam istius viri effrenati sibi que præsentis exere robur virtutis tuæ. Vix hæc factus, justas querelas suas celum expugnasse vidit. Ilico enim cælo licet sudo, fulmen nubibus excussum proximos carpento Castellani equos cum auriga exanimavit,

navit, Castellanus percussus injuriam apud Ivanum deprecatus, fundum ei reddidit, cumque in honore in-ceps habuit: Idem ille Orphinovius in censum primum reformationis motorum refert Simonem Zacium, virum in Lithvania pietate & purioris veritatis prædicatione celebrem, Martinum Opoczno Artium Magistrum, ab illo priori diversum, virum & eruditione & multorum nobilium juvenum in domo Petri illius Cmitæ Viri suo seculo Magni, institutione, & quod maximum est constanti ad extremum initialis veritatis agnitæ zelo clarissimum. Accenset eis & Socium ejus germanum Mart. Taurinum, qui pro ratione temporum prudenter veritatem viris probis in occulto proponebant & multos sed multos faciebant Christo discipulos, paulo post aperte veritatem elocuturos. His adnumerat & Nicolaum Curoviensem, quem meritò Martyrem nominat (de quo paulò post ex serie temporis dicturi sumus) & Felicem Crucigerum Seebressinensem, qui speritis & abjectis opimis Paræciis ac speratis meritò sacris dignitatibus, & ipse Romanam Ecclesiam deseruit, & aliis postea eandem deferendi auctor extitit, qui, mirum! à malevolo Pontifice ob suspicionem hæreseos in jus tractus & interrogatus, an Calvinum in concionibus sequatur ducem, Calvinum, de quo nihil antè inaudiverat, legere & in veritatis cognitione proficere cepit; manifestò indicio Deum sæpè mala vertere in bonum. Cujus rei simile exemplum in traditis à Regina Ochini concionibus Lissmanino supra vidimus. In hoc ordine præstantium virorum ponit postea Martinum Crovicium, quem ut & illos duos à singulari pietate & in divinam gloriam zelo commendat. Hunc gratiâ apud Herum suum (fuit is ille Cmita supramemoratus) & apud mundum polluisse, multos ad Christum, licet Sacerdotem ageret, faviente tyrannide Pontificia, prævenisse impurum calibatam casto conjugio refutasse, initio corporis Christi in Eucharistia realem præsentiam & imaginum usum ex Lutheri disciplina defendisse, postea tamen manu Dei gravi pressum in veritatis noticia progressum, omnes, ne Deo resistent, suo exemplo docuisse, libellum de Cruce Spirituali,



Spiritali, quàm primus tunc tulerit, tum & opologiam fidei fortem contrà Andream illum Zebriodovium Episcopum Cracov. conscripsisse, ab eo dolosè comprehensum & mox liberatum, ejusdem insidiis postea Cracovæ frustra appetitum in concionibus habendis flagrantissimum fuisse, & sæpius verba illa Pauli, Væ mihi nisi Evangelium prædicavero, in ore habuisse: in pauperes quibus aliquando & indusia sua, reclamante, ne quicquam uxore, donarit munificum & ad ultimum constantem fuisse, compendio memorat. Hos ex ordine temporis cuncta persequamur. Illos tres viros, qui meritis in Ecclesiam inter primos sunt, conjungens Budzinius Martinum illum Curoviensem Petro Zborovio (: Castellano Voinicensi, an jam Palatino Cracoviensi, ignoro) à sacris concionibus, Felicem virum doctum & Prum, Crovicium insigne Dei instrumentum, ad conciones habendas delectos fuisse, contra imagines tantum & invocationem SS. ut non tantum ignora sed apertè contraria primæ veritati docuisse, & multos à Papatu avulsisse, atque ita insinuatè reformationis exordia ab Ao. 1546. ad 1550. perfecisse, abrogatâ Missâ Latinâ Polonicam cum minoribus ceremoniis instituisse dicit. De Crovicio Orichovius Ann. 1. hæc memoriæ reliquit: Pulsus ex Pinczovio Stancaro successerunt in illius locum fugitivi, quorum operâ illa secta ab Stancaro importata, latius serpendo in multas honestas familias propagata fuerat. Horum præcipuus fuit Martinus Crovicius, qui multis annis procurator bonorum Petri Cmite Palatini fuit. Hic sacerdos cum in Diocesi Premisliensi Ecclesiam Visnensem administraret, in Zurovicio rure apud Stanislavum Orichovium hoc ipso tempore dum hæc Cracoviae agebantur, uxorem duxerat Magdalenam Stanislai Pobiedrinshi filiam, ob quam rem pulsus à Joanne Driaduobi Episcopo, Pinczoviam profugit, & vagus ac exul cum esset, repudiata religione quam Visne oppido Russiæ colebat, Zuinglianas partes secutus, Sacramentariam Sectam Pinczovii Stancari instituto docebat. Hic mihi meritò memorandum venit fortissimum Nicolai Olesnicy gente Dembnii Pinczovii Domini, viri Magnanimi & verè Imcomparabilis Herois Christiani factum, æternâ memoriâ & laude dignif-

dignissimum. Is enim è nobilitate primus fortiter factus in Romanam superstitionem impetu, impetum ejus defensorum fortissimè excepit. Venerat circâ illa tempora in Poloniam Franciscus Stancarus natione Italus, vir non tantum Latinè, sed & Hebraicè ac Græcè doctissimus, qui reformationem Ecclesiarum editis libellis assertam ipso opere ex institutione Zuinglii præstans, à Samuele illo Maciejovio Episcopo Cracoviensi in carcerem munitæ Arcis Lipovecensis conjectus, & operâ Stanislai Laslocii Lulxamerarii, verius Magni Camerarii Lancienfis, Andree Tricesii (filius is Joannis supra memorati fuit:) & Christophori Glinccii, per singularem Dei providentiam liberatus ac in tutum subductus erat. Hunc Olesnicens, iram Episcopi, & invidiam tot malevolorum non veritus in domum suam primum recepit. Dehinc Monachos cœnobio, & imagines templo eiecit, quin & has frangi & comburi fecit. Ita rem insolentem ausus, exemplo à Pontificibus, quos ambitio & avaritia ad omnes abusus, etiam Idololatrios, licet inveteratos, primæ tamen integritati ignotos, tuendos inducit, cum judicium eorum Olesnicens frequenti nobilitate stipatus elusisset & elisisset, instigatus Rex gravem dicam ei impexit, & ad suum Tribunal comparare jussit. Orichovius ita rem hanc describit accuratè, ut meritò hanc narrationem hic inferere debeam:

Stancarus Pinczovii cum se refecerat, capit errorem instaurare Zuinglii, in idque operam dare, ut abduceret Olesnicensium à religione paterna & persuaderet illi religionem externam. Cujus ad præscriptum imagines è sano tolli, cœnam pro usitate peregrinam institui, Sacra quæ Monachi in ejus oppidi sano religionibus vetustis administrabant, explodi jubet. Erat hoc sanum cum adjuncta Monachorum domo, munificentia Sbiznei Olesnicensii operosè extructum ac liberaliter ditatum, quod profanare Stancarus properabat, cuius consilium cum Olesnicensi videretur periculosum esse, ne quid inconsideratè faceret, vocat amicos ac in consilium adhibet, in quo, variatis sententiis, illa postremo vicit, ut imagines cum reliqua suppellectili salvæ infano manerent: Monachi etiam veteri instituto sacra facerent: quod nihil earum verum mutari cum posset impune: adeo se Regem in proximo, Episcopus etiam Cracoviâ nondum discessisse



sceſſiſſe, fore hiſce rebus mutandis aliud tempus magis idoneum. In præſentia placere cenam inſtitui, idque fieret in Arce privatim non in fano publicè, quod in oppido ſubjectum eſt archi. Secundum hanc ſententiam permittunt Stancaro novæ cenæ modum præſcribere, ac illius uſum docere. Hactenus Orichovius.

Orphinovius addit, cum cauſam coràm Rege ageret, invictum illum Heroa, eſſi à cane Regio atroci morſu vulneratus fuiſſet, ſanguine madente nihilominus immotum perſitiſſe, egregio omine, cum à canibus mordentibus non illæſum, invictum tamen & immotum perſiſtere, Dei aſſiſtente gratiâ, debuſſe. Quis enim aliud in tam præclaro credat facinore? Impleta certè tunc ſunt in eximio illo viro & agnitæ veritatis confefſore illa Chriſti Domini verba: *Virtus mea in infirmitate perſecitur*. Is enim tunc primam glaciem, ut eſt in proverbio, fregiſſe, & cæteris omnibus ad ædeunda & ineunda divinæ veritatis penetrabilia viam monſtrante Deo præparaſſe & expediſſe dicendum eſt. Adeo tunc ſicut & olim non tantum Senatûs Sacri & Profani auctoritas, ſed & Regia Majeſtas, veritatem non tantum vinci non poſſe, ſed nonniſi vincere poſſe, vidit & experta eſt. Nam imbellis quidem illa, imò inermis eſt, ſed tamen armis illis ſpiritualibus Deo potentibus, quæ Apoſtolus Paulus, ille Incomparabilis Chriſtianus Heros, & inter populi Chriſti Duces facilè primus, celebrat & exemplo ſuo probat & commendat, inſtructa, & hæc ſola ſemper & ubique expedit, ad demolitionem munitiorum, quibus conſilia demolimur, & omnem celfitudinem, quæ extollitur adverſus cognitionem Dei, & captivam ducimus omnem cogitationem ad obediendum Chriſto, ſicut ibidem Apoſtolus addit. Sed nos hæc panopliâ divinâ in tranſitu viſa, ad eum, qui tunc coram Auguſto Rege & toto concilio non fortiter magis, quàm feliciter eam expedit, redeamus. Percuſſos tantâ viri conſtantia & fortitudine inimicos fuiſſe & Orphinovius teſtimonio fide digno nixus, prodit, & res ipſa loquitur. Singulare enim Viri illius non tantum mentis ſed & corporis robur celebratur. Adhæc ipſe ætatis florentis vigor & familiæ non tantum antiquiſſimæ, ſed & ſplendiſſimæ ac Senatoriæ (quæ eadem cum Siennia-

rum

rum eſt, ac inſigni illo Sbignei Cardinalis gaudet ornameto) præſtantia, tum quod Potiſſimum hic cenſeri debet, bonæ cauſæ conſcientia tantam fiduciam & virtutem juveni ad præclara quæque nato indiderunt. Qui ideo victor & ovans à facie Regis recedens non tantum à benè capto operè non deſtitit, ſed potius in eo promovendo, & ad optatam metam perducendo intrepidus perrexit: quâ de re mox dicturi ſumus. Addiderat ei animum & genius Regis, qui naturâ miris & clemens erat. Ideo Legem Jagelloniſ Abavi ſui Anno 1524. in hæreticos latam, ut pote ab eo ipſo, quod in hiſtoria civili, Deo volente, demonſtrabimus, non obſcurè abrogatam, tum & editum in cauſa Oleſnicii factum (ut & poſthac decretum Partzovii 1564. ſancitum) in effectum non perduxerat, & creſcentibus veritatis primordiis benignè tum conniventia, tum aſſenſu annuebat. Idcirco & Oleſnicus ſumpto majori ad divinam veritatem propagandam animo Eccleſiam, purioris doctrinæ Confefſoribus conſtantem Anno 1550. fundavit, & reliquis omnibus veritatis ſtudioſis ac Patro-nis palmam præripuit, & ut eximiam liberalitatem & hoſpitalitatem cæteris virtutibus adjunxerat, ita multos viros doctrinâ & virtute præcellentes in oppidum Pinczovianum, imò & in amorem ſui traxerat.) Talis fuit Stancarus ille quem tamen poſtea Regiomontum dimittere conſultum viſum fuerat, ubi is Audream Oſiandrum acrem expertus eſt adverſarium. Is orſus eſt Anno 1551. novum de Juſtificatione dogma, juſtitiam nempe hominis eſſe ipſam Dei eſſentiam, cui paulo poſt, circa Annum 1559. Flaccius Illyricus, peccatum originis ipſam eſſe hominis eſſentiam è regione contrarium docuit. Tales fuere & Joannes à Laſco, Georgius Blandrata, Franciſcus Liſmaninus, Martinus Crovicius, Petrus Statorius, Georgius Schomannus, Gregorius Pauli, Brelus, Triceſſius aliique, ita ut tunc Pinczovia velut Athenæ Sarmaticæ celebraretur. Atque ibi à Viris illis piis & doctis univerſa Biblia Sacra in Linguam vernaculam tranſlata, ſumptibus Nicolai Radziwili Palatini Vilnenſis Principis Magnificentiſſimi & Fortiſſimi renaſcentis veritatis vindicis impreſſa ſunt Breſtiæ Lithvanorum. Huic enim urbi Regiæ Præfectus

C



datus erat, in qua comparatam privato aere officinam typographicam considerat, & illi Wojewoda Cracoviæ evocato commiserat. Ibidem exscriptus fuit liber Psalmorum & hymnorum alique ejus notæ, quorum lectione populus à Romanis superstitionibus ad veram Dei colendationem revocabatur. Præbant verò populo in tam laudabili & salutari instituto multi è præcipua nobilitate & non pauci Procerum, præsertim in Palatinatu Cracoviensi, & in hujus districtibus Prossoviensi & Xiansensi ad fluvium Srenjavam, gentilitium Lubomirscæ, Rupnicoviæ, Vieiscæ, & aliarum præstantissimarum familiarum insignie, qui ideò à Pontificibus, Lutheranorum sive Lutherorum (hoc nomine in Polonia à Romanis & Græcis omnes dissentientes vulgo audiunt) fluvius appellatus est. Ut plurimum autem tunc temporis conatus Pontificum in opprimenda veritate, imò & vexandis ejus confessoribus, frustra fuere. Egregium hujus rei exemplum præbet Valentinus Parochus Krzczonoviensis, de quo ita ipse Piascius: *Stanislaus Orzechovius Canonicus Przemiślensis (Anno 1550) uxorem duxit, & pertinaciter in ea retinenda perseveravit. Non multò ante Valentinus Sacerdos Parochus Krzczonoviensis ob acceptam uxorem causam dicere justus coram Episcopo Cracoviensi Samueli Maciejowski, publicè defendit errorem suum, sub Patrocinio Nicolai Oleśnicki de Pinxow, Nicolai Rey, Remigii Chelmski, ut Episcopus veritus, ne contemneretur sua sententia, maluerit superfedere à tali judicio. Sed & in oppugnando Orichovii conjugio Pontifices tunc temporis actum egere, nobilitate jura sua contra Pontificiam arrogantiam acriter tutante. Horum tamen astutibus Orichovius post decennium cessit, seculi illecebris captus. Exemplum Orichovii & in ejus quidem pago Martinus Crovicius uxore ductâ eodem illo 1550. anno secutus est, ut illum ipsum de eo supra loquentem audivimus. Cum temporis Bialobrzescios fratres, Abbates duos, alterum Mogilensem, alterum Andreoviensem, veterum Episcoporum more, conjugatos vidit. Inde mox Anno 1551. novo Conventus Petricoviensis decreto coelibatus clericorum firmatus. Circa illa tempora Martinus Zborovius Palatinus Calissiensis,*

in oppido Regio Stobricza quod præfecti nomine administrabat, Stanislaus ille Lasocius Subcamerarius Lancienfis, Vir nobilitate, pietate & meritis Magnus in Pelesneciano, & ei suppar Hieronymus Philipovius, germanum sociorum par in Creenciano, Stanislaus Stadnicus in Nedwedeciano, Nicolaus Dluski in Ivanoviciano, intra domesticos parietes puriorem doctrinam prædicari sibi curarunt. Idem in Majori Polonia, Andreas Gorceanus Castellanus Ponsanienfis, & Majoris Poloniae Generalis Præfectus, vir divitiis, auctoritate, & egregiis animi dotibus præpollens, Stanislaus & Jacobus Ostrogii, in Palatinatu Cujavienfi, Lezinus Præfectus Radziejovienfis, Christophorus Lasocius (quem, ut & Ostrogios Bielsc. Chron. 5. frustra Nicolaus Dziargovius Archiepiscopus Gnesnensis, Joannes verò Dziaduski Episcopus Præmiślensis Stanislaum stadnicum, Andreas Zebrzdovius Cracoviensis Conradum Crupcam bruto fulmine paulò post illam Pericoviensem Synodum percussent) in Breziniano, alii alibi fecere. Nempe succrescebat sparsum hîc illîc veritatis semen, quod in herbis opprimere malevoli frustra conabantur, prohibente Deo & largam sementem rore & pluviâ benedictionum celestium fecundante, & iniqua subversariorum veritatis studia confundente. Atque id tûm insigniter occasione jam nominati Orichovii, qui Ao. 1550. uxore ductâ, crabrones, quod dicitur, irritarat, concitatâ in se omnium Pontificum, & eis addictorum invidiâ fiebat, quod ipse in Annalibus describit. Cum autem Barbara illi Radzivilia diadema ritu antiquo Ao. 1550. mense Dec. Bielscius l. 5. Chron. die 6. Aprilis accidisse testatur. Cracoviæ imponderetur, Stanislaus Lasocius zelo in divinam veritatem plenus, ideoque Pontificibus invisus & anathemate (quod tûm nondum brutum fulmen erat) percussus, cum inter Proceres Regi, solemnia Missæ audienti vel adspectanti potius, adstaret, exire templo à Marechalco Regni, ut summo Aulae Regiæ Præfecto, iussus, parere primò noluit, allatâ in defensionem innocentia justâ ratione pudoris custode, non decere scilicet Civem benè natum & virum honestum ac inculpatum



cedere, præterquam Domino suo. Sed illo mandatum auctoritate Regiæ armatum repente, Laslocius modestâ generosâ in consilium advocatâ, cessit tandem, cum interea Pontifices, Heroa Christianum, tanquam Idololatrios ritus exprobrantem agrè adspicientes, & qui tandem præstantiam ejus ferre non possent, solemnia Missæ suspendissent, latis apertè in oculis Regis & Aulae, ut triumphatâ in justitiâ, ita triumphante veritate. Tanto magis cum postea Laslocius in magna præstantium Virorum frequentia, mandatum inexpectatò datum fiduciâ innocentie detrectatum excusaret, ut non tam propriam dilueret, quam iniqui Judicis in apertum modesta exprobratione produceret culpam. Atque id summo honori & singulari dandum laudî viri illius, quem flagranti in cœlestem veritatem zelò, indefesso & invictò in eâ promovenda, ac fundanda Ecclesia conatu, eximio pietatis amore, precum fundendarum & colloquiorum piorum audiendorum & instituendorum assiduitate, liberali & provida in ministros Dei benevolentia, ebrietatis, luxûs omniumque vitiorum odio; contrâ virtutum, quarum domicilium vivum dictus est, studio, nemo tunc æquasse scribitur; cujus rei & insequentibus clara videbimus indicia. Ita hîc quoque Vir Magnanimus inter eos meritò ponendus est, qui primos Polonicarum Ecclesiarum Reformatores infracto robore adjuvarunt, & fundandæ Christi Ecclesiæ factis decenter præparatibus unicè intenti erant. Inter hos, sed in sacro ordine, locandus Franciscus ille Lismaninus, & inter illos propagandæ veritatis & fundandæ Ecclesiæ præparatus ponenda singularis, quâ apud Regem, & matrem ejus Bonam, valuit gratia. Postquam enim ex illo itinere Italico Varsoviam, ubi Regina Bona agebat, feliciter 1550. rediit, & Legationis Romanæ rationem reddidit, paulò post literas à Rege, qui tunc Cracoviæ peractâ Regiæ Coronatione, acceperat, quibus ei mandavit, ut Regiæ consorti suæ conciliaret favorem Matris suæ Reginæ Bonæ, cui cum primis nuptiæ illæ filii Regis erant ingratae & animum exasperarant satis naturâ malignum. Nam non temerè in eam quispiam luserat:

Qui

*Qui tibi cunque Bonæ sacris dum tingeris undis  
Imposuit nomen, omnibus imposuit.*

Quo officio postquam susceptis Aº. 1551. m. Januar. Febr. & Martio Cracoviam tribus itineribus majori cum Regis & Reginæ Bonæ gratia (publicè enim in templo arcis, & in magna Aula frequentia, imprudens tamen, Rege scilicet id procurante, Legationem conciliationis Reginarum locutus & nuntius peregit) perfunctus est, Rex ab eo tempore eum carum sibi habuit, & in testimonium grati ac gratiosi animi per Ociesium Cancellarium Majorem, qui in locum Maciejovii illius Episcopi subrogatus erat, primam quæ se offerret Episcopalem dignitatem ei promissit. Sed hîc velut in confinio Anni 1550 & 1551. hujus Paschalem solemnitatem narratione actorum Lismanini attingens, pedem figo, & deductis Reformationis ab Aº. 1545. ad 1550. inclusive initis, tum & demonstratis fundandæ Ecclesiæ paratibus, acta anni 1551. & sequentium ex ordine persequi pergo.

C 3

LIBER



## LIBER II.

*Quomodo Reformatio ab A<sup>o</sup>. 1551. promota  
fuerit ad Annum 1562. inclusivè, quo  
Gregorius Pauli Cracoviae Ecclesiam  
Christianorum Catholicorum  
fundavit.*

## CAPUT I.

*Quomodo divinae veritatis semina ex Italia in Poloniam per  
Laelium Socinum Anno 1551. allata fuerint.*



Aximum & aeternae grati animi memoria dignissimum beneficium Deus genti nostrae exhibuit, dum per multorum virorum doctorum & piorum non tantum ex vicina Germania, sed & ex remotioribus regionibus, Itali praesertim adventum, scripta, institutionis famam, veritatis notitiam ei instillavit. Ex Italia quidem praestantium ingeniorum officina, ubi tot errorum & superstitionum celsae machinae, merito veritatis caelestis arma apud se conflata ad nos misit. Ex commentariis M. SS. Budzini & vitae Laëlii Socini curriculo colligo circa annum 1546. in agro Veneto, Vicentiae & in aliis urbibus non paucos veritatis indagandae operam dedisse &, huic fini collegia, & colloquia pia instituisse. Pertractabant hi praecipua fidei Christianae capita. Unum scilicet esse Deum altissimum, qui cuncta, ut creavit, potenti verbo & efficaci jussu suo, ita & sapienti ac benigna providentia sua conservet. Filium ejus unigenitum esse Jesum Nazarenum hominem verum, ac non simplicem, utpote virtute Spiritus S. in casta virgine genitum. Hunc à Deo Patribus promissum tempore definito posteris eorum missum, mysterium Evangelii salutaris hominibus annun-

annunciasset, viam vitae aeternae non indulgendo carni, sed pie vivendo consequendae monstrasse, ex voluntate paterna vitam parandae & sciendae peccatorum remissioni impendisse, ab eo resuscitatum & exaltatum esse, credentes in Christum ejusque morigeros à Deo justificari: ita pios homines immortalitatem in primo Adamo perditam in novissimo Adamo eandem recuperare: hunc solum populi sibi subiecti esse caput & dominum: hunc omnium vivorum & mortuorum constitutum judicem, in ultimo die ad nos venturum: interea regnum mille annorum recuperaturum & obtenturum; ad ultimum Deo Patri regnum traditurum, eique subiectum iri, ut Deus sit omnia in omnibus: Caterum dogmata vulgo recepta de Trinitate, de Christo Dei, qui sit ipse Deus Creator, idem Deus qui Pater, de Spiritu Sancto Dei qui Deus pariter sit, de justificatione vel per opera meritatoria, vel per fidem solam, meritum Christi sibi applicantem, aliaque his similia esse opiniones per Philosophos Graecos introductas. Quae sane praecipuam religionis Christianae partem constituunt, & in lucem prolata totum Christianum orbem, ut excusso Vitiolorum veterno evigilaret, concusserant. Erat ex hac pia locietate Abbas quidam Bucali dictus, qui arcanis suis collegiis & studiis divulgatis, in praesentissimo cum versarentur discrimine salutis, una cum aliis 40. viris fuga se eripuit, & quam Christianus inter Christianos habere non poterat, apud Turcas quaesivit & invenit salutem. Thesalonicam isti concesserant: exceptis tribus, Julio Trevisano, Franco de Ruego & Jacobo de Chiar, quorum illi duo Venetiis suffocati, tertius iste morte naturali obiit. Et Abbas quidem Damasci vitam finivit. Qui verò ad Turcas se non contulerunt, silentio tempestivo recti, nec tamen satis in patria tuti in Helvetia, Moravia, tandem & in nostra Polonia refugium invenerunt. Inter hos Laelius Socinus senensis fuit, vir non tantum natalium splendore utpotè vel sanguine vel affinitate Pontificibus & multis Italicis Principibus ut vidimus innexus, sed & eruditione ac singulari morum probitate clarissimus. Is itaque tum illius periculi metu tum com-



pertis & fastiditis erroribus studio inquirendæ & confitendæ veritatis patriâ relicta A. C. 1547. In Helvetiam primum se contulerat. Dehinc ut Galliam, Britanniam & utramque Germaniam peragravit; Ita & Poloniam Anno 1551. salutaverat, & semine pietatis in cordibus Lismanini & aliorum sparso, paulò post in Moraviam, inde in Helvetiam reverterat. In Moravia verò Paruta, Gentilis, Darius & Alciatus agentes in indagando vero solertè se exercebant. Ita & Franc. Niger & Bernardinus Ochinus, quorum quidam in Polonia, alii alibi è vita exiverunt. Qui in Moravia degebant, subinde theses de Trinitate & ambiguis script. sacra phrasibus in Poloniam vicinam mittebant. Atque hæc seminaria veritatis ut suo loco videbimus, fuere.

## CAPUT II.

*Qua ratione Lismaninus ad veritatis cognitionem & publicam professionem pervenerit quoque successu.*

Postquam sibi Lismaninus meritis suis gratiam Augusti Regis singularem conciliaverat, & eandem ab illo conciliationis officio (licet Regina Barbara paulo post, scilicet 8. Idus May vitam cum morte, summo Regis merore commutavisset) Anno 1551. 1552 & 1553. experiretur constantem, non ea, ad alendam ambitionem vel avaritiam, secus quam vulgo fieri assolet, omnium malorum rivis ex hoc fonte in genus humanum promanantibus abusus, sed potius ad veritatem corde conceptam Regi Commendam & propagandam usus est. Inter hæc Lælius ille in Poloniam, ut paulò ante vidimus, Anno 1551. venerat. Cum vero non tantum Cracoviam, sed & in familiaritatem doctorum & proborum virorum, illorum scilicet veritatis studiosorum venisset, Lismanino abjiciendi cuculli acerrimus auctor extitit, eundemque ad indagandam porro veritatem & lustrandas Ecclesias Helveticas egregiè reformatas excitavit. Quæ veritatis semina in ingeniosum ad virtutem agrum cordis sparsa uberem fructura

Atum tempore attulerunt suo. Cum autem sæpius Rex cum Lismanino, utpote Reginae Matris primario Ministro, qui ei non tantum à secretis, sed & sacris confessionibus fuit, de tertiis nuptiis cum Catharina Caroli V. Nepte, Ferdinandi S. filia, à Francisco Gonzaga Duce Mantuano relicta vidua celebrandis ageret; Ille hac occasione Regi assidua familiaritate conjunctus de religionis negotio cum eo egit, conspirantibus utriusque eorum in sacrum opus studiis. Quâ ratione factum, ut Rex ei mentis suæ, Ecclesiæ corruptelas averfantis aperuerit adyta, & Lismaninus diebus Mercurii & Veneris à prandio Institutiones Calvinii (quò meliorem librum tunc non habebat) adferret & cum Rege de omnibus speciatim capitibus fidei liberè conferret, remotis arbitris, quod usque ad nuptias cum Catharina illa Austriaca Cracoviz Anno 1553. celebratas duravit. Antè quas cum paulò autè uterque insperatò & gravi morbo Laboraret, communes curandas valetudini adhibuerunt Medicos, qui à Rege digressi, iussu ejus Lismaninum conveniebant. Morbo illo liberati de negotio religionis amplius colloquentes, decreverunt, ut Lismaninus, Ministri Regii (factorem vulgo vocamus) nomine, Bibliothecam Regiam sumptibus ejus omni librorum genere instrueret, nec non viros doctos & pios adiret, Ecclesias varias, earum instituta & ritus ac regendi formas perlustraret, deque omnibus his à redivo suo Regem instrueret. Simile exemplum reperimus in scriptis Annalium Russii (quorum tamen potiora iniquitas temporis nobis invidit) de Volodimiro præpotenti Kioviæ Regulo. Is enim cum nondum luce Evangelii collustratus (quod demum circà annum 983. ducta in uxorem Basilii & Constantini Imperatorum Orientis sorore, factum est) in tenebris impietatis gentilis plus quàm illis Cimmericis vulgò notis, ditioni suæ vicinis, ageret, circà annum 980. miserat Constantinopolin Joannem Smeram Polovecium, Medicum doctum & probum virum ad explorandas Ecclesiarum Christianarum in Græcia res. Hicce ad Principem literas Alexandria dedit, cumque certiozem reddidit de multis cultoribus veritatis, & sectatoribus religionis ab idololatria repurgata, qui & receptis vulgò erroribus ac



corruptelis se opposuerint & multa acerba à Græcis passi fuerint, nobis per omnia conformes: ubi & prædicationes de ruina Græcorum Idololatriæ, hypocrisis, superbix, discordiæ, crudelitati in conscientias humanas ob calibatum & ciborum delectum Romano more favienti, & aliis vitiis deditorum: de conjunctione cum illis confessoribus veritatis novissimæ gentis Slavonicæ, id est nostræ Ecclesiæ, & cum hac reliquiarum populi Judaici ad verum Messiam Dei Israëlis conversi, continentur. Ità enim & Lismaninus Regi per Literas postea totum negotium exposuit, contrà ejus tamen mentem, qui reditum ejus & narrationem vivæ vocis non literas & mutam narrationem expectabat. Ac primum quidem Venetiis semestrem exegerat. Postea Patavium invisit. Inde Mediolanum concessit, ubi à Monachis in suspicionem hærescos tractus, & ad præfectum Urbis & arcis celeberrimæ delatus, excusis reculis, exhibitis literis salvi passus à Rege datis, dimissus, in Helvetiam pervenit. Tiguri primum Sacræ Eucharistiæ rationem à falso illo & prorsus idololatrico Dei cultu Pontificio multum diversam nunquam antehac visam, lætus vidit, & viros doctos, qui in illa Helvetiæ metropoli tunc floruerunt, Rudolphum Gualtherum Contr. Pellicanum, Henricum Bullingerum, Theodorum Bibliandrum, Leonem Judæ, Contr. Gesnerum aliosque compellavit. Mox Bernam, inde Genevam, tùm Lugdunum, tandem Lutetiam Parisiorum perrexit, ut tot gentium mores & instituta sacra perlustraret, & simul suppellectilem librariam compararet, atque ita mandatum Regis exequeretur. Quod tamen paulò post neglexit, postquam Genevam reversus, ne cum horrido cucullo in Poloniam rediret, uxorem duxisset, auctore Calvino & Lælio Socino (qui paulò postquam Cracoviæ sementem veritatis jecisset, Genevam eodem anno redierat, quàm tamen mox, Calvinì ingenium vel non ferens vel metuens, relicta, Tiguri sedem fixerat) sed contradicente Budzinio, ministro suo, & ob oculos ponente Regis indignationem, qui cum sumtibus suis in exterarum regiones ad omnia perlustranda & exploranda ablegarit, & tantorum conatuum alium eventum quàm Ablegati sui, ejusque

ejusque Monachi, nuptias expectet, fide etiam promissi sibi data, tùm & successum ejusmodi Matrimonii, quod magis ædificata subruere, quam aliquid ædificare possit, in faustum, quod etiam reipsa evenisse suo loco videbimus. Sed surdo cecinit. Namque Monachus calibatum, & Spiritu & carne meritò illum damnante, perosus, & ad castas, intempestivas tamen, nuptias properans, quod instituit, effectum dedit, & accepta uxore, Genevæ mansit. Quod ejus factum Rex molestè ferens ab incæpto de explorandâ religione resiliuit, quamvis credibile sit, animum ejus à compertis Romanis erroribus permansisse (quod & Piascius indicat & notat) alienum, & ab interno ac firmo assensu abductum, prælucente magnorum exemplorum, & quidem quæ vel Monachi vel alii Pontifices, etiam majoris notæ, ex se præbuerint, face, quæ certè multorum, etiam Principum illius ævi, animos perculerat. Nam non sola Germania, Gallia, Italia, Lutheros, Melanchthones, Buckenhagios, Carolstadios, Zwinglios, Oecolampdios, Calvinos, Martyres, Brentios, Buceros, Bullingeros, Matloratos, Bezas, Ochinos, Paulos Vergerios, & alia celebria nomina, sed & Polonia nostra plures ejusmodi viros præstantes & cordatos è mediis Papatus & claustrorum Monasticorum vel adytorum tenebris, ad præferendam veritatis lucem produxit. Hic unâ serie, nomina eorum serè commendo posteritati. Fuere scilicet isti: *Joannes à Lasco*, Præsul dignissimus, *Aloisius natione Italus*, Concionator Regius Cracoviensis, *Cosminus Concionator Regius*, *Stanislaus Napaleganius*, *Simon Zacius*, *Felix Cruciger*, *Stanislaus Orichovius*, *Martinus Crovicinus*, *Thomas Falconius*, *Stanislaus Lutomirscius*, *Valentinus Kræxonoviensis*, *Andreas Dudithius*, ille Magnus, notus in Concilio Tridentino, & in Aulis trium Imp. Orator ac Episcopus Tinienis, post Chanadiensis, tandem quinque Ecclesiensis: tùm verò & iste, de quo nobis sermo est, *Lismaninus*. Qui tamen promissi à se dati, & beneficii à Rege accepti memor, ut se gratum præstaret, peregrinationis suæ, tùm verò & facti sui rationem Regi reddidit, libros jussu & impensis Regiis coëmptos



coëmtos biennio postquam duxerat uxorem ad eum subinde misit, nec non literas, quas celeberrimi in Helvetia viri ad eum scripsere: quarum autographa 30. annis à morte Regis in manus Budzini pervenerunt, ita ut ejus industria conservationem illorum debeamus. Horum apographa hic omitto cum hæc jam dudum lucem viderint. Monco tamen amantes veri ex officio viri Christiani & fidelis scriptoris, ut qua ratione in legendis celebrium Auctorum scriptis, circumspèctos eos esse oporteat, videant, non bona fide in edendis illis epistolarum gravium apographis ab infestis veritati hominibus actum esse. Nam ne quid dissimulem:

*Epistola, quam ad Regem Augustum Calvinus Nonis Decembr. CXCIO LIV. dederat, satis cordate contra Pontificiam arrogantiam scripta, extat quidem inter epistolas Calvini p. 139. sed Lismanini nomen initio epistola parum candidè agens editor ejus omisit. Propterea tamen eam cum sit proluxa, inferere hic minus necessarium judicavi. Hanc tamen posteriorem & breviorē infero, quod impressum exemplar cuncta ista, quæ videbis, de Lismanino omiserit.*

„ **E**tsi non miror Præstantissime Rex, nec dubito quo tempore Majestas Vestra Conventum Ordinum regni sui agebat, in tanta negotiorum mole summis & variis curis fuisse distractam, ut ne perlegendæ meæ cohortationi otium suppeteret: tamen ex quo plus otii datum fuisset, confido aliquid vacui & soluti temporis sumpsisse, ut meus labor tandem non fuerit inutilis. Nam ex literis quæ Majestas vestra mittere dignata est, intelligo meam sedulitatem gratam fuisse, nec fastidio vel contemptu rejectum fuisse meum illud scriptum, in quo breviter ostendere conatus fueram, quænam vera esset reformandæ Ecclesiæ ratio, & quis commodissimus ingressus. Imò quia Majestas Vestra illud se humaniter excepisse ac libenter se inspexisse testatur, & ubi liberius otium contigerit, sibi in animo esse attentius singulas ejus partes meditari, plus indè fiduciæ ad iterandum scribendi officium offerre visum est. Itaque si

nunc

„ nunc rursus Majestatem Vestram cohortari audeo, non videtur esse mihi de venia petenda laborandum, ac ne longior quidem excusatio necessaria est. Non sum equidem nescius vel immemor, quantum à celsitudine in qua Magnum Regem Deus locavit, distet humilis mea & abjecta conditio: sed quia probè tenet Majestas Vestra quid valeat illud cœlestē edictum, quo jubentur omnes terræ Reges Filium Dei osculari, nec ignorat externo osculi ritu notari fidei obsequium, quod reverenter Sanctas admonitiones à Christi ore & spiritu profectas amplectitur, mihi videtur eximi omnis metus & dubitatio. Ego igitur quem summus Rex Evangelii sui præconem & Ecclesiæ suæ Ministrum constituit, ejus nomine Majestatem vestram appello: quum jam in Polonia ex fustis tenebris Papatus emergere cæperit vera religio, cum multi pii & cordati homines abjectis impiis superstitionibus ad purum Dei cultum ultrò aspirent, ut curam hanc aliis omniibus præferat. Et certè quantò æterna Dei gloria umbratiliem & caducum hujus mundi statum præcellit, ita ad tuendam vel asserendam pietatis doctrinam, posthabitis aliis omnibus præcipua nostra studia conferre decet. Quòd hæcenus Polonia Papatus corruptelis fœdata & vitiosa perverfoque Dei cultu post humana figmenta vagata est, quòd denique sub errorum coluvie demersa, cœlestis lucis aspectu caruit, triste ac miserum fuit spectaculum. Nunc verò quum illa communi amentia & stupore, quo percussus fuit cotus orbis, cum Dominus liberare incipiat, summos quosque & infimos à suo torpore experge fieri necesse est. An igitur Regibus cessandum, quos ideo in sublime Deus extulit, ut inde gentibus universis præluceant. Jam verò quanti nobis esse debeat sincera religio, per quam Christo inter nos tribunal erigitur, quanti etiam legitimus Dei cultus, in quo Symbolum præsentia ejus vivaque imago reluet, Majestas Vestra me tacente satis intelligit. Et sanè nisi ad nos hac in parte animandos vel unum Davidis exemplum sufficit, minimè excusabilis est nostra segnitias. Quum enim tunc nonnisi sub obscuris figuris in terrestri Sanctuario Deum colerent Patres, refertur tamen solen-

ne



„ ne quod concepit jus jurandum, quod non daturus esset  
 „ somnum oculis suis, nec palpebris dormitacionem,  
 „ nec ingressurus postea domus suæ, donec invenisset lo-  
 „ cum Domino, tabernaculum Deo Jacob. Si Regem il-  
 „ lum pia sollicitudo Legalis cultus quiescere passa non est,  
 „ quin noctes & dies ad quærendam Arcæ fœderis statio-  
 „ nem non minus anxie quam assidue intentus foret: quan-  
 „ tum magis nunc Christiani Regis studium ad se rapere de-  
 „ bet spiritualis Dei cultus, omnesque ejus conatus ac cu-  
 „ ras accendere ad obeundum hoc tam honorificum &  
 „ præclarum munus, ut Christus emineat? Accedit etiam  
 „ quod David quamvis extruendi templi honore privatus  
 „ esset, non tamen cessavit toto vitæ suæ cursu lapides,  
 „ materiam, argentum & aurum congerere, quò succes-  
 „ sor Solomo copius omnibus instructus, statim sinè mo-  
 „ ra ad opus seclacius accingeret. Quo animosus Chri-  
 „ stianum Regem vires omnes suas ad restituendum Dei  
 „ templum colligere ac summopere eniti decet, ne diutius  
 „ inter deformes ruinas cultus Dei obsoletus jaceat? Etsi  
 „ autem nunquam defunt obstacula, quæ pium hoc stu-  
 „ dium morantur, longè tamen Majestati Vestræ expedi-  
 „ tior quàm olim piis Regibus Ezechiae & Josiae, quibus  
 „ arduum & durum, promptum & alacre ad suscipien-  
 „ dam Christi fidem obsequium offerat. Quo adjumento  
 „ sic expergefieri cordatum Regem decet, ut non minus  
 „ strenuâ manum ipsè vicissim porrigat? Nec verò his  
 „ blanditiis dandæ sunt aures, quibus Satan per homines  
 „ profanos lethale frigus aspergens, ignavo sopore mul-  
 „ torum sensus perfundit. Quin potius excussio omni tor-  
 „ pore manibus & pedibus in tam præclaro opere insisten-  
 „ dum est, ac præsertim ubi apparet agendi maturitas, ne  
 „ si oblata divinitus occasio negligatur, frustra deinde  
 „ standum sit ad clausam januam. Equidem optimo viro  
 „ & fidei servo Christi Franc. Lismanino, quum à me  
 „ consilium peteret, auctor esse non dubitavi, ut isthuc  
 „ statim concederet, si quis fortè opera ejus usus fuerit,  
 „ saltem pio ejus desiderio libenter subscripsi: nec veritus  
 „ sum ne ejus profectio quasi intempestiva Majestati Ve-  
 „ stræ displiceat, cujus præsentiam multis modis utilem  
 „ expe-

„ experientia ipsa ostendet. Quòd si palam à Rege ipsam  
 „ proferri mox à primo ingressu nondum commodum  
 „ videbitur, mihi tamen per sacrum Christi nomen rogan-  
 „ da suppliciter & obtestanda est V. M. ut rectè currenti  
 „ saltem aliunde patefactam viam curet. Interea assiduis  
 „ votis precabimur, ut Dominus pro sua incredibili poten-  
 „ tia opus quod cepit feliciter absolvat, Majestatem Vestram  
 „ heroico spiritu instruat, & in statu prospero incolumem  
 „ tueatur. Genevæ pridie Natalis Domini, quem cupio  
 „ sicuti summo imperio à Patre donatus est, ita reveren-  
 „ ter in palatium verum excipi, ut jure suo ab omnibus co-  
 „ latur. 1555. & 24 Decembris.

Majestatis Vestræ addictissimus

JOHANNES CALVINUS.

*Serenissimo Poloniae Regi,*

Domino meo Clementissimo.

Alias etiam dedit ad Regem literas Calvinus V. Id. Fe-  
 bruar. 1555. ut & H. Bullingerus 12. Novemb. ejusdem  
 anni, sed quas jam dudum editas omittimus.

### CAPUT III.

*De his quæ factum Lismanini in Polonia secuta, & aliàs in  
negotio religionis gesta sunt.*

Inter hæc, cum Lismaninus peregrè esset, Ecclesiæ  
 Polonica insigniter crescebant, vires subinde majores  
 per provinciam Cracoviensem, sed & per totam Mino-  
 rem Majoremque Poloniam & Lithvaniam acquirente  
 Evangelio, & nobilitate juribus suis consisa, ut Mini-  
 stri verbi, qui & Parochi Evangelicorum vulgò voca-  
 bantur, quietè agerent, magno animo & felici conatu  
 pertendente. Sed cum nondum veritati in Metropoli  
 Cracoviensi paratum esset domicilium, Vola Decii Justi  
 prædium suburbanum illum primum excepit, accito il-  
 luc



luc viro pio & erudito Gregorio Pauli Breslinensi, qui rem divinam ibi faciebat, ut & in Chelmiano, Remigiani Chelmii Viri generosi prædio itidem Urbi vicino. Quapropter multi Cracoviensium civium utriusque sexus concurrere ad audiendas conciones solebant, licet & iter illud crebrò satis fuerit incommodum, & malevoli, curante id Episcopo Cracoviensi illo Andrea Zebridovio, convitiis & variis molestiis ac obstaculis impedire eos sæpè conarentur. Sed vincebat hæc omnia ardens in divinam gloriam & propriam salutem zelus, secundante & tutante pios conatus divinâ providentia, quod & Regius Psalter olim celebravit: *Beatus homo cui facultas est in te, semitas tuas insistendi ex animi sui sententia. Qui transeuntes per vallem mori fontem constituunt eum, quos etiam benedictionum operit pluvia. Qui pergunt ab acie ad aciem comparituram apud Deum Trione Psal. 84. 6. 7. 8.* significans fideles Dei cultores ad dilecta ejus tabernacula properantes superare avia, deserta & omnia incommoda ac obstacula, ut perveniant in Domum Domini, qui suis propitius singulari favore eos compleat. Ita enim profectò tunc venit, cum & Stanislaus Laslocius, Matthæus Stadnicus, & Joannes Bonar Magnus Procurator arcis Cracoviensis & Castellanus Biecenis, Viri Illustres in Aulas suas Ministros ad conciones habendas adducerent. Et Bonarus quidem in horto suo ad ipsâ urbis mania ante portam ad Nicolaitanâ vicinam, & ab ea cognominatam cæui sacro colligendo locum assignavit. Atque ibi postea Gregorius ille docuit magna hominum frequentia, ut ad novas res fieri solet, confluent. Chelmus vero in suo prædio sepulture locum assignavit, quem Pontificia iniquitas Montem Caninum vocaverat. Sed & Ivanovicianum tertio ab Urbe lapide distitum pagum (quem cum Vir nobilis Dlusii possideret, libertate mulcâ usus, jusserat imagines templo ejici) eadem finiâre solebant. Egregium hæc occasione occurrit exemplum, memoratu dignum de quadam honestâ matronâ, Joannis Jeleni Civis Cracoviensis conjuge. Quæ cum formâ sed & pudicitia, præstaret, non secuta est vestigia aliarum faminarum, quæ in illa urbe non infrequen-

ter fidem conjugalem à Pontificibus (quibus obtentu religionis omnia sunt pervia & licere putantur) temerari sinunt. Cum enim Andreas Zebridovius Urbis illius Episcopus in omnem luxuriam solutus, à suo Archidiacono ejusdem ollæ ministro accepisset, sæminam illam formâ pulcherrimam in platea, quæ à fraternitate commentorum Francisci amula Bratska vulgo dicitur, propè Palatium suum habitare, eam ad lecitari, quòd ad audiendas conciones Lutheranas (hoc nomine in Polonia omnes à Romanensibus dissidentes venire jam ante monuimus) cum marito, qui potius, non femina, citari propterea debuit, si potior religionis vel justitiæ quàm libidinis ratio habita fuisset, Chelmianum vel Ivanovicianum adiret. Quæ cum coram Pontifice comparuisset, oculos & cor ejus, sed frustra, in se convertit

*Nam videt hanc, visamque cupit,*

Sed non potuit cupit, licet retia libidinis capiendæ prædepandens, ad stante Archidiacono & frequenti Aulicorum coronâ eam compellarit: *Tunc es, ô Lutheri sequax, quæ licet edi D. Francisco sacra vicinus habites, eam tamen non adis, sed ad unum & alterum milliari studio concionum Lutheranarum audiendarum extra urbem excurris. Adimam ego tibi propensum in Lutheri sectam affectum. Si nolis colum domi tractare & templum frequentare, saxo ut brevi in arcem Lipovecianam (arx est Episcopalis, urbi vicina) deducaris.* Ad quam propositionem, religiosæ simulationis plenam, mulier in Aulis olim educata, & inter sales pudorem tueri docta, lepide respondit: *Reverendissime Princeps Aliquis bonus vir (is revera erat Archidiaconus lateri Episcopali proximus) cum non haberet quod ageret, voluit gratum Reverendissimæ Cessitud. Vestre præstare officium, me de Lutheranismò accusans, qui ad eum nequam pertinet. Nam ut ego non observo, quorsum ille ire soleat, ita dubito ut iste delator pietate motus, quorsum ego eam, observaverit. Verumtamen si digna essem carcere, is non in Lipoveciano, qui pro Sacerdotibus solis extructus est, sed in Promnicensi arce, qui feminis destinatus est, subeundus mihi foret. Sensit Pontifex salem, quo mulier*



se & sibi similes perficit, & subidentibus, affatim auditoribus, Archidiaconum dicere ad hos, *Speſtatum admiſſiſum teneatis amici*, ad illum verò.

*Hec bone vir, curasti probe, volens, aspiciens, un cum eo obmutuit.* Mulier verò benè sibi conscia & constans beneque morata, genu flexo, domum recessit spectatoribus Comediæ in sinu vetus illud repetentibus:

*Egregiam verò laudem & spolia ampla refertis!*

Prætereundum hic non est, id quod Budzinius annotat Episcopum istum amari & malevoli zeli plenum, interim ventri deditum, ac veræ pietatis expertem fuisse. Totam enim de resurrectione fidem & universam Christi religionem fabulam ducebat, maledico ore Christum Servatorem laceſſens, & impiam vocem de ribus impostoribus (de quibus an liber aliquis habeatur, ignoro, sed Bernardino Ochino injuriâ imputari, benè scio) proferens. Harum blasphemiarum testem Budzinius adducit Andreæ Patritilem, olim suum Præceptorem, postea verò Episcopi istius Secretarium. Is enim hæc & alia plura ei pro veteris amicitie fide, retulit, ut & aliquando se cum Hero illo suo carpento vectum in prætorium delatum fuisse, eumque ad se dixisse: *Vides, Andrea, hoc prætorium. Felicius id me est. Nam gramen, quod ea falce reſectum jacet, redibit. Ego autem semel falce mortis demessus non amplius resurgam.* Tum & dicere eundem solitum fuisse: *Crede & in hircum, si velis, dummodo mihi decimas pendas.* Sed talem vitam & animi improbitatem zelo simulato & persecutionibus piorum velare juvat. Itaque aggressus primò est Conradum illum Crupcam Przeczawski, Virum Nobilem, cui ob diversam de fide sententiam & decimas ad tribunal suum Pontificium (ad quod ante peractam reformationem & partem Spiritui corporique justam libertatem nobiles olim cum discrimine honoris & vitæ trahebantur) adesse iussit. Qui iugo illo Pontificiæ jurisdictionis cervicibus nobilitatis premente comparuit, sed cum caterva Nobilium, præcipuè verò innocentiam ejus juvit Martini Zborovii Palatini Calissiensis Viri Illustris & Præpo-

toris

tentis, ac propè Audacis (testatur id Dux Viſnovicius ob raptam Ducem Ostrogianam in media Bohemia captus & trucidatus) virtus. Is enim pro more suo, imbecilliorē a fortiore opprimi ægre ferens, cum familiarium & sequacium manu in Aula, quam ædi Francisco sacra & Palatio Episcopali vicinam habuit, præstolatus fuit. Quod cum Episcopus cognovisset, Palatium claudi, portam obſerari, muniri & aliquot majores machinas bellicas ignivomas præparari præcepit, exigua tamen januâ aperta relicta. Palatinus itaque eum convenire volens, misit ad eum, jubcat recludi portam, se indignorum ritu per foramen in palatium non ingressurum, quoniam in Senatum non per foramen, sicut ille in Episcopatum, sed per apertam virtutis Portam ingressus fuerit, ac providè per apertam portam & in Palatium Episcopale intrare sit dignus, ut Episcopum cum Amicis conveniat. Budzinius refert nil amplius inter eos fuisse tunc actum. Orphinovius verò Palatinum illic quasi quid rerum ageretur ignarum venisse, iniquitatem Jurisdictionis Episcopalis demonstrasse, liberationem ab hac servitute brevi fore prædixisse, & auctoritatis suæ reverentia ulteriorem Episcopi furorem coercuisse. Ita tunc Episcopus anathematis fulmen, brutum tamen, contra virum illum nobilem, zelo veritatis flagrantem, vibravit. Audiendus hic est Piascejus: Cum, inquit, Andreas Zebrydovius Cracoviensis Episcopus de hæresi Lutheri accusatum Crupca Przeczawski judicaret, eumque propterea infamia penariâ notaret, æque Catholici atque heretici equeſtres adeo insurrexerant contra eandem potestatem Ecclesiasticam, ut in Comitibus Petricovia A. 1552. nullum negotium publicum tractari permitterent, nisi prius illam judicii Episcopalis sententia quoad penam infamiae judicialis abrogaret. Ac exinde omnium judicii Ecclesiastici contra Equeſtres decretorum executio fuit suspensa ad compositionem inter Status; cum eoque contra excommunicatum, si intra unum annum absolutionem non obtinisset, consueverit Cancellaria Regia dare ad Præfectos locorum Regios mandata executionis, qualia dari solent contra proscriptos à Rege vel Judicibus Terrarum

D 2

Eque-



*Equestribus.* Idem ille Episcopus cum ictus Crupæ intentus elusus vel elusus fuisset, aliorum impotentiam mentis convertit. Mortuo illo Dluscio Ivanoviciani hærede convenire vicini & Amici, ut ei iusta persolverent. Quod in vicinia Urbis cum fieri Episcopus audivisset, misit illuc unum ex familiaribus, quò ritu exequiæ peragerentur, & quis totius funebri ceremoniæ dux & moderator esset, exploratum. Is cum rediisset, & exequiis magnâ frequentia nobiles adfuisse, missam idioma Polonico celebratam, cererum tantum unum accensum, nec alia solemnia servata, funebri vero actûs directorem Andream Tricesium Joannis illius filium fuisse, retulisset, ita exarsit ira, ut cibo abstinuerit, & Tricesio rogum minitari sustinuerit. Sed & ibi vana fuit sine viribus ira. Quæ tamen aliquo successu paulò post in simili actu funebri non caruit, ut mox dicetur. Crescente confessorum veritatis & Ecclesiarum numero, ac nobilium, qui non solum in pagis, sed & in ipsa Urbe Cracoviensi in oculis Episcopi rem divinam fieri curabant, libertate, crescebat in dies Episcopi indignatio, cui illa ideò rumpebantur, quòd omnes impios conatus suos frustra esse videret. Minis tamen, sed & aliis malitiosis artibus non abstinuit, ut se juratum pietatis hostem ostenderet. Cum Hieronymus ille Philipovius, qui jam tum in Crzcentziano numerosam tuebatur Ecclesiam, Cracoviam cum uxore, quam à Viro Magnifico Hlemsta relictam viduam duxerat, venisset, Episcopus maximæ campanæ, quæ à Sigismundo I. nomen habet, in arce signum quasi ad extinguendum commune incendium, triduo edi mandat. Tum anathematum fulmina non tantum in hæreticos, sed & in populum torquet, solemnibus Misse interdicat, ut imperitum & superstitione captum vulgus ad invidiam, & ita ad seditionem persecutioni in Philipovium & alios veritatis fautores ciende opportunitatem concitaret. Sed cum & hæc aperta insectationis via non successisset, aliam, canque tectam & speciosam, calumniarum scil. ingressus est, benè doctus, Leoninam & vulpinam pellem alterius esse asluendam. Calumnias

lumnias occasionem præbuit Philipovianæ puerperium. Hanc monstrum horrendum, draconem tricipitem aliquot caudis armatum enixam esse, impudentia per urbem spargit, licet enixa fuerit infantem masculum, cui paternum nomen inditum, qui postea blanditias seculi secutus, avitâ generis nobilitate & Coniecpoliorum, quibus cum communia arma gentilitia gerebat, consanguinitate juvante. Regis Stephani dilectus vulgò dictus est, quod Magnus dapum Regiarum Incilor per regnum, Supremus Cubiculi Regii præfectus, Marechalus Curia, Strieusis, Nurensis, Ostrelloviensis & Ostrolencensis Capitaneus factus, & Legatione ad Turcarum Imperatorem perfunctus fuerit, cum vix tricesimum annum excessisset. Sed extemplo, ut solet, inon minus imprudenter, quam impudenter instructa fraus, ut ignis in lucerna Punica transparuit & Pontificem cum grege suo in contemptum deduxit. Atque hæc res etiam populum hinc impias fraudes perosum & grave Pontificum jugum jam olim aggreferentem, illinc novitatis avidum, ideoque ad credenda accipiendaque omnia nova facilem, haud leviter ad audiendas conciones Lutheranas (hic quoque vulgatam illam veritatis Sectarum appellationem retinere placet) invitavit & incitavit. Tantò magis quòd has in Urbe tuto haberi & audiri posse videret, Concionatores ex pagis adducuntibus Equitibus. Quos inter Lassocium & Philippovium conjunctissimum sociorum par, maxime Episcopi petebant invidia, quoquomodo utrique nocere studentis. Et huic quoque ut molestiam crearet, occasionem quam, ut & causam, qui malefacere volunt, nunquam non inveniunt, invenit, cum funus uxoris puerperio illo examinata, honestè cum amicis ex urbe efferret. Tunc enim excitâ studiosorum, quorum illic non minor licentia & animi impotentia, quam virium potentia est, & aliorum ad quidvis audendum promptorum turbâ in seditionem gladiis, telis & audaciâ armata, funus ducenti Philipovio in medio foro prorumpens è turba Vrovecius, generis nobilitatem & studiorum famam, infami petulantia contaminans, alampam impegit. Quam injuriam cum ulcisci, & non tantum hunc Juvenem, sed & universam illam malefactorum



riatorum turbam vi repellere Amici & familiares vestent, Philipovius & patientia Christiana, & amoris conjugalit memor, & ipse injuriam modestè, scintillas magnum incendium daturas Viro cordato & prudenti spūto extinguenti similis, tulit, & amicos ac clientē arma expedientes ritè & providenter cohibuit. Optimo certe consilio. Hoc enim Pontifices & ceteri malevoli quærebant studio, ut Evangelicæ veritatis Confessores de tumultu quopiam accusare possent, & criminari, pravam & maleficum hominum gentis paci publicæ inimicum, seditionem non religionem inchoare. Ideoque Philipovius insigni exemplo, qui ferant, qui verò inferant injuriant, seditionis fomentum, omnes docuit. Et professio bene sibi tunc modestia, & contra malè consuluit ferocia. Illa enim laudibus afficiebatur, hæc vituperio proscindebatur publice: & tantum Evangelicorum crescebant successus, quantum Pontificum decrescebat fides & probitatis opinio. Cum & hic Episcopus malitiæ sperato fructu excidisset, aucta & in suam partem suspitione, & in adversam existimatione, plebejæ conditionis homines, quos sola innocentia & modestia injuriæ patens tueri contra effratem impietatem non poterat, aggressus est. Luculentum sacræ tyrannidis exemplum in Martino illo Curoviensi, Ministro verbi divini, Viro per omnia pio & innocente, paulò ante, anno scilicet 1550. quo in locum Samuelis Macieovii in Episcopum Cracov. creatus erat, statuit. Hunc enim captum & carcere Bozentino mancipatum inedia peremit, quod non tantum Chrysippus non faceret.

--- nec mite Thaletis

*Ingenium, dulcique senex nutritus Hymetto.*

*Qui partem accepta sava inter pocula cicutæ*

*Accusatori nollet dare.*

Sed & naturæ potius quam Dei cultor Plinius detestaretur, diceretque, *diræ famis mortem, terræ meritis alienissimam, lenta nos consumere tabe.* l. 2. c. 63. Cum enim Vir ille Pius & Sanctus Jesu Christi Martyr nihil penes se quam Sacrum Codicem & paulum buryri haberet,

beret, hoc unà cum libro ( ut quem mente & memoriâ devoraverat ac in succum & sanguinem converterat, ore quoque devoraret & cum eo in terra conderetur ) durâ fame stimulante consumpto, semianimis præsentē Episcopo, qui Antonianâ, plusquam Neronianâ savitiâ supplicia spectavit, jussisse non contentus, veritatis confessioni immortalis est, faminâ quadam, Pontificum necdum morte ejus ex satiatorum, & cadaver sanguine sædatum innoxio intuentium, & ultrâ mortem ac barbariem savientium, nuditatem & sanguinem suffocati indusio dato tegente. Adeo Pontifices & olim Samaritanus, hæreticus Judæis & alienigena, & hic famina viros, plebeja dignitatibus eminentes, misericordiâ in miseros exercitâ superavit!

#### CAPUT IV.

*De proscriptione absentis Lismanini, & persecutione ulteriori  
Confessorum veritatis per Andream Zebrydovium  
Cracoviensem Episcopum facta.*

UT solet impietas semper ruere præceps in pejus, ita & hic tot piorum persecutionibus, imò & illo innoxio sanguine plusquam adamantina corda emolli & in humanitatem flecti non poterant. Urebat malevolos Litmanini exemplum, sed & missæ virorum Præstantium Conradi Gesneri, Henrici Bullingeri, tum Joani. Calvini ad Regem litteræ, quæ & ad Procures Regni ac Equites veritatis Evangelicæ sectatores scriptæ per ora & manus plurium ferebantur, ita ut talia latere non possent malevolos, qui in persecutionum occasiones investigandas plusquam lyncei & emunctæ naris esse solent, in iisdem vero exsequendis impigri & ingeniosi, adeo ut meritò ex verbis Servatoris penitus animum admittendis optare liceat: *Utinam filii lucis non sint filii hujus sæculi prudentia inferiores in genere vel ordine suo!* ut nempe norint occasiones rei bene gerendæ investigare, captare, arripere, exsequi, atque ita præ-



fidia vitæ melioris parare. Tum quidem & hi & illi prudentiâ & industriâ certarunt. Nam Evangelicæ veritatis confellores de ea propaganda, olores verò de eadem eradicanda quoquomodo, cogitabant. Et illi quidem indicta ad Cal. May 1555. Synodus Pinczov. Pinczoviam Synodo, frequentem eam celebrarunt. Atque hæc prima fuit Evangelicorum in Polonia Synodus: quam Cosminecensis in Majori Polonia eodem anno m. Aug. habita secuta est. In illa sancitum est explorandos esse animos fratrum *Moravorum*, qui & *Valdenses* & *Pauperes de Lugduno* & *Albigenses* & *Picardi* vulgo vocantur, cum quibus non pauci fratrum Polonorum, singulari disciplinæ Ecclesiasticæ & pietatis studio eorum invitati consilia sociabant. Hi (ut aliquid de istis quoque hæc occasione dicamus) medio duodecimo à Christi nativitate seculo magno animo contra Romanæ Ecclesiæ corruptelas, præcipuè de Romani Pontificis torisque adeo Cleri tyrannide, de mercatu indulgentiarum, de nundinatione missæ, de multiplici Idololatria, & quæ his adnexa sunt, detonare incipientes, longè lateque doctrinam, quæ secundum pietatem est propagarunt. Auctor illis fuit Petrus Valdis Civis Lugdunensis Vir, ut exactis videre est, pius & prudens, quem insperatus & horrendus unius ex divitibus, qui fallendi temporis causa convenerant, repente mortui casus, ad agenda cum suis & prædicanda seriò penitentiam ac morum integritatem cum divitiarum & seculi contentu conjunctam, insolito quodam accensum zelo impulit. Hanc institutionem puriorem circa annum 1370. Joannes Viclesus in Anglia restauravit, de quo singulare refertur, quod & Biblia in linguam vernaculam transtulerit & 200. libros quasi (redeunte Valdi intrà annorum 200. periodum zelo) contra Papam scripserit. Horum vestigiis intrà 30. annos 150. scil. ineunte seculo Joannes Hus & Hieronymus Pragensis fortiter & usque ad atrocem mortem, quàm plusquam impium illud (nam & impietatem gentilium excedens) dogma, *hereticis non esse habendam fidem*, sancitum est, insisterunt. Dehinc intra centum annos, sicut Hus prædixisse scribitur, Martinus Lutherus Isl-

bienfis

bienfis Theologiæ Doctor è familia Augustini, ex occasione mercatus indulgentiarum, quem auctoritate Leonis. X. Pontificis Romani, præ cæteris Joan. Tecelius è Dominici familia in Germania cum pudore verecundiorum, indignatione nobiliorum, dolore probiorum exercebat, in tam effraam & ipsis quoque melioribus Pontificiis Polyd. de inventor. rer. l. 8. c. 4. p. 622. Thuan. l. 1. histor. Laur. Surius Comment. p. 92, 93. improbatam licentiam surrexit, eique editas Wittebergæ theses opposuit. Fecit quidem in eo Viri Christiani & cordati officium, magnos rei per se falsæ & à Pontificibus proprii commodi causa confidæ, utpote peccatorum scilicet remissionis, omnibus veram penitentiam agentibus sanguine Christi Redemptoris partæ, & ab Ecclesiâ ore Episcopi sive pastoris declaranda facultatè à tota Ecclesiâ in se solos translata, corruptelas demonstrando & arguendo. Sed cum ulcus tangeret, minime faventes sibi Pontifices expertus est. Invenit tamen & melior causâ patronos, cum primis Fridericum Saxonie Electorem, Principem Magnanimum, qui Lutherum & susceptum ab eo negotium contra furentes Pontifices tueri sustinuit. Cui se paulò post alii Principes, sed & urbes Imperii liberæ adjunxerunt. Tanto magis quod ex mente Lutheri, sed & ipsius veritatis ambitio & arrogantia Pontificum, & immensi eorum redditus annui coerecerentur, & opes eis non tantum non convenientes, sed & noxiæ, in usum Principum & Reip. converterentur. Sed hæc aliis cum curâ descripta, relinquamus, & ad nostra vertamur. Exempla præclara Principum & Statuum vicinæ Germaniæ, quorum generoso incaluerat pectus honesto, ut certatim ad tollendas in fide & moribus, inveteratas licet, Ecclesiæ corruptelas concurrerent, nostros quoque homines valde accendebant. Tanto magis quod bonis institutis ac conatibus respondentes prosperi successus meliora ingenia magis magisque incitarent, invitarentque. Ex Synodo Pinczoviensi, cujus paulò ante mentionem fecimus, data ad Lissmaninum apud Helvetios degentem à Nobilibus Ecclesiarum Patronis & verbi Ministris litte-

D 5

re



rar, quibus cum in Poloniam rediret, uno animo invitabant. Opposuit quidem se eis *Stanislaus Sarmicus*, Ecclesiae Niedvedensis Pastor vir nobilitate praestans, & ut acri ingenio, ita & elato animo, qui jam tunc ad primatum per ruinam concordiae Ecclesiarum, quae paulo post, Ao. scil. 1565. ut infra dicemus, hoc innocentore inducta est, grassabatur. Pervicit tamen auctoritas plurium aequiori causae patrocinium commodans. Adeoque litterae illae ad Lismaninum per Budzinium ministrum ejus mittere fuere, qui & litteras Regias quibus Gesnero, Calvino & Bullingero respondit, ad eos pertulit. Quod verò tunc temporis liber orationum & hymnorum ex Bohemia in Poloniam fuerit allatus, malevoli arrepta hac occasione Evangelicos exosi *Picardorum* nominis invidiam gravabant. Hac tamen superior fuit piorum, veritatis purioris propagandae studio flagrantium virtus. Qui ideo in Synodo illa de introducendo in Ecclesias magis magisque divino favore crescentes recto ordine masculis & quod omnium primum est, in tempore egerunt. Pessime hoc *Zebridovium* Episcopum Cracoviensem habebat. Ideo Cancellarium suum cum numero equitatu quem *Herodi* quam Petro magis per omnia similis, alebat, *Pintzoviam* ad turbandum pium illum conventum misit: Sed iniquos & audaces conatus Deus destituit, nec permisit locum illum singularis providentiae suae documentis & fama honestarum occupationum celebrem, violari molitionibus Episcopi, hominis ut fama veritatis ferebat, carni prorsus dediti adeoque impii & in loco mali omnis, licet boni nominis degentis. Erat is pagus *Dobrowoda*, quasi bonam aquam dixeris, unico lapide à *Wislicia*, à qua *Pintzovia* quarto distat lapide, disitus, in quo *Zebridovii* quondam antecessor, *Zaviska de Kurozanski* Ao. 1382. ad perpetrandam cum puella in edito loco dormiente scortationem per scalas adscendens fracta cervix expiravit, sicuti patriae historiae monumenta testantur. Praemonitus de molitionibus *Zebridovii* Episcopi *Olesnicius Pintzoviae* Dominus, tanto majori cautione & prudentia in illis eludendis usus est. Cum enim Cancellarius Episcopi, cum armatis equitibus ad portam oppidi

oppidi venisset, ut jussu heri vel aliquem ex Ministris verbi, si forte posset, captivum adduceret, sin minus, cum Nobilibus ageret, eosque ad solvendum conventum induceret, non est intromissus nisi cum rribus Comitibus, & quidem ideo quod diceret se mandatum Regium litteris consignatum ferre. Nobiles congregati relictis in canobio, unde paulo ante *Olesnicius* monachos ejecerat, Ministris verbi, soli cum Cancellario Episcopi in cimiterio egerunt. Res sic acta est. Exhibuit ille mandatum Regium ab *Joanne Przerembcio*, qui nuper Proepiscopus Cracoviensis frustra eundem *Olesnicius* ad Regis tribunal ob eandem causam traxerat, tunc jam minore Regni Cancellario conscriptum. Id Nobiles cum in manus accepissent & à quo esset conscriptum vidissent, adhibitis ex more, praemonendi contra calumniam innocentiae causam, testibus nobilibus & pracone publico (ministerialem regni generalem nos vocamus) se quidem sigillum Regium elebita cum reverentia suscipere, at non ipsum mandatum ut potè clam Regem à Pontificibus conscriptum. Scire enim se quod id Regi, ut Domino debeant, & hunc nosse, quid illis impexare debeat nec ne injuriam sibi in eo fieri, quod Pontifices conventicula se agere crimentur: haec nempe peragi ab illis, qui clam molitionum pravarum & proditoris causam convenient: tales ipsos Pontifices esse, qui omnia secreta, etiam maxima Principum Romano Pontifici se revelaturos fide jurata spondeant, & nuper *Lovicii* tale conventiculum celebrarint: & tempus mox patefacturum, annon ipsi Pontifices potius seditiosa & perfida consilia agent, Cum hoc responso dimissus est Episcopus Cancellarius, qui se satis modestè apud nobiles excusavit, se ut delegatum jussa heri sui illis exposuisset, eique responsum eorum relaturum esse. Dabant autem sedulo operam Pontifices, ut mandatis & privilegiis Regiis & Evangelicorum libertatem, innoxiam licet & aequam, operimerent, & suas decimas, aliaque jura, quantumvis respectu saltem eorum; qui ab eorum institutione & cura recesserunt, injusta stabilirent. Ejus generis instrumentum illa tempestas vidit, quod Regi, uxorem suam secundam *Barbaram Radziviliam*, diadema nate cum consensu Pontificum & ab his ipsis ornari cupienti infestis tenatoribus Regni ex Ordine Politico & Nobilibus omni



omni pietati contrarium idem extorserant. Cujus exemplum Nicolaus Lutomirski Castellanus Zawichostensis nactus, nobilitati Cracoviensi in conventu Proslowicenti congregatæ exhibuit, & quosangues sinu suo foveant, Pontifices scilicet qui cum inter Senatores Regni reputentur, jugulum communis libertatis & Reip. petant, demonstravit. Exemplum ejus & ego hic pono:

Ad perpetuam rei memoriam. Quoniam humana  
 „omnia vana sunt & inutilia prorsus nisi legibus divi-  
 „nis earumque metu & observantia in officio retineantur,  
 „ac religionis inprimis integritate & unione obfirmen-  
 „tur. Proinde nos Sigismundus Augustus Dei gratia Rex  
 „Poloniæ manifestum & confessum esse volumus universis  
 „& singulis quorum interest & interesse poterit, quod cum  
 „ex nostris utriusque status Consiliariis intelleximus, varias  
 „in Regno nostro passim pullulare hæreses, novaque in reli-  
 „gione dogmata & ritus non solum adferri huc aliunde,  
 „verum etiam temerarios quosdam subditos nostros pa-  
 „lam profiteri atque instituire eam. Nos vestigiis Ma-  
 „jorum Nostrorum insistendo, quorum præcipua cura  
 „& studium semper fuit, Sacro Sanctam fidem Chri-  
 „stianam propagare & adjuvare, & omnem occasionem  
 „inter subditos nostros dissidii, ac omnis in Republi-  
 „ca perturbationis (quæ dissensionum in religione in-  
 „dubitatus solet esse comes) amputare, idque proprie  
 „ad officium Regum & Principum Christianorum per-  
 „tinere existimamus, nostris hæc literis testatum faci-  
 „mus & pollicemur nos pro nostra pietate erga rem Chri-  
 „stianam & Ecclesiam S. studio & amore, veritatem inpri-  
 „mis doctrinæ Ecclesiasticæ fideique Christianæ Catholicæ  
 „& Apostolicæ sinceritatem quam S. Romana profitetur  
 „Ecclesia, & quam majores nostri jam inde ab initio su-  
 „scipientes, ad hæc usque tempora constanter professi sunt, se pro-  
 „fessuros ac in tegre inviolatæque proviribus ubique in Regno  
 „ac dominiis nostris conservaturos, hostes verò ejus non  
 „solum Ethnicos, qui à Christiano nomine ex professo  
 „se esse alienos volunt, sed etiam hæreticos, qui sub  
 „specie Christiani nominis & falsa verbi Dei usurpatione  
 „omnem prorsus doctrinam Christianam tollunt &  
 „evertunt, itaque alienos esse testantur ab ea fide & re-  
 „ligione

„ligione quam inde ab Apostolis traditam ad hæc usque  
 „tempora sola Romana ac universalis proficitur Ecclesia,  
 „oppugnatos & regno nostro propulsatos in Consi-  
 „lium & Senatum nostrum Regium eos qui aliqua hæresi  
 „essent infecti (quod nos sciamus) nunquam assertu-  
 „ros, dignitates nullas aut præfecturas eis commissu-  
 „ros, imò si qui ad nos delati fuerint, effecturos (Deo  
 „Optimo Maximo auspice) ut statuta Regni nostri  
 „contra eos extendantur, ac summa diligentia exequan-  
 „tur, quo semper inglorii, infames, extorres & exu-  
 „les à patria permaneant, nisi in gremium S. matris  
 „Ecclesiæ redire, eique reconciliari studuerint. Eccle-  
 „siasticas item personas earumque jura, immunitates ac  
 „privilegia publica & privata defensuros & conservatu-  
 „ros, & quoad fieri poterit propugnatos, Officiali-  
 „bus etiam ac præfectis nostris quibuslibet ne remissi  
 „aut negligentes essent in eis exequendis, ac manu te-  
 „nendis cum grandi & seria indignationis nostræ com-  
 „minatione mandamus, alioqui si qui ad nos delati  
 „fuerint, qui cum officio suo, tum vero mandatis  
 „nostris satisfacere nollent, nos id impune non fere-  
 „mus. Quæ quidem supra scripta omnia Reverendo in  
 „Christo Patri Domino Nicolao Dzierzgowski Archi-  
 „episcopo Gnesnensi D. & aliis Episcopis suis cate-  
 „risque Consiliariis nostris nos pro officio suo admo-  
 „nentibus, facturos esse nos verbo nostro Regio polli-  
 „citi sumus, & firmiter sub juramento fidei nostræ Re-  
 „giæ subditis nostris per nos inauguratione nostra præ-  
 „stito observare volumus. In cuius rei fidem præsentia-  
 „bus ibidem &c. Datum Cracoviæ feria sexta Concept.  
 „B. M. Ao. 1550. regni vero nostri 21. Budzin. c.  
 „11. Hoc privilegium libertati nobilitati nocivum, imò  
 „illam perimens magnas postea in Comitibus dedit turbas.  
 „Pontifices enim jure hoc sibi concessio privati nulla ra-  
 „tione volebant: contra nobilitas tendebat. Laudatur e-  
 „jusdem illius Lutomirski vox prudenti Senatore digna,  
 „lege publica in Comitio cavendum esse, ut quialteri hære-  
 „sin obijcere ausus fuerit, subiaceat pænæ quam lex de  
 „turpiloquio & læsione bonæ famæ sanxerit: non enim  
 „levem



levem esse contumeliam, si quis alicui hæreseos crimini obijcerit, quod difficulter probari possit: non hunc esse hereticum, qui Pontifici Romano morem gerere nolit, sed qui præfractè veræ doctrinæ ex verbo Dei depromptæ se opponat & mandata divina conculcet, novas sententias eis apertè contrarias proferat vel sequatur (*decret. part. 2. caus. 24. quest. 3. c. hæreticus*) idque alicujus temporalis commodi & maxime vanæ gloriæ principatusque sui gratiâ, ut ipsum jus Canonicum definit. Et certè tunc temporis nobiles, cum quos cuniculos Pontifices ad subruendam libertatem communem foderent, animadverterent, pravis eorum molitionibus & ausibus fortiter restiterunt, adeo ut Pontifices de sua arrogantia remittere necesse habuerint. Post rem eo quo diximus modo Pintzoviz peractam Episcopus Cracoviensis nihilo melior factus, nec de suo furore quidquam remittens, eodem illo anno iracundiæ plenus vindictam totus spirabat, modesto, & cordato & libero nobilium responso offensus. Obtulit se ei commoda & hoc facinore digna occasio rei perficiendæ per Monachum, qui cæteris ejectionis solus in cænobio unâ cum Alexandro Vitrelmo verbi Ministro debebat. Hunc mandatis instruit ut hunc suum contubernalem & Martinum Crovicium verbi pariter Ministrum in arce habitantem ad prandium invitaret, interim submissi ab Episcopo ministri Crovicium caperent. Hunc enim, qui, ut supra vidimus, paulò ante Ecclesiæ parochus primitivâ libertate usus uxorem duxerat & ab Episcopo Præmissiensis pulsus Pintzoviam confugerat, & singulari zelo flagrans ore & scriptis Romanæ Ecclesiæ corruptelas & Pontificum artes perstringebat, maxime appetuit. Successit res ex compacto instructa absente ab oppido hærede (cujus, utpote Viri singulari non tantum animi sed & corporis fortitudine præditi præsentia talia in oppido tentare non permisisset) & aliquo successu non caruit dolus viris simplicibus præparatus, qui ex suo candore alienam versutiam æstimarunt haud memores, metuendos esse Danaos & dona ferentes. Nempe superveniente sub tempus prandii Masovio quodam Episcopi Ministro cum aliquot famulis Crovi-

Crovicius captus & vinculus & currui quali ad devenendas in horrea fruges uti solemus, facie in infima ligna obversa injectus stramine tectus & aliquot barbaræ crudelitatis administris super insidentibus pressus, occissime abducebatur. Ita per saxa & radices arborum vectus vulnere misere contuso ægte Spiritum trahebat. Sed singulari Dei providentia opportune accurrens Balthaser Lucovius Vir nobilis & provinciae Sendominensis Judex cum suo & Olesnicii famulo, qui solus fugientes persequabatur, clamore in sylva sublato Malovicium & famulos ejus ita percussit, ut currum relicto terga Lucovio, libertatem & vitam Crovicio dederint, paulò post ipso abvolante Olesnicio. Ita Episcopi Zebrovii conatus tunc quoque frustra fuit, nec ei exiguò quietis, existimationis & equorum abductorum impendio constitit. Ille tamen obstinato ad omnem crudelitatem animo, hac impietatis infamiam celare, imò zeli famam sibi conciliare studebat. Nam iterum novum mandatum à Rege, accusante ejusdem farinae viro, Przerembscio Cancellario Minore, obtinuit, quo jubebatur omnes Ministros verbi è domibus nobilium ad Episcopos abduci. Id autem possimum fecit, ut ictum pararet Hieronymo Philipovio, in diocesi sua habitanti, qui ut ex præcipua nobilitate ita & ex præcipuis exorientis Ecclesiæ Patronis fuit. Ejusdem germano amico & fidissimo studiis indefessis & vitæ integritate in opere Domini promovendo socio Stanislao Lafocio & illi Crovicio simul, idem Episcopus haud levem ictum intentavit. Cum enim Crovicius verbum Lei in Aula Lafocii Cracoviæ prædicaret, hanc violenter aggredi & Crovicium in vincula conjicere volebat. Crevit ei audacia favente partibus ejus Joanne Ociesio majore Regni Cancellario & urbis præfecto. Is enim Vir alioqui egregius genii & ingenii dotibus prædictus, sed Pontificibus addictior, Lafocium, ut æcogendo coetum in urbe regni primaria abstineret, & Ministrum ablegaret, missis ad eum duobus nobilibus, seignievio Propæfecto suo & Cmitâ, severe monuit. Sed hi visâ Lafocii invictâ, imò impetratâ virtute, tandem admirati non sine verecundia recesserunt. Ita & hic



& hic ictus Episcopi à Lasocio masculè fuit retusus. Ex his paucis cognoscere licet, quàm acriter & adversarii veritatis confessores ejus tunc fuerint persecuti, & hi pravis eorum molitionibus & ausis resistierint, Deo quandoque illis ut atrociam patrerent permittente, hos verò adversis exercitus invictà dexterà semper protegente. Crescebant inter tot obstacula, prisco suo more, Ecclesiæ Christi, tam in Polonia Majori & Minori quam in Litvania. In hac sed & in propaganda veritate pro ratione illius temporis, Nicolaus Dux Radzivilius Palatinus Vilenensis primas tenuit. Nam agente Vilnæ, urbe Litvanæ principali, Aulâ Regiâ, in qua multos veritatis cognoscendæ studio ardere videbat, Ecclesiam Lusciensis pago urbi vicino, fundavit. Quod facinus Magnanimi Principis non parum fidei Pontificibus apud Regem & populum detraxit, & de auctoritate Przeremblicii Cancellarii Minoris qui crebra mandata nomine Regis ad Nobiles veritatis amantes emittebat, decerpfit. Adeò tunc Aula & tota Resp. Polona multos veritatis confessores & testes vidit! Hos Deus ad gentem nostram, utpotè libertatis singulariter donis ornata, dotatam, ad se convertendam mittebat & in ea Rege Augusto renasci Christi veritatem, sicut & Christus, qui & ipse veritas est, sub Cesare Augusto natus erat, cupiebat. Inter primos veritatis primaræ restauratores Lismanium supra posuimus. Hic antequam in patriam ipse rediisset, suavit & omni conatu egit ut Joannes à Lasco tam opportuno tempore in Patriam reverteretur. Nempe ut sic, si forte ipse à Pontificibus ex patria pelleretur, tantus vir, cui præter eruditionem eximiam & morum severitatem, splendor natalium & illustres necessitudines auctoritatem conciliabant, in concussâ veritatis ore assertæ documenta sui loco relinqueret, & velut firmam istius columnam poneret. Fuit olim Ivan à Lasco Præpositus Ecclesiæ Gnesnensis & Lenciciensis ac nominatus Episcopus Vespriensis, qui Ecclesiæ Romanæ corruptelas animadvertens quum eas nec tollere nec tolerare posset, in Belgium, hinc in Angliam se contulit, atque ibi uxorem duxit, & cum multis viris doctis viva voce & scripto de rebus fidei con-

tulit.

tulit. Reditum Lasci omni conatu Stanislaus Myfcovius, Præfectus Mariaburgensis, Joannes Bonar, Ostrogogii, Albertus à Lasco frater Lasocius, Philipovius, & alii illustres ac Nobiles viri curabant. Nec res effectū caruit. Lismanium Anno 1556. at Lasco incunte 1557. in Poloniam revertit. Lismanium maximè adversa Pontificum studia erga se expertus, ita ut mandato Regio ex regno proscripius fuerit. Mansit tamen ille in Regno, & per septem hebdomadas in Ivanoviciano apud nobilem & piam matronam Agnetem Dluscianam ex consilio Fratrum latuit. Interim & Fratres & ille ipse apud Senatores regni id agebant, ut ab illa proscriptione liberari innocens Regis gratia posset. Et certe Rex, Princeps benignus & qui nuper Lismanium percarum habuit, in ejus proscriptionem non consensit. Sed Pontifices id fecerunt, qui sigillum regni minus in manu habebant. Quo animo in Lismanium Senatores fuerint, Senatus Politici Princeps Joannes Comes à Tarnoio, Castellanus & Præfectus Cracovicus & supremus Dux exercituum Regni litteris suis mense Julio ejusdem anni ad eum datis testatus est. Harum exemplum hic oppono.

Ternas jam, ita ut Dominatio Tua scribit, ex quo ipsa huc in Poloniam rediit, ab ea accepi literas. Ad primas quidem jam tūc statim cum mihi reddita fuerant, per eum qui nobis eas reddiderat, Dominatio- nis Tux servitorem rescripsi. Ad secundas vero quod hucusque nihil responderim nulla alia de causa istud accidisse Dominatio Tua existimet velim, quàm quod futurum sperabam, interim cum Dominatione Tua conveniendi vel in Conventione Regni, vel ubicunque tūc cum aliqua mihi occasio se offerret, ita ut cum præsentē longē etiam melius ac commodius quàm per litteras quibuscumvis de rebus colloqui & agere possem. Quod quidem non evenisse dolco. Jam vero ad postremas, quas mihi Dominus Lasocii nomine ipsius reddidit, hic respondebo: quibus quod Dominatio Tua statim præsentem rerum suarum mihi explicat atque simul præter ipsius & meam etiam animi opinionem atque spem omnem, rem eò cecidi-

E

,, disse



„disse indicat, ut proscriptionem è regno hoc ex decre-  
 „to Majestatis Regiæ sufferre cogatur. In eo vicem  
 „ipsius, tanquam amici plurimum certè ut debeo, do-  
 „leo. Sed cum plaræque alia temerè & inconsultè  
 „Regni Senatoribus nunc gerantur, non miror & istud  
 „etiam aliquorum tantum opera effici potuisse. Non  
 „dubium enim est eorum qui se spiritualium nomine  
 „jactant, aliquorum cura & industria, qui & magna  
 „apud Majestatem Regiam existimatione & auctoritate  
 „pollent, & calamum atque sigillum Majestatis Regiæ  
 „in sua potestate habent, istud effectum esse eamque  
 „invidiam Dominationi Tuæ consilaram, nec mea unquam  
 „nec aliorum ut arbitror Senatorum Regni sententia ac-  
 „cessit: & in ipso etiam proscriptionis decreto, cujus  
 „exemplar Dominatio Tua ad me misit, nonnulla ma-  
 „jori cum vehementia vel odii significatione scripta esse  
 „apparent, quæ vel in animum ipsi majestati Regiæ ve-  
 „nisse non putandum est, licet autem nec id futurum  
 „Dominatio Tua speraverat, nec alioquin ut fieret id  
 „promeruerit, non dubito tamen tanquam virum mul-  
 „tarum rerum experientiam habentem, jam pridem  
 „istud in animum induxisse, ut ea omnia mala & ad-  
 „versa quæcunque gloriæ divinæ propagandæ gratia in-  
 „cidere & evenire posse existimat, forti & patienti ani-  
 „mo sibi ferendum ducat, ac constitutum apud se ha-  
 „beat. Ego autem si quid modo ope aut opera etiam  
 „mea subsidii & auxilii per me præstari commodè pos-  
 „sit, libenter profecto illi succurrere velim, & meam  
 „quam jam non paucis annis erga illam retineo bene-  
 „volentiam, illi testari, prout reliqua etiam copiosius  
 „Dominatio Tua ex relatione Domini Lasoclei intelli-  
 „get. Commisi enim ipsi nonnulla, quæ is nomine  
 „meo Dominationi Tuæ significare debeat. Bene va-  
 „leat.

Idem litteræ Nicolai illius Lutomirscii Crechoviensis  
 tunc Castellani d. 11. Julii, Stanislai & Jacobi Ostro-  
 rogiorum d. 9. Augusti, Stanislai Tarnovii Castellani Za-  
 vichostenis d. 10. Sept. Spytconis Jordani Palatini Sen-  
 domiriensis d. 12. Sept. & Nicolai Myscovi Castellani  
 Voyni-

Voynicensis d. 25. Sept. data testantur. Juvat à quibus-  
 dam senatoribus litterarum ad Regem in hac causa ma-  
 gno animo, summâ fide, eximiâ prudentiâ exaratarum  
 nec à quoquam, quod sciam, posteritatis memoria;  
 ut par erat, commendatarum, exempla subjicere. Ita  
 igitur Myscovi:

*Sacra Regiæ Majestas Princeps & Domine  
 Clementissime.*

„A Ccepi Literas & confessionem à Doctore Lismani-  
 „no viro pio ac erudito, una cum copia illius manda-  
 „ti, quo jussu sacra Regiæ Majestatis Vestræ hoc re-  
 „gno proscribitur. Quibus literis hoc maxime agit  
 „apud me. Primum exposulat delationem calumniosam  
 „apud Sacram Regiam Majestatem Vestram suum Cle-  
 „mentissimum Principem, & injuriam hanc in eo regno  
 „sibi contra omne jus allatam, quod ille apud exterâs  
 „gentes, justitiæ, humanitatis & aliarum nobilissima-  
 „rum virtutum nomine deprædicabat. Deindehorta-  
 „tur & rogat ut Sacram Regiam Majestatem Vestram  
 „meis literis una cum aliis Senatoribus Regni com-  
 „pellarem, ut Sacra Regiæ Majestas Vestra dignetur eum  
 „ab hac proscriptione liberum facere, quæ non juridicè sed  
 „clanculariè ab adversariis illius contra eum extorta  
 „fuit. Ac vehementer miror & doleo, quod Sacra Re-  
 „giæ Majestas Vestra mala informatione potuit ad eam  
 „rem adduci, ut virum illum, quem tantopere in Mo-  
 „nachatu adhuc existentem observabat, & judicium ho-  
 „minis cum multarum rerum experientia sæpius com-  
 „mendabat, nunc pro homine vago & Sacramentario  
 „ex hoc regno proscribere passa est. Certè si propter  
 „hoc quod aliud vitæ genus instituerit, ad eam rem  
 „Sacra Regiæ Majestas vestra se adduci permisit, non  
 „possum credere, præsertim quum ipso hoc facto suo  
 „non mediocrè virtutis suæ specimen omnibus nobis  
 „declararit, quod noluit sub specie simulatæ religionis  
 „Sacram Regiam Majestatem Vestram & multos alios  
 „decipere, sed potius exemplum vivum perfectionis eu-  
 „jusdam vitæ omnibus esse voluit, etiamsi hoc sit cum  
 „minori longè suo commodo aut etiam laude apud ho-



„mines hujus mundi, qui bonam fidem multa commo-  
 „ditate metiuntur. Verum non hoc adhuc illi nocuisse  
 „apud Sacram Regiam Majestatem Vestram arbitror, sed  
 „potius calumniosas adversariorum informationes. O-  
 „mnibus enim manifestum est Lismaninum non esse ho-  
 „minem vagum, sed apud multos Principes, imprimis  
 „autem apud Sacram Regiam Majestatem Vestram cla-  
 „ræ & optimæ conversationis Virum, qui etiam non  
 „ita præsumptuosè, sicut aliquis homo vagus huc ad  
 „nos appulerit, sed desideratus, imò verò vocatus le-  
 „gitimè à multis, & missus etiam ab illis summis Vi-  
 „ris ad petitionem nostrorum hominum, ut videlicet eis  
 „talis esse possit, cujus consilio in rebus dubiis uti pos-  
 „sent. Profecto divina quadam ordinatione factum est  
 „ut talem Doctorem elegerint sibi nostri homines, qui Sa-  
 „cræ Regiæ Majestati Vestræ studiosissimus esset. Quod  
 „etiam pro Sacramentario coram Sacra Regia Majestate  
 „Vestra accusatus est, meras calumnias adversariorum  
 „illius fuisse apparet ex ipsius confessione, in qua satis  
 „clare fidem suam de Cæna Domini explicat. Cum  
 „qua etiam mandatum proscriptionis tanquam ex an-  
 „tithesi quadam repugnat. Cum itaque Sacra Regia  
 „Majestas Vestra tum ex confessione ipsius fidei, tum  
 „etiam ex testimonio consiliariorum suorum satis abundè  
 „& manifestè innocentiam hujus pii viri agnoscat, rogo  
 „si pro homine innocente rogare licet, ut jam demum  
 „Sacra Regia Majestas Vestra informata nunc melius à  
 „suis consiliariis de fide, vita, innocentiaque hujus Vi-  
 „ri, proscriptionem contra eum evulgatam, ab eo de-  
 „ponat, & liberum eum esse ab illa pronunciet. Non  
 „enim ipsi soli tantum, sed omnibus illis summis viris  
 „à quibus huc nobis iste missus est, injuria illata est  
 „hoc modo, apud quos etiam sæpius contigit homines  
 „nostros studiorum vel visendæ regionis & doctorum  
 „virorum gratia peregrinari. Itaque cavendum est, ne  
 „infames propter injustitiam apud exterarum illarum gentes  
 „reddamur, quod procul dubio propter hunc Virum  
 „facile fieret. Qui ut ex illorum summorum virorum  
 „litteris apparet, magnæ æstimationis & auctoritatis est  
 „apud

„apud eos. Non dubito igitur Sacram Regiam Maje-  
 „statem Vestram illud libenter facturam; quod pro ho-  
 „nestate Reipublicæ nostræ utilius esse existimaverit,  
 „ne videlicet apud alios injustitiæ nomine acculemur. Do-  
 „minus Deus Sacram Regiam Majestatem Vestram per  
 „suum Filium benedicat, & quam diutissime & felicis-  
 „sime eam nobis conservet. Cujus gratiæ me humil-  
 „limè commendo Dat. ex Zator 15. Septemb. 1556.

*Ejusdem Vestræ Sacræ Majestatis obsequentissimus servitor.*  
*Nicolaus Myszkowski à Mirous Castellanus Voimicen-*  
*sis &c.*

*Sacræ Regiæ Majestati Principi ac Domino*  
*Clementissimo.*

*Joannes vero Bonar Castellanus Bieccensis*  
*has dedit.*

*Sacræ & Serenissima Regia Majestas Domine Domine mi*  
*Clementissime.*

„*S*acram Regiam Majestatem Vestram ab ineunte jam  
 „Sartate summa cura venerari atque colere, ac ipsius  
 „Legibus & edictis reverenter obsequi magna cum diligen-  
 „tia semper studui, atque id propensius jam facio, quod  
 „maturior ætas, ratio & judicium accesserit. Cujus rei  
 „cum mihi bene sim conscius, eo liberius intercessoris  
 „munus suscipiam apud Sacram Regiam Majestatem Ve-  
 „stram Doctoris Lismanini Viri Doctissimi & honestissi-  
 „mi nomine, his porissimum rationibus adductus, nem-  
 „pe ut officio meo erga Majestatem Vestram fungar, &  
 „amicum innocentem honestis rationibus (si possum)  
 „adjuvem, cum apud Sacram Regiam Majestatem Ve-  
 „stram nunquam clementiæ locus innocentibus deesse  
 „possit. Quamobrem Sacra Regia Majestas Vestra mi-  
 „hi veniam dabit, si humili prece atque animo sincero  
 „ab ipsa petam, ut edictum proscriptionis novo edicto re-  
 „voget, atque aboleat, præsertim cum hæc mea suppli-



„cario Majestatis Vestrae priori edicto nulla ratione con-  
 „tradicat. Itaque intercessionem istam mihi nequaquam  
 „fraudi fore confido, Majestatis Vestrae clementia fretus,  
 „ad quam supplex confugio, suscepti negotii rationem  
 „pauca reddurus. A multis annis maxima inter me &  
 „Doctorem Lismaninum familiaritas atque amicitia inter-  
 „cessit, quem affirmare possum Sacram Regiam Maje-  
 „statem Vestram & omnes hujus Regni Procures, non  
 „vulgari semper honore affecisse. Eum in Poloniam re-  
 „versum in meas aedes excepi, ut amicitiam veterem ei  
 „testarer. Quo quidem benevolentiae officio, nihil vi-  
 „ro bono indignum me fecisse arbitror. Caterum dum  
 „meis adibus amicus fruitur, ecce a Sacra Regia Maje-  
 „statem Vestra Mandatum advenisse rumor exortus est, quo  
 „Lismaninum ex hoc regno proscribi videbatur: quod  
 „quidem à plerisque in dubium vocabatur, sed o-  
 „mnem dubitationis spem & occasionem sustulit Maje-  
 „statis Vestrae titulus, à cujus imperio edictum illud adver-  
 „sus Lismaninum proditisse ferebatur. Hic quamvis mihi  
 „grave esset, ab amico non vulgari hoc pacto divelli,  
 „idque pietati Christianae ac legibus repugnaret: tamen  
 „hunc maiorem viciit Majestatis Vestrae imperium, quod  
 „salva numinis reverentia, nulla unquam occasione tran-  
 „gredi velim, non si capitis dispendio id fieri debeat.  
 „Causa vera quod nunc ad Majestatem Vestram scribo,  
 „haec est: Allata mihi sunt literae illius, quibus gravissi-  
 „me queritur, se indicta causa fuisse damnatum, cujus  
 „rei fama cum jam ad exterâs gentes pervenerit, à me  
 „petit, ut Majestatem Vestram rogem, quo pro sua Re-  
 „gia Clementia & justitia eum à proscriptione liberet,  
 „cum cupiat & paratus sit, in Regno & praesentia Maje-  
 „statis Vestrae si opus fuerit, rationem innocentiae suae ac  
 „fidei reddere, (cujus confessionem in vulgus jam emisit)  
 „ac malevolorum calumnias diluere. Obnixè itaque oro;  
 „ne Majestas Vestra hunc hominem in sua causa inaudi-  
 „tum condemnet, quod Majestati Vestrae maximè ho-  
 „norificum erit, hominique innocenti pernecessarium.  
 „Cujus beneficii me quoque participem fatebor, prout  
 „deceet veri amici officium. Insuper Majestatem Vestram  
 „non

„non precibus meis sed pro summa sua justitia, benigni-  
 „tate, atque innata in omnes pietate & clementia obse-  
 „cro, ut virum pium ac religiosum, à proscriptionis  
 „edicto liberet, quod uti spero, ita Deum Optimum  
 „Maximum precor. Quam Deus Optimus Maximus,  
 „sanam felicem diutissimèque regnantem servet. Datum  
 „Balicii 16. Sept. Anno 1556.

*Sacrae Majestatis Vestrae deditissimus servitor,*

Johannes Bonar de Balicze Castellanus Biencensis &c.

*Sacratissima & Serenissima Regiae Majestati Poloniae &c.  
 Domino Domino mihi Clementissimo.*

**J**Uvat ex hac occasione & litterarum ejusdem argu-  
 menti ad Regem à quodam Verbi divini Ministro  
 Felice Crucigero Scebreffinio cordatè datarum ex-  
 emplum adjicere, & exemplum Christianae fortitudinis  
 apud Regem potissimum bonam causam animo intrepidi-  
 do tuentis, proponere.

*Serenissime Rex ac Domine noster  
 Clementissime.*

**P**harisaei aliquot nuper à mendacii patre excitati gra-  
 vibus calumniis apud Sacram Majestatem Tuam nos  
 „impudenter obruere conati sunt. Quo fit ut hisce liti-  
 „ris nostram erga Sacram Majestatem tuam Principi-  
 „pem Dominumque nostrum Clementissimum obser-  
 „vantiam, reverentiam omnia deniquè verè sanctaeque  
 „obedientiae studia testari & exhibere cogamur. Porro  
 „istorum in nos odii causas diligenti studio quærentibus,  
 „se se protinus nobis offert Christianae fidei sinceritas,  
 „quam dum rejectis Antichristi imposturis sequi atque  
 „asserere studemus, innocentiam nostram furoris sui ful-  
 „mine atterere conantur. Quod ubi nullo pacto fieri  
 „posse vident, Sacrae Majestatis Tuae clementiâ ad suam  
 „injustitiam abuti non erubescunt. Testari ergo atque affir-



,,affirmare non dubitamus; Clementissime Rex, idque  
 ,,in conspectu Dei altissimi, cui perspecta sunt omnia  
 ,,consilia, nos eorum criminum minime nobis esse con-  
 ,,scios, quorum apud Sacram Majestatem Tuam accu-  
 ,,samur. Quamobrem ab ejus clementia petimus ut de  
 ,,nostro cætu ita sentiat sibi que persuadeat, omnium vo-  
 ,,ta eò spectare, ut Sacra Majestatis Tuæ regni que to-  
 ,,tius salutem atque incolumitatem quarant, ac ubi  
 ,,Sacra Majestati suæ vilum fuerit, non solum fortunas  
 ,,omnes, sed etiam vitam ipsam sanguinemque liben-  
 ,,tissime profundant. Ante annos aliquot Deus Opt. Max.  
 ,,Spiritus sui radiis mentes nostras densissimis tenebris  
 ,,immersas illulstravit, ut dolos atque imposturas agno-  
 ,,sceremus, quibus Romanæ sedis chimæra hominum  
 ,,conscientias velut arctissimis vinculis irretitas multis  
 ,,jam seculis oppressit. Crescente igitur in cordibus no-  
 ,,stris Evangelii luce, talentum nobis à cœlesti Patre cre-  
 ,,ditum negligere noluimus, pigri utique servi calami-  
 ,,tosa edocti socordia. Precibus ergo ad Dominum ad-  
 ,,hibitis atque inter nos agitatissimis consiliis querere capi-  
 ,,mus, num quâ ratione florentissimum Sacra Majesta-  
 ,,tis Tuæ regnum ab Antichristi præstigiis atque tyrannide  
 ,,liberari, corruptusque Ecclesiæ status paulatim  
 ,,restaurari posset. Neque vero tanta temeritate sumus  
 ,,abrepti, ut arduum hoc opus absque doctorum con-  
 ,,siliis aggredieremur. Inprimis vero Clarissimi viri D.  
 ,,Franc. Lismanini, quem quod in hac Palæstra mini-  
 ,,mè novitium tuæque Sacra Majestati addictissimum &  
 ,,clarissimum esse non dubitavimus, meritò sese nobis ob-  
 ,,tulit qui primus omnium ad sanctissimum opus hoc vo-  
 ,,cetur. Absit autem ut illius opera & consilio viri un-  
 ,,quam voverimus, nisi quantum nobis per Sacra Ma-  
 ,,jestatis Tuæ clementiam licuisset. Verum ecce dum literas  
 ,,ad Sacram Majestatem Tuam paramus, ut ipsi no-  
 ,,stra consilia innotescerent, Phariseorum cohors virum  
 ,,innocentissimum gravissima proscriptione damnat. Atrox  
 ,,sanè hæc injuria, Clementissime Rex, qua non tan-  
 ,,tum integerrimus Dei cultor affectus est, sed etiam  
 ,,omnes, quotquot ut à remotissimis Germaniæ par-  
 ,,tibus

,,tibus veniret, censuerunt. Falsa autem & commen-  
 ,,titia esse, quorum ab istis vir innocens insinulatur,  
 ,,non dubitamus, quin Sacra Tua Majestas cum ex ejus  
 ,,fidei confessione nuper edita, tum ex multorum ejus-  
 ,,dem Sacra Majestatis Tuæ consiliariorum literis ac ser-  
 ,,monibus intelligat. Quamobrem Sacram Majestatem  
 ,,Tuam oramus (si pro innocente deprecari licet,) ut  
 ,,proscriptionis edictum pro sua Clementia tollere atque  
 ,,abolere velit, virumque pium ab eo liberum pronun-  
 ,,ciet. Quo quidem facto exteræ gentes Sacra Majestatis  
 ,,Tuæ clementiam & justitiam summis laudibus celebra-  
 ,,bunt, nosque obsequentissimi Sacra Majestatis Tuæ  
 ,,subditi immortales ipsi ex animo gratias agemus. Li-  
 ,,cet autem istorum studia in hoc tota esse manifestum est,  
 ,,ut hujusmodi artibus animos nostros vicissim à Sacra  
 ,,Majestate Tua alienare possint (quod nec ipsi, neque  
 ,,Satan dissidii pater unquam efficiet) tamen Sacra Maje-  
 ,,stati Tuæ tantam æquitatem esse confidimus, ut nos  
 ,,indicta causâ damnare nolit, tantam esse animi mode-  
 ,,rationem, ut nos prius benignè audiat, quam adver-  
 ,,sarios criminibus fidem sit habitura. Quare Cle-  
 ,,mentissime Rex, Sacram Majestatem Tuam obsecre-  
 ,,mus, ut si quam de nobis sinistram ex horum delatio-  
 ,,nibus suspicionem concepit, eam tollere ac penitus delere  
 ,,dignetur, sibi que de nostra in se observantia idem quod  
 ,,de fidelissimis atque amantissimis suis subditis persua-  
 ,,deat. Rex ille Regum Sacra Majestatis Tuæ mentem  
 ,,Spiritus Sancti lumine in veritatis suæ agnitionem illu-  
 ,,stret, thronum ejus cœlesti sapientia stabiliat, justitia  
 ,,et æquitate confirmet, eamque cum regno florentissimo  
 ,,diutissime conservet incolumem. Datum Secemini &c.  
 ,,15. Septemb. Anno 1556.

Ejusdem Sacrae & Serenissimæ Majestatis Vestrae fide-  
 lissimi & obsequentissimi subditi.

*Felix Cruciger Scebreffinus renascentis Ecclesiæ Christi in  
 Minori Polonia Superintendens, omnium Ministrorum  
 & nobilium in fide Jesu Christi conjunctorum nomine.*

Sacrae Regiæ Majestati Principi & Domino nostro  
 Clementissimo.

Dum



**D**Um ita probi & illustres Viri Lismanino apud Regem naturâ benignum patrocinarentur, malevolorum molitiones optatum eventum non sunt consecutæ. A reditu illius Viri ardua de Sacramento corporis & sanguinis Domini controversia orta est. Ille enim non tantum ex libris, sed & ex familiaritate Calvini & aliorum virorum præstantium, qui tunc temporis apud Helvetios degebant, hausta veriore de S. Eucharistia sententia, acriter Ecclesiæ Romanæ detestandum de panis à Pontifice consecrati in ipsum Deum creatorem conversione, vel ut plusquam barbarè solent loqui *transubstantiatione* & *trans-  
elementatione* dogma impugnabat, illumque panem ut & Vinum benedictum nil nisi Sacramenta corporis & sanguinis Domini esse propugnabat. Retinuerunt nimirum tunc temporis Viri pii in reformanda Ecclesiâ occupati Sacramentorum vocem, licet Scripturæ S. & primæ antiquitati incognitam, & castris magis quam Ecclesiæ convenientem. Cum tamen & hæc duce cælesti Christo Regum Rege in his terris militans vitam in castris & excubiis contra hostem salutis assiduo agat, vox illa hætenus retineri potest, quatenus & nos dum baptizamur Sacramento Christi rogamur, adigimur imbuimur & obligamur ac per totam vitam tenemur. Tanto magis quod veteribus sacramenta nil aliud quam sacra signa sive symbola fuerint. [Vide inter alia *August. ep. 23. ad Bonifacium* & contra *Maximin. lib. 3. cap. 22. disti. 2. de consecrat. C. Sacrificium. Chrysost. homil. 83. in Matth. Theodoret. dial. 1.*] Prudenter itaque in illis præsertim initiis captui rudiorum pii illi Viri consuluerunt, dum vocem commodam remoto ejus pravofensu reique usum sublato abusu retinuerunt. Dixerunt itaque & affirmarunt dogma illud Pontificium non tantum Scripturæ Canonice & toti antiquitati ignotum ac demum 13. post Christum seculo ab Innocentio 3. Pontifice Rom. stabilitum, sed & vocum sono barbarum & abusu magis magisque invalescente ad plus quam gentilem idololatriam, quæ numina in hortis Ægyptiorum nata risit & Deum manducari nefas duxit, productum esse. Sacram Eucharistiam, quod & ipsa vox indicat,

dicat, ad agendas Deo per Christum solemnes de maximo remissionis peccatorum Beneficio gratias, & memoriam corporis Christi fracti per fractionem panis, ac fusi ejus sanguinis per fusionem vini celebrandam institutam esse: adeoque panem & vinum signa esse representativa & memorialia & figuram corporis & sanguinis Domini cum Scriptura (quæ ut de plurimis rebus, ira & de agno Paschali, typo Christi, Pascha sive transitum eum vocans sic loquitur) & tota antiquitate asseruerunt, adeoque in receptos vulgo errores acriter invecti sunt. Sed hæc institutio gravem Pontificum invidiam eis conciliavit. Hæc enim est præcipua eorum officina, in qua tot non tantum opes & dignitates, sed integra imperia proceuderunt, ac obtentu religionis semet Creatores Creatoris sui, imò Patres & factores (horreo talia referens) Christi [*Joan. Euseb. Nie renberg. Jesuita in histor. Panegy. de tribus martyribus pag. 521.*] si nullus in cælo & interia existeret, pronunciarunt: hinc omni legi & magistratu se subdlexerunt, nec hoc contenti; ad ultimum Dominos & Rectores omnium semet effecerunt. Ideo Evangelii præcones & veræ sententiæ assertores populo sibi mancipato exosos reddere volentes, Sacramentarios, quasi Sacramenti hostes dixerunt. Atque hæc arte non parum invidia ipsi apud populum rudem, superstitione captum & cuncta effectu magis & impetu quam judicio agentem conciliarunt, omni conatu in id incumbentes, ut sua dogmata falsa & jura arroganter usurpata tuerentur. Quod ut majori cum auctoritate & efficacia agerent, non tantum Regem, naturæ, ut diximus, clementem in suas partes pertrahere conabantur, sed &, cum hunc à crudelitate alienum viderent, Pontificis Maximi opem implorarunt. Datis itaque ad eum litteris, Nuncium à latere suo in Poloniam expedit, eodemque ut in Imperio, Gallia, Hispania & in aliis Rebus publicis Christianis suam suorumque rem agat, orarunt. Auctor & promotor hujus consilii *Franciscus Crassinitius* unus ex ordine Sacro, Episcopus Cracoviensis post hæc creatus, fuit. Quod cum Nobilitati innotuisset, dedit hæc Nunciis suis Terrestribus



bus ad Conventum Regni generalem ( Comititia vulgò vocamus, nec immerito, prævalente apud nos populo ) ituris in mandatis, ut de hac re consultarent & ne quid detrimenti Resp. caperet, providerent. Quid ea de re in Comititis actum fuerit, tomo 2. cum Bono Deo dicemus. Pervicit Pontificum audax & contumax arrogantia apud facilem Regem, Senatuum Populumque Polonum, ut Nuncius Pontificis Maximi, vel, ut loqui amant Apostolicus, more in aliis Rebusp. Christianis recepto, in regnum & Regiam admitteretur. Primus id officii apud nos gessit *Aloysius Lipomanus* Venetus, homo, ut facta testantur, pervicax & crudelis. Quod tanto minus mirandum, quanto

*Asperius nihil est humili cum surgit in altum.*

Dicebatur enim eum incerto patre fuisse natum. Hunc quamprimum Nuncii Terrarum in Comitio viderent, extemplo eum compellarunt: *Salve progenies viperarum*. Talem se reipsa fuisse Lipomanus probavit. Videns enim dogma eorum de Sanctissimo, ut vocant, Sacramento in magno versari discrimine, coacto Loviciam Pontificum omnis generis conventu, è re sua judicarunt exemplum severitatis vel potius feritatis, ad incutiendum populo sibi parenti metum, & dissidentibus horrorem in aliquo ex infima vulgi fece ideoque impunitus statui. Cum autem scirent pecuniarum obedire omnia &

*Aurum per medios ire satellites,*

ipsa quoque laxa perrumpere potentius ferro, adeoque paucos esse qui hastis argenteis pugnantium impetum sustinere queant, Borcum Praefectum Sochatzoviae vicino Soviciae oppido Regali, largitione corruerunt & in suas partes pertraxerunt. Hinc impetu in Judaeos quam odio publico laborantes, tam innocentiae praefidiis defectos, facto, tres è grege eorum & feminam quandam Dorotheam Laziciam in vincula conjecerunt. Capita accusationis haec fuerunt: Laziciam cum de more solenni ante Paschatos festum ad Sacram communionem accederet, occultatam in ore hostiam Judaeis vendidisse: hos acubus eam confixisse: inde ampullam sanguinis, quoad sanandum infantium circumcisorum vulnus opus habeant, collegisse. Cum autem homines,

licet

licet superstitioni addicti, rem tamen creditu arduam in dubium vocantes documentum accusationis sanguine plenam ampullam videre cuperent, Pontifices hanc à Judaeis versipellis occultatam esse respondentes, credulitati simpliciorum illuserunt. Regi tunc Vlnae agenti & praeudenti, Przerembscius ille Regni Cancellarius Minor nuncium hunc, Budzinio teste oculato, qui tunc Stanislaus Myscovich Regi à poculis per regnum, ministrabat, adnotante, dolorem vultu simulans, attulit. Subridente Myscovich, cui instructus miseris dolus subolebat, in gratia Regis valido, utpotè Viro non tantum magnanimo, sed & industrio, cordato & faceto, Przerembscius confidentia plenus dicere: *Itane, Myscovich, rem maximo dolore & summa indignatione excipiendam, risu excipis? Haecine est pietas & Sacratissima rei reverentia? Sed quid mirer? Non est tibi infolens Deum & sacra irridere.* Ad haec ille, ut erat cordatus, respondere: *Ego verò, Przerembsci, nequaquam Deum irrideo, sed vestras calumnias & fabulas, ac nuncia vanitatis plena, qua spargitis & ad aures Regiae desertis, nec divinam, nec Regiam Majestatem reveriti, & ad omnem fraudem exuto non tantum Dei metu, sed & pudore, projecti.* Deum ego metuo & vereor, & quis sit, scio, ac certus sum eum, cum sit Spiritus qui nullis sensibus attingi possit; tanto minus acubus vel manibus configi posse. Rex in hoc negotio medium se praestitit, & patulas utrique aures praebens aequum judicem egit: neutri quidquam respondens. Acrius res postmodum facta. Hinc Przerembscius elato brachio minari: *Myscovich è contrario respondere? Nisi hoc, Przerembsci, in oculis Regis faceres, hac ego dextra ad vitam & honoris defensionem semper parata tuam minacem amputarem.* Tunc Rex tam acri colloquio auctoritate sua intercedere, silentium utrique imperare: *Myscovichum etiam remotis arbitris monere: omitteret Pontificem, Regis quoque praesentis rationem haberet, & ulterioris litis ansam praecideret: ac dicere: sibi hos dolos esse perpectos, fidem se ejusmodi vanis & anilibus fabulis non commodare.* Inter haec Judaei Sochatzovienses vincitorum

neces-



necessarii & focii, Regem adire, eique de gravi injuria parario Myscovie queri: Rex miseris succurrere, Borco Praefecto, vinctos dimitteret, severe imperare, cum his mandatis Aulae familiarem mittere. Sed permittente Deo, instructum dolum effectum dedit ad omne nefas projecta audacia. Przerembfcio enim cum ceteris ejusdem ollae, mandata nomine Regio ad Borcum per dispositos equites misere, ut Judaeos ex mente Legati Apostolici & Spiritus S. (scilicet) concilium Lovicense regentis ad rogum damuaret. Lata in Judaeos sententia. Hi ad „rogum deducti palam liberè dicere: Nunquam nos ho- „stiam emimus vel acubus confiximus: Nos enim ne- „quaquam credimus hostiae inesse Dei corpus: Imò sci- „mus Deo nullum corpus, sanguinemve esse: & more „Majorum credimus, Messiam non futurum fuisse ipsum „Deum, sed ejus unctum & Legatum: Compertum quo- „que habemus farinae nil inesse sanguinis. Testamur ad „ultimum nos nullo sanguine opus habere. His auditis crudelitatis Lipomanianae & Pontificiae administri picem ardentem ori miserorum infuderunt. Tàm horrendum omni ex parte facinus monumentis Romanis insertum & pro miraculo vulgatum, Regis nomine, ad conciliandam rei fidei fidem, adposito. Id scripta Myscovie traditum Regi, indignationem & iram ejus excivit, animumque à Lipomano avertit. Huic Rex in os dicere non erubuit: se facinus illud immane detestari: & nequaquam adeò mente captum esse, ut hostiae isti sanguinem inesse credat. Post hæc Lipomanus literas ad Nicolaum Ducem Radzivilium Palatinum Vilnensem, Virum cordatum & excelsi animi, ac singulari zelo divinae veritatis restituendae flagrantem dedit. Per has cum spe gratiae Pontificiae facta ad Papatum retrahere studebat. Sed Principem generosum ad talia immotum reperit. Is enim se ex ecclesia Dei ad speluncam latronum & idololatrarum domicilium regredi nolle aperte professus est. Inter hæc Joannes à Lasco, quem diximus, in Poloniam reverfus literas ad Regem dedit, quas Myscovie illi, suo avunculo in Regias manus tradendas commendavit. Subolvit hoc Przerembfcio & focii ejus; Itaque omni conatu eas intercipere; Rex contra

contra tempus ad eas cum Myscovie perlegendas quæ-  
rere. Id tamen per multa impedimenta à Przerembfcio  
objecta effectum aliquanto tempore dari non potuit.  
Imò forte fortuna litteræ hæc à Rege in scamno positæ,  
cum in terram decidissent, à cane Regio laceratæ, à  
Fabiano Cubiculi Regii familiari cani ereptæ, & colle-  
ctis frustra Myscovie traditæ, à ministro ejus Budzinio  
apertè conglutinatæ & descriptæ fuere, quarum exemplum  
merito hic pono: Budzin. Chron. c. 16.

*Sacra Majestas Regia & Domine Domine  
Clementissime.*

Perpetuam fidei observantiæque ac subjectionis meæ  
commendationem.

**F**Acere non potui, pro fide observantiæque in te mea  
(Rex Serenissime) quin te de meo in patriam reditu  
prima quaque occasione certior redderem. Etsi enim  
de tua in me clementia nihil dubitem omnino, occurren-  
dum tamen hic linguis quorundam mihi esse apud Tuam  
Majestatem existimavi, cum nihil ferè usquè à malevolon-  
um calumniis, inprimis verò à temporum nostrorum Phari-  
saicis, tutum esse videamus. Referunt nimirum adhuc  
Majorum suorum ingenium, etiam si pilos (quod de vul-  
pe dicitur) mutasse videri volunt. Et quemadmodum  
Majores ipsorum missis à Domino, Prophetis atque  
Apostolis, ipsique adeò Christo Domino, mendacibus  
suis calumniis parcere haudquaquam potuerunt: ita eorum  
nunc quoque progenies, neque vult neque potest etiam  
parcere cuique, quem modo appareat, ullo modo sequi  
velle doctrinam Christi Domini & Apostolorum illius,  
alioqui de generem se declaratura, nisi id (pro Magistri  
sui more) perpetuo faceret. Atque inprimis proponen-  
dam mihi apud te esse putavi reditus jam huc mei rationem  
(Rex Clementissime) ne quid inde calumniarum per istos  
forte struatur: Deinde verò implorandam suppliciter etiam  
auctoritatem tuam Regiam, Christiani videlicet Princi-  
pis, adversum insidiosos morsus Pharisæicorum istiusmodi  
sycophantarum. Primum autem non dubito, probè



te adhuc memorem esse (Rex inclyte) cum meum apud Te nuntium verè profecto haberem, atque is obiter sci-  
scitaretur per Illustrissimum Principem D. Vilnen. Palati-  
num, num meum huc reditum ferre posses, si quidem se  
hic fortè mihi legitima ulla Christianaque (juxta verbum  
Dei) vocatio offerret; hoc mihi abs Te responsum fuisse  
datum, nempe meum mihi in Patriam reditum abs Te  
neque imperari, ne illius auctor dici posses: Sed neque  
prohiberi etiam, quasi me hic ferre nolis. Sed si venire  
omnino vellem, te (pro tua in me clementia) suadere,  
ne ante Bartholomæi venirem tunc enim spes erat habenda  
esse Comitia, in quibus certi aliquid de ipsa etiam religio-  
ne statui debuisset & id inprimis curarem etiam, quantum  
omnino possem: ut à me omnem dissensionis à Confessio-  
ne Augustana suspensionem (in causa potissimum cænæ Do-  
minicæ) publico aliquo testimonio depellerem. Porro  
in eo ipso nuntii illius cum tali responso reditu, dederunt  
ad me literas suas plerique regni hujus, iidemque non po-  
stremi proceres: quibus alii mihi reditum huc meum  
precabantur, alii verò me ad illum hortabantur etiam.  
Hocque ipsum faciebant præterea ex meis necessariis plu-  
rimi, qui mihi sunt partim cognationis, partim vero et-  
iam affinitatis vinculo conjuncti. Sed omnium maxi-  
me reditum huc meum flagitabant plurimi Equestris  
Ordinis viri doctrinæ alioquin Evangelicæ studiosi: qui  
collecta cum plerisque Ecclesiasticorum Ministris Syno-  
do, unanimiter me omnes ad se, literis suis, per eun-  
dem ipsum nuntium meum, vocarunt: & mecum ut huic  
tali ipsorum vocationi parerem, multis sanè & magnis  
rationibus egerunt. Cum igitur meus ille nuntius, ta-  
le ad me Majestatis Tux, (ut jam dixi) responsum, &  
tot ac tales item aliorum postulationes, denique talem  
etiam præterea vocationem ad me retulisset: eam mihi  
ego horum omnium rationem ineundam esse judicavi, ut  
neque meam mihi operam, quam peregrè aliis impendebam,  
patriæ meæ (ita præsertim vocatus) denegandam esse ex-  
istimarem: ut tux interim etiam Majestatis consilium omni-  
nò sequeretur, statui igitur huc redire, ut vocationi pare-  
rem: sed non ante autumnum, ut voluntati Majestatis

Tux

Tux satisfacere: etiam si patriæ jam tunc revisendæ,  
(sub tali potissimum vocatione) incredibili sanè deside-  
rio tenerer. Deinde nihil prætermisi eorum (quan-  
tum in me quidem erat) quod ad conspiciendam de Cœ-  
næ Domini controversiam, pertinere ullo modo intel-  
legebam. Ego cum Principibus non paucis, neque po-  
stremis, susceptis ad illos itineribus, non sine valerudinis  
etiam meæ periculo, ne quid de sumptibus dicam, tentavi  
num ratio ulla inveniri posset instituendi super ea re ali-  
cujus colloquium, ad quod Doctissimi quique à parte u-  
trâque vocarentur. Cujus equidem rei mihi testes erunt  
Principes illi ipsi quibus adfui, si ita res postulet. Et  
cum tempora adhuc ad eam rem parum commoda esse  
multis viderentur, resque in longum traheretur, scripsi  
ego ipse Apologeticam Doctrinæ nostræ confessionem,  
quanto potui compendio, adversus omnes, qui nos ab  
Augustana confessione (præter nostram meritum) dis-  
sentire clamant. Eamque à Calvino primum & suis,  
fortè enim tunc ad nos Francofurtum venerat, deinde  
ad omnibus Francofurti peregrinorum Ecclesiis, moxque  
item à præcipuis in Hælia Ecclesiarum Ministris, postre-  
mo autem Wittembergæ à Domino Philippo Melantho-  
ne lectam, & consentienter approbatam, edendam pri-  
dem curavi, & quoniam sub prelo adhuc hæret, exem-  
plum illius manu descriptum, (ut haberi nunc ita re-  
pente potuit) Tux Majestati in me quidem erat, præter-  
mittere voluisse. Confessis verò (ut fieri potuit) rebus  
hiscæ omnibus, eam rursus regni Comitia in medium hic  
Septembrem rejecta esse audirem: sub finem quoque Oc-  
tobris, ego iter huc meum distuli, ne quid præter vo-  
luntatem Majestatis Tux agerem, ut sub fine Novembris  
huc venire possem, sperabamque interea aut Comitia ipsa  
aut certe religionis tractationem in illis absolvi posse. Sic  
igitur huc jam veni, (Rex Clementissime) secutus  
vocationem meam, & Majestatis tuæ pietate ac Cle-  
mentia, denique & consilio tuo fretus. Accepi autem  
in ipso mox adventu meo eos qui me huc vocarunt,  
in multas & graves suspensiones (præter meritum omne  
ipsorum) vocari: quæ res cum ad me etiam (ut ab

F

illi



illis videlicet vocatum) nonnihil pertinere, atque iidem me suspicionibus quoque, per obrectatorum calumnias involvere posse videntur: paucis hic sane mihi attingenda etiam erunt, & oranda suppliciter Majestatis tua Regia, ut susurriones istos, qui nonnisi clam accusare alios solent, & nomen suum interim proderet agrè ferunt (pro Christiani Principis officio) ne audiantur omnino, sed potius tibi sequendum esse statuas Davidis Regis sanctissimi exemplum: qui in sua oeconomia non solum nihil firmi apud se fore clanculariis istiusmodi delatoribus: sed ne locum quidem ullum Domini sui illos habituros esse proficitur. Quodque ad me inprimis attinet, equidem ita sum versatus semper ubi hactenus fui (gratia sit Domino) in meo ministerio, ut apud Dominum Deum meum accusare me ipsemet potius modis omnibus, quam excusare malim. Sed in civili apud homines iudicio ita mihi sum benè conficius: ut non putem esse quenquam qui meum ministerium fidemque ac dignitatem illius in dubium vocare verè possit. Meae autem in te fidei ac observantiae meique item studii neminem alium & testem & iudicem facio, quam te ipsum, Rex Serenissime, & Deum inprimis Optimum Maximum qui novit & intuetur omnia. Nunc igitur, qui peregrè versans tuae semper dignitatis tuendae studiosus fui; nunc inquam, in mea demum Patria, iis me adjungerem scilicet, qui dignitatem auctoritatemque Majestatis tuae in meo Ministerio, (si id Pharisaicis istis detractoribus ita placeat,) labefactare conarentur? Absit hoc à me quam longissimè & meis omnibus. Atque sanè tantum id à me iisque qui me vocarunt omnibus abest, & aberit semper, per Dei gratiam, ut non modo nihil hujus ne per somnium quidem cogitemus, sed neque ferre quenquam ejusmodi inter nos ullo modo queamus, denique & primi eum, quisquis is omnino esset, non equidem clandestinis injuriis traducere, sed palam re alioqui benè comperta accusare velimus. Sed nostri forte delatores ex sese nos quoque volunt metiri atque aestimare, & quod sibi ipsimet, pro admirabili sua in Papam Creatorem suum fide atque observantia,

etiam

etiam contra Majestatem tuam facile alioqui permisuri essent, ad constabiliendam quoquo modo suam tyrannidem, cujus sanè rei exempla non pauca Literis etiam mandata habemus, id si Diis placer, aliis praese imputari pro sua sanctitate volunt. At verò nos praecalam adversus clancularias talium delationes Christi Domini censuram habemus: Nempe eos qui lucem oderunt, quique in nocturnis potissimum tenebris sua consilia premi volunt, malorum patratores, denique & fures & latrones esse. Hanc ergo sibi laudem habeant, dum in lucem non prodeunt, clancularii nostri obrectatores omnes: atque habeant sanè non à nobis, qui nostris his verbis nihil loquimur; sed ab ipsomet Christo Domino, cujus haec censura est & mentiri non potest. Ad hanc nos censuram (bene nobis conscii) provocamus: & te oramus (Rex invictissime) ut illam tibi ob oculos tuos positam, ad Christi Domini gloriam habere velis. Si benè sibi conscii esse (in nobis traducendis) delatores nostri ullo modo videntur. Si vero tantum, quam nusquam non jactant fidem suam, & tuae Majestati, & Regno universo (pro eo ac debeant) approbare volunt: palam id faciant, atque in lucem publicam, & ipsimet veniant, & suas criminationes (ne dicam calumnias) producant. Nullius enim mala opera, in verbi potissimum Divini luce, palliari ita possunt: ut non tantò magis etiam sese prodant, quantò majore quis hypocrisis celari illa velit. Ego sanè, ut & qui me huc vocarunt omnes, optimè alioqui nobis de fide observantiae nostra in tuam Majestatem conscii (sit Deo gratia) nullam omnino lucem neque refugimus, neque formidamus: Sed palam cupimus, & accusari, & respondere omnibus, qui nos ullo prorsus nomine, legitime accusare volunt. Id porro si recusant adversarii nostri, nostraque interim omnia clandestinis suis obrectationibus arrodere non cessant: Nos Christi Domini censuram aeternam atque immutabilem appellamus, eamque & à Tua Majestate Regia, & à piis ubilibet omnibus, approbatum iri non dubitamus, quae illis omnem alioqui quantumvis speciose hypocrisis larvam detrahit, cosque aliud nihil quam *φύλα πρᾶσσαντις*, hoc est iniquitatis operarios, su-



furesque ac latrones esse diserte testatur. Ceterum est & aliud (Rex potentissime) quod mihi etiam silentio hic prætereundum non esse putavi. Nempe de Aloisio Lipomano indigno quidem revera (ut ipsemet fatetur) sed longe dignissimo atque appositissimo Apostatica Papæ Romani Cathedra legato: qui me in sua ad Illustrissimum Principem Dominum Wilnens. Palatinum, &c. se planè digna epistola, hæreticum hominem esse scribit. Et si enim Illustrissimus Princeps ille, (pro pietate virtuteque sua insigni) hominis impudentiam abunde retulerit sua responsione luculentissima, ut ad illam nihil fere addi possit: etsi item plus satis cognita sit toto orbe Christiano Lipomani improba hypocrisis, & hypocritica quadam civilitas, ut quisquis ab ipso laudetur, merito bonis omnibus suspectus esse, quisquis vero traducatur, pro optimo integerimoque homine censeri possit: tamen & ego mutus hic omnino esse non potui, in depellendâ me nimis effrontis calumnia & criminatione, facit verò ingeniosè, ne dicam callidè ac fraudulentè, quod nulla producta hæresi, hæreticum me interim esse fingit, ut nihil illum videlicet, probare oporteat, sed ei liceat scilicet comminisci adhuc quæ velit, (si quidem urgeatur) aut vesparum instar, infixò aculeo fugere. Præclarus profecto & accusator simul & iudex! Quodsi eorum culpam in me quoque transfert, quorum nomine Dominum Vilnens. Palatinum fuggillat: equidem ut ad me pertinere ea omnia (pro mea tenuitate) non possunt: ita quæ in me cadere ullo modo possunt, ea sanè facile patiar ad me pertinere: imò verò optarim ad me posse pertinere omnia: modo & præpostera vocum suarum usurpatio, (qua bonus vir ille magnopere delectari videtur,) aut tollatur, aut corrigatur. Nam etsi ea agnoscam omnia, quatenus quidem rem ipsam per se, non autem detorta hominis verba spectamus: adeo sanè nihil mihi metuo in Dei iudicio illorum omnium nomine, ut multo magis mihi metuendum esse credam, nisi ea agnoscerem. Sed videat Lipomanus me, dum se (Papæ sui auctoritate) hæreticorum accusatorem pariter ac iudicem esse somniat, gravissimis ipsemet, (cum suo Papæ, & universa schola ipsius) hæresibus

hæresibus immeritus, æternis gehennæ cruciatibus, (in Dei iudicio) tradatur: non enim ibi ageretur, de Papæ primatu approbando, deque larvis ac pupis, præstigiisque item omnibus Antichristiani Sacerdotii ipsius, & ejus Creaturarum omnium; sed ageretur de violata conculcataque per Papas & gregem ipsorum omni dignitate atque auctoritate unigeniti Filii Dei, & Domini nostri Jesu Christi; sive personam ipsius, sive etiam functionem universam in ejus Ecclesiam consideremus. Hæc sane graviora multo erunt coram illo iudice; ad cujus Tribunal olim, & Papas ipsos, & Legatos ipsius omnes, atque adeo omnes illorum Patronos, atque ascendas stare oportebit. Videat igitur Lipomanus cum suis symmystis, ut se illic expediat. Quin & tu quoque videas (Rex clementissime) ne te talium sodalities, assensu, Patrocinioque tuo quoquo modo adjungas. Nihil dubito, multa & varia ad te deferri, quæ animum tuum variè etiam afficiant: non dubito item te offendi multis, quæ in nobis adhuc conspiciuntur, neque dubito te absterri multis quæ tibi quoque impendere videntur, in utramlibet partem inclines. Sed in omnibus illis, & multis & variis, meminisse te oportet cælestis illius ab ipsomet Patre Deo proditi oraculi, HUNC AUDITE, HUNC AUDITE: ut in quibus Christi Domini vocem sonare omnino audies, (quam te una alioqui supra alias omnes audire oporteat,) ea tibi quamlibet sint multa & varia, denique & speciosa, abjicienda omnia esse statuas, ut Christum Dominum (juxta cæleste illud Patris Dei oraculum) audire possis: cum ille solus verax sit, ipsaque adeo veritas: omnis autem præterea homo mendax, sine ulla aut Papæ ullius, aut ejus qualiumcunque Creaturarum exceptione. In his verò quæ te in nobis fortè adhuc offendunt, intueri debes (Rex optime) non tam nos ipsos, qui homines esse non desimus, & (quod in nobis est) peccati nos mancipia adhuc esse, (cum ultro nea semper nostræ accusatione,) libenter profitemur: quam potius admirabilem Divini (hac in parte) consilii providentiam qua ille (etiamsi nos sibi in filios suos dilectos per suam gratuitam misericordiam in Christo Domino adoptavit) horribiles tamen adhuc pec-



cati reliquias voluit extare: tam ut Tartaræ illius viperæ superbiam in nostrorum adhuc peccatorum infirmitatem ad gloriam Divini nominis sui retundat, per assiduam ac feriam nostri ipsorum apud thronum suæ gratiæ accusationem & supplicem ac perpetuam opis suæ & gratiæ diviniæ (propter Christum) placationem, tum ut nos etiam per peccata adhuc nostri agnitionem in nostro gradu nostroque officio contineat, ne videlicet gratiæ nobis delatæ nomine vel ipsi in nobis nimium placeamus, animisque nostris offeramur, vel alios præ nobis ipsis, (quod in nobis quidem est) contemnamus; sed ut agnita omnes pariter nostra adhuc infirmitate in nobis ac miseria, non equidem alii aliis insultemus, aliquæ aliorum lapsus ad causæ torius infamiam detorqueamus; sed ut nos pariter etiam omnes potius sub potenti manu Dei humiliemus, fidemque nostram assiduis semper verbi Dei admonitionibus, exhortationibus ac reprehensionibus invicem in Christiana lenitate ac modestia, additis etiam consolationibus promissionis exerceamus. Quare dum alii in aliis offendimur, Rex serenissime, non equidem alii aliorum lapsus ac vitia exaggerare, quasi nos ipsi illis careamus: non item ad causæ torius præjudicium rapere (hoc enim Satanae consilium est, qui ad perturbationem ac confusionem religionis trahere semper omnia conatur) sed Dei Optimi Maximi consilium potius sequi debemus, nempe ut aliorum vitia, lapsus & errata, quibus aliqui nos ipsi etiam obnoxii sumus, nostra ipsorum vitia, nostros lapsus, nostraque errata esse statuamus. Et quemadmodum nostra ipsorum vitia, nostros lapsus, nostraque errata, non equidem exaggerari hostiliter in nostræ infamiæ finem, contumeliam, sed corrigi amanter emendarique potius ad nostram resipiscentiam optamus: ita hoc ipsum in aliis præstare etiam per charitatem haud dubie debemus: præterquam si ea quibus offendimur, vel callide excusari, vel etiam pertinaciter defendi in Dei ipsius contumeliam videmus: tam enim graviter sunt infectanda pro tuenda Dei gloria: quæ pertinaciter denique & per tyrannidem contra divini verbi leges defendi propugnarique constat. Sic & nos igitur nostra

stra vitia, nostros lapsus, nostraque errata, corrigi, emendari, reprehendi, denique & puriri optamus, (si quidem hic commerciumus) modo ut nobis ex verbo Dei commonstrentur. Atque optamus id sane fieri, non tantum per Majestatem tuam Regiam, Dominum meum clementissimum, sed per omnes omnino, qui nos modo eorum quibus offenduntur (ex verbo Dei) in veritate convincere ad Dei gloriam possent. Quod si id quoque à Papistis per tuam Majestatem obtineri posset, nempe ut ea pertinaciter ac per tyrannidem ne propugnarent, quæ cum doctrina ac dignitate Christi Domini manifeste pugnare, negare ipsimet non possunt: finem proptinus omnis controversiæ cum illis haberemus, neque multis ad eam rem mediatoribus opus esset. Jam quod ad periculum attinet, quæ tibi essent metuenda in utramcunque partem inclines: multa hic sanè dici possent, quæ longum esset recensere. Unum dicam tantum; si propter religionis instaurationem, quam isti novationem vocant, pericula sunt metuenda: quas nobis novationes (obsecro) proferent, in Judæa, Ægypto, Syria, Assyria, Armenia, & universa minore Asia: quæ quidem Regna amplissima, omnia horribili Turcarum Tyrannidi subiecta esse videmus? nisi si id novationem esse interpretentur, quod cum longo tempore antea recusassent, ad extremum se tandem Papismo Romanensi subicere, ejusque doctrinam sequi cæperunt. Nam ubi id fecerunt, tamen demum sanè etiam interire cæperunt. Si verò ita fuit exitialis Regnis omnibus illis, hæc talis novatio: quo pacto (quæso) tuæ Majestati & Regno huic universo, exitiale non erit, eam novationem hic retinere & tueri (quod absit) quam tot tantisque Regnis ac Imperiis exitialem fuisse constat? Proferunt contra isti barbarum nunc Germanicarum, interitusque Ungarici exempla, quæ nostris scilicet novationibus imputari volunt. At verò inique id faciunt. Non tam enim capræ illic constitui veræ religioni, quam publicæ potius incuriæ ac negligentiae in restituenda (sub tanta jam luce Evangelii) veræ Religione, & abolendis notis ac reliquiis Annichistiæ impietatis hæc omnia imputari debent. Ac metuo, Rex Clementissime, ne eadem aut etiam gravio-



ra Tuæ Majestati Regnoque toti huic immincant, si exor-  
tam & hic doctrinæ Evangelicæ lucem, vel repellatis, vel e-  
tiam negligenter amplecti velitis. Quod si consilium adver-  
sus pericula quarimus: apud eum quaramus, qui illa solus  
& immittere, & moderari & arcere potest, is verò jam olim  
nobis saluberrimum ad eam rem consilium, per Samuelem  
Prophetam suum dedit: adjecta diserta, indubitata, libera-  
tionis nostræ promissione, si ipsum audiamus. Edebat  
Israel publicè respicientiæ suæ signa, post acceptam plu-  
ries jam à Palestinis cladem, propter præposterum Ar-  
cæ cultum: quam tùm Palestini restituerant, Anathe-  
mata de suo quædam aurea adhibuerunt. Hic igitur Sa-  
muel ex ore Domini primum Anathemata illa Palesti-  
norum Arcæ Dominicæ appensa, pro Diis alienis repu-  
tat, & inter idola numerat. Deinde ad Israellem ita  
jam afflictum (de ipsius à Palestinis liberatione,) ait:  
si toto corde vestro (inquit,) revertemini ad Dominum  
Deum, AUFERTE Deos alienos è MEDIO VESTRI:  
& præparetis cor vestrum ad Dominum, & Ei soli ser-  
vatis. Et tùm demum liberabit nos è manu Palestino-  
rum. Juxta hoc consilium à Spiritu Dei ipsius profe-  
ctum ergò, Rex Serenissime, si & tu tibi Regnoque  
tuo metuis, ad Dominum tibi imprimis recurrendum,  
& quidem non dimidiato, sed planè toto corde tuo re-  
currendum esse cogitabis. Utque id te verè & sine hy-  
pocrysi facere testeris, fac id quod hic Prophetam præ-  
cipere vides. Sic enim te, quod facere debes, verè &  
ex animo facere declarabis. Si autem non facias, dicere  
profectò non poteris coram oculis Dei Ex TOTO COR-  
DE tuo ad Deum reverti, juxta Prophetæ scriptum.  
Fac igitur, Optime Rex, cum tuis proceribus, quod  
Dominus mandavit. Aufer Deos alienos è medio Regni  
tui: imprimis verò Deum illum Regni Papistici præsi-  
dium, quem nostri Parentes (Prophetæ videlicet &  
Apostoli) nunquam aliqui cognoverunt, circumtonsum  
(inquam) Deum illum MAYZIM, in quo solum scium  
& positum omne robur ac præsidium impietatis Anti-  
christianæ: & soli Deo servias, in cultus veri divini  
perfecti restitutione. Tum demum & teipsum, &  
Regnum

Regnum tuum, liberabit procul dubio Dominus, ab  
omnibus mundi hujus Palestinis. Sed nisi id facias,  
cave, ne unde tibi liberationem ipse fortè polliceris,  
inde potissimum tibi & Regno Tuo exitium accerfas.  
Non est consilium adversus Dominum: & miserrimum  
est suffugia Divini judicii (extra Christum solum) qua-  
rere. Quis est enim, qui se abscondat ab ira illius? Ad  
hunc igitur tibi & quidem TOTO CORDE tuo accur-  
rendum esse statue; si à nostri seculi Palestinis undiqua-  
que nobis imminetibus, debeas liberari. Oramus nos  
quidem assidue, ut Dominus tibi adsit, consiliaque tua  
omnia, & omnes tuas actiones, Spiritu Sancto suo re-  
gat ac fortunet. Sed & tibi quoque ipsi præstandum  
est, ne nostræ pro te preces, vanæ atque inanes in con-  
spectu Domini Dei nostri fiant. Proinde & te supplices  
oramus, (Rex Clementissime) ad ea ut animum tuum,  
in timore Domini, toto corde tuo, jam semel aliquan-  
do adjicere velis, quæ Dominum Deum tuum abs te in  
præcellenti ista vocatione Regia requirere non ignoras.  
Vides quam sint tempora, qui mores, quæ hominum  
ingenia: Hac te sanè omnia meritò sui officii Regii  
commune facere deberent. Ignorantiam quæ Majores  
utunque nostros excusat, obtendere tu jam profectò  
hoc præsertim tempore mihi non posse videris, coram  
judice Deo. Lucera in mundum veluti postliminio re-  
diisse, juxta ipsiusmet Christi Domini vaticinium negare  
omnino in corde ipse tuo non potes: toties præsertim id  
& à tantis etiam viris Dei admonitus. Quæ aliqui ita  
jam affulsit (Gratia sit Domino Deo nostro) ut nulla  
totius mundi vi ac potentia, amplius excludi ullo mo-  
do possit. Tuum erit cavere igitur, ne sub luco igno-  
rantiae tenebras magis, quam lucem dilexisse, apud tri-  
bunal Christi olim reperiaris: quam equidem solam omnium  
nostræ condemnationis causam esse; Christus ipsemet  
Dominus ore suo Divino testatur. Dabis hic veniam li-  
bertati nostræ, à summa aliqui fide atque observantia  
in te mea profectæ, pro Regia tua Clementia. Si enim  
mihi cordi non esset, tua dignitas Regia, cum salute  
aliqui animæ tuæ conjuncta: si mea item in te fi-  
des,



des, atque observantia à me id non exigeret, facile profecto & alibi essem adhuc, quemadmodum (Divino beneficio) haecenus fui: & hic me aliqui etiam in silentio continerem. Sed quia summam aliqui Dei in regno hoc potestatem: atque imaginem reverenter agnosco, summaque cum observantia veneror: & tibi ut ordinato à Domino patriæ nostræ Patri, in omni subjectione, (ut deo) benè volo: facere equidem non possum, quin te reverenter etiam, (ut æquum est) eorum admonitionem, pro tenuitate mea: quæ ad tuum officium Regium, tuamque pariter salutem, intelligo pertinere. Blandiantur tibi alii, ut volent: loquantur placentia, quæ volent: ego tecum loqui malim, ex ore Domini. Quem etiam supplex oro, ut quæ ad legitimam dignitatem tuam Regiam, cum salute æterna tua conjuncta, faciunt, castra cordi tuo infigere, atque insculpere per Spiritum Sanctum suum dignetur, omnis videlicet veritatis Doctorem. Amen. Longus sum video: sed fidem nescit mea in te fides, atque observantia, quæ mihi hæc omnia nescio quomodo extrudit. Sed finem facio. Commendo me omni subjectione ac obedientia Christiana clementiæ tuæ Regiæ Domino meo Clementissimo, unaque & eos omnes, qui me huc in patriam revocarunt, & te suppliciter oro, ut de omnibus nobis certissimo id tibi persuasum habeas, nos omnes & bonorum omnium & vitæ etiam nostræ dispendium multo libentius subire vellemus, quam ut unquam nostræ in te fidei, subjectionis, atque observantiæ Christianæ quicquam, in nobis omnino desiderari patiamur, Christianæ inquam, hoc est quæ neque spe præmiorum mundi hujus, neque item poenarum momentanearum metu, sed propter Deum ipsum, qui eam nobis præcipit, & propter nostras ipsorum conscientias præstat. Hæc enim sola est demum vera fides subjectionis ac observantia subditorum erga Dominos, quæ nullis fortunæ procellis concutitur, neque ullis periculis labefactatur. Et quæ non est talis, nec vera quidem esse potest, nimirum neque diuturna, sed ad quemvis fortunæ ventum nurans, & quæ non tam equidem te, dignitatemque tuam, quam

potius

potius opes tuas honoresque (quos abs te expectant omnes) intuetur. Philippus Melancthon tuæ Majestatis studiosissimus, cum nuper apud ipsum Witebergæ essem, & multis cum illo familiariter, de tua etiam Majestate colloquerer: hæc mihi litteras, quas meis ecce annexas mitto) ad Majestatem tuam dedit, petitque officiosissime Tuæ Majestati commendari: optarim & ipse videre faciem Tuæ Majestatis, tam longo aliqui jam tempore expectatam, si quomodo id mihi per tuam Majestatem liceat. Sed nihil mihi & hic sine voluntate ac mandato tuæ Majestatis permittere volo. Expectabo igitur ut de animo tuæ Majestatis certior reddar. Deus Optimus Maximus servet Majestatem tuam, repellatque abs te omnes, qui non tam sanè Dei tuamque ipsius gloriam ac dignitatem amant: quam suas potius opes, suum questum, & suos apud te honores veniantur ac quarunt; consiliaque tua omnia gubernet, ac dirigat, ad nominis sui adorandi gloriam & incrementa assidua, suæ hic sub te Ecclesiæ, & ad tuam Regni hujus tui totius salutem. Amen. Baliczæ 28. Decembris Anno Domini 1556.

*Sacræ Majestatis Tuæ*

Regiæ addictissimus JOANNES à LASKO.

Sub idem tempus Philippus Melancthon Vir non minus morum quam ingenii bonitate præstantissimus ejusdem argumenti litteras ad Regem dedit, quarum exemplum merito hic adpono.

*Inclyte Rex & Clementissime Domine.*

» Nihil dubium est societatem generis humani, quatenus conservatur, à Deo conservari, & sapientia Dei ad hanc utilitatem Monarchias & cætera Regna, quæ generi humano proferunt constituta esse. Nam » Turcicum, vastatio est orbis terrarum, & tantum » horribilis pœna, non Regnum. De his tantis rebus » consilium Dei considerandum est, & propter regna salutem,

» luta-



„lutaria Deo gratiæ agendæ sunt. Fuit autem Regnum  
 „Polonicum præcipuè salutare reliquæ Europæ, annis jam  
 „quingentis, quia murus fuit adversus Tartaros, nec  
 „bella nobis intulit. Cætera Regna Germanicum & Gal-  
 „licum, dum inter sese de possessione Italiæ dimicant,  
 „publicæ salutis defuerunt. Cum igitur Regno Poloni-  
 „co bene merito de tota Europa, singularis gratitudo  
 „debeatur. Oro Deum ut servet Regnum tuum & tuam  
 „Majestatem. Opto etiam, ut cum salutaria regna sint  
 „opera Dei, & lucere in eis agnitionem Dei maximè  
 „oporteat, ut & in tuo Regno Deus rectè agnoscat, &  
 „invocetur. Nec verò negari potest magnos in Ecclesiis  
 „abusus esse, quos emendari Regum Sapientia, Deus  
 „præcepit, cum ait: Et nunc Reges intelligite. Quare  
 „quod Regia Majestas tua hanc curam suscipit, pie fa-  
 „cit, Nullum Deo gratius sacrificium fieri posset, quam  
 „si instituta piorum & eruditorum deliberatione curarent  
 „aliqui Reges, & veritatem illustrari, & idola deleri, &  
 „piam concordiam constitui. Legimus Osy & aliorum  
 „quorundam scripta, qui exorientem lucem veritatis suis  
 „præstigiis extinguere conantur, & idola stabiliunt. Sed  
 „Sapientiæ Regiæ Majestatis Tuæ congruit fontes inquir-  
 „rere. Nos quid profiteamur ostendit Confessio, in  
 „quâ summam Doctrinæ Ecclesiæ breviter complexi su-  
 „mus. Quare exemplum mitto, & de singulis mem-  
 „bris me ad explicandum uberius offero. Offero me  
 „etiam ad veræ Ecclesiæ judicium. Oro autem Filium  
 „Dei Dominum nostrum Jesum Christum, custodem  
 „Ecclesiæ suæ, ut Regiam Majestatem Tuam servet in-  
 „columem & consilia tua gubernet. Data III. Idus Octo-  
 „bris Anno 1556.

*Regiæ Majestatis tuæ infimus servus*

PHILIPPUS MELANTHON.

*Inclito & Serenissimo Regi ac Domino Domino Sigismundo  
 Augusto, Regi Poloniae & Magno Duci Lithvaniae &c.  
 Domino Clementissimo.*

*Sicut.*

**S**icut Lismanianum, ita & Lasium patroni inclitorum  
 Errorum tanquam exprobrantes adspiciebant. Me-  
 moriæ proditum est ab Joan. Utenhonio Lasii familiari  
 in epistola ad Calvinum Cracoviæ Anno 1557. d. 19. Febr.  
 data, Episcopos apud Archiepiscopum Gnesnensem con-  
 gregatos una cum Lipomano Legato Pontificio consilia  
 Secretra de pellendo ex patria Lasco, quem tunc Episcopus  
 Cracoviensis ille Zebridovius, carnificem sui ordinis tuæ-  
 que partis, multæ Viri eruditionis & pietatis gnarus, fore  
 dixit, agitalle, & Regem, quò eis de hac re, utpote  
 salutis suæ & regni quieti necessaria gratificaretur, adisse:  
 Regem autem rem tam iniquam, imò & injustam eis de-  
 negasse, tandem & silentium imperasse: postea tamen  
 calumniis de Lasco contra Regem molitione prava sparsis  
 commotum, sed ab amico Lasii certiora edoctum pristina  
 nam benevolentiam Lasco conservasse. Inter hæc male-  
 voli genium non magis quam leopardus maculis nigri-  
 cantibus pellem distinctam, mutavit. Hinc religionis  
 negotium in Comitibus Varlaviensibus, quæ Eudzinus  
 Chronic. c. 19. prima appellat, non exiguos amorum  
 dedit motus. Pontifices Romanensium in id toto pecto-  
 re incumbabant, ut crescentem veritatem opprimerent,  
 & jurisdictionem suam in Evangelicorum Ministros, in  
 oppidis & pagis nobilium habitantes firmarent. Cum au-  
 tem vi nil agere possent, accrescente indies veritatis Evan-  
 gelicæ amantium Numero, ad artificiosa colloquia versi,  
 tam auctoritate universi Ordinis Ecclesiastici Procerum  
 Politorum quam totius antiquitatis pugnare. Hinc per duas  
 hebdomadas Evangelici fortiter se tueri: ita negotium  
 hoc ab utraque parte acriter voce & scripto exenti. Paucis  
 hæc narrasse sufficiat. Pontifices conatus suos frustra  
 esse videntes, in variis formas se vertere, minis & blan-  
 ditis agere: ad ultimum consentire, Proceres & Nobiles  
 Evangelici Ministros ab Episcopis confirmatos verbi divi-  
 ni in domibus suis proprio sumtu alant, avitas parccias  
 & decimas intactas relinquunt: Ministri verò Sacram  
 Scripturam secundum hos quatuor Ecclesiæ Romanæ Do-  
 ctiores, Augustinum, Hieronymum, Chrysostomum &  
 Ambrosium interpretentur. Res toleranda quibusdam  
 Nun



Nuntiorum terrestrium visa: Quocirca multi ad hunc viscum obhærescere dulce canentibus Pontificibus aliisque errore & superstitione ac seculi dulcedine captis, qui discedere non possent;

— *quid distent era lupinis,*

& quam longè illorum Doctorum inclinante ut quarto seculo, ita & magis magisque pura veritate, viventium dogmata non tantum à Christi & Apostolorum, sed & à Doctorum Ecclesiæ Ante Nicenorum ipsorumque Nicenorum mente; absint. Non deerant tamen, qui animadverterent agi periculosa plenum opus alex & mox incendendum sibi esse per ignes suppositos cineri dolofo. Erant isti ex Majori Polonia & Provincia Cracoviensi, quos inter Stanislaus ille Lassocius eminuit, qui prudenter judicabat de hac re, illius veteris dicti memor: *Memento Danaos & dona ferentes.* Licet verò Pontificii numero & viribus prævalerent, nil tamen invitis Evangelicis concludi poterat. Interim Pontifices via regali carbonibus cinere conspersis strata, Evangelicorum gressus, imò nutus curiosè observare: hi sibi undique cavere. Intercessit *Nicolaus Reius*, vir natalibus, prudentia, facundia & virtute clarissimus, & ut ad Pontifices aliquis mitteretur, quò mentem suam clarius exponerent, an illarum interpretationes quatuor Doctorum celeberrimorum secundum Ecclesiæ Romanæ, vel simplicis & claræ Scripturæ Sanctæ mentem fieri debeant, auctor fuit. Placuit cunctis id consilii, adeoque auctorid effectum daret, omnes rogare: nec ille tergiversari. Sed cum questionem Cameræ Equestreis nomine Pontificibus in Camera Senatoria proposuisset, id responsi tulit; mentem Ecclesiæ Romanæ in eo attendendam esse. Id à mente omnium Evangelicorum alienum, brevi responso Laconico N O L U M U S exceptum. Consenserunt his non pauci Pontificiorum, qui nec se, nec posteros, si hi fortè in castra Evangelicorum transirent, servitutis Pontificiæ jugo subdere volebant. Sciebant nempe Evangelicos vi ad suam religionem neminem cogere: Pontifices contra omne minarum & crudelitatis genus hic usurpare. Ita meritò ibi se & posteros tutos: hic cuncta periculosa & jure

jure metuenda perspiciebant. Exorta tunc inter Cossobucium Masovix & Stanislaum Szafrancium Cracoviensis provinciæ Delegatum lis, illo istum ferociter quasi templorum spoliatorem non obscure criminante, reliquorum auctoritate composita, Cossobucio facinoris veniam orante. Hinc omnes uno animo & ore sanxerunt, ascendendum esse in Cameram Senatoriam, dicendum Regi & Senatui, nolle se tyrannidem Pontificum subire: monendos Pontifices, nulli ministrorum Evangelicorum injuriam vel contumeliam inferant, vel molestiam faciant, vel dolos struant, imò quere publica eos frui, si suam ament, patiantur, & non tantum Spiritu Christi, qui nil magis quam modestiam & humilitatem urgeat, imò dilectionem tanquam discipulorum Christi tesseram, legis implementationem, & perfectionis vinculum. Unice commendat, & jungat, sed & veteris Ecclesiæ, quæ gentilium persecutionibus atrocissimis nil nisi patientiam invictam opposuerit, & monendo non minando, docendo non nocendo, patiendi non faciendo injurias creverit, sint memores. Dictum factum. Placuit id salubris consilii Regi & Senatui. Hinc lex condita, Pontifices Ministris Evangelicorum æquam libertatem & quietem relinquant inviolatam, suam si salvam esse velint. Multum hæc res ad tuendam tunc temporis pacem & salutem publicam profuit. Nec quidquam profecto ad hanc tuendam vel convenientius vel magis efficax inveniri potest. Ut taceam firmo talo illam sententiam stare: sacram illam tyrannidem non tantum institutioni Christi & Apostolorum, sed & veteris Ecclesiæ praxi prorsus repugnare. Dum malevoli Lisinadini & Lasci reditum ægerimè fecerunt, nec isti nec alii eis similes in propaganda veritate puriori cessarunt. Cracovicum illum Episcopum Cracoviensis scripto publico sugillare, apostatam, hæreticum vocare; ille contra ateanorum Pontificiorum apprimè gnarus apologiam ad demonstrandos Ecclesiæ Romanæ errores & Pontificum artes & tyrannidem Episcopo opponere: cui titulus: *Defensio primæ institutionis Christi adversus novam & falsam institutionem Romanam, quam armis, non scripturis Sacris, Andreas Episcopus Cracoviensis tue-*



tur. Liber is vernaculâ linguâ conscriptus etiamnum manibus hominum teritur, non sine insigni fructu. Prodit enim secreta Pontificum & ritus idololatricos ad oculum demonstrat. Sed irritavit crabrones veritas, Pontificibus nil nisi persecutionis confessorum veritatis animo agitantibus, quibus occasionem crudelitas Genevensium in Servetum exercita & libri Calvini & Bezae de hæreticis ultimo supplicio afficiendis præbuerunt.

## CAPUT V.

*De Serveti, Valentini Gentilis, Joan. Sylvari & Bernerdini Ochini dogmatibus & morte & nonnihil de Paulo Aleiato & Matthæo Gribaldo ac Adamo Ministro Heydelbergensi.*

Quum mentionem Serveti proximè fecerimus & patet post facturi simus, haud alienum à proposito fuerit, aliquid de dogmatibus & morte ejus tum & Valentini Gentilis ex hac occasione dicere, hinc de Joanne Sylvari & de Bernardino Ochino, Paulo Aleiato & Matthæo Gribaldo ac Adamo Ministro Heydelbergensi. Fieri autem potest, ut aliquid hic dicamus aliis velignotum vel præteritum. *Michael Servetus*, Remes dictus, generè Hispanus, patriâ Tarraconensis, Vir fuit excellenti ingenio præditus, qui ut aliis litteris humanioribus, ita cum primis Medicinæ dederat operam, & ut ingenium excoleret, in Africam quoque (ut levis est ex Hispania in Africam projectus) transfretaverat. Is apud instar cuncta sibi profutura ubique colligens, & ex ipsis Alcorani, in dogmata quidem de Deo Trinitate & Jesu Christo summo Deo ex essentia patris ab æterno generato tum idololatriam & Mariolatriam graviter invehentis, a honorem tamen haud vulgarem Christo, ut Dei verbo & Legato, magno Propheta, omnium gentium faci in hoc & in futuro seculo, viroque divina virtute prædito, tribuentis, tribulis

illis matetiam exsugebat. Latere quoque eum (ut vir erat in litteris humanioribus & sacris optimè versatus) non poterat omnes Antenicenos, imo & Nicenos, quin & Constantinopolitanos Patres, id est omnes omnino Christianos per quatuor circiter secula hoc immobile Catholicæ veritatis fundamentum. Credo in Unum Deum Patrem Omnipotentem celi & terræ Creatorem, & in Filium ejus unigenitum Jesum Christum, Dominum nostrum, retinuisse. Tum Latinos Ecclesiæ Doctores, præcipuè Justinum, Hilarium Patrem Filii auctorem, Græcos verò Filii causam docuisse: omnesque Ecclesiasticas preces ad Deum unum per Christum Mediatorem dirigi. Hinc sententiam suam, de Uno Deo Patre & Filio ejus Jesu Christo, quem Pater à mortuis excitatum fecerit Dominum & constituerit Deum ac Judicem vivorum & mortuorum, utpote non tantum Scripturis divinis, sed & toti antiquitati consentaneam, & verè Catholicam, non dissimulavit, deque ea qua coram, quâ scripto cum viris Doctis & piis, quos ætas illa plurimos, & sic aurea, gradatim ad reformandas innumeras Orbis Christiani corruptelas, emiserat, contulit. Quo quidem veritatis indagandæ & propagandæ studio malevolorum omni justitiæ ubique adversantium odia præsertim post editos in Germania Anno 1531. septem de Trinitatis erroribus libros, incurrit. Ita multa in Gallia & Germania perpeßus Venetias ire cogitabat. Sed in itinere à Calvino interceptus, tristem vitæ exitum Genævæ, ut mox dicemus, invenit: Vir vitæ sanè longiori & sic meliori dignus, quod ad nos attineret. Nam Dei judicium & permissum si species, satis diu quia sat benè vixit, & optimum ac gloriosissimum vivendi finem fecit. Cogitabat ille, universum Vetus Testamentum commentariis illustrare, nisi Genævæ in transitu exstus fuisset. Sermones multos editurus erat, sub iis, ni fallor, titulis, De vera Scripturarum intelligentia: De origine defectus ab Apostolica doctrina: De potentia veritatis: De vera unius Dei cognitione, De errore Triadis, de vero spiritu Sancto: De exaltatione hominis Jesu: De natura & ministerio Angelorum: de zelo & scientia, de officio.



efficacia fidei: de vi charitatis; De corpore; anima & Spiritu: Denatis & regenitis; De vocatione & electione. De præscientia & prædestinatione, De humanis operibus & ceremoniis: De baptismo aque & Spiritus. Decana Domini; de peccato & satisfactione, De justificatione, De timore & amore Dei: De vera Ecclesia, De capite & membris, De dormitione Sanctorum, De resurrectione mortuorum & viventium immutatione, De die iudicii: De beatitudine electorum &c. Alphonsus Linarius in Præfat. 5. librorum Declarationis Jesu Christi Filii Dei. Prætereo quæ malevoli, quorum de adversario iudicium nunquam sincerum est, de Serveti dogmatis notarunt. Quin & ex libris ejus excerpta, quæ in promptu habeo, omitto, brevitatis causâ. Sufficiat pauca hæc addidisse, quæ candor exegit. Tres ejus positiones erant istæ: 1. *Hic est Jesus Christus*, id est, hic Jesus Nazarenus homo verus, è Spiritu Sancto conceptus ex Virgine natus est ille Christus Dei, sive Patribus promissus Messias. 2. *Hic est Filius Dei*. id est: hic homo à Deo substantialiter ut potè ex vera Dei substantia, spiritu scilicet Sancto genitus, est verus & naturalis ac propriè Filius Dei, cum nos simus adoptivi, ita ut corpus Christi verè participationem substantiæ Dei habeat. 3. *Hic est Deus*, non ille unus & summus, qui solus est Pater Deus tamen substantialiter, cum in eo sit Deitas corporaliter, Deus nostrum omnium à Patre Deo suo exaltatus. Atque horum quidem nonnulla, præsertim de propriè dicta & essentiali generatione in divinis, ut & alia quædam ejus dogmata nos non probamus, non tamen hominem pio zelo & invicta virtute & Pontificiis vinculis feliciter eluctatum. Propterea damnamus, nec quenquam ob has vel similes sententias rogo adjudicandum censemus sicut fecit Calvinus. Qua de re adponam accuratam narrationem: sed ei præponam Serveti ipsius sermonem, ac velut Cyncræam vocem, quam ante horrendam mortem edidit.

*Michaelis Serveti Tarraconensis de vera: Dei & filii ejus cognitione sermo antequam Geneva combureretur.*

» **Q**uitres substantiales personas seu hypostasies in  
» Divinis statuunt tres æquales per naturam Deos  
» nobis insinuant. Tres enim res substantiales distin-  
» ctas & differentes nobis proponunt, & unamquamque illa-  
» rum rerum (seu ut vocant) Hypostasium, Deum esse  
» volunt. Inde necessariò tres Deos æquales & distinctos  
» faciunt. Cum enim personæ seu Hypostasies illæ re &  
» numero differentes singulatim de Deo prædicentur: Ne-  
» cessariò sequitur tot esse prædicata quot subiecta, &  
» juxta numerum personarum deorum quoque numerum  
» multiplicari. Et licet unum tantum Deum nobis verbis  
» prædicent, in effectu tamen & re ipsa, tres nobis Deos  
» in intellectu repræsentant. Nullus est enim intellectus  
» tam acutus & sincerus, qui, non videat tria sibi colenda  
» proponi. Quomodo autem illa tria, quorum u-  
» numquodque Deus est, unum Deum numero esse intelli-  
» gat, nemo unquam dicere potuit, vel docere. Relin-  
» quitur ergo & in spiritu & in intellectu insolubilis illa  
» perplexitas & confusio inexplicabilis, quod tria sunt u-  
» num, & unum sunt tria. Quamvis enim, ad unum Deum  
» totus intellectus intendat, & dirigatur, unumque  
» sibi Deum in spiritu colendum proponat, & se ad uni-  
» tatem tota acie colligat, confestim tamen tria distincta  
» objecta se offerunt, & ante mentis oculos obversantur,  
» quorum unumquodque Deum esse cognoscit, & sic  
» tres in effectu Deos æquales & distinctos sibi repræsentat.  
» ti, videns inter unum & tria confusus succumbit, & hic est  
» exitus illius Græcicæ Triadis seu triplicitatis. Quod si re-  
» voluto velo ad Sacrosanctæ Script. verbum velut ad lydi-  
» um lapidem rem omnem exploremus, & juxta ipsius Dei elo-  
» quia, veram de Deo cognitionem exquiramus, cessabit du-  
» bio procul omnis confusio & perplexitas: & nil in se repu-  
» gnans intellectus noster admittere compelletur. Primum  
» itaque sciendum est, Deum nomen esse appellativum, o-  
» mnis potentia Dominii, & superioritatis & propriè illi con-  
» venit,



venit, qui super omnes est, qui est omnium princeps,  
 Rex regum & Dominus dominantium, à quo omnia  
 sunt & dependent, qui est solus Pater omnium ac Crea-  
 tor. Minus autem proprie sumptum, etiam creaturis  
 convenire potest ut quicumque habet potestatem &  
 superioritatem, Divinitus sibi concessam super aliquem,  
 hic Deus illius dici possit. Velut Moses dictus est Exo: 7.  
 1. *Deus Pharaonis.* Et Cyrus Esa. 45. 3. *Deus Israelis.*  
 Et si liceat exempli tantum gratia profana sacris adjuge-  
 re, Augustus Cæsar, Deus Virgilii & Lentulus Deus  
 Cicceronis, quia fuit Author restitutionis suæ. Et hac  
 ratione scriptura appellat Deos, quos summus & Æter-  
 nus Deus aliqua gratia, virtute & privilegio supra alios  
 decoravit & sublimavit Unde Psalmista Pl. 82. 6. *Ego*  
*dixi dii estis & filii excelsi omnes.* Et Exod. 22. 28. *Do-*  
*minus domus ad Deos applicabitur & ad Deos utriusque cau-*  
*sa perveniet.* Si autem non natura dii sunt, sed per  
 gratiam, & donum summi Dei. Ideoque nunquam  
 eo deitatis nomine appellantur quod soli supremo Deo  
 convenit. Nam tales dii & Domini apud Hebræos,  
 quibus hæc nomina divinitatis proprie distinguuntur Elo-  
 him, vel Adonai nuncupantur, neque unquam proprio  
 & singulari, nomine quod est Jehova designantur, li-  
 cet dominum [Hic aliquid deest in autographo, ex quo  
 hæc desumli.] Et ideo Paulus ubique initio suarum  
 epularum sic præfatur *Gratia & pax à Deo Patre nostro*  
*& Domino nostro Jesu Christo.* Cæterum tres æquales  
 deos per naturam, constituere summa blasphemia est  
 & impietas execrabilis. Oportet enim ad unum o-  
 mnia referri, nempe ad eum, qui omnium author  
 est, & omnia pro sua voluntate creavit Ille enim  
 solus per naturam à seipso Deus est, Cæteri vero  
 quicumque à se ipsis dii non sunt, rationem deitatis ab  
 illo uno Deo Patre accipiunt & agnoscunt, & dii de  
 Deo dicuntur. Potest enim summus ille & Princeps  
 Deus creaturas sanctificare & divinitate replere. Tres  
 autem deos per naturam æquales nullo modo con-  
 stituere possumus alioqui & tres rerum conditores,  
 seu Pantocratores & tres Patres necessario constituere  
 oportet.

oporteret. Soli enim Patri, qui à se ipso Deus est,  
 & qui omnia condidit, Dei nomen simpliciter convenit  
 & is solus simpliciter & absolute Deus appellatur. Jam  
 ergo ex prædictis facile deduci potest, quomodo Dominus  
 noster Jesus Christus verus Dei filius etiam Deus di-  
 catur. Nam suæ deitatis ratio à Deo Patre suscipitur,  
 & verus Deus de vero Deo nuncupatur, Deus quidem  
 Omnium creaturarum, non autem Deus Patris,  
 qui ei cuncta subjecit. Quin imò Pater ipse qui solus  
 per naturam à seipso Deus ut etiam ipse filii Dominus  
 & Deus est, dicente filio. Joh. 14. 28. *Vado ad Patrem*  
*qui major me est.* Joan. 20. 17. *Vado ad Patrem meum & Pa-*  
*trẽ vestrum, ad Deum meum, & Deum vestrum.* Math. 27.  
 46. *Deus meus quare derelinquisti me.* 2. Apoc. 3.  
 13. *Scribam super illum nomen Dei mei, & nomen*  
*civitatis Dei mei.* Nec convenit hic eorum interpreta-  
 tio qui dicunt hæc filium loquutum, ut hominem,  
 non ut Deum. Quibus respondetur, quod ratio deitatis,  
 quæ est in filio, etiam ut homini convenit, est enim  
 filius homo deificatus, seu divinitate repletus, ideo  
 non tollitur Patris superioritas in ipsum filium. Quan-  
 quam enim filius factus est nobis à Patre Dominus  
 & Deus & caput nostrum: Atramen Pater & Do-  
 minus & Deus & caput ipsius filii est. 1 Cor. 11. 3.  
 Et filius Patri subiectus est 1. Cor. 15. 28. Et pa-  
 ternæ domus oconomus atque administrator. Hebr.  
 3. 8. Itaque filius ut Deus noster & caput nostrum  
 deitatem ac superioritatem Patris in se ipsum recogno-  
 vit. Inde Propheta hanc duplicem deitatis rationem  
 Patris & filii disertè explicans dixit, ad filium Plā.  
 45. 3. 7. 8. *Speciosus forma præ filiis hominum diffusa*  
*est gratia in labiis tuis propterea quod Sedes tua, Deus,*  
*in sæculum sæculi, virga directionis, virga regni tui di-*  
*lexisti iustitiam & odisti iniquitatem, propterea quod*  
*unxit, Te Deus, Deus tuus oleo latine præ consortibus*  
*tuis. Ecce quomodo David in spiritu vocat filium*  
*Deum, & Patrem Deum filii. Nam sedes tua Deus,*  
*& unxit te Deus vocativi casus sunt, & ad filium re-*  
*feruntur. Dum postea subiungit Deus tuus de Deo*  
*Patre*



„ Patre loquitur, qui filium unxit & sanctificavit. Si-  
 „ militer sapientia, quæ Dei filium repræsentat, sic exclam-  
 „ at Eccles. 24. 16. *Et radicavi in populo honorificatio-*  
 „ *em in partes Dei mei hereditas illius.* Proinde jam luce  
 „ clarius liquere puto unicuique scripturis adharere vo-  
 „ lenti, filium esse Deum à Patre, & tanquam Deum  
 „ à patre omnibus constitutum, deitatem ac superiorita-  
 „ tem Patris in se recognoscere, licet apud Græcos &  
 „ Latinos hæc divinorum nominum distinctio non invenia-  
 „ tur & omnes uno communi Dei nomine appellentur. Unus  
 „ igitur per naturam Deus à seipso, æternus, summus,  
 „ supremus, immortalis, invisibilis, incomprehensibi-  
 „ lis, lucem habitans inaccessam, qui omnia condidit,  
 „ omnia gubernat, à quo omnia sunt, & dependent.  
 „ Hic est ille Deus Deorum, Rex Regum & dominus  
 „ dominantium, Jova Pater, quem solum scriptura  
 „ simpliciter & absolute, Deum & Patrem appellat.  
 „ Patrem quidem omnium universalem, proprie verò  
 „ & singulariter Domini Dei nostri Jesu Christi, quod &  
 „ diserte explicat Paulus dicens. 1. Cor. 8. 5. *Nam*  
 „ *et si sunt qui dicantur Dii, sive in celo, sive in terra*  
 „ *(quemadmodum sunt Dii multi, et Domini multi)* 6.  
 „ *Nobis tamen est Unus Deus ille Pater, ex quo omnia et*  
 „ *nos in ipso et unus Dominus Jesus Christus per quem om-*  
 „ *nia et nos per ipsum.* Unde palam hoc fit nomine deita-  
 „ tis etiam creaturas decorari, per gratiam tamen &  
 „ concessionem Unius supremi Dei, qui est Deus Deo-  
 „ rum, Princeps et Pater omnium supra omnia per omnia  
 „ et in omnibus Eph. 4. 6. *in quem veluti unicum,*  
 „ *summum, & naturalem à seipso Deum, ceteri om-*  
 „ *nes referuntur eique subjiuntur et obediunt, & hæc*  
 „ *Deorum inferiorum pluralitas, nullam affert confu-*  
 „ *sionem neque divinæ unitati præjudicat, Cum omnis*  
 „ *creatura laudet Deum creatorem & illum solum velut*  
 „ *summum & supremum Deum respiciat & suspiret,*  
 „ *Solum colat & adoret, de quo universa scriptura testa-*  
 „ *tur) quod non sit alius Deus præter illum.* Deut. 6. 4.  
 „ *Audi Israel dominus Deus tuus Deus unus est.* Et Deut.  
 „ 10. 17. *Lehovah Deus magnus potens et terribilis, qui non*

accipit

„ accipit personam neque recipit munus. Et Psal. 50. 1. *Deus*  
 „ *Deorum locutus est.* Et Paulus ad Gal. 4. 8. *imo*  
 „ *tum quidem quum ignoraveritis Deum, serviebatis iis qui*  
 „ *non naturæ sunt Dii.* 9. *At nunc quum agnoscatis Deum*  
 „ *quomodo convertimini retrorsum ad impotentia et egena.*  
 „ 1. ad Timoth. 6. 15. *Quem temporibus suis ostendet*  
 „ *ille beatus et solus princeps, Rex regum et Dominus*  
 „ *Dominorum* 16. *Qui solus habet immortalitatem, lucem*  
 „ *habitans inaccessam, quem vidit nemo hominum, neque*  
 „ *videre potest* 1. Thess. 1. 9. *ut serviretis Deo vero et vivo.*  
 „ 10. *Et expectaretis filium ejus è calis quem suscitavit à*  
 „ *mortuis Jesum.* 1. Tim. 1. 17. *Regi æterno, immortal*  
 „ *invisibili, soli sapienti Deo honor sit, et gloria in secula*  
 „ *seculorum Amen.* 1. Tim. 2. 5. *Unus Deus unus e-*  
 „ *tiam mediator Dei et hominum Homo Christus Jesus.* 6.  
 „ *Qui seipsum dedit in redemptionis precium pro quibus-*  
 „ *vis.* 1. Timo. 6. 13. *Præcipio tibi coram Deo qui vivi-*  
 „ *ficat omnia, et Jesu Christo qui testatam fecit coram Pon-*  
 „ *tio Pilato bonam professionem* Tit. 2. 11. *Illuxit enim*  
 „ *gratia Dei illa salutifera omnibus hominibus, erudiens*  
 „ *nos ut abnegata impietate et mundanis cupiditatibus, mo-*  
 „ *deratè, et pie et juste vivamus in præsentis seculo* 13.  
 „ *Expectantes beatam illam spem et illustrem adventum*  
 „ *gloriæ magni illius Dei, ac servatoris nostri Jesu Christi,*  
 „ 14. *Qui dedit semet ipsum pro nobis ut redimeret nos ab*  
 „ *omni iniquitate &c.*

Vide igitur quomodo scripturæ inter Deum & Dei filium  
 „ semper distinguere soleant: & si diligenter inspicias,  
 „ videbis scripturam semper: tribus vel quatuor locis  
 „ exceptis, simpliciter & absolute appellare Patrem Deum  
 „ & Jesum ejus Christum ac filium. Differt tamen filii divi-  
 „ nitas ab aliis diis. Quare Deus Pater alios deificavit  
 „ & sanctificavit ad mensuram, veluti filios adoptivos  
 „ & ideo Moses & Cyrus particulares dii fuerunt Pharao-  
 „ nis & Israelis, Christum vero, ut proprium filium, be-  
 „ nedictum Deus sine mensura sanctificavit & totum spi-  
 „ ritu suo S. atque omni divinitate replevit, decus  
 „ plenitudine, nos omnes accepimus. Nec prædictis  
 „ adversatur, quod filius deitatis & gloria Patri,



adæquatus sit, quoniam omnis deitas, gloria & æqualitas filii à Deo Patre est, & tanquam donum Patris à filio recognoscitur, dum inquit, Matth. 28. *Donata mihi est omnis potestas in celo & in terra.* & Petrus Act. 2. 16. *Quod Dominum & Christum fecit Deus hunc Jesum quem vos crucifixistis: Et Paulus, Phil. 2. 10. Quapropter Deus summò extulit illum honore, & dedit illi nomen super omne nomen, ut in nomine Jesu omne nomen curvetur, caelestium, terrestrium & inferorum, Heb. 1. 8. Et adorant eum omnes Angeli Dei Eph. 1. 22. 23. Qui suscitavit Christum ex mortuis, & sedere fecit ad dextram suam in caelestibus super omnem principatum & pietatem & virtutem & dominationem, & omne nomen quod nominatur non solum in hoc seculo sed etiam in futuro. Et omnia subiecit, pedibus ejus, & ipsum dedit caput super omnia ipsi Ecclesie, quæ est corpus ipsius, plenitudo ejus, qui omnia in omnibus adimplet. Hebr. 1. 13. Cui unquam Angelorum dixit, filius meus es tu, ego hodie genui te. 8. Thronus tuus in seculum seculi, Virga directionis virga regni tui. 13. Sede à dextris meis donec posuero inimicos tuos scabellum pedum tuorum. Et Joh. Apoc. 5. 12. Dignus est agnus ille mactatus qui accipiat virtutem, & divitias & sapientiam, & fortitudinem & honorem & gloriam, & benedictionem. Et ideo Paulus hanc filii deitatem & cum altissimo Deo Patre æqualitatem non respectu ipsius Patris, sed respectu creaturarum intelligendam esse declarat 1. Cor. 15. 27. *Nam omnia subiecit sub pedes ejus (quum autem dicat, quod omnia subiecta sunt, palam est quod hoc dicatur extra eum, qui subiecit ei omnia. 28. cum autem subiecta fuerint ei omnia tunc & ipsi filius subjiçietur ei, qui subiecit ei omnia ut Deus sit omnia in omnibus. Quamvis autem filius dono Patris se virtute & gloria, & potentia æqualem Patri factum agnosceret, noluit tamen illo æqualitatis dono abuti & illud in tyrannidem & rapinam convertere ut Paulus ait. Ad Phil. 8. Ipse se summis factus obediens usque ad mortem, mortem autem crucis 9. Quapropter Deus ipsum in summam extulit sublimitatem, ac omnia celestia terrestria ac inferna eidem subiecit. Deum ac Dominum ab omnibus creaturis adorandum proposuit, breviter, tantum virtutis, potentie, gratie, benedictionis**

his, gloriæ, & Deitatis in filium suum dilectissimum, contulit omnipotens Pater, quantum maximè conferre potuit, & in æqualitate sua & trono suo collocavit tantumque honoris filio, quantum sibi ipsi exhiberi voluit. Proinde, qui filium non agnoscit, Patrem quoque negat. Nullum enim datum est hominibus (Act. 4. 12.) nomen sub celo, in quo salutem sperare oporteat præterquam in nomine filii Dei, Domini Nostri Jesu Christi, qui est Verus Dominus & Deus noster, ut Thomas Joh. 20. 28. Paulus & Joannes verissimè confessi sunt. Cui propterea cum Deo Patre, Maximo & clementissimo Deo, sit Laus honor & gloria in Sempiterna Secula Amen.

**A** Trox profecto facinus & omnium æquiorum judicio Christi Spiritui mansueti, & humili prorsus contrarium, sed cum illo Boanergeon ignem de celo ad pendendos quosdam Samaritanorum inhospitales, deducere Eliæ exemplo volentium (nisi quod illi fontes perdere voluerunt, Calvinus in fontem perdidit) conveniens. Ad hoc perpetrandum Senatam Genevensem non obscurè Ministri Basilienses, Bernenses, Scaffusenses, Tigurini verò etiam acriter instigarunt. Inde Calvinus (qui Servetum se auctore à Syndico Genevensi in vincula datum esse Epistola ad Sulcerum data gloriatur, quem etiam hortatur, quò quæstorem urbis sibi hanc tradenti, in hac causa recto esse animo, ut saltem exitum, quem optamus, inquit, non fugiat) ad Farellum: Rediit ab Helvetiis nunciatus. Uno consensu pronunciant omnes, Servetum impios errores, quibus olim turbavit Satan Ecclesiam, nunc renovasse, & monstrum esse non ferendum. Cordati Basilienses. Tigurini omnium vehementissimi. Nam & impietatum atrocitas graviter ab illis exprimitur, & hortantur Senatam nostrum ad severitatem. Subscribunt Scaphusiani, Bernensium literis etiam appositis, accedunt & Senatus literæ quibus non parum stimulatī sunt nostri. Farellus quoque non tantum Servetum tollendum statuit, sed & Calvinum pæne atrocitatem leniri, ut ait, cupientem, in severitate Serveto opponenda confirmat, imò & omnes hæreticos perdendos esse decernit. Calv. epist. & resp. p. 115, & 116.



Vid. Beza in vita Calvini. & ep. ad Dudit. Ita merito magnus re & nomine Grotius alicubi ait: *Spiritum Antichristi non tantum ad Tiberim, sed & ad lacum Lemani apparuisse.* Ideo Calvino non tantum facinus istud exsequenti, sed & libro publico (a) defendenti, imo omnes Magistratus contra hæreticos armanti, sed & Beza scripto pariter publico (b) idem propugnanti, utrique ab Ecclesia Romana cum toto suo grege in hæreticorum numerum relato telum contra se furiosis porrigenti, omnibusque talia vel facientibus vel approbantibus dicendum est illud Christi tunc ad illos filios tonitruum prolatum: *Nescitis cuius Spiritus sitis. Filius hominis non venit animas perdere, sed salvare.* Luc. ix. sed & illud alias prolatum: *Qui solverit unum de mandatis istis minimis, & docuerit sic homines: minimus vocabitur in regno celorum.* Matth. v. Atqui isti solverunt præceptum de diligendo proximo, quod primo est proximum & simile: & ita docuerunt homines. Ego quidem libenter Deo iudicium relinquo: si tamen mihi optio daretur, mallet Oecolampadi & Zwinglii quam Calvini & Beza quamvis longè doctiorum loco esse. Interim quod veritas præcipit, de diligendo proximo, etiam inimico, de vincendis non vinciendis, de vitandis, non de vita tollendis hæreticis, in memoriam revoco. Calvinus sanè in facto illo sibi placuit & mortuo Leoni barbam vulsit, Canem Hispanicum vocans Servetum Comm. in Act. 20. sed meritò Franciscus Lismannus, de quo nobis paulò ante multus sermo habitus est, in suo Commentariorum Calvini exemplari, quod possideo, ad ista Calvini verba *Hispanicus Canis Servetus*, manu sua ad marginem notavit: *Canis à te factus.* Et subdit distichon:

*Cur tibi sum Calvine canis? tuus efficit ardor*

*Ne canis (heu) dicar, sed miserranda cinis.*

Chamierum Panstrat. T. 2. l. 1. de Trinit. c. 5. non puduit hæc ponere. *Apud Pontificios Servetus quamdiu vixit, tuto vixit: tùm demum vim veritatis expertus est*

(a) *Cui titulus est:* Defensio orthodoxæ fidei de S. Trinit. contra prodigiosos errores Michaelis Serveti Hispani: ubi ostenditur hæreticos iure gladii coercendos esse.

(b) *Cui titulus:* de hæreticis à civili magistratu puniendis, hoc & illo Calvini Anno 1554. à Roberto Stephani impressis.

in Calvino & in magistratu Sanctam severitatem cum Geneva venit. Imprudens tamen Pontificis æquam moderationem suis ereptam tribuit. Idem paulo ante, cap. scil. 4. similem laudem (egregiam scil.) Calvino tribuit, dum scribit: *Calvinus Magistratui causam dedit severe animadvertendi in Valentinum, illum scil. Gentilem campanum Consentinum, qui Geneva ob dissentium in religione in carcerem coniectus, Anno 1558. inde imposita palmodiæ necessitate libertati Evangelicæ plurimum adversa dimissus, à Pontificis Lugduni Cætarum humanius habitus, ab Evangelicis Bernæ Anno. 1566. supplicio capitali affectus est, Valentinus iste & Paulus Alciati Pedemontanus cum Geneva ob odia Calvini acerrima subsistere non possent, Anno 1563. in Poloniam venerant, cumque viris piis, veritati inquirendæ impensè addictis contulerant. Valentinus tamen adversariorum (quos ei Calvini literæ & amici, ut Lugduni liberalitate Alciati ita & in Polonia degenti, conciliaverant) potentia pressus ad Helvetios redierat, & quidem contulit se ad oppidi Gajensis præfectum, qui (Vid. Beza in vita Calvini) eum ante aliquot annos ob differentem in Sacris sensum in vincula coniecerat, & rogante pro eo Alciato liberum dimiserat, Cui ille Confessionem suam cum annotationibus in symbolum Athanasi gratum animum testari volens inscripserat. Sed Præfectus id minus grato animo exceperat, propterea quod in suspicionem hæreseos apud Bernenses, dominos suos, inciderat. Ideo reducem Valentinum, ut se suspicioni & invidiæ eximeret, in vincula denuò dedit, deque facinore Bernenses certiores fecit. Hi eum ad se, veluti examinandum, perducijussere. Quo facto, constantiam Valentini videntes, capitali supplicio eum grandævum peremerunt. Memini me hanc ejus sententiam legere: *Deum habuisse vim generandi quia voluerit: ideoque 1620 ante secula genuisse & Spiritum propagasse.* Cæterum in Synodo Pinczoviana. Anno. 1562. d. 4. Nov. confessionem hanc ediderat, *Deum in latitudine eternitatis creasse Spiritum quandam excellentissimum, qui postea in plenitudine temporis fuerit incarnatus, quæ Ante Nicenorum præcipue Iuliani & Laëtantii fuit opinio, cui postmodum**

Arius,



Arius sua dogmata superstruxit. Erronea quidem hæc, & merito ex Scriptura, quæ nil amplius de Christo docet, quam eum ante secula præcognitum, prædestinatum, ultimis temporibus manifestatum ex Virgine Spiritus Sancti virtute genitum refellenda sed nequaquam igne vel ferro vindican a opinio Budzini in Chronico MS. c. xxvii, istam Valentini sententiam per tyrannidem Pontificiæ ad finem, quam Caius in Abele, Calvinus in ser-veto prius exercuerat atroci supplicio punit mortem, licet non per omnia nobis consentiens, abominatur: ut & c. 35. Vivi comburium *Joannes Sylvani* Super intendentis Heydelbergenis paulo post, scil. circa 1571. crudeliter exercitum, licet ille vir vitæ integer eruditionis multæ clarus, & meritis in Fridericum Electorem Palatinum, quem paterno favore in ætate tenera fovit & in litteris humanioribus constitutus ejus præceptor excolluit, insignis, ita ut is ingrati animi crimen horrendum eum eximere & de vinculis dimittere voluerit, nisi Genevensis Spiritus illud vetus adversus æquitatem & benevolentiam Judicis deproplisset; Si illum dimiseris, non eris amicus Cesaris, Maximiliano II. apud Electorem Ministros ejus *Adamum* (quem Deus de carcere Heydelberg. mire liberarat) & istum Sylvanum Arianismi indicio litterarum interceptarum accusante.

Calvini Beza & similium Spiritus mansueti illi & humili Spiritui Christi contrarius etiam *Matthæo Gribaldo*, celeberrimo Jurisconsulto Patavino, pagi Turgiarum domino par paraverat supplicium, quod morte prævenisse Beza in vita Calvini agnosceat. E carcere quidem Bernensi agrè se expedierat. Fuit nempe Valentini hospes & fautor, ac sectator, ut apparet ex scripto quodam, in quo ait se tres æternos Spiritus, non confusos Spiritus, sed gradu numeroque distinctos pia mente complexi, Deum filium & Spiritum S. uni summo Deo & Patri, rerum omnium authori ita sub ordinare, ut omnis ratio Deitatis & Filii & Sp. S. aliorumque omnium celestium Spirituum ad unum illum solum Deum Patrem origine carentem, & à seipso Deum, tanquam ad unicum fontem & caput omnis essentia & divinitatis meri-

tò referatur. Quæ verba litterarum ejus Sacris litteris, excepta Filii ante mundum existentia conveniunt. Et tamen tantæ inde ortæ animis illis præpostero zelo calentibus iræ! Nam & Alciatum acriter insecrati, non meliora quam de socio Valentino, de eo cogitantes: de quo scriptum accepi, eum in epistolis ad Gregorium Pauli Anno 1564 & 1565 Husterlitzii datus, diffusisse sententiam, quod Christus extierit antequam ex Maria nasceretur, & acerrimè dogmati vulgari de trinitate resistisse, ita ut Mahometismum consilii in primordio reformationis sat ancipiti & arduo ignarus ei prætulisse scribatur: Sed à Calvino & inventurum ejus æmulis, odio internecino iri eum & alios veritatis amantes flagrantibus. Ego Calvino & Beza iniqua, injusta, imo eorum gregalibus noxia audacter perpetrantibus & docentibus, Chamiero & aliis consentientibus præter illa ex Script. Sacra, quibus merito addendum illud Joannis, exuto illo Eliæ Spiritu dilectionem Christi Spiritus impulsu præcunctis Apostolis commendantis & inculcantis: Omnis qui odit fratrem suum homicida est. Et scitis quoniam omnis homicida non habet vitam æternam in se manentem 1. Joh. III. 15. respondeo aliquot antiquorum Ecclesiæ Doctorum dictis: Hieronymus in Pl. 7. Qui se in Christum dicit credere, debet quomodo ille ambulavit, & ipse ambulare. Non enim venit ut caderet, sed ut caderetur. Non dedit alapam, sed accepit. Non crucifixus, sed crucifixus est. Non alios occidit, sed ipse passus est. Qui caditur Christum imitatur, qui vero cedit, Antichristus est. Deus enim non vult mortem sed ut vivat & vitam mutet in melius. Idem: nunquam spiritualis persequitur carnalem, sed ignoscit ei. Idem: Hæreticum hominem ex præscripto Apostoli vitare didici, non igni tradere. August. contra. Crescon. Gram. l. 3. Nullis tamen bonis in Catholica Ecclesia hoc placet, si usque ad mortem in quenquam (licet hæreticum) serviat. Prolixus forem, si cuncta in hanc rem ex Justino, Tertulliano, Athanasio, Hilario & aliis Ecclesiæ Doctoribus, tyrannidem hanc Gentilium & Judæorum acriter perstringentibus, collecta huc adferrem. Hic etiam aliquid nobis de Bernardino Ochino dicendum. Nam & æqualis tempore fer-



verò, Valentino & Gribaldo, & pio Zelo ac constantiâ par eis fuit. Fuit is patriâ Senensis, conditione Monachus & Pontifici Rom. à sacris concionibus & confessionibus. Is ob parrhesiam, quâ motus in auribus summi Pontificis & torius Aulae Romanae Pontificiam arrogantiam & tyrannidem Antichristianam, velut ex mente Lutheranorum, non addita objectionum, postquam eis studio praestitutam horam impendit, solutione, Italia cedere, post & Tigurum & Basileam, coorta veritatis causa persecutione, relinquere necesse habuit. Hinc Beza de eo ep. 81. *Ochimus callidior dubitare de singulis Academicorum more videtur voluisse, quam quicquam definire, quod facit per dialogos, qui in varias postea linguas, à Castellione postea in Latinam conversi sunt. Scripsit ille....*

*Petrus Perna* in epistola quadam testatur, senem istum Arianiismi suspectum 76 annos natum à Tigurinis pulsam, à se Martino Czechovicio Vilnae doctenti Anno 1569. commendatum fuisse. Sed invenio eum Venetiis in Moraviam & in Poloniam venisse, cumque Litteræ Calvini virulentæ ibi quoque eum attigissent, & Rex Sigismundus Augustus Patronorum Sarnicii, quorum jam in Senatu & apud Regem magna erat autoritas, & qui oppugnatos acriter de Trinitate & Padobaptismo errores graviter ferebant, ac nostris nomina invidia, Tritheitarum, Ariatorum Anabaptistarum imposuerant persuasionebus inductus, Anno 1564. in Conventu Parszoviensi omnes exosis illis nominibus insignitas ad exsulum lege severa damnaasset, in Moraviam revertisse. Conabantur quidem cum nonnulli Nobiles, utpote decrepitum & pium ac modestum senem retinere, & à Rege permissionem manendi in regno jure hospitii ei impetrare. Sed ad cunctas eorum persuasiones respondit, Magistratui obediendum esse: & iterum: magistratui se obedire velle, etiam si sibi moriendum sit in campo, vel in sylvis inter lupos. Abeuntem pestis Pinczoviae aliquantum retinuit. Qua correptum Philippovius ille nec metuens nec dedignatus in domum suam recepit, fovit & ei ministravit. Pro qua insigni humanitate ita ei gratias egit: Philippovi frater, gratias age Deo, quod te dignum fecerit, ut Ochino in tali casu benefaceres. Amisissis peste duobus filiis & filia

instit-

institutum iter in Moraviam supremo Vale ad diem adversus Domini & congregationis omnium fidelium undique in eo fratribus dicto, persecutus, intra tres hebdomadas Slavoniae diem obiit.

## CAPUT VI.

*De initiis purae Ecclesiae Christi per sententiam Serveti de prae eminentia Patris à Petro Gonesio in Poloniam allatam à Georgio Blandrita & Francisco Lismanino interveniente & utrumque istorum exercente & excitante Franc. Stan-  
cari de Mediatore contentione defensionem factis.*

**I**N hæc tempora Petri Gonesii reditus in Patriam incidit. Fuit is natione Polonus à Podlachia oriundus, qui studiorum causa exterarum nationes peragrans Genevenses & Wittebergenses de rebus fidei docentes audivit. Ab his purioris veritatis dogmata hæsit, & in patriam accerrimus corruptelarum Ecclesiae, & depravatae vitae Pontificum, à quibus ad excolendum artibus liberalibus apud externos animum missus erat, revertit. Et ut initia fervere solent, hunc quoque bonum virum & initiis fervor & familiaritas cum Anabaptistis in Moravia degentibus ad superstitionis confinia pertraxit. Is sententiam Serveti de præ eminentia Patris in patriam attulit, eamque non dissimulavit. Imò verò in Synodum Sectumensem, quæ ineunte Anno 1556. proximè post illam Pinczovianam habita fuit, veniens hanc cordatam orationem habuit: Post superatas feliciter diuturnae peregrinationis difficultates & devoratas tardiosorum itinerum molestias, multum mihi, Fratres & Amici in Christo comendi, gratulor, me postquam in eam patriam reverti, exemplo in tam venerandum fidelium conventum esse delatum. Quo nomine debitis gratiis Deo Patri Clementissimo, tam meo foris, quam vestro domi custodi, actis, vos adeò frequentes inter juratos veritatis hostes, quorum infinita turba, & quisque in vos odio Hannibal, huc convolasse, summopere gaudeo.



„ deo. Nostis, credo, me à Pontificibus Zeidnensibus  
 „ ad excolendum in exteris per artes liberales animum  
 „ missum ante annos non paucos fuisse. Sed cum me  
 „ Dominus Jesus velut Saulum, incruentæ, vel fortè,  
 „ ut mos est Pontificum vulpinæ pelli leoninam asluere,  
 „ & cruentæ persecutionis fidelium instrumenta paran-  
 „ tem, celestissima veritatis voce perculsum ad se voca-  
 „ set, sine ignobilis ingrati animi infamiâ, terrenis pa-  
 „ tronis relictis Christo Regi celesti, Redemptori meo,  
 „ fidem & operam addixi. Credite autem me, absit ja-  
 „ ctantia dictis, quicquid Wittenberga totaque Germa-  
 „ nia, quicquid Geneva totaque Helvetia purioris verita-  
 „ tis docet, penetrasse & expendisse, nec me quidquam eo-  
 „ rum, quæ utraque secta, absit mediæ voci invidia,  
 „ vel profitetur, vel rationum momentis firmare cona-  
 „ tur, præterire. Non me late pariter, quid tum Apo-  
 „ stolici Spiritus S. donis instructi, tum pone eos viri Apo-  
 „ stolici docuerint, tum post horum excessum percele-  
 „ bres Ecclesiæ Doctores primavæ simplicitati inaudita,  
 „ invisa, incognita intulerint. Non sum nescius & per  
 „ quos gradus error in Ecclesiam Christi ascenderit.  
 „ Ut ita certum veritatis nisi ex Scripturis divinis &  
 „ Canonicis tutò peti non possit, omninò sim cer-  
 „ tus. Recte omninò veteres Scripturæ S. perfectio-  
 „ nem depingere volentes, & elephantem in hoc flu-  
 „ vio plano & alto natæ, & agnum ambulare dixe-  
 „ runt: nempe quod sapientes & simplices instruat. Sed uti-  
 „ nam quod tam ingeniosè & scitè dixerunt, bellè & utiliter  
 „ facto comprobassent! At enim Ecclesia Christiana ad  
 „ exemplum Judaicæ, manifesto imbecillitatis humanæ  
 „ Auram simplicitatem cito fastidientis & varietate gau-  
 „ dentis documento, primavæ integritati diu non adhæsit.  
 „ In quam rem nota sunt divina spiritus prophetici cum pri-  
 „ mis per Paulum Apostolum loquentis oracula, nota &  
 „ historiæ monumenta, prudentiorum & probiorum,  
 „ præsertim Egesippi temporibus Apostolicis proximi scri-  
 „ ptoris, testimonia. His ut nunc immorer nec mea ho-  
 „ minis contemti, & nulla re fortè magis, quàm ligneo  
 „ ense, quem mihi exarmato fratrum Moravorum imbel-

„ lis institutio formavit, per totam patriam noti, conditio,  
 „ nec temporis, cujus tot gravibus negotiis impendendi rã-  
 „ tio ad laudabilem utque avaritiam vobis est habenda, an-  
 „ gustia permittit. Quanquam nec res ipsa, tot genuinis  
 „ domi testimoniis gaudens, externa curat, certè non  
 „ exigit. Imò verò contrariam dicenda, & in hoc sacro cœ-  
 „ tu sitne perfidæ desidiæ crimen non tacenda, imperat, me-  
 „ que in antiquam ecclesiam vocat. Fastidivit illa, heu  
 „ quàm cito! piscatorium simplicitatem, quàm & in præ-  
 „ sentia permulti ore crepant, factò increpant. Ideò arti-  
 „ bus Satanæ vasserrimi hostis multos & magnos experta est  
 „ motus. Hi tandem in acerba dissidiâ, anathematum  
 „ bruta fulmina & atroces ac cruentas persecutiones, quæ  
 „ cuncta leni & humili Spiritui Christi prorsus sunt contra-  
 „ ria, eruperunt. Omnibus istis obviam itum fuisset, si  
 „ tot non necessaria, vel etiam noxia, id est, non tantum,  
 „ in verbo Dei non præscripta, sed & in hoc præscriptorum  
 „ luci palam repugnantia, ab ecclesiâ non admissa, vel  
 „ postquam admissa fuere, ex ea sublata fuissent. At-  
 „ que hæc sane valet prudens & cordatum celeberrimi Eccle-  
 „ siæ Latinæ Doctoris Gregorii, Urbis Romæ Episcopi,  
 „ qui & Sanctus & Magnus appellari meruit, consilium,  
 „ novellæ tunc, septimo Christi ineunte seculo, Episco-  
 „ pi Constantinopolitani, quum Oecumenicus appellari  
 „ cœpit, arrogantia oppositum, ipsique Cyriaco sedis &  
 „ ambitionis Joannis, qui primus illud Antichristiani vo-  
 „ cabuli usurpaverat, successori præbitum: *a Ea quæ no-*  
 „ *vo ordine introducta sunt, ipso ordine, quo illata sunt*  
 „ *auferantur & pax nobis in Domino illibata permanebit.*  
 „ At enim hæc carnis prævalente potentiâ, non tantum  
 „ recepta sed & tot seculorum usu roborata, magis ma-  
 „ gisque ecclesiam à primavæ illa integritate abduxerunt.  
 „ Caput fidei de divinitate Filii Dei caput acerbarum con-  
 „ troversiarum jam olim fuit: cum tamen Filio Dei no-  
 „ minato res ipsa veritatis testimonium præbeat. Maxi-  
 „ mi certe momenti res est, quo ordine corruptelæ  
 „ tam credendorum, quàm agendorum respectu, in ec-  
 „ clesiam fuerint introductæ perspicere. Sed ut hæc nunc

H

missa



missa faciamus, de solo illo fidei capite, quod etiam-  
num caput controversiarum per quorundam inquieto-  
rum ingeniorum apertæ veritati cedere & in ejus cogni-  
tione proficere detrectantium impotentiam evadit,  
aliquid dicendum est. Nam de fide in Unum Deum  
Patrem nulla in Ecclesia per quatuor secula fuit dubi-  
tatio. Sed deitas Filii mox post obitum Apostolorum,  
imò & his superstitionibus, acriter agitata orbem Chri-  
stianum, eheu! commisit. Præstantissimus veterum Ire-  
næus apertè, a Omnes, ait, quotquot sunt hæreses; Deum qui-  
dem Unum dicunt, sed per sententiam malam immutant. Ter-  
tullianus autem eruditissimus: b Nullam invenimus in-  
stitutionem inter tot diversitates perversitatum; quæ de  
Deo creatore universorum controversiam moverit. Nemo  
alterum Deum suspicari est ausus: facilius de Filio quàm  
de Patre hæsitabatur. Sed quid multis? Fides in Jesum  
Christum, Filium Dei, Redemptorem mundi unicum  
& immobile totius fidei & spei Christianorum funda-  
mentum est. Atque in eo divinæ scripturæ, & non  
tantum totius antiquitatis, sed & omnium Christiano-  
rum in præsens quoque gravissimè dissidentium voces,  
consentiunt. Hæ voces Ecclesiæ ex qua habuit omnis Ec-  
clesia initium. hæ voces Apostolorum, hæ voces discipulorum  
Domini eorum, qui post assumptionem Domini per Spiritum  
perfecti extiterunt, & invocaverunt Deum, qui fecit  
calum & terram, qui per Prophetas annunciatum est, &  
ejus filiusque Jesus, quem unxit Deus, ut iterum diserte  
Irenæus, quem ego Scriptorem omnibus novitis præ-  
tulero. Cui tamen istius generalis institutionis specia-  
lem rationem, quomodo scilicet Filius Dei in principio  
& ante Abrahamum fuerit, de cælo sit, à Patre pro-  
dierit, exerte id dicente Scripturâ, tum quomodo,  
salvâ in Scripturis Sacris tradita thesi, Unus est Deus,  
& Unus est Deus Pater, Deus, & quidem super omnes  
in secula benedictus, dici possit; examinare placuerit,  
is ante omnia affectu & præconceptâ opinione careat,  
& soli verbo Dei expresso, utpote certissimo & incon-  
cussò fundamento adhareat; necesse est. Merito enim  
credendum est, talem hominem prudenter in gravissi-

a l. 1. c. 9. b de præscript. adv. hæz. c. 34. cl. 3. c. 12.

mo hocce argumento, in quo salus aeterna vertitur,  
versari & beneficii consultum velle. Ego sanè, ut virum  
cordatum decet, non dissimulo Patrem mihi, docente  
ipso Christo ejus Legato, solum verum Deum, Filio  
quatenus ille Pater, hic Filius est, majorem, Deum  
illum unum, Deum Israël, rerum autorem esse: ab  
eo Christum omnia accepisse, & esse quidem Filium;  
quoque Deum, præsertim cum adhuc credam illum  
λογος, qui in principio fuerit, in Virginem descendisse,  
& in carnem conversum, & sic verbum carnem  
factum fuisse, & Deum fuisse, mortuum tamen verè  
& propriè fuisse, semper Patri honorem exhibuisse;  
ab eo resuscitatum & glorificatum fuisse, ideoque o-  
mnia illi accepta retulisse. Caterum Trinitatem per-  
sonarum, consubstantialitatem, communicationem idi-  
omatum, & alia ex scholis in ecclesiam illata, huma-  
ni cerebri figmenta esse, ideoque merito rejicienda  
credo, ut ad solam Scripturam S. certissimam fi-  
dei normam perveniat. Verbo: Symbolo Apostoli-  
co, in quod, ut & vos omnes, baptizatus sum; ad-  
hareo, & soli quidem, ita scilicet. ut me Niceno & Atha-  
nasiano opus non habere, firmiter credam. Omnia  
tamen mea judicio, meque ipsum examini vestro sub-  
jicio, & ut Deus Pater luminum, Pater misericor-  
diæ, Pater Domini nostri Jesu Christi Vestro Sacro cœtui  
& piis conatibus per Sp. S. intersit, eundem supplico oro.

Multa tunc à plerisque inaudita animos commovent, prout  
genio, voto & studio non vivitur uno, in diversa ege-  
runt. Equidem non paucos hæc ad diligentius inqui-  
rendam puram veritatem, ut paulò post eventus docuit,  
permoverunt. Hos inter Gregorius Pauli fuit, de quo  
supra nobis sermo habitus, & qui examini Gonesii in  
illa Synodo factò interfuit. Equidem ex illa Synodo  
data ad Melancthonem litteræ, per quas consilium ejus  
de elucidandis fidei de Deo & Christo articulis requisi-  
tum. Hæ Gonesio perferendæ Wittebergam traditæ,  
qui Melancthoni commendatus est à Synodo, licet hæc  
de eo perscribat: credere eum debuisse minorem Patre se-  
cundum divinitatem: divinam naturam conversam esse in hu-



manam, & Deum esse mortuum propriè: quæ hæc exulcerato Seculo tanquam Ariana, Eutythiana & Patri passianorum hæresin blasphemæ deliria evestigio damnarentur. Et hæc quidem duo posteriora meritò rejicienda, utpote à vero aliena, quæ à Gonesio è vinculis errorum eluctari conante & signum ad inquirendam puram veritatem dante, dicta nemo æquus mirabitur. Sed illud primum ex ore Christi didicimus, qui Patrem suum se majorem, quatenus scilicet ille Pater, hic Filius est, ex mente adversariorum ille Filium ab æterno ex essentia generans, hic Patri coæternus & consubstantialis, apertè profitetur. Id pariter quatuor seculorum antiquitas, præsertim Græcæ Ecclesiæ Doctores, sed & inter Latinos Hilarius, teste ipso Maldonato, agnoverunt. Atque ita Gonesii sententia errorum vulgò receptorum tunc tenaces non leviter turbavit, ut ad Melancthonem, quò in viam reduceretur, missus fuerit. Verum sententia ista hic non stetit, imò ulterius progressa est, quæ de re paulò post dicemus. Gonesius ecclesias invenit in secundo veritatis purioris gradu positas. Jam enim relicto Saxonum de Consubstantiatione dogmate, Helvetiorum de Sacramento sententiam amplexæ erant. Quæ re susque ad annum 1558 acerrimè fuit agitata.

Hic autem *Francisci Davidis* licet tempore posterioris ex occasione Serveti & Gonesii, mentio nobis est facienda. Ita enim *Josias Simlerus*! *Est autem Franciscus Davidis, ut paucis dicam Servetus illustratus: & quod hic in Transylvania, idem est Gonesius in Polonia.* Præfat. libr. contr. Antitrinitar. Sed ut superiora reperamus & ad hæc tempora quorum gesta persequimur, deducamus *Stancarus*, de quo ante diximus, ad reformandas Ecclesias ab Anno 1553. magno studio incubuerat: in quam rem hortatu Jacobi Comiris Ostrorogii libros conscripserat. Cum enim ei, tum Felici Crucigero & aliis piis Viris, motà inditione Cracoviensi persecutione (cujus haud levia videmus documenta, Martinum Curoviensem morte acerba sublatum, Valentinum Parochum Krzczonoviensem, Nicolaum Oleśnicum & Conradum Crupcam in jus tractos) alia sedes quietæ quærendæ esset, in majorem Poloniam con-

cesse-

cesserat & Ostrorogii protectu tutus permanserat. A quo Anno 1553 dimissus in Minorem Poloniam cum eodem illo Crucigero reverteret & reformandis ab idololatria ecclesiis pro tempore operam dederat, favore Stanislai Stadnicii, Hieronymi Philipovii, Nicolai Oleśnicii & aliorum Patronorum Virorum Nobilissimorum & generosissimorum fectus. Sed cum anno proximo controversiam de Mediatore movisset, odia multorum non tantum in Polonia, sed & in Germania incurrit, ita ut propterea in Transylvaniam recessisse videatur. Statuebat nimirum Filium, cum unus idemque Deus cum Patre credatur, Mediatorem non secundum divinam naturam, ne sui ipsius Mediator esset, cum Mediator, docente scriptura, unus non sit, Deus autem unus sit, sed tantum secundum humanam esse. Sed & hic effugium invenerunt receptorum errorum patroni, statuentes Filium quatenus Deus est juncta ut ajunt humanà naturà cum divinà personaliter, ad se quoque mediatorem esse. Adeoque sententia Stancari in Synodo slomnicensi Anno 1554. dehinc in Synodo Sandomiriensi Anno 1559. habitis reprobata à multis, à non paucis tamen approbata & defensa. In Synodo certè Pintzoviana Anno 1558. mense Novembri habità acriter discussa fuit: ut ita illis quæ ibi antehac Synodo prima ibidem Anno 1555. habitæ adnotavimus, gesta fuere, tum quæ secuta paulò post ac deinceps temporis progressu dicemus, ad calculum revocatis, meritò dici possit, illud oppidum à Deo ad struendum puræ veritatis nidum electum fuisse: cujus etiam confessoribus nomen Pintzoviorum, ut in Sylvis Andr. Fricii videre est, inditum erat. At æquo tunc Martè ab utrinque discessum est, quoque cum sua Sententia ad sua, Stancaro Dubietzeum ad Patronum Stanislai Stadnicium revertebant. Stancarus enim, ut multa erat non tantum linguarum scientià sed & eruditione: ex Scripturis & antiquitate sententiam suam ratione profectò suffragante probabat. Adeoque nec Joannes à Lasco, qui demum Anno 1560. ineunte Pintzovix supremum diem obiit, Vir non minus multa doctrinâ & pietate ac veritatis, prout illa ætas ferebat, studio, quàm natalibus & hono-

H<sub>3</sub>

ribus



ribus sacris, quamdiu in Papatu erat, vel datis vel destinatis clarissimus, nec Lismaninus, nec Gonesius nec Crovicius nec Blandrata alique Pinczoviae degentes vel illucvenientes eum à Sententia dimoverunt. Hæc tamen mox, ut & illa Servetide præminencia Patris viros pios & doctos ad hoc argumentum discutiendum haud leviter incitavit. Itaque merito illam Synodum Pinczoviae Anno 1558. celebratam Andreas Lubienecius Senior in MS. de Synodis magnum ingressum ad demolendum dogma Trinitatis fecisse dixit. Tantò magis cum sequenti mense ejusd. anni illa Gonesii de præminencia Patris sententia non in Synodo Brestiae Litvanorum habitata repetita, imò una cum libello ejusdem contra pædobaptismum à Matthia Albino Ivanovecensi ad Cracoviam Ministro primum oppugnatum ab Hieronymo Pickarfio, qui & alia, quæ ex Papatu irrepserant, interea dogmata de Trinitate, duabus in Christo naturis, communicatione idiomatum, frustra id aliis sub pœna excommunicationis interdicentibus, apertè se rejicere, nec conscientia reluctari posse confessus est, confirmata fuerit. Et certè ex his, quæ secuta sunt in illa Pinczoviana Synodo portam ad discutienda vulgò recepta dogmata apertam esse, nemo non videbit. Hoc enim ipso anno cum venisset Pinczoviam Blandrata, quem invidia Calvinì Genève expulerat, habitis Pinczoviae cum Lismanino, multis de hoc argumento sermonibus, & videns Stancari adversarios ei non satisfecisse, tantum effecit, ut & ille de dogmate Trinitatis dubitare inciperet. Hinc Lismaninus in suspicionem Arianismi apud Ministros inolitis erroribus tenacius adhærentes incidit, & ad Ecclesiam Cracoviensem, quam Gregorius ille Pauli in horto Bonari regebat, delatus est. Hinc Lismaninus sententiam Blandratæ magis magisque expendere, tandem litteris ad Stanislaum Ivanum Karninsecium datis fortiter tueri, harum Ivan copiam Gregorio facere: is præminenciam Patris in ecclesia indicare. Juvat harum litterarum exemplum adponere.

*A Deo*

*A Deo Patre ex quo omnia, per Christum D. per quem omnia, Patri & Spiritui S. consubstantiali & coeternum, Gratiam & pacem precor ex animo. G. D. T.*

**N**isi viderem quo tendit Saram, vehementer mirarer ex his, quæ D. D. Blandrata retulit. Accusamus à Stancaro Arianismi, & à nostris fratribus prohibemur, ne illum palam mentiri ostendamus. Ignorantia & ambitio quorundam turbat Ecclesiam, mi D. Iwan, non Lismaninus, cujus scopus est ostendere Christum, ante Verbi incarnationem fuisse Mediatorem, hic animi pendear totus, nisi ex Sacris literis & probatis auctoribus ostendatur, lavamus laterem. In eum finem edita est Confessio de Mediatore, totque litteræ sunt missæ ab Ecclesiis Germanicis, Helveticis, Allobrogicis, quibus cum nobiles decepti à Stancaro, non promoveant, Peccatne, Lismaninus, qui idem ostendit rationibus ex Sacris petitis literis, & doctissimis earum interpretationibus? Si quæ dico inaudita & portentosa videntur nostris, accusent seipso, qui illotis, ut ajunt, manibus ad Sacra accedunt, Ubi legerint Theologos primitivæ Ecclesiæ, viros doctissimos pariter ac sanctissimos, Ignatium beatissimi Joannis Evangelistæ discipulum, Justinum Origenem, Irenæum, Tertullianum, Hilarium, Basilium, Gregorium Nazianzenum, Ambrosium, Erafmum quoque Roterodamum, quos omnes mihi evolvere necesse erat, postquam scriptis & nostræ Ecclesiæ de Mediatore, & tot doctissimorum Virorum responsis nihil profecimus cum Stancaro. Ubi inquam, hos omnes perlegerint cum judicio, qui me portentosa dicere audent, mutabunt animi sententiam, & feliciter mecum agent candidè. Arianus est mi D. Iwan, qui non confitetur filium esse consubstantiali & coeternum Patri, non qui à Sabellianismo liberat homines, ne Patrem & Spiritum S. incarnatum & passum cogantur asserere. Verbis Stancarus distinguit Patrem à Filio, re autem ita confundit, ut generationem Filii, & processionem tollat omnino. Sed de his omnibus & Georgius Niger copiosius dissetet apud G. D. T. & ipse cum dabitur proprias audire & reddere voces. Interim, ut G. D. T. habeat, quo me tueri possit, si quis portentosa medi-

H 4

ccc



cere audeat, diligenter & ipse legat, quæ sequuntur, & aliis eadem declaret.

D. BASILIUS contra Eunomium hæreticum lib. 1. pag. 134. 320. Nos autem secundum habitudinem causarum ad ea quæ ex ipsis sunt, Patrem Filio præponi dicimus, naturæ verò nequaquam, neque temporis excessu.

Item: Quas ob res reliquum est, ut causæ ratione majus hic capiatur. Nam quoniam à Patre origo est Filii, hoc major est Pater, quod causâ est atque origo. Quapropter Dominus sic dixit. Pater meus major me est, ut eo quod Pater est major esse intelligatur. Patris autem nomen, quid aliud ostendit? nomen causam qui ex se natus est, atque originem? Atqui & secundum sapientiam vestram, Substantia major, aut minor substantia non dicitur. Itaque tum secundum istos, tum secundum veritatem ipsam, nullo pacto excessum in substantia proposita hæc verba significant. Magnitudine verò Patrem Filio esse minorem hic ipse scilicet Eunomius pernegat. Cum nullam oportere intelligere in Deo quantitatem asserat. Quare nullus alius relinquitur, nisi qui à nobis dictus est majoris modus, qui est secundum causam atque originem.

Idem D. BASILIUS adversus eundem. Eunomium hæreticum lib. 3. pag. 338. Ubi probat Spiritum S. esse Deum.

Quæ enim necessitas est, si dignitate & ordine tertius est spiritus Sanctus tertium esse ipsum ex natura.

Dignitate equidem secundum esse à Filio tradit pietatis doctrina. Sicut enim Filius ordine quidem à Patre secundus est, quia ab ipso est, & dignitate quoniam principium & causa ut sit, ipse Pater est. Et quoniam per ipsum processus & accessus ad Deum & Patrem, natura autem non amplius secundus est. Quoniam Deitas in utroque una est.

Idem D. Basilius sermone de S. Trinitate.

Nolo autem mihi, quot quot, vel non perfectè dictis nostris attenditis, vel calumniandi gratia nos circumdati, non ali-  
quid à nobis utilitatis quærentes, sed verbis nostris insidiantes circumquaque cursitantes dicatis. Duos Deos prædicat, cultum mul-  
torum

eorum annunciat. Non sunt duo Dii, neque enim sunt duo Patres. Qui duo principia inducit, ille duos quoque Deos prædicat. Talis est Marcion Hæreticus, & si alius quisquam illi impietate similis est.

Rursus & ille duos Deos esse dicit, qui alterius essentiaë genitum esse dicit à genitore, propter essentiaë dissimilitudinem multorum Deorum errorem introducens.

Item. Ubi unum principium unumque ex ipso principio & unum archetypum ac illius una imago traditur, ibi unitatis doctrina non corrumpitur.

Gregorius Nazianzenus lib. 4. de Theologia pag. 262. Quid verò annon manifestum, majus illud ad causam, aequalitatem autem ad naturam referenda esse? Mi D. Ivan si hos duos versus D. Nazianzeni intellexeris, & ipse scies & alios docere poteris, quomodo Pater major est Filio, & quomodo filius est æqualis Patri.

Hunc etiam cognosces, quod filius ut Deus intercedit apud Patrem, quod sine hac clara distinctione nunquam persuaderi poterit, ut hætenus experti sumus.

Necesse enim omnino est, ut Deus Pater aliquomodo sit major filio ante incarnationem non in natura aut essentia; quia sunt ejusdem naturæ & essentiaë, ideo dicitur consubstantialis patri: non in virtute, virtute enim, ut ait D. Basilius, deficere Christum Dei virtutem, dicere valde puerile est & hominum qui non audiunt vocem Domini dicentis, Ego & Pater unum sumus, & unum pro equalitate virtutis capientis, ut ipsis Evangelii verbis demonstrabimus &c. Non etiam Pater major est Filio potestate aut honore, subjecit enim Pater Filio omnia, & vult ut similiter honorificetur Filius, sicut & honorificatur Pater.

Neque Pater est major Filio tantum ut Deus Pater filio homine. Nam, ut ait Nazianzenus, quod Christo quatenus homo intelligitur major sit videlicet Pater. Verum quidem est, at non magnum. Quid novi enim Deum homine majorem esse?

Quomodo ergo est major, si non essentia, si non virtute, si non potestate, si non honore, in his enim ostendimus Filium æqualem Patri. Est enim Mi D. Jean. Pater major Filio, ut etiam præter Divorum Basilii & Nazianzeni



anzeni eandem sententiam. Erasmus scribit in Apologia ad Jacobum Sturmium, quia Pater principium est filii, juxta hoc major est Pater velut causa & principium: Quapropter & Dominus dixit, Pater meus major me est, eo quod Pater est. Filius autem vox quid aliud significat, quam causam & principium ejus, qui ex ipso genitus est. Hec Erasmus.

Dico & repeto, quod nisi apertissime ostendatur quomodo filius est æqualis Patri & quomodo Pater est major Filio antequam homo fieret, nunquam discedent à stancarismo nostri Fratres seducti.

Ad hoc faciunt multæ doctissimæ sententiæ veterum qui docent ante incarnationem & Patrem mandasse Filio & Filium paruisse Patri atque ministrasse.

Hilarius de Trinit. l. 7. ni fallor. Fiat lux. Verba sunt Patris mandantis Filio quid fieri vellet. Item: Hilarius Nondum erat homo natus, utique qui missus, mittentis exequitur jussa, obtemperat atque obsequitur. Ignatius D. Joannis Evangelistæ Discipulus: Verè crucifixus est Dominus ab impiis, & quia iste qui natus est ex muliere filius est Dei & qui crucifixus est, primogenitus est creature, & Deus verbum, & ipse fecit omnia jussione Patris, quod Apostolus corroborat dicens, Unus Deus Pater ex quo omnia, & unus Dominus Jesus Christus per quem omnia. Item: Unus enim Deus, unus & Mediator Dei & Hominum homo Christus Jesus, qui est imago Dei invisibilis: & paulò post: Non est ipse ille qui est supra omnia Deus sed filius ipsius.

Hilarius lib. 4. de Trinit.

Postquam ostendit Deum Patrem dixisse, fiat firmamentum & Deum Filium fecisse firmamentum, subiungit: sed videmus inquam profectum jubentis Dei & facientis Dei agatur.

Idem eodem lib. p. 55. ultimæ editionis.

Et vidit Deus quia bona sunt, Placere Patri opera sua gaudet per se ex precepto ejus effecta.

Lib. 5. pag. 75.

Arguit te planè, arguit ille toto legis volumine, quam manu Mediatoris per Angelos dispositam suscepit. Et quare an qui legem

legem dederit. Deus unus sit, cum utique mediator sit ille qui dederit.

Justinus Philosophus Martyr in colloquio cum Tryph. Judæo:

Conabor è scripturis declaratis persuadere, quæ ajo: esse dicique alium quoque Deum & Dominum præter Creatorem, eum vocari Angelum, sive nuncium, qui nunciet hominibus, quicquid eis nunciari vult creator ille omnium, quo nullus alius Deus est superior. Item: Revertamur ad scripturas, dabo operam, ut persuadeam, hunc qui Abrahamo, Jacobo, Moysi que conspectus dicitur, & in scripturis Deus dicitur verum esse à Creatore diversum numero dico, non sententiâ. Certum est enim eum nihil inquam fecisse, nisi quod ipse mundi Creator, quo non est superior Deus alius, faciendum atque dicendum censuit. Item. Fateri oportet modis omnibus alium quendam præter hunc qui Creator omnium rerum intelligitur, Dominum dici à Spiritu Sancto. Nec solum per Moysen, sed etiam per Davidem. Item: Ne nunc quidem intelligitis amici, unum ex his tribus, loquitur de tribus qui diverterunt ad Abraham, Deum Dominumque esse illi celesti ministrantem. Item. Tryphon ait. Perge rationem reddere, quomodo hic Deus Abrahamo conspectus minister Dei Creatoris omnium de virgine natus est homo ceterorum passionibus obnoxius. Item. Fratres hoc quoque Moyses scripsit, quod hic, qui conspectus Patriarchis dicitur, Deus & Angelus & Dominus appellatur ut vel hinc agnoscatis eum ministrantem Patri universorum, sic ut jam amovistis. Item. Et nunc quidem scriptura narrat Angelum Domini apparuisse Moysi, ac mox Dominum Deumque fuisse significat, eum ipsum indicat, quem sæpè legimus ministrantem illi supermundano Deo, quo non est alius superior. Mi D. Jvan. Evaderet Epistola injustum volumen, si sententias veterum ad idem facientes conscriberem qui his non erit contentus, nec si mille alias describerem, persuadebitur. Hæc eo tendunt, ut omnes intelligant, nihil absurdi continere confessionem de Mediatore secundum utramque naturam, si dicimus Filium Deum intercedere apud Deum Patrem, sive Deum Filium apud Deum Patrem.



Stancarus verò quia re confundit personas divinas, & ex tribus rebus numero facit unam rem numero, non solum tollit mediationem, sine qua nulla salus, verum & generationem Filii, & emissionem Spiritus Sancti ut S. Athanasius adversus Sabellii gregales scriptum reliquit.

*Accipiamus inquit, indivisam coexistentiam, & invicem sibi coexistentibus, & tres cum revera sint, unam formam intelligimus, quæ quidem incipit à Patre, sed resplendet in Filio, apparet autem & demonstratur in Spiritu Sancto.*

Item. Cum igitur Deitas ita indivisibilis sit, condiscere religiosè ex Sacris scriptoribus unam in tribus formam intelligere, non unam rem ex tribus componere.

Item. Cum autem omnia agantur à DEO Patre per Christum in Spiritu S. indivisam conspicio operationem Patris & Filii & Spiritus S. Ceterum non ob hoc complicans ista omnia in unum. Ex quo: Per Deum: In quo; hoc est Patrem, Filium & Spiritum Sanctum, annitor ex trinitate unitatem facere: quam qui faciunt ut Stancarus, non possunt capere quomodo in tali unitate filius intercedat & mediet apud Patrem.\*

Mi Domine Jvan. Considera verba ista D. Athanasii, & liberaberis à multis phantasiis. Si quis possit intelligere, quod idem secundum idem non potest esse unum & plura: potest autem secundum diversa, intelliget quoque nos hic Pinczovix non docere inaudita & portentosa. Imo qui secus docent, incidunt in sententiam Sabellii hæretici, qui nullam realem distinctionem noverat inter Patrem, Filium & Spiritum Sanctum tantum dicebat nomina unius Dei, qualia sunt Creator, Omnipotens, bonus, misericors, hoc est ex tribus rebus numero, facere unam rem numero, & hic cogebatur dicere, Patrem Filium & Spiritum Sanctum esse unam personam. Ubi verò una persona, vel una res numero intelligitur, ibi cessat & generatio, nihil enim gignit seipsum, & emissio, sive ut nunc loquuntur, spiratio & processio Spiritus S. Nos hic Pinczovix aperte confitemur & credimus in Deum Patrem: ex quo omnia, ingentum sine principio, ex quo nedom creaturæ omnes, sed & divinitas & bonitas Filii & Spiritus S. ut docet Nazianzenus in Apolog.

Con.

Confitemur etiam & credimus, in Dominum nostrum Jesum Christum Filium Dei, qui est verbum incarnatum, Deus homo, Deus de Deo, Lumen de lumine, Deus verus de Deo vero, Patri consubstantialis, coæternus & coequalis in essentia, vel natura, in virtute, in gloria, in potestate & honore. Credimus & in Spiritum Sanctum, Deum verum ex Patre & Filio, sive, ut Doctores Græci dicunt, per Filium, ab æterno inenarrabiliter procedentem, consubstantialem, coæternum & coequallem Patri & Filio, ut supra dictum est, in essentia, virtute, maiestate, gloria, potestate & honore. Agnoscimus tres personas ejusdem essentia & cum Divo Basilio confitemur: quicquid bonorum ex Divina ad nos virtute pertingit, omnia in omnibus operantia, gratia operationem esse, quem admodum Apostolus dicit. Quoniam omnia ista operatur unus atque idem Spiritus, unicuique peculiariter dividens sicuti vult.

Quærentes verò an etiam dignis adsit bonorum suppeditatio, ut quæ ex solo Spiritu Sancto sumat initium, iterum per Scripturam ducimur & instruimur, ut suppeditationis eorum bonorum, quæ Spiritus Sanctus in nobis operatur, auctorem & causam unigenitum Deum esse credamus; per Sacram enim Scripturam docti sumus, per ipsum facta esse & in ipso consistere omnia.

Quando igitur ad illam cogitationem subvehimur, iterum divinitus inspirato adminiculo ducti procedemus.

Quod per illam quidem potentiam, ex eo quod non est, ad hoc ut sint perducantur omnia, non tam ne ex illa quidem absque initio producant. Sed quod sit potentia quædam ingenerata & sine principio assistens, quæ causa sit ei causæ per quam omnia facta sunt.

Hæc sunt, mi D. Jvan Frater amantissime, quæ mihi digna visa sunt tua lectione, ut & ipse discas sanam doctrinam, & alios qui ignorantia non affectata, neque prava dispositionis peccant, doceas, quæ tamen omnia examini & iudicio Ecclesiarum quæ verbum Dei habent pro regula, submitto. Si quid non intellexeris D. G. Niger explicabit. Si omnia intellexeris probaverisque, communicato fratribus,



bus, & præsertim D. Jacobo Silicio meo Filio. Vale in Domino Jesu Pincovizæ & x. Decembr. 1561.

Hinc anno 1561. ad d. 10. xbris indicta Cracoviam synodo quæ numero xx. fuit pauci ex Patronis & ministris illuc convenerunt. In hac litteræ Calvini lectæ, quibus perscribit se Martino Cechovicio Ministro Ducis Radzivili Vilnensis Palatini litteras dedisse ad Patronum ejus cui hæreses Blandratæ detexerit. Is enim cum Genevæ ageret, cum Calvino de negotio religionis acriter agere, errores in libris ejus Pontificiis affines. Ecclesiæ noxios demonstrare: inter alia argumento hoc prævalido, ex quo ille justâ responsione arguere se nequiverit: Quicumque invocat Deum illum Deut. vi. propositum, qui est ex sententia Trinitariorum Pater, Filius & Spiritus Sanctus debet invocare per mediatorem. Sed Pater, Filius & S. S. simul non habent Mediatorem ergo simul non invocantur: cum urgere: Calvinus hæc impatienter ferre, irasci; minari. Blandrata exempli Serveti (cujus impietates Calvinus sibi objecerat) recordari, periculum prævidere; tempestivè vitare, Genevam relinquere: Calvinus his non contentus; Blandratam quum alia ratione non posset litteris in Poloniam missis persequi, apud Patronos & Fratres acriter criminari: ita cuncta ad eum perdendum agere. Atqui ejus erat, quæ erat ingenii & eloquentiæ vi ac auctoritate, cœptum reformationis negotium proficere. Sed illæ ejus litteræ fidem in multorum animis invenerant: Nam & Petrus Martyr acriter ut receptos errores tuebatur, ita & contradicentes, ac inter eos Blandratam insectabatur. Ita nempe Tiguro Ao. 1558. 11. Junii scribit ad Ministrum quandam Genevensis fuisse apud se Georgium Medicum (hunc ipsum Blandratam intelligens) cum Geneva turbatis rebus discessisset, & visum fuisse Monarchiam quandam introducere in civitatem, nec eandem Patris & Filii essentiam concedere; unde multitudo Deorum sequatur: quam Gribaldus ut audierit, disertis verbis asseruerit: habuisse secum Joan. Paulum Pedemontanum (Alciatum scil.) monitum à se; ut formulæ in Ecclesia Italica Genevæ constitutæ subscriberet; cum assensum nolle, Bullingero instigante persuasum; ut discederet antequam per Ma-

gistra-

gistratum exigeretur. In eodem illo Cracoviensi conventu illa Lismanini ad Iwanum epistola examini rigido subiecta diversâ experta est judicia. Imò allaborante Sarnicio & aliis, non pauci Lismanino & Blandratæ vitio dabant, quod illam de Patris præ eminentia quæstionem moverint. Igitur Blandrata in hunc modum causam meliorem tuitus est: Quicumque, fratres; Satane mille artium architecti & veteratoris antiqua strategemata acriter aspiciunt oculis & diligenter examinat, videt eum semper integritati Ecclesiæ & saluti hominum insidias struendo, non necessaria subtrahitis necessariis tractanda intrusisse. Nec sanè immerito jam olim per os magni Gentium Apostoli loquens Spiritus propheticus verebatur; ne sicut olim serpens Evam seduxit astutia sua; ita & fidelium mentes corruptæ degenerarent à simplicitate quæ est in Christi doctrina. Hæc enim ita admirandam & celestissimam sapientiam in se continet; ut genuinâ simplicitate se omnibus commendet. Habent hic in quo se maxima exerceant ingenia, nempe si veræ pietatis studio ducantur, nec tamen quidquam est, quod non simplicissimo cuique ad salutem prodesse possit. Cum autem stylus Scripturæ sit manifestus, id est simplex; videmus in Symbolo Apostolico quasdam phrasas Scripturæ inusitatas: quarum plures in Niceno, plurimas in Athanasiano videre est. Ego tamen nec illa peregrina his symbolis contenta rejicerem, si genuina & scripturis conveniente ratione explicarentur. Sed ut hoc fiat, multo opus est studio; multâ Scripturarum divinarum & antiquitatis notitiâ, multâ patientia ac tolerantia. Meretur sane articulus de deitate Filii Dei; Domini & Servatoris nostri Jesu Christi accuratum examen. Verum hoc omnis affectus expertus sit oportet. Nam si odio vel gratia aliquid hic dederis, optatam finem non assequeris. Optarem ego nos sine ullo animorum motu ad primævam illam simplicitatem redire posse. Sed si capitâ fidei examini quod quidem ac inquirendum & inveniendum verum necessarium esse fateor; subijcienda sunt, unice necessarium est; ut temperetur à rixis, quæ nil boni pariunt. Atque ita quidem tunc Blandrata. Cui Hieronymus Osolinus; Vir nobilissimus & piorum colloquiorum studiosissimus, nomine reliquorum respondens: Ita quidem est;



est, Georgi Blandrata, ait, errores & corruptelas esse post tempora Apostolorum in ecclesiam Dei inventas. His tamen ne dogmata pia & ritus pietati Christiane convenientes accensentur, sedulo cavendum. Equidem bene factum fuisset, si hæc de Filio Dei controversia non mota, & omnia, quæ verbo Dei non continentur, neglecta fuissent. Ominino enim mea quoque hæc est sententia, solam Scripturam Sanctam esse certissimam & infallibilem fidei normam, à qua nemini sit recedendum. Multa tamen in præsentia quoque ignorari & intacta relinqui potuissent. Atqui video jam scripta quædam de S. Trinitate in vulgus emanasse. Quorum eventus qualis sit futurus, Deus quidem latet. Felicem tamen vix ominari possum. Docent id exempla, quæ sunt in oculis. Uxori Palatini Posnaniensis quidam hujus generis libellus à Stancaro exhibitus ut aliquid boni in corde fæmineo efficiat, meritò vereor. Videmus enim Lismaninum ipsum, cum ei porrectus fuisset, legere eum noluisse, imò & aliis ne eum lectione dignarentur, persuasisse: totamque hanc controversiam nihili duxisse. His ipse Lismaninus, qui præsens aderat subjunxit: Ita est, Hieronyme Ossolini, me lectionem libelli Stancariani nonnullis dissuasisse. Sententia enim Stancari de Mediatore totam rei istius difficultatem non exhaustit, si enim Deus Trinitus cum Stancaro retineatur, non multum in eo an Deus Filius secundum humanam naturam tantum, an verò & secundum divinam mediator fuerit, laborandum. Adeoque hoc sensu controversiam Stancari, si illa opinio de Deo Trinito retineatur, & in ea consistatur, nihili duxi. Voces Trinitatis, hypostaseon, personarum, communicationis idiomatum & alias plures à Petro Lombardo & aliis scholasticis inventas, scripturæ ignotas esse, in aperto & in confesso est. Videmus enim quàm ille & Luthero & Calvino & aliis celeberrimis in Ecclesia viris displicuerint, ita ut si eorum judicio standum & veritas his triticis se implicatam querens audienda sit, jure meritoque hæc omnia rejicienda essent, ut hac ratione primæva simplicitas ad nos rediret. Sitamen hoc, nunc præsertim, præstari nequeat, ad tempus hæc toleranda: hæc verò lege, ne quis ad hæc recipienda cogatur, & nisi id repugnante conscientia facere velit, Ecclesiæ communionem indignum iudicetur. Huc spectat illa mea ad Gener. D. Franum epistola,

stola, in qua ex antiquis Doctoribus demonstravi sententiam de Deitate Filii non talem, qualis nunc recepta est, fuisse. Ut autem hic quoque loci id quod sentio & res est, liberè citra cuiusque offensam dicam, relinquam mihi antiqui Ecclesiæ Doctores Deum unum, nec ulla in eo personas quibus, utpote substantiis primis intelligentibus multiplicatis, substantias vel quod idem est, essentias & naturas multiplicari necesse est, distinguant, cum nulla ratione dividant, nec ullam in eo æconomiam faciant: ego verò nemini ullum facessam de Mediatore, qualiscunque ille placuerit, negotium. Atque hi & plures ejus generis sermones ibidem loci de hoc argumento habiti sunt: Hi diversis animorum motibus, cum & ipsi diversi fuerint, excepti. Moderatores tamen omnia ad concordiam reducere, Stanislaus ille Lalocius id consilii porrigere, Ministros qui Lismaninum & Blandratam hæreseos obtentu criminati fuerint & bonæ eorum existimationi detraxerint, convocandos & arguendos esse. Tandem uno animo ab omnibus conclusum, Blandrata confessionem fidei suæ conscribat, & suam innocentiam asserat. Ex hac Synodo datæ de hoc negotio ad Calvinum & Bullingerum litteræ, quas anni sequentis 1562. d. 23. Febr. Lismaninus Czechovicio miserat, ut videret, quid ille senserit tum de doctrina ipsorum, tum de calumniatoribus illis duobus (ut verba epistolæ sonant) qui traduxerint eos per totum orbem tanquam Arianos. Equidem eodem illo ipso anno 1561. istum Crechovicium Princeps ille Magnanimus & Pius Nicolaus Radzivilius Niger Palatinus Vilnensis Genevam ablegaverat Blandratæ causâ, quem, ut Instructio Czechovicio à Principe data testatur, cum tres consubstantiales, coæternos, coæquales confessus fuerit, nolit ipse cum Ecclesiæ magno scandalo clanculum litteris à Theologis traduci, nisi publicè convictum, siquidem alias Ecclesia de ipsius moribus & doctrina per Joau. à Lasco & D. Lismaninum bene persuasa: rogat item, ut Blandratæ litteræ, quibus Filium simpliciter Patre minorem asseruisse à Tigurinīs arguatur, mittantur. Hinc quàm agre Princeps infestum Blandratæ Calvinī zelum, quem ille haud dissimulavit, tulerit, patet. Illo Cracoviensi conventu



conventu soluto, ad 10. diem Martii proximi Anno 1562. Conventus Xianfiam indictus, in quo Blandrata confessionem fidei suæ exhibuit. Hanc etiam hic inferre placet. *Fateor me credere in unum Deum Patrem, in unum Dominum Jesum Christum Filium ejus, & in unum Spiritum Sanctum, quorum quilibet est essentialiter Deus. Deorum pluralitatem detestor, cum unus nobis sit tantum Deus essentia indivisibilis. Fateor tres esse distinctas hypostasies, & æternam Christi divinitatem ac generationem: Et Spiritum Sanctum, verum & æternum Deum, ab utroque procedentem.* Regenvolscius hist. Eccl. Slavon. pag. 86. Is hæc fucatâ confessione effectum esse ait, ut Blandratæ nomine totius Synodi Pinczoviensis Anno 1561. 25. Jan. habitæ testimonium daretur literis ad Palatinum Vilnensem & Joan. Calvinum scriptis. At verò Budzi-  
nius c. 21. confessionem à Blandrata Synodo Xianfensi 1562. d. 10. Martii exhibitam, mox in Pinczoviensi mensæ proximo discussam & illam conciliationem factam fuisse, scribit. Sic autem ille: *Celebrata est paulo post (Xianfensem illam Synodum) Synodus Pinczovia d. 2. Aprilis, cui 28. Ministri, 12. Patroni Nobiles intererant. Illa Blandratæ confessio sat longa (hanc non habeo, præter illam à Regenvolscio traditam) non fuit rejecta, & Apologia ejus suscepta. Ideo promissæ Synodus, operam se per literas daturus, ut cum Calvino in gratiam redire possit. Ille mutuo pollicitus est in omnia consentire, quæ à Calvino & Ecclesiis Dei fuerint conclusa: dummodo Calvinus ei permittat, ut confiteatur illum esse filium Dei altissimi & æterni & ipse de Uno Deo simpliciter loquatur sine aliqua interpretatione: quod si hæc Calvino non placuerint, saltem ei hoc polliceatur, mansurum se in simplici verbo Dei & Symbolo Apostolico: & revocet epistolam suam tunc recens editam, præfixam Actis Apostolorum ad Palatinum Vilnensem. Hæc ille. At enim Commentario Calvini in Acta epistolam dedicatorem ad Christianum Regem Danicæ præfixam invenio. Cæterum in aliis Commentariis MSS. invenio Blandratæ confessionem in Synodo quidem Xianfensi à nonnullis probatam, ab aliis improbatam, privatimque tantum lectam, in Pinczoviensi demum publicè prælectam. Et*

cum

cum verbis scripturæ concepta esset, paucorum contradictiones expertam promissamque ejus cum Calvino conciliationem fuisse. In eadem Synodo conclusum erat, ut Ministri abstineant à modis loquendi Philosophicis de Trinitate, de essentia, de generatione, de modo procedendi, quæ omnia sint extra verbum Dei: sed ut quilibet se contineat intra terminos Prophetarum, Apostolorum & symboli Apostolici. Quæ certè æqua erat orientum tunc temporis dissidiorum componendorum ratio. Sed hæc à turbidis ingeniis neglecta, accedente, potentia sæculi, rejecta, imò his contraria recepta fuere. Lufmaninus & Blandrata in eo consenserunt, nisi Deus qui in SS. LL. Pater Jesu Christi dicitur, altissimus esse statuatur, non posse satisfieri Stancaro, imò nec Deo summo honorem debitum reliquum iri, cum Christus ipse de eo dixerit: *Pater meus major me est.*

## CAPUT VII.

*De præeminentiâ Patris per Gregorium Pauli confirmatâ, & Ecclesiâ Christianorum Catholicorum formatâ & stabilitâ post schisma à Stanislao Sarnicio factum.*

**P**ost illam Pinczovianam Synodum stabilita servandæ concordie ratione omnes intra modestiæ & caritatis fines manere oportuit. Sed res longè aliter evenit, usquequò triste dissidium secutum est, ut paulò post videbimus. Gregorius ille Cracoviensis cœtus minister, Canon Synodi Pinczovianæ morem gerens vocibus scholasticis pro concione abstinere, & simpliciter Deum unum Patrem, Filium ejus Jesum Christum & Spiritum ejus S. prædicare: Contra immemor non tantum caritatis Christianæ, sed & Canonis illius Pinczoviani Sarnicius, Gregorium sugillare: palam etiam criminari & alios in eum concitare, ac dicere, Filium à Deo per eum avelli. Solebat nempe Sarnicius ex Nedvedeciano in urbem sæpius venire, præcipuè quod multi nomina novellæ Ecclesiæ darent, & in arce

12

apud



apud Bonarum magnum arcis procuratorem, quem vocamus, concionari, confluentes illuc frequenti populo tum nova appetente, tum veritatis amore flagrante. Hinc ille invidia urti, quod sibi nobili genere nato in Ecclesiae Metropolitanæ gubernatione Gregorius prælatu fuisset: atque per ejus, quem sibi æmulum posuerat, ruinam, ad honoris superiorem gradum grassari. Equidem tamen jam tunc effecerat, ut Achlerus urbis publicus notarius & Valerianus Pernus ad Lismaninum literas dederint, veluti exprobrantes ei, suam illam epistolam ad Ivanum datam Gregorio novæ de eminentia Patris (quasi verò novum sit Deo rerum Auctori omnia cum ipso quoque Filio adscribere: ) prædicationi occasionem dedisse. Non contentus sorte sua Sarnicius & ministerium Ecclesiae Cracoviensis appetens, cum recta id consequi non posset, per ambages ivit. Volebat minimum scholastico muneri adinveniri, & vel Myscoviorem illustrium adolescentum Stanislaus Cicovii privignorum ephorus fieri, ut ita Cracoviae assiduus Gregorii non tam auditor quam observator & criminator esset, eique ejecto subrogaretur. Sed cum voto nequaquam potiri posset, Gregorium tanquam novæ & blasphemæ doctrinæ de Deo, Christo & spiritu S. prædicatorem ad plures deferre: dein varias in formas se vertens, ad Gregorium, explicatione Evangelii Lucae omissa symbolum populo, exponeret scribere; Gregorius autem dolum perlentiscent in capta Evangelii exegesi pergere: de Deo, ut Deo, de Filio Dei, ut de Filio Dei, & de sp. Dei S. ut de sp. Dei S. Sermonem ad populum facere; verbis textus, quoad ejus fieri potuit, pressò pede adherere: ita Catholicam fidei suæ confessionem edere: suam innocentiam vindicare: veritatis testimonium dare: delatorem refellere, pudore suffundere. Singulari cura id Anno. 1562. d. 5. Julii pro concione præsentibus quibusdam Senioribus, ipsoque Sarnicio fecit. Illi itaque ex Sarnicio, quid sibi concio Gregoriana placeret, & an cum eo congregari, minimum conferre de quibusdam vellet, quærere; Virum se præstaret, monere: is congressum subterfugere, & dicere sibi cum eo seorsum de essentia Dei loquendum esse. Quasi verò simplices quique, ne dixerim

dixerim imprudentes, major semper credentium pars, ut Tertullianus adv. Prax. loquitur, necesse habeant ejusmodi trices Scholasticis, quas non tantum sacra pagina, sed & prima antiquitas ignoret, excutiendis & cognoscendis operam impendere. Sed Sarnicius pro privato, cujus spem senioribus fecerat, colloquio, Stanislaus Myscoviem, tunc Præfectum Mariæburgensem & Joannem Bonarum Castellani Bieccensem & arcis Cracoviensis Magnum Procuratorem adire: Gregorium denuò deferre, palam etiam eriminari: hinc Bonarus pro auctoritate senatoria dissidium componere: extemplo eos add. 14. Jul. Balicium evocare, ad colloquium amicum invitare: ille se præsentem id facere: sed neque tunc Sarnicius quòd merito culparet, invenire potuit. Nihilominus quem sibi elegerat æmulum, & quo salvo se salvum fore credere non potuit, hæreseos hic & illic accusare, quin & infamare non destitit. Quamobrem Stanislaus ille Szafrancius, Vir illustrissimus & Magnanimus, rem nullam ferre posse moram ratus, utrumque ad diem 20. Julii in Rogovianum ad amicum colloquium, sopiendo exorienti dissidio tam commodum quam necessarium invitavit. Invitavit & è vicinia tam viros illustres & nobiles, quam verbi Ministros, ut ille conventus justam Synodum constituerit. Aderant ex ordine Equestri Stanislaus Laslocius, Succameratius Lenciciensis cum indiscreto socio Hieronymo Philipovio, Nicolaus Rey & alii plures: è sacro: Felix Cruciger superintendens Ecclesiarum Minoris Poloniæ Szafrancius Secemini ministrans, Stanislaus Lutomirski, Tractus Pinczoviensis senior, Viræ regie nobilitatis, Joannes Pustelnik, Jacobus Sylvius. Cum ad colloquium ventum esset, Gregorius sic ferè præfatus est: Gratiæ ago Deo meo, Patroni, fratres & amici in Christo omni observantiæ cultu prosequendi, quòd adeò frequentes in hunc locum conveneritis. Est hoc luculentum zeli & pietatis vestræ documentum. Tantus Christianorum pectorum ardor, quo in propaganda pura veritate dies noctesque flagrant, tanto magis laudandus, quanto majore vi ad versarii veritatis eum extinguere conantur. Sed vivit Deus, vivit Christus ejus Rex ille Regum, qui contra omnes



„omnes adversariorum, ipsorum quoque Principum, minas  
 „& furores, invictum, & inconcussum robur menti-  
 „bus fidelium indit. Cælestis ille ignis est, quo flagrat,  
 „quem quia ipse Dei filius est in Paterno acceptum mortua-  
 „lium generi attulit & in cordibus probitatem spirantibus  
 „accendit, nulla is vi vel arte humana extinguī potest.  
 „Benè nobiscum agitur, quod non tantum zeli vestri i-  
 „gnis exstingui ab hominibus nequeat, sed perpetuo flagret,  
 „corda durissimo errorum & peccatorum somno sopita  
 „adurat, ita ad evigilandum excitet, excitata calore pie-  
 „tatis refocillet, refocillata propagandæ veritatis ardore  
 „inflammet. Benè dico nobis cum agitur, quod ita tutioris-  
 „simus. Utinam æquè benè omnia domi composita es-  
 „sent! Sed dicendum quod res est, artibus Satanæ per-  
 „egrum ignem cacoeliæ & vehementium dissidiorum  
 „Sacratio Domini inferri, imò in ipso altari accendi.  
 „Quod quam sit Deo adversum, homini perniciosum,  
 „tristi exemplo filii Aaronis docent. Et ut ad rem ve-  
 „niam, ut aliquoties adhuc à nonnullis vestrum, aliis-  
 „que Patronis vel fratribus ad colloquium fraternum  
 „cum fratre Stanislao Sarnicio de rebus fidei, instituen-  
 „dum invitatus, facilem & morigerum me exhibui: ita  
 „& in præsens libenter meritoque feci. Scio me à Fratre  
 „publicè privatimque noviti dogmatis, quod unum  
 „Deum Patrem Domini nostri Jesu Christi prædicem  
 „accusari. At verò hanc esse ipsissimam Apostolorum  
 „prædicationem vel me tacente ipsimet nostis. Adeo-  
 „que hæc institutio est velut ipsa primæ veritatis me-  
 „dulla. Non vos latet statim post discessum Apostolo-  
 „rum ingressuros & aggressuros fuisse ovile Domini lu-  
 „pos rapaces, gregi non parentes, imò venturos fuisse  
 „falsos fratres, & falsos doctores, perversa & institutio-  
 „ni Apostolicæ adversa proponentes. Id re ipsa evenisse,  
 „historiæ Ecclesiasticæ monumenta testantur. Et ut alia  
 „sileam, producendum vobis est testimonium Hegesippi  
 „vetusti & Apostolico seculo proximi scriptoris referente  
 „Eusebio, celeberrimo historiæ a Ecclesiasticæ scripto-  
 „re, de conditione Ecclesiæ post mortem Simeonis Cleo-  
 „pæ, qui ultimus Apostolorum multis, vir certè Aposto-

al. 3. c. 29.

„licus

„licus minimam fuit & Anno C. CXI. mortuus est.  
 „Hoc autem sic se habet. *Ad hæc usque tempora virgo pu-  
 „ra & incorrupta mansit Ecclesia, iis qui sanum  
 „salutaris prædicationis Canonem corrumpere conati  
 „sunt, si tam aliqui fuerunt, in obscura quadam caligine ad  
 „id usque temporis delitescens. Postquam autem sacer  
 „Apostolorum chorus differentem sortitus est finem, & gene-  
 „ratio illa præterit, quæ divinam sapientiam suis auribus  
 „audire meruerat, tunc impij erroris conspiratio, per se-  
 „ductionem eorum, qui alienam doctrinam tradebant, ini-  
 „tium cepit, & quoniam nemo amplius superstes erat ex Apo-  
 „stolis, jam nudo vertice contra veritatis prædicationem falsi  
 „nominis scientiam ex adverso prædicare conati sunt. Dehinc  
 „gradatim errores in Ecclesiâ Domini fuisse introductos,  
 „omnibus historiæ Ecclesiasticæ monumenta solerter evol-  
 „ventibus palam est. Benè tamen se res corruptissi-  
 „mis quoque per Romanorum ut Imperatorum poten-  
 „tiam, ita & Pontificum arrogantiam, seculis habuit,  
 „quod Symbolum Apostolicum velut tessera fidei & re-  
 „gula veritatis ac nota Christianismi habitum semper &  
 „hucusque conservatum, inque hoc solum sacer baptis-  
 „mus institutus fuerit. Me ab eo ne transversum unguem  
 „discedere, quisque æquus videre potest. Arianismi &  
 „Servetianismi accusor, dum Deum unum & Jesum  
 „Christum filium ejus credo & confiteor. Sed hac ra-  
 „tione ipsi Apostoli hæreses accusandi forent, quod U-  
 „num Deum Israël, creatorem cæli & terræ, & Jesum  
 „Nazarenum promissum illum ab eo Patribus Messiam  
 „Regem populi divini & servatorem mundi, ex Sp. S. conce-  
 „ptum, ex Virgine natum, à Deo resuscitatum & exaltatum  
 „uno animo & uno ore prædicarint. Equidem quisque  
 „vestrum videt, hanc non hæresin sed ipsam veritatem  
 „primæ & Catholicam esse. Non sum nescius mul-  
 „ta ei sequentibus temporibus admista fuisse dogmata de  
 „tribus Personis in una Dei natura, & contra de duabus  
 „naturis in una persona, aliæque infinita, quæ prima  
 „illa ætas & simplicitas Apostolica ignoravit, quæque id-  
 „eò etiam à nobis tuto ignorari possunt. At præmi-  
 „nentiam Patris docere, Arianum est, Servetianum est.  
 „Ego verò ex scriptura cum omnibus veri amantibus,*



„ didici, *Omnia probare: quod bonum est, retinere.* Quic-  
 „ quid siue hic siue ille Scripturæ contrarium dixerit,  
 „ hoc detestor: quicquid autem ei conveniens attulerit,  
 „ hoc recipio. Qua in re vocem & exemplum totius  
 „ antiquitatis sequor. Facessant à gente Christiana, tum  
 „ verò etiam nostra Polona, ut exosa nomina, ita &  
 „ tyrannica facinora. Dei populus sumus, Christi pecu-  
 „ lium sumus sanguine ejus redempti, ejus non hominum  
 „ mancipia sumus: Poloni sumus: ergo gens undique  
 „ libera: Sed ita ad plenam libertatem vocati, ut hanc  
 „ obedientia legibus divinis & humanis præstanda metia-  
 „ mur. Præminentiam Patris luce meridiana clariorem  
 „ in Scriptura S. videmus, dum is Deus Abrahami,  
 „ Deus Isaac & Deus Jacobi, Deus Patrum, Deus  
 „ & Pater, ( id est, ita Deus ut & Pater ) Domini  
 „ nostri Jesu Christi, quem unxit Spiritu S. à mortuis ex-  
 „ citavit & ad dextram suam collocavit, manifestissimè &  
 „ totidem verbis & apicibus prædicatur. Et si hic consista-  
 „ mus, nec ulterius progredi velimus, quis nos duriter  
 „ vel iniquè agere diceret, nisi ipsemet duriter & iniquè  
 „ ageret? Dabimus tamen non nihil etiam alienæ curiosi-  
 „ tati, quæ simplicitate Apostolica non contenta, diversos  
 „ cibos appetit ut facere solent, qui domesticis fastidiis  
 „ peregrina quarunt. Dico itaque & re ipsa attestante  
 „ affirmo omnibus Patribus Antenicenis, imò & ipsis  
 „ Nicenis, tandem & Constantinopolitanis, adeoque to-  
 „ ti orbi Christiano per quatuor secula Unum fuisse Deum  
 „ Patrem Omnipotentem, creatorem visibilium & invisibi-  
 „ lium: filium autem ejus Jesum Christum, Deum de Deo,  
 „ lumen de lumine, quem Patri consubstantiali Niceni  
 „ contra Arium pronuntiaverunt. Et ut me non præterit,  
 „ post concilii Niceni tempora Unum Deum Patrem,  
 „ Filium & Sp. S. doceri cepisse, dissimulari tamen hic  
 „ loci nec decet nec expedit, primo vocabulum Homousios  
 „ ( consubstantialis cõsensualis ) tum verò & dogma ipsum  
 „ non paucis Nicenorum displicuisse, eosdem omnes Fili-  
 „ um apte omnia secula genitum dicere & de Sp. S. Dei-  
 „ tate aliquid pronunciare ausos non fuisse: Hilarius li-  
 „ bris 12. de Trinit. nusquam Sp. S. Deum, vel ado-  
 „ ran-

„ randum vel invocandum dixisse: primum Athanasium &  
 „ solum aut cum ADMODUM PAUCIS teste Nazian-  
 „ zeno, Spiritus sancti deitatem circa ann. 365. docere  
 „ cepisse: ceteros omnes, qui doctrinam Christianam  
 „ profitebantur, trifariam divisos fuisse, multos circa fi-  
 „ lium, PLURES ETIAM CIRCA SPIRITUM S.  
 „ ÆGRAM, iudice eod. Nazianzeno quarti seculi decli-  
 „ nantis scriptore, FIDEM habuisse, PAUCOS autem  
 „ UTRINQUE SANOS & INCOLUMES fuisse. Verum  
 „ tamen posterioribus quoque temporibus Doctores Eccle-  
 „ siæ præminentiam Patris asseruisse, jurè meritoque di-  
 „ cendum est, mihi præsertim, qui apud vos hoc nomine  
 „ toties accusor. Parum fortè videri posset ab Hilario  
 „ Patrem Deum unum, Deum ingentum, auctorem ut  
 „ omnium rerum, ita & Deitatis & ipsius Filii dici & doce-  
 „ ri. Atqui posteriores Ecclesiæ Græcæ Doctores initio  
 „ à quinto seculo facto, Patrem Filii causam & principium,  
 „ & Filio, quatenus is Deus est, majorem docuerunt.  
 „ Chrysostomum, Cyrillum, Damascenum, Theo-  
 „ phylactum paucos ex multis nominare sufficiat. Nec  
 „ mirum. Idem ipse Athanasius, idem Nazianzenus,  
 „ idem alii ante eos docuerunt: & Filium Deificatum con-  
 „ fessi sunt. Hæc ut antiquitatis periti norunt, ita mihi  
 „ cuique verbis veterum probare in expedito est. Sed ut  
 „ dicenda contraham, mea hæc est sententia & sic in ani-  
 „ mum induxi meum, oportere nos redire ad principia  
 „ primæ religionis Christianæ, & per gradus ad primæ-  
 „ vam veritatem æque ut per gradus ab ea discessum  
 „ est, reverti. In præsentia ut paratus sum quod ad-  
 „ versum me allatum fuerit, audire, meamque innocen-  
 „ tiam cum modestia & patientia, ut sit integra & plena,  
 „ jungere, & vestro iudicio me submittere: ita vos Canonis  
 „ in Synodo Pinczoviana de relinquendis terminis schola-  
 „ sticis, Trinitas, essentia, persona, communicatio idiomatum  
 „ & aliis id genus pluribus & docenda ex verbo Dei veritate  
 „ ac pietate, fore hic loci memores nullus dubito. Deum ve-  
 „ ro Opt. Maximum per Maximum Pontificem Jesum Chri-  
 „ stum à dextris ejus regnantem, ut vobis spiritum consilii  
 „ & prudentiæ, virtutis ac caritatis largiatur, vosque donis  
 „ suis ad res maximi momenti rite perpendendas impleat,  
 „ I 5 „ supplex



„supplex precor. Talia ut solent diversis tam auribus quam  
 „mentibus excipi, ita & tunc temporis excepta fuere. Hi  
 „irritati, illi delinuti, isti exhilarati, omnes commoti,  
 „prout quisque animatus vel affectus fuit, iudicavere.  
 „Sarnicius ad hæc cum suis excipere nonnihil non negle-  
 „xit, in hunc ferè modum: Cuncta ista, licet speciosè  
 „dicta, cum grano salis, ut dicitur, accipienda, & ut  
 „omnia anxie observanda & consideranda, ita pleraque  
 „reprobanda sunt. Deum Unum se in Patre, Filio, &  
 „Sp. S. patefecisse qui negat, is historiam creationis, con-  
 „fusionem linguarum, visiones & missiones Prophe-  
 „tarum, Trisagium Angelorum, baptismum à Christo tam  
 „susceptum quam præceptum, tres testes in cælo aliaque  
 „sacris litteris prodita ignoret, oportet. Idem SS. Patri-  
 „bus non solum sigillatim docentibus, sed integris to-  
 „rum Conciliis adeoque toti Sanctæ & Catholicæ Ecclesiæ  
 „à principio adhuc vigenti & florenti contradicat necesse  
 „est. Allata nunc in medium, jam diu est, quod  
 „Sancta, Orthodoxa, Catholica Ecclesia in Ebione,  
 „Cerintho, Samosateno, Ario, Phorino, aliisque id  
 „genus hæreticis ritè damnavit. Quorsum igitur atti-  
 „net nunc temporis, cum Deus ter Opt. Max. nostrum  
 „omnium misertus reformari ecclesiàm per viros Ma-  
 „gnanimos Spiritu S. plenos & ad id muneris vocatos,  
 „quosdam etiam nunc in theatro orbis Christiani adver-  
 „sus hæreses & corruptelas Ecclesiæ omnes acriter de-  
 „pugnantes voluerit, à mortuis resuscitare & ab ore  
 „revocare? Quæ audacia & temeritas, ne quid aliud di-  
 „cam, dum aliquis obscuri nominis vir tot & tantis  
 „Heroibus Christianis, viris divinis se opponit? Piger  
 „profecto & tædet de his quæ jam olim Ecclesiæ rejectæ  
 „abominata est, sermonem idque toties facere: quasi  
 „de veritate Catholica ante tot secula, explicata & confir-  
 „mata dubitatio quædam oriri possit. Quid multis  
 „opus est? Tota ecclesiæ canit, Gloria Patri & Filio  
 „& Spiritui S. sicut erat à principio. Quia tamen vobis,  
 „ut & nunc in hoc loco compaream placuit, ecce ad-  
 „sum, paratus hic & ubique pugnare contra omnia hæ-  
 „retica & impia dogmata. Scimus prædictum esse in  
 „scriptura

„scriptura sacra N. F. venturos fuisse hæreticos, gregem  
 „Dominiluporum instar laceraturos. Sed id in Ebione,  
 „Cerintho, Simone Mago, Monarchianis Alogis &  
 „aliis ejusdem ollæ hominibus, verius monstis, reipsa  
 „impletum est. His qui de unica Deitatis persona, de  
 „Christo nudo homine, qui ex Maria initium habuerit  
 „& creatura fuerit, gratificari vult, unâ cum illis per-  
 „ear vel SS. & venerandum Trinitatis dogma retineat, &  
 „Deum Patrem, Deum Filium, Deum Sp. S. ut tres  
 „in unitate essentia hypostases nobiscum & cum Ecce-  
 „sia Catholica confiteatur. Hunc Deum Trinum &  
 „ego nunc invoco, ut mihi & vobis omnibus in hoc  
 „sacro conventu addit, cui per Jesum Christum Domi-  
 „num nostrum sit gloria in secula seculorum. A-  
 „men.

Talia quoque ut solent diversimodè à diversis excipi,  
 ita & tunc excepta fuere. Non deerant tam qui ab illis,  
 quam qui ab his partibus starent.

„Gregorius tamen ad hæc Sarniciana in hunc fere mo-  
 „dum respondit: Quæcunque contra me, licet non no-  
 „minatum, pro tuendo Trinitatis dogmate allata audi-  
 „vi, nequaquam in comparisonem cum his quæ ego  
 „tam ex scriptura S. quam ex prima antiquitate attuli;  
 „venire possunt. Illa enim vel pluralitatem personarum  
 „in divinis, linguæ Hebraicæ ignaris indicare videntur,  
 „pleraque ipsi Calvino & aliis rejecta, vel ex mentione  
 „Patris, Filii & Sp. S. quæ Sanctissima nomina nos etiam  
 „confitemur, adeoque & in baptismo usurpamus, tres  
 „personas in uno Deo statuunt. Utrumque profectò in-  
 „vitâ æquitate & veritate Deum unum non Trinum, Unum  
 „Deum Patrem, non Patrem, Filium & Sp. S. in scriptura  
 „clarissimè & expressissime ac demonstrative doceri, certis-  
 „simum est. Hoc fundamento retento, in reliquis non mul-  
 „tum erit difficultatis. Jam quod ad antiquitatem attinet,  
 „mihi cum Ebione, Cerintho & aliis hæreticis nihil com-  
 „mune est. In reliquis nil nisi quæ cum regula Scripturæ  
 „S. conveniunt probò: quæ vero ab ea differunt, repro-  
 „bo. Inter hæc est ille hymnus gloriæ: Scripturæ, quæ  
 „Deum & Christum sive Deum per Christum perpetuo  
 „glo-



„ glorificandum, adorandum & invocandum docet, sed  
 „ & primæ antiquitati (constat enim ex historia Eccle-  
 „ siastica Theodoretî & Nicetæ, quarto demum sæculo à  
 „ Flaviano Antiocheno hunc hymnum canicavisse) igno-  
 „ tus. Itaque ego non dubito cum Scriptura clarissima  
 „ consistere, me credere per Christum in Deum, me  
 „ sedenti in throno & Agno sive soli sapienti Deo per Jesum  
 „ Christum, Deo dico uni per unum Mediatorem Homi-  
 „ nem Jesum Christum honorem & gloriam tribuere, &  
 „ cunctis fidelibus gratiam & pacem à Deo Patre nostro  
 „ & Domino nostro Jesu Christo precari. Id & vobis  
 „ nunc præsens præsentibus precor, meque illi Aposto-  
 „ licæ institutioni, quæ sola fuit ab initio, illi simplici-  
 „ tati piscatoriæ, illi primæ integritati, illi Catholicæ  
 „ veritati adherere credo, & vobis mox, ubi ad collo-  
 „ quium ventum fuerit, me demonstraturum certo spero.  
 „ Hinc à Patronis, ut ad colloquium inter Gregorium &  
 „ Sarnicium veniatur, imperatum. In hoc, ut multa pau-  
 „ cis complectar, Gregorius fidei suæ rationem reddens,  
 „ probabat dictis scripturæ N. T. in eo fidem Christianam  
 „ à Judaica differre, quod Judæi quidem unum Deum  
 „ Israëlitis rerum creatorem, Christiani vero etiam filium  
 „ ejus Jesum Christum promissum illum Messiam, cre-  
 „ dant: ipso Christo id dicente: *Creditis in Deum, & in me*  
*credite.* Joan. XIV. 1. & Apostolo Petro idem confirman-  
 „ te: *Per Christum creditis in Deum, qui excitavit eum à mor-*  
*tuis*; ideo canticum novum appellari, quo sedenti in  
 „ throno & Agno honor & gloria tribuitur: & quæ erant  
 „ plura ejusdem generis. Ad hæc Sarnicius excipiebat: in  
 „ his locis per Deum intelligi Trinitatem, per Christum ve-  
 „ rò humanitatem, quæ in unionem ut loquuntur, hypo-  
 „ staticam fuerit assumpta. Gregorius denique reponebat:  
 „ Hæc ratione in divinis forè quaternitatem, tres scilicet perso-  
 „ nas a se invicem distinctas, & Christum hominem; ad-  
 „ hæc per Deum absolute & simpliciter vel etiam cum arti-  
 „ culo emphatico illum Deum, Patrem intelligi, hunc  
 „ que adeo sæpius nominari: hunc esse ipso Christo & Pe-  
 „ tro Apostolo teste Deum illum Israëlitis Creatorem & Do-  
 „ minum cœli & terræ Joan. VIII. Mat. XI. Act. III. IV. V.  
 „ & alibi passim, ab hoc distinctum Jesum Nazarenum ut  
 „ „ Filium

Filium & Christum, sive Messiam, idest, unctum ejus  
 „ proponi: adeoque in omnibus istis locis non Trinitatem,  
 „ sed Deum Patrem manifesto intelligi; cum eis de Deo,  
 „ cujus filius fuerit Jesus, sermo sit. His & similibus ra-  
 „ tionibus Gregorius Sarnicium fortiter convincebat: ita ut  
 „ puri affectum, & æqui Judices, hunc causâ cecidisse vi-  
 „ derint. Quod enim à partibus Sarnicii non steterint &  
 „ concordiam in ecclesia novella consecrare studuerint ex eo  
 „ manifesto elucet, quod tunc ab omnibus uno animo fuerit  
 „ sanctum, tenendum esse Synodi Pinczovianæ canonem,  
 „ ne pro concionibus Trinitas & alia vocabula Scho-  
 „ lastica rixas parientia usurpentur, sed simpliciter dogma  
 „ de Deo, ut de Deo, de Filio Dei ut de Filio Dei propo-  
 „ natur, Sarnicio contra in casum obnitente & proditam  
 „ tunc fuisse veritatem: huic contrarios Canones servandos  
 „ non esse imò hanc non minus contra falsos fratres quàm  
 „ falsos doctores, furentes adversarios tuendam dicitante.  
 „ Hæc autem ea fini ab eo dicebantur ut foramen, per  
 „ quod ex Ecclesia exiret, invenire & rem ad apertum dissi-  
 „ dium deducere posset, verum tamen omnes ei se oppo-  
 „ nere, hi quidem proficiendum merito in divinæ verita-  
 „ tis notitia, progrediendum in reformationis negotio: re-  
 „ deundum ad primævam simplicitatem: acquiescendum  
 „ in iis quæ scripta sunt: illi verò; posse tuto quæ in scriptu-  
 „ ris Sacris aperte non leguntur, taceri: concordiam maxi-  
 „ mam rationem habendam: multa ideo toleranda: unâ ve-  
 „ ritati & paci studendum: omnes denique, tenendum Syno-  
 „ di Pinczovianæ ut concordia retineatur, canonem, dice-  
 „ re: ita Sarnicius omnium consensui & auctoritati cedere,  
 „ pacis studium polliceri: Itaque non sine insigni fructu ist-  
 „ lum Conventum habitum dixeris. Sed mox res, Sarni-  
 „ cio primatum ambiente & Magnates paci cum parte infir-  
 „ miore servandæ minus deditos in partes suas pertrahente,  
 „ longè aliter cecidit. Ex quo enim Rogovia discessum est,  
 „ Sarnicius Bonaro & Myscovie examinandum esse Gregori-  
 „ um, ut heterodoxa docentem, suadere: hi ei assentiri,  
 „ Gregorium ad reddendam fidei rationem in urbe ad d. 5.  
 „ Aug. invitare: Gregorius eis morem gerere: Ministros &  
 „ viciniam illuc evocare. Fuit inter hos Wisniovius ecclesiæ Ve-  
 „ licienſis



licienſis miniſter. Tunc Sarnicius Chriſtum ab eis in precibus non invocari, obijcere, Viſnioviuſ rem aliter ſe habere, apertè dicere. Ita diſſidium magis magisque creſcere: Hoc audito Seniores eccleſiæ Cracoviænſis, Sarnicium, concordia & pacis eccleſiaſtica ac Canonis Pinczoviænſis memor ſit, turbas non moveat, Patronos & fratres inter ſe non committat, monere, denuò cum Gregorio ſe præſentibus fraternè Baliciæ domi Bonari conſerat, orare. Ita factum eſt, ut ad d. 12. Auguſti conventuſ Baliciæ fuerit habituſ: cui aliquot Seniores & Miniſtri aderant. Ibi inter alia ſubjecta examini illa verba Pauli: *Unuſ Deus, unuſ & mediator Dei & hominuſ homo Ieſuſ Chriſtuſ*. Tunc Sarniciuſ illa *unus Deus* de Trinitate Gregoriat contra, de Deo ſimpliciter explicare: & quatuor hic demonſtrare: 1. Unum Deum non Trinum, uſitate S. ſcript. ſtylo dici. 2. Per unum Deum, aperte Patrem ſecundum uſitatum pariter ſcripturæ ſtylum deſignari. 3. Inter hunc unum Deum Patrem & Homineſ Mediatorem, cum, dicente Scriptura, *Mediator uniuſ non ſit, Deus autem unuſ ſit*, Gal. 3. & nemo ſui ipſiuſ Mediator eſſe poſſit, conſtitui. 4. Hunc Dei & hominuſ Mediatorem non Deum & hominem, ſed hominem expreſſe dici. At Sarniciuſ Gregorio, ſcripturam ab eo torqueri, obijcere: & tunc demum in quo cardo controverſiæ vertatur, & quanto conatu ſibi pro Trinitate contra Gregorium de Deo ſimpliciter loquentem, ſive pro Deo Trinum adverſuſ Uniuſ Dei conſeſſorem, decertandum ſit animadvertere: exin Gregorium magis magisque traducere, ad Patronoſ & fratres, ut heterodoxum & hæreticum deferre, quin & infamare. Doluit hoc multum omnibuſ pacis & concordia: amantiſ. Ideò major Synoduſ Pinczoviam ad d. 18. Aug. convocata, accommodum ejuſmodi diſſidiuſ publica auctoritate tollendiſ remediũ. Ad hanc Senioreſ Sarnicium invitare; hic præſentiam ſuam polliceri: poſtea tamen Gregorii invidia & metu eam negare, & ut hunc opprimeret, conari. Diceret in parva eccleſia magnum illud Joanniſ Conſtantinopolitani & Gregorii Romani diſſidium illo papatuſ univerſalem affectante, hoc ei, utpote

Anti-

Antichriſtiana ſuperbia Eccleſiam & Majeſtatem Imperatoriam per privati nominis arrogantiam conculcaturo, ſe opponente, non leviter excitatiſ à Sarnicio, adverſuſ Gregorium turbis, adumbratuſ. Quia ſynodum Pinczoviam convenerant, conſeſſionem fidei ſuæ conſcripſerunt. Hanc Sarniciuſ carpere, ubique torquere, & anſam ſcindendæ Eccleſiæ arripere: Giloviuſ Myſcovio Spytkoviciuſ verbum Dei prædicantem in ſuas pertrahere parteſ: hoc factò ſynodo illi Pinczovianæ aliam opponere. Temerarium inſtitutuſ in ipſa Metropoli Regni effectum dedit, occaſione exſequiarum Bonari d. 17. ſept. ibidem celebratarum uſuſ. Iſ enim vic illuſtriſ repentina morte ſublatus, repentè humo mandatuſ eſt, uxore conſeſſim ad ſecunda vota provolante. Ita horto Bonari in alienum dominium tranſlato, Eccleſiam quoque aliorum tranſferri oportuit. Quanquam ille diſſidiuſ Sarnicii offenſuſ triduò ante obituſ jam ſcæmna ex loco, in quo ſacri conventuſ fieri ſolebant, efferri juſſerat. Sed eccleſiæ locum Stanilaſ Cikoviuſ vir natalium ſplendore clariffimuſ & verè Magnanimuſ Heroſ dicenduſ in domo ſua, quam in platea Hoſpitaliſ cathedraliæ adiacentiæ vicina habuit, conceſſit. Inter hæc Sarniciuſ pertractiſ in parteſ nonnulliſ Synodum in illiſ exſequiſ, ad quas multi Magnateſ & nobileſ ſed & aliquot Miniſtri Sarnicii gregaleſ, litteriſ ejuſ exciti, confluxerant, habuit. Ita tunc prima Antilyuoduſ Sarniciana in novella eccleſia Polonica viſa. In hac ille conſeſſionem ſuam edidit, & ut à quibuſdam ut ſemper urget præſentia Turni, ſubſcriberetur, effecit. Erat quidem in urbe Gregoriuſ. Sed à Sarnicio & factione ejuſ excluſuſ, imò hæreticuſ judicatuſ, & miniſterio privatuſ, ac Sarniciuſ ei ſuffectuſ. Qui conſeſſionem ſuam domatim ſpargens, exempla ejuſ in ipſa Gregorii eccleſia diſtrahere ſuſtinuit. Ita quodaſ in parteſ traxit. Sociuſ fuit ei diſſidiuſ celebriſ ille Laurentiuſ Diſcordia, ut diſcordia: omen in ipſo quoque nomine eſſet, vir vite haut integer, ideo in ſynodo \*\*\*\*\* Miniſterio indignuſ judicatuſ. Stetere à partibuſ hiſ Sylviuſ & Giloviuſ, opponenteſ ſe omnibuſ viribuſ Gregorio, qui inter hæc injuriarum patienſ, officiũ



officii diligens, vitæ integer, & criminum purus, ecclesiam sibi legitimè commissam regebat. Quo viso Seniores & alii Ministri, Schisma à Sarnicio introduci, ecclesiam scindi, graviter dolere: Ideò denuò novam Synodum ad d. 4. Nov. Pinczoviam indicere; componendi dissidii gratia ad hanc ut Sarnicius iret, Seniores ecclesiæ Cracoviensis eum instantè rogare: hic contumacitè negare, & dicere. *Cui bono illuc accederem? Nempe ut tanquam discipulus in schola coram illis Magistris stem.* Ita præfracta Sarnicii ambitio schisma introduxit. Gregorius autem ecclesiam suam magis magisque firmare non destitit. Igitur, si parva magnis componere licet, diceret Diotrophem novum in Ecclesia caput & cornua extulisse,

## CAPUT VIII.

*De progressibus veritatis in Litvania ab Ao. 1558. in provincia Cracoviensi ab Ao. 1559. præcipuè in articulis de Filio Dei, de spiritu S: & de baptismo illustratè: tum de colloquio Petricoviensi Anni 1562. aliisque rebus memorabilibus.*

**I**lla Petri Gonesii de Patris prerogativa sententia tam ore fortiter defensa, quam singulari pietatis exemplo commendata haud exiguos, ut videmus, fecerat progressus. Is postquam Ao. 1558. ad synodum Bresciam Litvanorum add. 15. Dec. coactam venit, ibidem loci suam illam sententiam apertè professus, libellum etiam contra pædobaptismum produxit, quo ritum hunc nec scripturæ S. nec primæ antiquitatis, nec sanæ rationi convenire docuit. Lectus is publicè, omnes ferè contradicentes offendit. Solus Hieronymus Piescarcius Gonesii sententiam propugnabat eumque ei silentium sub poena excommunicationis imperatum esset, in hunc modum locutus esse scribitur. Quàm profundo somno obruti fuerint mortales, per varias Satanae artes inductis orbi Christiano ipsius errorum tenebris, nemo non videt, qui oculos ad videndum

,,habet

,,habet. Superstitiibus quoque sanctis Apostolis Domini conatus est arcem salutis nostræ; Veram scil. Iesu Christi Filii Dei & filii hominis nativitatem ex Maria, invadere, juratus humani generis hostis, qui Satan, quòd Deo & hominibus adversetur, vocarimeruit. Sed cum frustra esset, post obitum horum arcem illam aggressus, eandem subreptè tentavit. Nam nisi Filius Dei verè natus & verè passus sit, quid porro nobis reliquum est spei & salutis, quos scil. ille Satanae mancipatos pretioso sanguinis sui impendio redemit? Quantis dehinc irreconciliabilis hostis non tantum veritatem, sed & concordiam, adeoque totam Christiani nominis pietatem pertentans dissidiis obprofessionem Christi, cujus institutio nil magis quam concordiam spirabat, tam in choro quam in foro Christi novellum populum, ejus nomen professos exemplo (Constantini M. & Licinii bella, Homousianorum & Arrianorum mutuas persecutiones, indubitata ut pietatis ita & veritatis corruptæ documenta, nostis) commiserit, prout etiamnum committit, neminem rerum vel mediocritèr gnarum latet. Hinc, ad alia quoque fidei capita, armaris, & cruentis, sanguinem nimium sitientibus studiis discentiunda, artibus ejusdem vaferrimi hostis processum est. Ita sanè ex veteri scito nimium altercando amissa est veritas. Sanctus Hilarius Episcopus Pictaviensis quarti seculi scriptor, postquam non tantum Arianorum sed & suæ partis pugnas de verbis (Usian, Homousion, Homojusion & Homoion, intelligens:) de novitatibus quaestiones, de ambiguis, de auctoritatibus querelas, verbo, studia partium deplorens, velut si res perditæ esset, in hæc verba erumpere non dubitavit: *Dum alter alteri anathema esse capit, prope jam nemo est Christi: imò subdit: Tandem eò processum est, ut neque penes nos, neque penes quemquam ante nos sanctum existeret, de aliquid atque inviolabile perseveret, & quæ sunt plura talia. Quomodo de hinc Romanorum Pontificum potentia & arrogantia creverit, & quot corruptelas Ecclesiæ intulerit, omnes nostis. Nimis longum & tædiosum foret, singula persequi sola misla quot non partim ridendas gesticulaciones partim pudendas & idololatricas superstitiones*

K

,,attu-



attulit postquam 13. seculo ineunte unâ cum confessione  
 auriculari in censum capitum fidei Transsubstantiatio  
 ( barbarum, Scripturæ, Naturæ, Philosophiæ, Antiquita-  
 ti ignotum nomen ) recepta esset. Hæc tamen cuncta ,  
 licet primæ simplicitati e regione contraria & novitia  
 dogmata , per summam & Antichristianam tyrannidem  
 Papa Romanus tuetur & humanis mentibus imperat. Nec  
 mirum ibi Antichristianam crudelitatem elucere, ubi  
 ipso S: Gregorio iudice, Antichristiana eluxit superbia,  
 cum Joannes Episcopus Constantinopolitanus Oecumeni-  
 cus Papa appellari cepit. Quam Antichristianam ap-  
 pellationem paulo post Bonifacius III. Episcopus Romanus  
 a Phoca parricida sævo & cunctis flagitiis infami obren-  
 tam omni arrogantiæ & sævitiæ armandam suis ita secum  
 Romuli & Constantini ( ut Bernardus Clara-vallensis & alii  
 domestici eorum testes fatentur ) non Petri Apostoli ( luc-  
 cessioribus tradidit. Quis itaque quàm longissime hinc ab-  
 esse nolit, ubi tristis errorum & vitiurnox cuncta oc-  
 cupavit? Recedendum est Fratres, procul ab his quibus in  
 tenebris plusquam Cimæriis, Tartareis nempe, altum  
 stertere placet. Excitavit nos è profundo somno sonora  
 verbi divini tuba. Evigilandum nobis est prorsus, &  
 depellendæ procul luce veritatis tam crassæ tenebræ. Tan-  
 tum abest, ut his ex hoc & illo conclavi fugatis, alibi  
 nos iis immergi velimus. Hoc tamen fit, fratres, dum  
 partem errorum Pontificiorum abjicimus, partem reti-  
 nemus. Dicendum quod res est, ubi de gravissimo agi-  
 tur negotio, in quo multo minus, quàm in bello, bis  
 errare licet. Audivistis quas papatus reliquias nos in arti-  
 culo de Trinitate & Pædobaptismo retinere, Petrus Go-  
 nesium vobis demonstravit. Eundem res omnino ita se  
 habet, Deum Trinum non tantum Apostolica, sed  
 & prisca illa trium amplius seculorum ætas ignoravit uni-  
 versis Catholicam fidem unum Deum Patrem Domini  
 nostri Jesu Christi profitentibus. Caterum & pluræ ejusdem  
 generis illa ignoravit. Nec dogmata de Filio Patri ho-  
 monio, de duabus in Christo naturis, de unione per-  
 sonali, de communicatione idiomatum, de operibus Tri-  
 nitatis ad intra & ad extra, aliæque innumera. Jam quid  
 de

de Pædobaptismo dicam? Aqua sanè defensoribus ejus hæ-  
 ret, ubi ad Scripturæ Sacræ mandatum vel exemplum ejus  
 rei, & vel testimonium antiquitatis venit. Secundæ certè  
 ætatis Doctores Justinus, Irenæus & alii de infantum  
 baptismo negarii quidem. Tertulliani ætate in Africa,  
 quæ semper aliquid novi proferre dicta fuit, initia  
 hujus erroris puerilis, multas contradictiones, ipsius  
 quoque Tertulliani, experta sunt. Nec ante Conci-  
 lium Milevitanum in Africa pariter Ao. 418. habi-  
 tum ulla baptizandi infantes necessitas imposita legi-  
 tur. Et constat quidem id eo sine decretum, ut infan-  
 tibus Sacra Eucharistia porrigeretur, quæ dolenda fu-  
 perstitio licet abrogatâ Concilii Tridentini decreto in  
 Occidente infantum eucharistiâ altera manu Occidentem,  
 altera Orientem adhuc tenet. At enim constat olim  
 solos catechumenos in ecclesia, præviâ Symboli Apo-  
 stolici confessione baptizatos, & vera quidem ratione  
 baptismi, quæ immersione peragitur. Verum & quar-  
 to, imò & quinto seculo, ante stabilitam Pontificis  
 Romani tyrannidem liberos fidelibus parentibus, e-  
 tiam Episcopis natos, vel ab eis educatos, in adulta  
 ætate, quosdam verò prius ad Episcopatum ( testis  
 vel solus S. Ambrosius ) quàm ad baptismum venisse,  
 antiquitatis periti norunt, nequid de baptismo à mul-  
 tis in supremam vitæ horam dilato dicam. Cur igitur,  
 Fratres, ob has Papatus reliquias meritò rejiciendas  
 contra me confurgiis? cur mihi silentium ubi vel ma-  
 ximè loquendum est, tam severis mandatis fulmine  
 anathematis armatis, impositis? Hæcne est Christi popu-  
 lo digna libertas, charitas, tolerantia? Egone taceam, cui  
 loquendi provinciam puræ veritatis conscientia im-  
 posuit? Imò verò vos seriò hortor & obsecro, ista quæ  
 ex Papatu in Ecclesiam irreperunt, ejicite cuncta, &  
 domum Dei ab ejusmodi quisquiliis & sordibus expur-  
 gate. Ego verò ut Deus & Pater Domini Nostri Jesu  
 Christi vos Spiritu suo Sancto impleat, inltruat, regat,  
 roboret, sincere voveo.

Valde hæc omnium ibidem præsentium animos percu-  
 lerunt, & licet multorum invidiam, non paucorum tamen



& industriam provocarunt. Et certe multos dehinc erroribus de Trinitate & Pædobaptismo in illis regionibus aperte contra dixisse, postea videbimus. Verum in hac Synodo ad d. 25. Apr. anni 1559. convocata, præfente Lasco & Sarnicio conclusum est, instituendum esse Ministrorum examen, quid sentiant de Deo, quid de unitate Trinitatis & personarum in Trinitate. Nihilominus præfco veritatis ingenio hæc inter impedimenta crescebat, & quò magis premebatur, eo felicius palmæ instar surgebat. Nam eodem anno d. 22. Nov. in Synodo Pinczoviana Numero 12. diu multumque cum Stancaro disputatum, nullo ferè fructu, quòd qui errorum de Trinitate vinculis nondum se extricaverant, Stancarum convincere nullo modo potuerint. Allatæ vero illuc erant litteræ *Remiani Chelmscii* viri genere Clarissimi (quavis ille tunc nomen suum non subscripserit) quibus in dubium vocabatur invocationem Spiritus Sancti: quando quidem orandi ratio non aliud ferat, quàm à Deo Patre per Filium Mediatorem ut omnia, ita & Spiritus Sancti dona petenda esse. Non immeritò colligo Chelmscii conscientiam hunc Scrupulum à Petro Statorio Thionvillano fuisse injectum. Fuit is natione Gallus, qui Geneva Lissinanium in Poloniam secutus, libros Serveti secum attulerat, & regimini celebris Scholæ Pinczovianæ post Paulum Orsacium admotus, cum Chelmscio familiariter versabatur. Epistola Chelmscii ut par erat, non paucorum animos commoverat. Responsum Chelmscio ex Synodo Pinczoviana datum, eidem non placuisse Statorius in Synodo Pinczoviana Num. 19. Anno. 1561. 30. Jan. habita significavit. Ergo injunctum ei, ut responderet, prout instinctu numinis, *Ex M. S. Joannis Stoinii, qui hujus Statorii nepos fuit.* Respondit, sed ita ut non appareat animi sensus de ea materia: tantum dicit, Blandratam à Calvino notatum, quasi virus Servetianæ impietatis aleret. Interea sententiam ejusd. quam in Synodo proposuit, ab omnibus ait laudatam, sed tamen ab illo postularum, num pluralitatem Deorum faciat, cum Patrem ait ingeneritum, unum, Filium genitum, „credit. Nos vero omnes (verba sunt ejusdem Stato-

xii)

„rii) nescio quo pacto in hæreseos suspensionem venimus, „qui cum Blandrata vivimus. Sed si hæretici sunt, qui „Patrem, Filium & Sp. S. ex SS. LL. præscripto credunt, me ex illorum numero esse libens fateor. Non, „dum venit illa de Sp. S. invidia, quam malus ille dæmon mihi conciliaverat, sed ego in bona mea conscientia acquiesco. Budzinius c. 30. adnotat Statorium non tantum cum Chelmscio de non invocando Sp. S. locutum pro jure familiaritatis fuisse, sed & in Scholâ Pinczoviana docuisse, idololatriam quid esse, invocare Sp. S. cum in universâ scriptura nullum ejus Deitatis vel adorationis vel invocationis imò nec fidei in eum, appareat vestigium. Hæc res licet in admirationem quosdam rapuerit, non tamen tantos motus, ut institutio dogmati de Trinitate opposita excivit. Itaque inter nonnullos Ministros & Statorium colloquium de hoc argumento institutum. Sed ille, quæ erat egregia tam eruditione, quàm eloquentiâ ex Scripturis potenter omnes urgebat, demonstrando, Spiritum S. non esse tertiam Deitatis personam, nec Deum, sed Dei virtutem & donum, quod Deus in cordibus fidelium excitet, & cuique eorum mensuram ejus det prout velit: sed Filio eum non ad mensuram dederit & supra omnes participes illum eo unxerit, & de hac plenitudine Filii, quam Deus in eo habitare voluerit, quisque fidelium portionem aliquam acceperit: hoc ipsum verò argumento esse, Spiritum S. non esse Deum coeli & terre creatorem, cum is mensurari, dari, in partes dividi non possit. Et certe ut nil est, quod evidentius dogma de Trinitate refutare possit, quàm institutio de Sp. S. sive Scripturam Sacram, sive antiquitatem consulas, ita & tunc multi mox veritati cessere, iploque Statorio fortius hanc veritatem propugnare. Adducebant nimirum fidem & cognitionem salutarem ipsò Christo docente, in a Deum & in Christum, nulla Spiritus S. facta mentione dirigi: Ita & filium adscendisse ad Deum suum & Patrem suum, non autem ad Sp. S. Hunc à Deo petendum, & probandum esse. Quod autem ad tertiam Symboli, quod Apostolicum vocatur,



tur, partem, in qua nos & in Spiritum S. credere profiteamur, attinet; hoc nequaquam probare Spiritum S. esse invocandum. Aliter nempe credi in Deum illum Altissimum, aliter in Filium ejus, aliter in Sp. S. ejus, ut & in Sanctam Ecclesiam Catholicam & Sanctorum communionem. Et hæc quidem videri inserta fuisse Symbolo ex illis Pauli verbis: *audio tuam charitatem & fidem quam habes in Dominum Iesum & in omnes SS. Phil. 4.* rem tamen ipsam aperte docere, aliter in Dominum, aliter in Sanctos fidem diriggi. Ita Exodi, xiv. legi, *Credidisse populum in Deum & in Moysen servum ejus*: rem autem ipsam pariter docere, aliter in Deum aliter in Moysen Israelitas credidisse, sicut Deus ab omnibus Angelis, hominibus & rebus diversus sit. Credere enim in Deum, esse, credere quod sit, & sit remunerator quærentium se, credere ejus promissis, revelationibus & mandatis per Angelos, Prophetas, tandem per Christum Filium suum factis, & sub spe promissionum ejus mandatis ejus parere: Credere in Iesum Christum esse, credere Iesum Nazarenum ex Sp. S. conceptum, ex virgine natum esse illum Patribus promissum, à Prophetis prædictum Messiam, Dei legatum, veritatis Evangelicæ perfectissimum Magistrum, mundi Servatorem, Regem cælestem, ei mandata Dei tradenti obediendum esse: hunc olim ad judicium vivorum & mortuorum à Deo missum iri. Credere autem in Sp. S. esse, credere Sp. S. esse (quod illi discipuli Ephesi ignorasse in Scriptura S. leguntur, & tamen discipuli vocantur, nempe quod non tantum in Deum Unum cum Judæis, sed & Iesum Christum cum Joanne Baptista aliisque fidelibus crediderint) & esse Spiritum, afflatum, virtutem, donum Dei, quod effundatur, & communicetur fidelibus ac in partes dividatur & à Deo per Christum petatur. Credere denique in S. Ecclesiam Catholicam esse credere fidelium sive Christianorum cœtum debere esse Sanctum vitam, Catholicam fidem, illa scilicet, quæ ab initio semper & ubique fuerit recepta, & ab omnibus intellecta, qualis hæc sit hinc loci tradita. Caterum cuicunque patere, diversos esse istius fidei gradus, in Deum

Deum scilicet Deum & auctorem omnium, in Christum, ut Christum, unctum, Filium Dei, in Sp. S. ut Spiritum Dei, afflatum, virtutem, donum Dei, in Sanctos ut Sanctos Dei, in Ecclesiam denique ut Ecclesiam Dei credit: Atque ita Sanctos in Ecclesia Spiritus S. Impulsu credere & confiteri, *Unum esse Deum & Patrem, ex quo omnia & nos in illum; & unum Dominum Iesum Christum per quem omnia & nos per illum, licet multi sint qui vocentur. Dii sive in Cælo sive in terra, quemadmodum sunt, Dii multi & Domini multi.* De Spiritu S. autem speciatim ex scriptura instinctu ejus composita: missum eum à Patre ut alium Paracletum & Magistrum vice Christi, accepisse eum Discipulos Christo eos afflatante: dari eum & à Christo, qui eum à Patre acceperit: ideo & Spiritum Iesu vocari: hunc solum scire ea quæ sunt Dei, eum in Deo sit (non ut persona ab eo distincta, sed ut Spiritus ejus, virtus ejus) nos ad omnia bona excitare, & idoneos reddere, pro nobis intercedere, nos scilicet ad orationes commovendo: peccatum & blasphemiam in eum gravissimam, quod scilicet, opera ejus Spiritui immundo malignosè tribuantur, neque in hoc neque in futuro sæculo remitti: Judæos præfactos in hoc peccatum incidisse: Ananiam mendacio Apostolos Sp. S. præditos fallere volentem, eo caruisse: omnem talem hominem, qui hoc dono cælesti instructus non sit, in actionibus suis bruto magis factum esse: Apostolos ante Christi glorificationem cum injuriam negati hospitii igne de cælo evocato ulcisci vellent, cum Christum desererent vel etiam abnegarent, eum tam ardentem ut postea, cum coram Regibus, terrarum Judicibus & magistratibus nomen D. Iesu intrepidè annuntiarent, & magna Dei opera contra totius mundi invdiam prædicarent, non habuisse: eodem carere nec eum nosse illos qui cantant, *Veni Creator Spiritus*: neminem Apostolorum vel aliorum Virorum Spiritu S. plenorum, eum ut ad se veniret, invocasse: de eo Hugonem Cardinalem in explicatione Missæ talem sententiam tulisse: Non dirigi orationem ad Spiritum S. eum in non sit Deus, sed Donum Dei: itaque dirigendam orationem non esse ad donum, sed ad largitorem doni. Hæc & id genus plura tunc temporis in medium allata esse, memoriæ traditum est.



est. Sed Statorius hæc tam pulchrè & solide dicta posthac negavit, ut infra videbimus. Interim hæc pia certamina multorum solertiam in inquisitione veri excitasse, eventus docuit: quod pariter infra patebit: ubi quam acriter Cujavenses, Brethrens & alii in Litvania degentes viri pii Pædobaptismum oppugnavint videbimus. Dum ita acres controversiæ de Filio Dei, ut dictum est, exortæ essent & res ad dissidium per arrogantiam Sarnicii magis magisque ferretur, Gregorius cum multis concordiæ studiosis morbo tam periculoso medicinam parare, ægris propinare, Sarnicius contrà cum suis cuncta curandi morbi remedia aspernari, idque ut prostrato & oppresso Gregorio solus emergeret, curare: commodam occasionem Sacræ tyrannidis invadendæ in Comitibus Petricoviensibus Anno 1562. coactis arripere: Ministros, qui illuc cum Patronis suis frequentes convenerant in partes trahere; tum demum omnia pro libidine agere, Synodos convocare. Superintendentem Ecclesiarum Majoris Poloniæ creare: *Discordiam* virum illum vita non satis probum contra sanctionem synodalem, cui & ipsamet assensum præbuerat, ministerio admove. Quæsitus tamen dissidio color & indictum ibidem colloquium. Cujus is eventus fuit, ut præter Joan. Niemojevium Judicem Terrestrem Inovladislaviensem, Hieronymum Philippovium, Joannem Cazanovium aliosque Viros nobiles, Stanislaus Lutomirscius Vir itidem nobili genere ortus, sed in Sacrum ordinem tam in Papatu, quam in Christi Ecclesia cooptatus, Senior Pinczoviensis, Martinus Crovicius, Stanislaus Paclesius, Georgius Schomanus & alii causam meliorem cum Gregorio tutandam in se suscepint: Et de Paclesio quidem hoc memoratu dignum Orphinovius in Heroibus Christianis refert, eum primum fuisse, qui errores de Trinitate & Pædobaptismo retexerit, hancquæ ejus sententiam postmodum ab aliis illustratam & confirmatam fuisse. Quamquam & Matthiam Albinum Ministrum Jvanovicensem, licet eum in sententia de Trinitate ad mortem usque permansisse fateatur, errorem tamen de Pædobaptismo demonstrasse, & neminem nisi credentem & pœnitentem baptizandum docuisse scribit. Sed de Baptismo pluribus infra agemus.

CA-

## CAPUT IX.

*Historia de Despota Principe Valachie, qui in Polonia degens & veritatem Christianam amplexus à Lasco Lasocio & Philipovio principatui avito restitutus, à subjectis interentus est.*

**A**Ntequam ulterius progrediamur, breviter nobis hic æstex fide, ut omnia, tradenda historia *Jacobi Heraclidis Basilici Despote*, & quidem multis de causis. Nam & ille notitiam divinæ veritatis in Polonia hauserat; & cam se Valachia illaturam promiserat, & à Lasocio ac Philipovio, quorum toties in historia nostra fit mentio, tum verò cum primis ab Alberto Lasco Palatino Siradia principatui restitutus erat, & illi duo eo nomine à malevolis perfidia in Regem & patriam accusabantur. Budzinius ille, qui harum rerum, si quisquam alius, curiosus & confusus fuit, c. 18. tradit, venisse eum: circa annum 1556. ante expeditionem à Rege Augusto in Livoniam susceptam. Ita hoc factum fuerit ante primam illam expeditionem quæ in *Guilhelmum Furstenbergium* Gladiferorum in Livonia Magistrum Anno 1557. fuit. Illa nimirum expeditio altera, quæ Anno 1559. contra *Joannem Basilidem* Magnum Ducem Moscovie fuit, huic tempori convenire non videtur. Despotes enim ille primum aliquo tempore in provincia Cracoviensi vixit: ibi notitiam veritatis, ut dictum est, sibi comparavit: hinc Vilnam cum litteris Electoris Brandenburgici, quibus eum Regi commendavit, profectus est: ibi familiaritatem & amicitiam cum Andrea Tricessio, Joannæ Lasco, & aliis Nobilibus, imò & Magnatibus inivit: ibidem operam Regi castra ejus secutus in Livonia præstitit: inde cum literis commendatitiis ad Turcarum Imperatorem in Poloniam rediit: aliquanto post tempore in Russiam, inde in Moldaviam concessit: ibi aliquandiu substitit: benevolentiam non tantum Principis Valachia Alexandri, sed & Procerum sibi compara-

K 5

VIT



vit: ab his, tyrannidem Alexandri perosis in interiora templi Græcanici vocatus, fœdus cum eis de imperio post excessum Alexandri, per cuius cædem ad imperium grassari noluit, frenis capeſſendis ſanxit: ab Alexandro, qui tyrannidis conſcientiâ laudatum & laudandum virum tanquam exprobrantem adſpiciebat, fraudulentæ legationi ad Mircam Principem Moldaviæ adhibitus: ab hoc re cum Alexandro compoſita, veneno appetitus tandem per vomitum vi veneni exſtinctâ valetudini reſtitutus, in Hungariam variam fortunam expertus, tandem à Proceribus Valachiæ ad Principatum vocatus: poſthæc Cameneſi in Podolia inſidiis Alexandri per Mercatorem Armenium, qui imprudens ex altero cantharo vini veneno infecti guſtans ſubita morte crimen perſidiæ luit, petitus: hinc invidiam Regis, qui ut ſolent Principes anxiam ſecuritatis imperiorum ſuorum curam gerentes iniqua quandoque ſuſpitione innocentes quoque operare, edictum ei adverſum promulgaverat, vitans: tùm inſidias Alexandri in ſinibus Poloniae & in Hungariam fugiens: de his omnibus Stauiſlaum Laſſocium, illum Succamerarium Lencicieuſem, certiorẽ fecit: per hunc Ioanni à Laſco: & rursus per hunc Alberto è Laſco fratris filio, in Hungaria degenti commendatus, ab hoc humaniter habitus: à Laſſocio & Philipovio ad Albertum Laſcum in Hungariam proſectus conſilio inſtructus, diploma Procerum Valachiæ ad Principatum ſe vocantium Ferdinando Imperatori confirmandum miſit: & confirmatum ab eo per Doctorem Toradum cum annuo ſtipendio in Hungaria ſibi assignato remiſſum accepit: hinc totum Laſci animum ad ſe principatum reſtituendum pertraxit: poſtea nuncium de gravi morbo Alexandri tyranni & novas à Proceribus litteras invitatorias accepit: ita copias colligere cepit: cum his verſus Valachiam movit. Laſſocius interim cum Philipovio ex Hungaria in patriam, ſtudia & operam ſuam ei in omnibus quæ contra Deum, Regem & bonam exiſtimationem non fuerint, polliciti, reverterant, paſſi cum eo ne per terras Regiæ offenſæ vitandæ, hoc præſertim rerum ſtatu, cauſâ exercitum duceret. Sed cum

eum collecto juſto comitatu in Podoliam veniſſent, & Deſpotam copias Duce Laſco per terras Regiæ trahere accepiſſent, graviter, ut par erat, dolere, Regis offenſam, ſiniſtras ſuſpiciones & criminationes non tantum ſe ſed & Eccleſiam, ut mos iniquus fert, petituras, vereri: conſeſſum ad Nicolaum Sieniavium Palatinum Ruſſiæ & exercituum Regni Ducem ſe conferre, conſilium ſuum purgare: Deſpotam contra fidem datam feciſſe, palam dicere & affirmare: ad Deſpotam conſeſſum, fidei datæ memorem redeat, mittere: hic redire ſe ſine inſigni damno non poſſe, aliis que juſtis rationibus coram dicendis factum excuſare: has cum poſtridie Palatini permiſſu cum eis conveniſſet, edicere, Proceres Ruſſiæ, quorum fide per terras Regiæ exercitum duceret, & in præſens votis ſuis adverſos inveniret, perſidiæ accuſare: Laſſocium & Philipovium intimo dolore commotos videns, graviter & ipſe dolere: regreſſum mente volvere: impoſſibilem judicare: ergo exercituum Regni Duci operam ſuam, ſi eorum auctoritate Alexandro Tyranno Valachiæ damnis reparatis concilietur, contra Tartaros, qui paulò ante maximam prædam ex regno egerant, vel contra Moſcum tunc hoſtes, vel aliquem Regi in Livonia, in qua jam aliquot arces Rex habebat, præſtandam offerre: inter hæc antequam mandata Regiæ adferuntur, annonam pro milite poſtulare: copias acie inſtructa monſtrare: Sed Dux omnia negare: Deſpota contra indignari, irasci, & ni Laſſocii & Philipovii, optimæ notæ amicorum, rationem haberet, pugnam moliri. Atque ita tunc res hæc tranſacta fuit. Huic fidem conciliant litteræ Deſpotæ manu ad Laſſocium datæ Budzinii ſolertia conſervatæ, quarum apographum merito adpono: *Chariſſime Frater in Chriſto Domine, ne unice obſervande. Intellexi nonnullos eſſe, qui D. V. & D. Philipovium calumniari tentant, quaſi vos, me ibi cum exercitu adduxiſſetis, ut velleis tandem perdere patriam. Rogo vos propter Filium Dei, hoc non curetis. Similiter enim vobis accidit, quemadmodum mihi ab Italis & Gallo, ſervitoribus, cum perſequebar propter verum uſum Sacramentorum: illi autem ſpargebant me deſeciſſe à fide Chriſtiana, & ſecum*



„tum esse Turcam. Sic nunc D.V. contigit. Illi me  
 „vocarunt, & postea acceptis muneribus contra antiquam  
 „Polonorum fidem & virtutem voluerunt me tradere Ty-  
 „ranno Christianitati toti infenso. Ego enim habeo co-  
 „rum litteras, qui me vocarunt, cum DD. Vestra de  
 „hac re nihil sciverunt. Et si ego non habuissem vestri  
 „respectum & precum vestrarum, ego non retrocessis-  
 „sem: ego preces Vestras, propter pietatem, fidem, &  
 „singularem virtutem, & integritatem, (quæ Dei dona  
 „sunt) habui loco mandati, & cum magna mea iactura  
 „retrocessi. Malui enim pati damnum, & me exponere  
 „periculo, quam contra vestram voluntatem qui estis  
 „Viri Sancti ex gratia Dei per Christum, aliquid face-  
 „re, quod Serenissimum Regem Vestrum & omnes  
 „proceres inclytos offenderet. Possunt igitur fidefragi  
 „illi, post Deum vobis gratias agere, quia certum est, de-  
 „dissem illis prælium, & non dubito, quin Deus illos pu-  
 „nivisset, propter suam læsam fidem. Non ex metu ego  
 „retrocessi, qualisque ego sum ex gratia Dei multi sciunt,  
 „qui me apud Carolum Divum & Ferdinandum testaban-  
 „tur. Et Sereniss. Rex Vester & totum Regnum nunc  
 „possunt cognoscere fidem vestram & integritatem. Nam  
 „quod illi fidefragi impii viribus suis efficere nequaquam  
 „potuissent, vos precibus per Jesum Christum fecistis.  
 „Neque hoc est verum quod illi dicunt, D. V. prodito-  
 „res vos fuisse, quoniam semper dicebatis mihi publice,  
 „verbis, & factis in omnibus quæ non essent contra De-  
 „um & Seren. Regem Vestrum, vos esse paratos mihi  
 „gratificari, & hæc est veritas. Faciunt igitur vobis viris  
 „piis injuriam, qui studetis ut omnia sint ad ædificationem  
 „Ecclesiæ Dei vivi. Hæc pronunc ad calumniatores te-  
 „stari volui, ad exonerationem conscientie meæ.

*Despotas manu propria.*

Has autem post dimissas tunc fidei & amicitie cum Las-  
 cio & Philipovio sanctæ causæ copias Calsovia datas die 8.  
 Febr. 1561. suo & Lasci sigillo munitas misit. Quæ om-  
 nia ut manifeste indicare mihi videntur Despotæ gesta ab  
 Anno 1557. non 1559. arcessenda esse, ita & grandem inju-  
 riam Lasocio & Philipovio malevolos in præfat. Colloqui

Petri-

Petricov. Ao. 1565. habiti fecisse, dum eos, si viveret  
 Despotes, perfidia in patriam convinci possetutiverunt,  
 docent. Eiusdem illius anni d. 28. Nov. Albertus à  
 Lasco Alexandri copiis memorabili prælio fasis fugatisque  
 Despotam in principatu collocavit. Hunc erga Lascom in-  
 gratum fuisse *Abrahamus Basechais*, qui tunc Lasco à  
 secretis fuit Budzinius fidem Lasocio & Philipovio de re-  
 formandis Valachiae Ecclesiis datam non servasse, uterque  
 Despotam à suis subiectis, gente scil. si quæ unquam  
 est, perfida & mobili, interemtum (ille Anno 1567. d. 5.  
 Nov. factum adnotat) testantur.



## LIBER III.

*In quo de progressu veritatis & post dissidio Ecclesie Majoris sive Calvinianorum, & Minoris sive Christianorum Catholicorum Comitibus Petricoviensibus Anno 1565. firmato de Constitutione & progressibus utriusque Ecclesie usque ad vastationem utriusque Cracovia Anno 1591. factam, & conversionem rerum ex hinc inchoatam agitur.*

## CAPUT. I.

*Quo describuntur progressus veritatis, studia Sarnicii & Discordia pro discordia, contra Lutomirscii & Gregorii ac aliorum pro concordia.*



Uomodo semen veritatis ex Italia in Moraviam fuerit translatum, libro superiore diximus. Erant inter illos pios Italos, qui solum verterant, *Darius & Alezius*: quorum iste ab illo acceptas theses propè viginti de Deo Trino & uno ad amicum & popularem suum *Prosperum Provanam*, qui prædium *Szafrancii* Rogovianum, in quo Conventum pium Ao. 1562. celebratum diximus, jure hypothecæ obtinuerat. Has cum aliquando lectas in mensa reliquisset, *Stanislaus Budzinius* celebris ille Chronographus Ecclesiasticus, cujus ductum in multis hic sequimur, *Provanæ* familiaris & prædii administrator, in eas incidit, easque perlektas *Joanni Pustelnico* verbi ibidem ministro legendas tradidit. Is mox copiam earum *Stanislae Lutomirscio* tractus *Pinczoviensis* Seniori, paulo post superintendenti fecit. Inter hæc *Budzinius* facti oblivisci: *Provana* theses quætere: his non inventis, dolere: cognito *Budzinii* facto,

in-

indignari, irasci: *Lutomirscius* & *Pustelnicus* theses cum aliis communicare: hinc magna de Trinitate certamina oriri *Gregorius Pauli* inter hæc, ut diximus, *Patris* præminentiam *Cracovia* docere: *Sarnicius* ambitionis cæstro percitus per cuniculos & mox aperta vi domi & apud *Helvetios* quæsitæ, *Gregorium* aggredi: *Patronos*, ut sententiæ *Gregorii* faventes ministros pellant & alios à se commendatos eis sufficiant, orare, instare: ita rem Ecclesiæ præcipiti consilio magis magisque turbare: Sed ut res post colloquium illud *Petricoviæ* Anno. 1562. habitum gestas persequamur, *Felix Cruciger* superintendens Ecclesiæ, *Paschate* Anno. 1563. celebrato, *Secemino* discessurus, è vita discessit. Animadverterat Auditorum officii negligentium parum gratum animum. Sed & inter uxorem *Patroni* *Stanislae* illius *Szafrancii*, vasti animi sceminam & suam, sibi quoque alias moribus suis molestant (ut non raro viris quoque probis & piis & sacrorum curatoribus iniqua conjugia, obtingere videmus:) his quædam exorta erat. Itaque *Cruciger* ipso *Paschatos* soleanni die magna auditorum frequentia *Patrono*, *Conjugi* ejus, oppidani & aliis in illa eorum dynastia degentibus, tum auditoribus & aliis vicinis qui illuc frequentes conveniunt, valedicere: de omni benevolentia quam sibi præstiterint, gratias agere: causam abitus sui, non inedium vel alias egestatem, sed eorum ingratum animum, dicere: veritatem institutionis suæ asserere: omnium lachrymas, imo ejulatus *Cynea* illa voce initio à *Patrono* facto, ciere: ita concionem solvere. Hoc facto extemplo domum se conferens, quieti se dedit & uxori aliquid cibi ad vires reficiendas sibi daret imperavit: & mox usum linguæ & vitam amisit, hanc scilicet miseram, ad illam beatam translatus. Perculerunt hæc omnium corda *Patroni* præcipue, qui mox funus viri Sancti decenter efferricuravit. Ipse verò ei parentans, rem ad clientes & „subjectos suos ita habuit. Nemo vestrum est, ô Cives, „qui ut quid de hoc Sancto viro, & de nobis omnibus „factum sit videt, ita facti circumstantias non confide- „ret, & eo graviter non commoveatur. Amiserunt o- „mnes Ecclesiæ virum Sanctum Prophætæ comparan- „ dum



„dum: nostræ verò Minoris Poloniæ fidum, vigilan-  
 „tem Superintendentem. Amisit nostra Ecclesia pium,  
 „doctum, solertem, optimum Pastorem. Amisimus  
 „omnes fratrem, amicum, fautorem vita longissima di-  
 „gnum. Vi quidem lethi nobis eum, utpote mortali-  
 „tatis legibus nobiscum pariter subiectum, ereptum  
 „esse quid miremur? Scimus & ex Sacris Oraculis & ex  
 „quotidiana, imò assidua experientia cuncta humana  
 „hominesque ipsos ad occasum & finem suum per-  
 „petuò ferri, nec quidquam in hac miseriarum convalle  
 „constans quàm solam inconstantiam esse. At verò hac  
 „ratione nobis repente tantum virum ereptum quidni  
 „miremur? quidni doleamus? Res profecto insolens  
 „& vix fando audita in oculis nostris facta est. Hæc  
 „ideò diligenti examine digna, omnes nos officii ad-  
 „moneat par est. Audivistis ipsimet virum Sanctum in  
 „faciem nobis dicere: se propter ingratum animum,  
 „quem in nobis animadverterit, abitum parasse. Quid-  
 „ni itaque tantum bonum & nostra quidem culpa ere-  
 „ptum nobis doleamus? Dicendum cum ingenua liberta-  
 „te, quamvis non sine meritò pudore & iusto dolore,  
 „quod res est, parum frequentes & parum attentis verbi  
 „divini auditores conveniebatis. Multos nempe vestrum  
 „rei familiaris cura & divitiarum amor, parum diligentes  
 „officii, parum pios cultores Dei reddebat. Perinde  
 „autem, me quidem iudice, est in Ecclesiam non veni-  
 „re, quam in ea solo corpore esse mente interim agros,  
 „hortos, sylvas, orbem pervolitare. Illos ego à via  
 „hos ab ostio aberrare dixerò. Imò verò hi magis culpandi  
 „qui præsentia dona cælestia temnunt & respuunt. *O cives,*  
 „*cives quærenda pecunia primum est, Virtus post nummos:*  
 „dixit ille: At Christus Filius Dei ipsa dico veritas, lon-  
 „gè aliter: *Querite primum regnum Dei & iustitiam*  
 „*ejus, & hæc omnia adjicientur vobis.* Itaque ex officii  
 „herilis sed & Christiani ratione vos moneo atque hor-  
 „tor, ut quid Deus hic loci fecerit, sedulò & seriò per-  
 „pendatis, culpa vestra irritatum Deum hoc Sancto salu-  
 „tis vitæ, fortunarum, pacis, prosperitatis nostræ cu-  
 „stode, qui pro nobis omnibus puras manus in cælum  
 „dies

„dies noctesque attollebat, nos orbat, agnoscatis do-  
 „lentes, imposterum autem officii magis diligentes fi-  
 „tis. Ipsi enim videtis nunc demum & nos bonum no-  
 „strum intelligere, cum quod habuimus, amisimus.  
 „Ita tunc viro isti Pio iusta soluta, & memoria ejus omni-  
 „bus piis grata est. Tunc Sarnicius velut porrà ad institu-  
 „ta sua ulterius promovenda apertà, Synodum cum Dis-  
 „cordia aliisque gregalibus moliri: mox ad d. 14. May.  
 „Cracoviam edicere: quosdam Patronos, in consensum  
 „trahere: Schisma adfectum magis magisque prosequi. At  
 „Stanislaus Lutomirscius ex muneri sui ratione XXII.  
 „Ministros ad extinguendum schismatis commune incendi-  
 „um convocare: remotiores quoque, in Litvania & Podla-  
 „chia degentes Patronos & Ministros in partem laboris vo-  
 „care: litteris eos compellare. Harum ego apographa quæ  
 „Budziniana diligentia nobis conservavit, in Linguam Lati-  
 „nam versa hic adpono.

*Illustrès, Magnifici, spectabiles Generosi, Honorati, Be-  
 nevoli Domini & Fratres in Filio Dei.*

„**H**anc vestram alacritatem, quam in custodienda &  
 „conservanda imò propaganda gloria Dei viventis,  
 „& ejus æterni unigeniti Filii, ei æqualis & similis, tum  
 „& Spiritus S. ex corde diligimus, & amore fraterno  
 „amplexi in corde exosculamur: Hanc ut Dominus in  
 „vobis exsuscitet & magis magisque augeat, omnes  
 „uno animo & uno ore dicimus Amen, Amen.  
 „Quum magni nominis viri istum quorundam conven-  
 „tum, qui his diebus Cracoviæ habetur, pro Synodo ha-  
 „bere nolint: tum & ipse frater Paulus Gilovius cum  
 „aliis fratribus idem affirmavit. At processus (sententia)  
 „Synodum hanc edicens rem se aliter habere apertè dicit:  
 „cum tamen per eandem multi Viri Christiani, quibus  
 „rerum Ecclesiæ cura incumbit, ad hanc Synodum non  
 „fuerint invitati. De Synodis Petricoviensi & Cracoviensi,  
 „quæ, ut accepimus, decurrente anno nuper decurso,



„ celebratæ sunt, nihil nobis constat. Imò nec quisquam  
 „ erat, qui à nobis post ultimam Synodum Prineovia  
 „ 4. Novemb. 1562. habitam Synodum aliam convocar  
 „ postularit. Verum enim verò nunc per amorem Dei  
 „ rogamus vos, ut Synodum Ministrorum omnium in  
 „ utraque Polonia, Livania & Russia reformatas Eccle-  
 „ sias regentium convocari diligenter curetis: eisque tem-  
 „ pus & locum conveniendi præscribatis: cum consensu  
 „ Seniorum Ecclesiæ filii Dei, si forte quidam eorum  
 „ (sicut hanc eorum debitam diligentiam nobis pollice-  
 „ mur) huc convenerint. Talis enim Synodus neces-  
 „ sario convocanda est ad conservandum Ecclesiæ Dei  
 „ ordinem, ad officii admonendos omnes & con-  
 „ scribendos processus (sententias Synodales.) Roga-  
 „ mus pariter cum Deus pro æterna gratia sua multos ad  
 „ ecclesiam suam vocet, & censum populi sui augeat,  
 „ vos quo res meliori quam adhuc ordine gerenda sit,  
 „ consilium ineatis. Interea verò temporis per nomen  
 „ Dei viventis vos obsecramus, ut iudicio genuino constanti,  
 „ Christiano, verbum Dei sequente has dolendas non  
 „ necessarias & valde noxias turbas (quas à parte no-  
 „ stra non fieri postea cum Bono Deo videbimus) exami-  
 „ netis, non secundum faciem, sed recto iudicio iudicando. Val-  
 „ de hoc quoque necessarium est, habetis nempe huc spe-  
 „ ciatim Sp. S. monitum; Non sequeris turbam ad faciendum  
 „ malum, nec iudicio plurimorum acquiesces, ut à verò de-  
 „ vies. Si Deus est, verbum ejus est veritas & tritium.  
 „ Homines autem & doctrinæ eorum à præscripto verbi æterni  
 „ Dei exorbitantes, sunt paleæ, Ezech. xx. 18, 19. le-  
 „ gimus: in præceptis Patrum vestrorum nolite incedere,  
 „ nec iudicia eorum custodiatis, nec in idolis eorum pollu-  
 „ amini. Ego Dominus Deus vester, in præceptis meis am-  
 „ bulate, & iudicia mea custodite, & facite ea. Roga-  
 „ mus itaque vos iterum iterumque per Deum vivum Pa-  
 „ trem nostrum æternum & ejus unigenitum filium &  
 „ Sp. S. memores estote, nos omnes coram Throno ju-  
 „ dicii Dei comparituros, & coherere mentes contumaces  
 „ hominum, qui pertinaciter suas opiniones teneant,  
 „ non vero verbi divini custodiam & obedientiam, ut par  
 „ erat,

„ erat, testantur. Nolite uni parti, præterita & non audi-  
 „ tā alterā, fidem præbere: omnes sumus homines.  
 „ Nobis sanè valde doler, quòd illi viri Generosi & No-  
 „ biles, qui proxima die Veneris in domum Generosi  
 „ Domini Lubomirscii convenerant (licet ut hoc facerent  
 „ solliciti, postulaverimus) noluerint quatuor viros è  
 „ medio sui, deputare, qui audirent & dijudicarent collo-  
 „ quia, quæ cum Ministris fratribus nostris habuimus.  
 „ Facili enim negotio totam rem perspectam habuissetis,  
 „ & vidissetis quam iniquè fratres nostri agant? quod vo-  
 „ bis brevi Deus clarissimè monstrabit. In præsens ta-  
 „ men rogamus, ne narrationibus cuiusquam sinistris  
 „ de Fratre Gregorio cæteris Cracoviensis Ministro, huc  
 „ ab ecclesia Dei legitimè misso, fidem detis, vel eum  
 „ suspectum habeatis. Nos enim usque adhuc nil mali  
 „ vel in ejus doctrina animadvertere vel de eo opinari pos-  
 „ sumus. Equidem habemus per gratiam misericordis  
 „ Dei verbum ejus ad formandum iudicium, & sumus  
 „ membra ecclesiæ Dei. Plura non addimus. Cum vo-  
 „ bis placuerit, id Deo juvante re ipsa, non tantum verbis  
 „ testabimur. Interim nos gratiæ & precibus Christia-  
 „ nis omnium vestrum commendamus. Dabantur Craco-  
 „ via Anno Domini 1563. Mensis May die decima septi-  
 „ ma.

Stanislaus Lutomirscii Tractus Pincoviensis Senior.

Gregorius Pauli Tractus Cracoviensis Senior.

Gregorius Cracovius Minister Zielenicensis.

Albertus Episcopus Minister Christi.

Stanislaus Cristianus Minister Jesu Christi in Modislaw.

Stanislaus Wisniowius minister cætu Wieliciensis.

Joannes de Chencinii Minister in Rogow.

Melchior Psaliponi Minister verbi Dei in Lunow.

Tiburtius Bonifius in Siesclusca Minister.

Christophorus Milvius Christi Minister in Gorii.

Martinus Castronius Minister Jesu Christi in Sobolow.

Petrus Fedrych in Szekelociny Christi ovilis Minister.

Joannes Siescierzynscii Verbi Dei Minister in cætu Bobci-  
 nensi.



*Iacobus Sigismundus Minister Evangelii in Pinczow.*

*Barthol. Luczytzki Minister verbi Dei in Dziekanowice.*

*Iacobus in Wielgowie Minister.*

*Georgius Schomanius Minister verbi Dei in Xianx.*

*Stanislaus Pharnesius Minister in Turnowa.*

*Martinus Calisius.*

*Gregorius Niger Minister Christi in catu Iedlinensi.*

*Stanislaus Moicinus in Kuczrow Minister Christi.*

*Albertus Dziekowiensis in Kyropatniki Minister Christi.*

*Marcus Victor in Chomranice Minister V.D.*

*Magnificis & Generosis Dominis & Fratribus Cracoviae congregatis Stanislaus Lutomirski.*

**Q**uid sibi hæc epistola à tot verbi Dei Ministris Scripta velit, & quomodo Sarnicium feriat, nemo non videt: sed mox longè apertius hunc *Discordiae* auctorem & Socium altera ejusdem Lutomirscii epistola ad Fratres Wilnenses data percutit. Hanc ex Budzinijs Scrinijs Latinam, ut eam inveni, huc transfero.

*Clarissimi, vera pietate & Doctrina celestis custodia, Viri.*

**G**ratiam, misericordiam, pacem, ac salutem à Deo Patre ex quo & à quo omnia, & nos in ipsum, per Jesum Christum, per quem omnia & nos per ipsum, Electorum, Servatorem & interpellatorem, Filium illi, consubstantiali, coeternum & coequali, in Sancto utriusque coessentiali, ac æque coeterno, coequalique Spiritu, omnia vegetante, in quo clamamus Abba Pater. Authoribus Jacobo Silvio, Sarnicio & Discordia ad d. 14. Maji (neglecto ordine Ecclesiae Dei usitato, spretis & contemptis, ignorantibusque atque inconsultis, utriusque ordinis Senioribus, projecta ac prorita disciplina Ecclesiastica) condacis referto, evulgato: quem abusi bonitate quorundam Procerum, negotiorum Ecclesiae Dei plane ignorantium

rorum, curarunt subscribi, manibus Magnificorum, Castellani Cracoviensis, Palatini Lublinensis, Castellani Zawichostensis, Capitanei Marieburgenfis Joachimi, Lubomirski, Jostii Ludovici Decii: & quatuor Civium, Cracoviensium, inter quos connumerantur etiam illi, qui Papisticam impietatem sequuntur. Ad quam Pseudo Synodum nos Ministri propiores, non fumus accessiti: imò dabatur opera, ne ullo pacto innoteret nobis consilium, studebant enim damnare nos, una cum doctrina sana & Ministrum Cracoviensem loco suo movere inque ejus locum sufficere discordiam illum celebrem factis suis. Quare ne quid detrimenti acciperet Ecclesia Dei ambitione horum fratrum pravis consiliis, atque actionibus: Ministri viginti tres accurrimus Cracoviam: ubi id quod actum sit, brevibus vobis pro fraterno in vos meo amore, perscribo: ut vobis veritas constet, ne forte, ut nunc sunt mores, affingant boni isti fratres, pro sua consuetudine. Triduum integrum infumimus, multa largiendo ipsorum pertinaciae &c. Illi autem abrogata Synodo contra processum per ipsos publicatos sententiam: \* \* \* quem tam accuratè (ut nunquam antea ullus sit æque exquisitè scriptus) confectum ediderunt, ad proceres qui nondum coiverant omnem Synodicam actionem rejecerunt, colloquium nostrum repudiando. Sed ut quæ acta hic sint sciant Fratres: En vobis mitto breviter consignata omnia, ex protestatione per nos facta, tum ex responso à nobis dato fratribus, nunc nobis immerito infestis. Dabant operam isti Ministri, ambitione turgidi fratres, ut mea ex sua parte haberent, & usi sunt in eo vassitæ indigna ministerio ipsorum. Sed per Dei gratiam ipsorum voti non habuerunt optatum successum: imò & ista Pseudo Synodus, ab illis tanta cura convocata, in ventum abiit, nihil in ea actum est. Timentes enim suarum causarum, & ne in apicem proferrentur per nos technæ eorum, Castellano Cracoviensi & Palatino Lublinensi clam persuaserunt, ne Synodicas actiones inchoarent &c. Sed ut ad diem Stanislaus, similem generaliter con-



», vocarent, & *Discordiam* Cracoviensi ecclesiae praefice-  
 », rent. Non licere enim absente Capitano Mariaebur-  
 », gensi, Castellano Sendomiriensi & aliis multis, nobis-  
 », cum agere. &c. Dijudicate Fratres, num deceant ista  
 », Ministros. Nos d. 13. Cracoviam hujus Mensis  
 », convenimus, illorum causa: perseveramus ipsis invitis,  
 », ne absentibus nobis in nos rejicerent culpam. Orate  
 », pro illis, & pro nobis: & ad Synodum futuram con-  
 », currite: ut incendium Ecclesiae Dei periculosum una-  
 », nimi consensu, ut opus est, Emmanuele praecunte,  
 », restinguamus, & fratres à nobis dissilientes colligamus:  
 », Ventos enim cerebri humani, non verbi aeterni se-  
 », quantur praescriptum aliqui: quorum opera & persuasi-  
 », one Calvinus vir alioqui magnus adductus, certe inique  
 », Gregorium nostrum, & ecclesiarum nostrarum Mini-  
 », stros accusavit. Simlerus Tigurinus modestius egit:  
 », qui in suo libello, quo maledico Stancari respondet li-  
 », bello, ita scribit. *Neque nobis de verbis, ut aliqui ar-*  
 », *bitrantur, certamen propositum est: sed de rebus ipsis, de*  
 », *quibus si inter nos conveniat, nomina Essentiae aut Personae,*  
 », *aut alia ejusdem generis, quibus veteres usi sunt, non pa-*  
 », *timur impedimento esse concordiae.* Quare agite Fratres,  
 », ut Synodus futura sub finem mensis septembris sit fre-  
 », quens: à quibuscunque tandem convocata fuerit.  
 », Nos curabimus, ne ultra mensē septembrem proto-  
 », getur ejus indictio. Miror nos non evocari unquam à  
 », vobis. Certè non gravaremur ullo labore, in tuenda &  
 », propaganda gloria Dei, & ejus unigeniti coaeterni Filii  
 », Sint illi quicunque tandem sint. &c. Dat Cracoviae Anno,  
 », 1553. d. Mensis Maji. 26.

*Veltrarum Dominationum frater & servus. Stanislaus*  
*Lutomirski V. D. Minister: Secretarius Regius m.p.*  
*Reverendis, pietate & Doctrina Caeslesti Ornatissimis Viris,*  
*Dominis Nicolao Wendrogowski, Vilnensis D. Thomae*  
*Falconio & Martino Cichovio Ministris Eccle-*  
*siae Christi fidelissimis, Dominis &*  
*Fratribus observandissimis.*

*Pacisfo & Krovicio ostendantur, & aliis pijs Fratribus.*

Hinc

Hinc jam quivis æquus videre potest, Sarnicium cum  
 suo Discordia inique, non cum Gregorio tantum, sed  
 & cum tota Ecclesia, quam misere lacerarunt, egisse.  
 Quæ cum fratres ex litteris Lutomirscii, cujus ut fides mi-  
 nimè suspecta, ita tunc magna erat auctoritas, & aliunde  
 accepissent, omnes qui & sententiae Gregorianæ non fa-  
 verent, concordiae tamen studebant, graviter propterea  
 dolere: in Litvania & Podlachia degentes Patroni & Ministri  
 etiam indignari: & ne quid in se diligentiae desideretur,  
 ad convocandam Synodum, exstinguendo illi discordiae à  
 Sarnicio & Discordia excitato incendio efficax & legitimum  
 medium, animum adicere: de hac consilia conferre: tan-  
 dem eam cum consensu Illustrissimi Principis *Nicolai Rad-*  
*xivili Palatini Vilnensis* Mordas, quod oppidum in Podlachia  
 situm ei, parebat, ad d. 6. Junii ejusdem anni 1563. con-  
 vocare. Non deerant laudabili instituto pii, & quamvis  
 alieno, utpote difficili tempore, quo scil. operæ agre-  
 stes fervent, numero 42. convenerant. In hac Synodo  
 multi acriter in vulgare de Trinitate dogma invecti: alii  
 temporiservientes & conscientiae infirmiorum consulentes,  
 differtim abrogationem ejus, usque quo imbecilles sensim  
 in conscientis de pura veritate informarentur, è re judi-  
 carunt. Synodus illa sententiam suam in hunc modum ad-  
 dictum Principem Palatinum Vilnensem, perscripserunt:  
*Vocabulum Trinitatis & si non omnino rejicere potuimus, pro-*  
*pter aliquos infirmiores, maxima tamen ex parte praesenti abu-*  
*sui, illud purgavimus, ut nunc utpote verbum hominis &*  
*non divinum minus valoris quam antea apud multos obtinuerit.*  
 Atque ita hæc quoque Synodus Concordiae conservandæ  
 idoneam & commodam rationem, tolerantiam scil. &  
 secundum expressum Dei verbum institutionem ac verita-  
 tis de Deo inquisitionem, iniverunt. Sed hæc adversus  
 indomitam Sarnicii ambitionem & effraenem Discordiam  
 frustra fuere, Deo permittente, ut qui se praefractæ veri-  
 tati opposuerat, discordiæ invidiâ re & nomine notaretur:  
 qua in re quis non mirabile omen consideret?

L 4

G A.



## CAP. II.

*Quo describitur effectus discordiæ: excessus Lismanini à Polonia & vita: persecutio post edictum Partzovianum anni 1564. & lites Pontificum adversus Erasmus Otphovium, tum Judæum Lublinensem & Semiconiem Aulicum Regium de violato Sanctissimo, ut vocant, sacramento, ubi obiter & de Franco di Franco Italo ac Ivano Tiscovicio Polono Christi martyribus dictum.*

Cum ita illud excitatum discordiæ à Sarnicio & Discordia incendium non tantum non exstingueretur; sed velut affuso in Synodis tolerantiam vel silentium imperantibus paullo aquæ potentius, quæ est reactionis, ut naturæ interpretes vocant, natura, surgeret, & latius in dies serperet, magnum hæc res cordibus piis attulit dolorem. Hinc alii concordiam: alii tolerantiam: utrique pacem suadere, inculcare: alii etiam auctoritate canonum in Synodis latorum urgere. Sed cum à partibus Sarnicii & Discordiæ, Deo permittente, & sic ingratum animum puniente, Satana annitente, potentia mundana steteret, nulla Reip. Ecclesiasticæ præstandæ valebant remedia. Lismaninus tamen studia redintegrandæ concordiæ vel stabilicandæ rei resumere: media ad hanc rem obtinendam idonea quærere: ad ultimum quatuor illorum Ecclesiæ quarti Seculi Doctorum, Ambrosii, Hieronymi, Augustini, & Chrysostomi auctoritatem quasi paribus dissidentibus conciliandis commodum medium proponere: hinc centorem ex illis consuere. Id scripti, licet lucem viderit, videre mihi non contigit. At horum Doctorum ut scripta sunt in promptu, ita sententiæ illorum de Trinitate sunt notæ, saltem inveniri facili negotio possunt. Cæterum eorum scriptis non pauca vel receptis hodie dogmatis contraria, vel etiam aperte veritati faventia contineri alias diximus. Hic tribus verbis tantum dicemus: Ambrosio Filium esse Deum factum l. 2. de Trin. Augustino Deum genitum l. 7. de

de Trin. c. 1. Mediatorem Dei & hominum, hominem verum Christum tract. in Joan. 105, de ago. Chr. c. 20. in Psal. 37. & alibi, præsertim Retract. l. 1. c. 24. Hieronymo Christum hominem humiliatum donatum nomine quod antea non habuerit. Chrysostomo Patrem, velut principium, Filio majorem, dici. Itaque istis ipsis ut & aliis omnibus Doctoribus consentientibus, tutissimè fides scripturis divinis adhibetur. Volebat inter alia Lismaninus auctoritate illorum Doctorum evincere, quod perinde sit sive tres qui testari in scriptura dicuntur, unum sive unus dicantur. Et verum quidem est, si testimonii consensum & concordiam spectes, posse dici tres testes unus sunt, sicut Scriptura Sancta de fidelibus concordibus ait: Vos omnes unus [homo] estis in Christo Jesu. Tutius tamen est, præsertim cum controversia de Trinitate agitur, dicere cum Scriptura Tres testantes in celo unum, quam unus sunt. Tres enim testes cælestes à S. Joanne dilerte recensentur, at ex illa opinione Trinitariorum unus dicendus foret testis, non tres testes, sicut non tres Dii sed unus Deus ab eis statuitur. Ut taceam locum illum in antiquissimis & probatissimis exemplaribus Græcis, Novi instrumenti originalibus, & versionibus Syriaca, Arabica, Æthiopica, Armena, Latina, Slavonica, non extare, ideoque nulli antiquorum nec ipsi Hilario, qui Ambrosii & Hieronymi ferè æqualis fuit, cognitum, imò ab ipso Chrysostomo, Augustino, ut & aliis Doctoribus Græcis pariter & Latinis, ne quid de Luthero, Pomerano Tigurinis & aliis recentioribus dicam, omissum fuisse, quod hic innuisse sufficiat. Sed illud Lismanini consilium & studium vanum fuit, & prædicatio veritatis contra dogma de Trinitate & odium patronorum hujus partis vehementer crevit.

Præsertim cum Ecclesiæ Romanæ Theologi ipsius Augustini & aliorum antiquorum vestigiis inhaerentes dogma Trinitatis non Scripturis Sacris sed solis traditionibus & Ecclesiæ auctoritate fundari agnoverint, imò adversus Lutheri & Calvini sectatores, qui solius Script. S. auctoritatem firmiter adversus destruendos Pontificios errores & corruptelas Ecclesiæ adhibere conentur, urserint, ut eis agre facerent dicentes, eos dogma Trinitatis adversus



Trideitas (ita nos injuria vocant adversarii, qui nihil minus quam Trideita sumus unius Dei Patris per Christum unicum Mediatorem cultores qui ideo in Transylvania Unitarii appellamur) probare adeoque nobis resistere non posset. Adde quod Lutherus & Calvinus parum honorifice ipsis de S. Trinitate scripsisse visi sunt: prout quidem iste plurima SS. Literarum loca nos inter & adversarios controversa verâ explicatione suis eripuerit. Lismanini conatus ille successu caruit; sed non suspicione & infamia obitus, qui ei in phrenesin lapsa, Regiomonte contigit. Inter hæc evocaverat in Transylvaniam Joannes Princeps Hungariæ & Transylvaniæ: Joanne Scepusio Rege ab Hungaris electo & Isabella Sigismundi I. Regis Poloniæ filia genitus, Georgium illum Blandratam, qui præclaris meritis magnam auctoritatem apud eum sibi conciliaverat. Quam ille vocationem tanto alacrius amplexus est, quod eum Calvinus missis per Poloniam & Litvaniam literis persequi non destiterit: ita ut ei tutam in his oris vitam agere per ejus cæcozeliam non licuerit, prout in superioribus exposuimus. Acerrimis errorum oppugnationibus partim huc & illuc dilapsis, partim morte sublati, opportunum veritatis propagandæ medium cunctis proposuit Deus, illo anno 1563. typis publicis exscriptâ Brestiæ Litvanorum studio & sumptu immortalis memoriæ Herois Nicolai Radzivillii Palatini Vilnensis: Bibliorum universorum versione, Poloniæ nondum conspicua. Quæ quidem suspensiones & obtestationes malevolorum non effugit. Superior tamen illis fuit, & merito in pretio habita: prout etiamnum habetur. Ita enim hominibus ad legendas, examinandas & intelligendas sacras scripturas, ac animadvertendas corruptelas Ecclesiæ Romanæ, quas diu tyrannide armata propugnavit, via aperta. Hanc versionem altera Simonis Budnæi universorum pariter Bibliorum Anno 1572. altera N. T. Martini Czechovicii Anno 1577. non levi successu secuta. Ibi enim verbis sacræ scripturæ fideliter ad mentem textus Hebræi versis, homines veri amantes errores receptos tanquam in speculo animadverterunt. Hic etiam annotationibus adjectis pectora studio veritatis & zelo cælesti flagrantia valde juvabantur.

Ille

Ille ipse annus 1563. Stanislaum Lafocium, virum illum non tantum natalibus & officio, sed & meritis in Remp. & præcipue in Ecclesiam illustrem Petricoviam rapuit. In cujus locum Stanislaus Cicovius gente Radvianus, suppar zelo successit, qui Philipovio in tuenda & propaganda veritate divina non segnem lociavit operam. Fuit is vir natalium & meritorum clarus, ideoque Senatoria Castellani Biecentis dignitate & insigni Ducis exercituum regni officio decoratus, Comorovius, Myscoviis, Lanscoroniis & aliis pluribus familiis Illustrissimis sanguine atque adfinitate conjunctus, sed veræ pietatis invicto & indefesso zelo longè Illustrissimus. Is Partzoviense illud decretum Regium non moratus, cum Deo potius quam hominibus obediendum esse voce & exemplo Apostolorum edoctus foret, officii diligens fuit. Decreti verò illius ancipitis periculum Proceres Evangelicæ confessionis veriti, imo ietum improvide omnibus ab Ecclesiâ Romana dissidentibus intentatum providentes explicationem ejus petierunt & obtinuerunt à Rege æquo & facili, quasi rigor sententiæ solos peregrinos peteret. Nempe nulli studio conatuive ad oppugnandos & destruendos errores Pontificios parcitum, tam ab advenis quam ab incolis. Insigne istius zeli exemplum apparuit in illo nobilitate, pietate & scriptis clarissimo Viro Erasmo Orphidovio, gente Gryphio, Heroibus Christianis, quos rhythmo Polonico cecinit, merito annumerando. Cujus etiam frater Georgius in cenobio Tinecensi vitam Monasticam amplexus eam paulò post deseruerat & ad mortem cum isto fratre mira concordia & constantia vixit. Vir non tantum pius sed & eruditus solersque, quod docet liber sententiarum ex SS. LL. & antiquis Ecclesiæ Doctores collectarum haud exiguus, exeunte superiori seculo conscriptus, cujus autographum possideo. Erasmus ille quanto divinæ gloriæ fædissima idololatria contaminatæ arserit zelo, testatur libellus ejus rhythmis vernaculis conscriptus, cui titulus est, Disputatio Pistoris & Pictoris de diis suis, quo & ingeniosè & pie idololatriam Pontificiorum in cultu sanctissimi, ut vocant, Sacramenti abominandam refutavit, & vanitatem ejus pudendam demonstravit, pal-

ma



ma tamen victoriæ Pictori concessâ, quod Deus ejus effigiatus & pictus diutius dureret, pictus verò variis casibus magis sit obnoxius. Animum illum intrepidum & zelo ferventem insigni probavit facto. Convenerat tunc illum Stanislaus Paclesium primum Ministrum Ecclesiæ Lublinensis, quæ in domo ejus, ubi nunc templum Jesuiticum superbum consistit, primum, post in ædibus nobilissimæ Matronæ Ostrovix gente Suchodoliæ, illius Petri Ostrovii gente Gryphii, viri Legatione Turcica & pluribus meritis in Rep. Clarissimi matris, postea alibi, ut suo loco dicemus, colligebatur, ubi una cum aliis Viris pijs sermones pios miscens & diæ memoriæ Corporis Christi Domini sacra cantum ad ædem Cathedralē ferentium Sanctissimum illud, ut vocant, Sacramentum audiens, permotus Paclesi verbis ad illa: *Non est panis, sed est Deus*, dicentis: *Eheu! Ubi sunt jam qui hanc idololatriam non ferrent*. Sponte se proripuit, & domo erumpens ac sacerdotem aggressus, quo familiariter utebatur, his verbis affatus. *Aliquoties te monui hoc ne faceres, quo peccas in Deum pollicitus es mihi te id amplius non facturum. Et tamen contumax es. Recita Orationem Dominicam*. Tradita alteri pyxide cum hostia, parerē Sacerdos dictis. Post quam recitavit Pater noster qui es in cælis, Orphinovius satis esse dixit, & corripuit hominem: *Verè dixisti Deum esse in cælis. Non est igitur in pane, non in pyxide tua*. Inde hanc correptam in terram projecit & pedibus conculcavit. Rei novitate attoniti omnes idololatriæ sequaces, isti invisam audaciam mirari, detestari: alii ira efferri, vindictam minari, hæreticum temerarium male mulctandum judicare. At ille per mediam turbam transivit & contulit se in hospitium Viri nobilis, Petri Suchodoli gente Janinii, puriorem religionem sequentis. Inter hæc idololatriæ parropi magistratum adire, in vindictam ciere, provinciæ Propræfectum Petrum Suchodolium illius patrum, Pontificiorum errorum fortem patronum ea causâ compellare: iste Arcis præfectum, quem vulgus *Burgrabium* vocat, ad Orphinovium comprehendendum mittere: ipse cum satellitibus idem tentare fratris filium ut eum traderet, flagitare: iste foribus hospitii obferatis patruo id negare, eundem vi absti-

abstineat monere, mitiora suadere, tandem omnibus malevolorum conatibus elusis, Orphinovius urbe excessit, & cum provinciæ illius incolæ esset ac bona ibi possideret multaque polleteret necessitudine, nobilitate jura sua adversus arrogantiam Pontificum, quorum jurisdictionio tandem legibus publicis tunc 1562. & 1565. abrogata fuit, acriter tutante, ab omni injuria immunis exiit. Nisi quod mandato Regio sistere se & facti rationem Comitio reddere jussus fuerit. Illic ubi ventum, interposuit auctoritatem suam *Nicolaus* ille *Rejusz*, vir natalibus, meritis & dignitatibus (fuit enim Aulicus Regius & tunc Ablegatus ad Comitium Regni nomine Municipii Cracoviensis) Clarissimus, ad componendum istud inter partes dissidium. Cum autem Vir esset ingenio amœno & liberalibus jocos sermones sæpe concederet, verba tunc pro Orphinovio ita fecisse legitur: *Offendit Orphinovius Deum, ut putatur & hominem nempe Sacerdotem. Isti ita satisfaciet ex juris præscripto, cum eum deprecabitur & damnum illatum reparabit. Hoc admodum bene est, & facile compensandum, si scilicet sacerdoti pro fracto vitro obolum, pro fracta hostia panacia teruncium, (quo novum vitrum & tantillum farinæ comparetur) exsolvat. Dei injuria illius vindictæ relinquenda est. Illi namque soli ultio competit. Dandum itaque tempus vindictæ. Sumet hanc Deus, si sibi injuria illata fuerit, vel immisissis fulminibus vel aperto terre ore, vel alio aliquo modo horrendo. Nam si injuriam Mosis factam à Core, Dathane & Abirone severè punit, cum istos cum familiis & fortunis terra vivos deglutiit: tantò magis nunc punit istum, si se ita læsit, ut judicatur. Adhæc nulla tali facinori posita lex. Hac ratione Orphinovium periculo exemit, lata tamen tunc est sententia, ut imposterum modestia ab omnibus circa sacra peragenda servetur. Atque dehinc sacrum illud cum machinis bellicis celebrari ceptum, quæ res deinceps exulceratis temporibus sæpe damnota modestissimis quoque civibus Cracoviensibus, aliisque ab illa idololatria alienis extitit. Idem ille sacerdos ibidem Lublini talem hostiam agroto paulo post porrigendam ferens, cum prætereundo tabernam, Judæum adstantem à tergo manu percussisset, dicens, Judæum pro-*

cumbe



cumbe in genua, iste facto inopinato percussus ac se subito obvertens motu hostiam manibus sacerdotis excussit. Ob quod multa, satis tamen levis, utpote quæ vix centum libras exccellit; Judæo interrogato. At paulo ante memorandum quidpiam, isti calui simile, Vilnæ venit. Agebat tunc in Aula *Semionus* Vir Nobilis Aulicus Regius, & solemnes per urbem ineuntemense Majo peragebantur cursitationes cum Idolis, quas processiones vulgus vocat. Prætereuntem *Semioni* diversorium sacerdotem & idolum illud quod is ferebat, famulus illius forte fortuna matulam (salvus sit oculis honos) effundens desuper per fenestras lotio abluit. Tractum à Pontificibus facinus in contemptum divinæ Majestatis, & casus in culpam transit. Accusatus apud Regem *Semionus*, & in jus vocatus sistit se Regi. Comparent delatores numero & autoritate Patronorum fulti. Ibi *Semionum* accusare facinus exaggerare severam pœnam obtentu contumeliose habito eoque graviter offensi numinis exigere. *Semionus*, cui multi Amici & Aulæ familiares aderant, defacta injuria quod cum possideret certa bona, tanquam incerta sedis & fortunæ homo ac erro in jus tractus fuerit, queri, accusatorum iniquitatem importunam utpote, qui se ut famulum facti reum castigaret, non convenerint, nec verbo compellarint, dolere; vitam honestè semper & sine offensa in Aula transactam appellare: non processisse eos secundum gradus justitiæ & æquitatis, regerere. Illi vero factum excusare, vindicandam sibi pro virili fuisse injuriam Deo illatam, ejus enim non suam agi causam, suam privatam injuriam se illi condonare, testati. Tum demum *Semionus* adhibito de more præcone & testibus nobilibus interibi protocollo verba Pontificum injuriam se, suam Pontifices illi condonare & solam divinam vindicare velle, curavit, & quod ad Divinam injuriam attinet differri causam tanti momenti à Patrono defendendam, postulavit. Quod ei non negatum Digressus à Rege instruit convivium invitat amicos, quibus cum postquam largius se invitavit compellat istos: grande sibi negotium apud Regem expediendum esse: invitare se eos ut sibi tunc adsint: Non deserturum se vadimonium: habere enim se quod sibi sit solatio

solatio & præsidio: utpote cui Pontifices accusatores culpam suam condonarint, solam Divinam vindicaturi se id protocollo inferi curasse: nondum adesse terminum præfixum: antequam is appetat Deum illum ligneum in cœlos ascensurum ita in judicio non compariturum, plenam, prosequendæ, causæ potestatem Pontificibus non relicturum: ideo hos causam non prosecuturos: sed se denuò illis negotium justè & meritò ob illatam sibi injuriam facessiturum. Hæc postquam acceperunt illi, non comparuere ad diem dictam. Comparuit iste & publicè testatus accusatores, non venisse ad vadimonium, partem quæ dicitur læsa profectam esse in cœlos, dec mandatarium ullum comparere à parte adversa: nullius se criminis reum esse, petiit se absolvi. Ita & hæc causa in ludum & jocum vertit. Felicia ad huc erant illa tempora. Non tulit in hac ipsa urbe Vilnensi inultam patrihesiam solam festo illo corporis, ut vocatur, homines idoli sequaces officii admonentem *Francus de Franco* Italus, Anno 1611, Truci & nefanda morte sublati sed & *Jvanus Tiscovicus* Bielsco Oppidi Podlachicæ incola, calumniâ in terram projecti & pedibus conculcati illius idoli obrutus, ac morte atroci *Varlaviæ* eodem anno peremptus, de quo suo loco dicemus.

## CAP. III.

*De Pædobaptismo oppugnato expugnato, ejecto.*

Satis diu & impunè infantilis error orbi Christiano sillusit, nullo prorsus divinæ auctoritatis fundamentonixus, & primævæ aliquot seculorum præxi contrarius. Namque in sacris litteris toties legitur institutio Christi celestissimi Magistri, & Apostolorum, de docendis, ad fidem & obedientiam pietatis perducendis ac demum baptizandis hominibus, sed nusquam de baptizandis vel baptizatis infantibus. Quod quidem tertio seculo in *Africa*, quæ semper monstra excluderat, fieri cœptum à non-



à nonnullis, ab aliis non in Asia solum sed & in ipsa Africa reprobatur, ita ut & quarto seculo liberi Episcoporum (testis Gregorius Nazianzenus) & aliorum fidelium, & vel ab Episcopis educati (testis Chrysostomus in Christiana religione instituti, dicti catechumeni, pro quibus Catecheses conscribebantur, adulta demum aetate baptismum susceperint, ac nonnulli nondum baptizati vel miraculis inclaruisse (ut S. Martinus) vel ad Imperatoriam maiestatem evecti, (ut Constantinus Magnus, Filius ejus Constantius, Theodosius Major, & Valentinianus) vel etiam ad Episcopatus curam (ut Ambrosius & Nectarius) assumpti legantur. Quos inter nonnulli studio baptismum ad suprema vitae tempora differebant, ut falsa opinione inducti, lavacro illo in extremo Spiritu peccatorum maculas veluti abluerent. Inde constat Valentinianum Juniores citra baptismum excessisse, Ambrosio tamen praeclare laudatum & an eundem Constantinus Junior & Constantinus Fratres susceperint, ignorari. Quinti demum seculi Anno xviii. in Consilio Milevitano (adeo hunc infantem nasci, ali, adolefcere in Africa oportuit) necessitas baptismi infantibus, ut S. Eucharistiae participes fieri possent, auctoritate Innocentii Pont. Rom. & Augustini Episcopi Hipponensis, imposita, quae, communionem licet infantium Concilii Tridentini auctoritate sublata, etiamnum apud plerosque vim tyrannicam exercet. Non deerant quidem, qui subinde recepto isti errori prioribus seculis contradixerint, ut alibi docuimus. Sed in nostra Polonia primus cum *Mathias Albinus* Verbi Divini in Ivanoviciano ad Cracoviam Minister oppugnasse scribitur, ut superiori libro diximus. Secuti hunc *Petrus Pulchraninus* Germanus, Scholae Biehavienfis in Provincia Lublinensi Rector, *Stanislaus Pakleſius* Pastor Lublinensis; imprimis autem ille *Petrus Gonesius* (qui contra Pædobaptismum epistolam ad Laur. Crisovicium Virum nobilem & verbi divini apud Litvanos Ministrum Anno 1562. scripsit) & *Hieronimus Pickarscius*, quos supra vidimus. Memoriae proditum est, Cjavienſes, quae provincia Prussiae contermina, primos in pædobaptismum inturrexisse auctore *Martino Czechovico*, qui

qui ut alia dogmata, ita & hoc de baptismo adultorum à Petro illo Gonesio hauserat. Baptismus Infantium vel potius rhanismus, quae vox scriptoribus sacris de aspersio- nibus legalibus usitata, cum pietatis & miserationis infantium speciem praeferat, adhuc diuturna praxi inoleverit, & baptizantibus ac baptizatorum parentibus non parum lucri adferat, factum est, ut non tantum Pontificii, sed & Calviniani non minus pro eo, quam pro Deo Triuno acriter depugnarint purioris veritatis studiosis, è contrario fortiter bonam causam tutantibus. Exortum Vilnae Litvanorum (ubi *Simon Zacius* Proſſevicius Senior Ecclesiae illius confessionem ediderat suae Ecclesiae pro pædobaptismo ibid: Anno 1559. impressam) ea de re dissidium, praesertim inter Martinum Czechovicium, ceteris magis oculatum, & Nicolaum Wendogovium Ministros, illo oppugnante, isto propugnante pædobaptismum una cum Paulo Superiutendente Ecclesiarum Litvanicarum, effecit ut Anno 1565. ad d. 10. Junii Brasiniam Cujaviorum Synodus indiceretur. Cui xxxii. Ministri, xvi. auditores intererant in qua quidem dissidium illud inter Czechovicium & Wendogovium sopitum, sed negotium ipsum decidendum ad Synodum Wengroviam in Podlachia celebrandam remissum fuit. Interim epistola ab illa Synodo ad eam Wilnensem in hunc modum manu Stanislai Lutomirſcii Ecclesiarum Minoris Poloniae Superintendentis exarata fuit, cujus exemplar hic apponi veritatis & pietatis ratio exigit.

*Gratiam & pacem aeternam cum accremento lucis vobis Fratres dilecti sincero Christiano corde precamur.*

„ **A**gant fideles debitas gratias Patri coelesti, qui facit ut quotidie magis magisque perspiciamus fideli-  
„ bus inter se unum cor & unam animam esse, licet  
„ longè ab se sint distiti, prout id apparuerit magno  
„ cum omnium nostrum solatio ex benevolentia vestra  
„ erga nos fratres vestros, missis ad nos per tot terrarum  
„ spatia, nulli parcendo sumtui, duobus fratribus  
„ è medio vestri, Wendrogowio & Andrea Ciznera



„ & quod majus est, declarata vestra fiducia erga nos  
 „ quibus exorta inibi dissidia componenda commiseritis  
 „ Idem ille Pater coelestis vos & nos Spiritu suo Sancto  
 „ roboret, ut in vera caritate crescamus usque ad vitam  
 „ aeternam. Nos vicissim vobis, fratres per dilecti, cor-  
 „ da nostra sincera & promptae benevolentiae plena offeri-  
 „ mus, nulli dubitantes, vos ea eodem affectu, ut sole-  
 „ tis, grato susceperitis: qua spe freti libenter accedimus  
 „ ad componenda dissidia inter vos suborta, ecclesiae Dei  
 „ noxia, ad gloriam Dei, in nomine Domini nostri J. C.  
 „ non ut vobis hac occasione dissidii dominemur. At pro-  
 „ inde vos reddimus certiores, factam esse inter fratrem  
 „ Wendrogovium ac Paulum Superintendentem ab una,  
 „ & Martinum Czechowicium aliosque fratres, qui se  
 „ injuria à Fratre Wendrogowio affectos opinabantur,  
 „ parte ab altera conciliationem. Ostendit enim spiritus  
 „ S. ab utrinque peccatum fuisse, non leviter lesam &  
 „ contristatam Ecclesiam Dei per facta eorum inconsi-  
 „ derata & temeraria, quibus ante oculos eorum positis,  
 „ operante Spiritu S. ad agnoscendam culpam & agen-  
 „ dam poenitentiam, adeoque ad redintegrandam coram  
 „ nobis concordiam perducti sunt. Id solum reliquum  
 „ est, ut offendiculum, quod fecerunt Fratres Wendro-  
 „ govius & Martinus ibi ubi illud factum scilicet coram  
 „ Ecclesia vestra deponant, & missum faciant, citra invi-  
 „ diosam commemorationem injuriarum vel exacerbatio-  
 „ nem animorum: publice tantum confitentes delicta ut pa-  
 „ cem & caritatem gloriae divinae studio conservent secun-  
 „ dum sanctam Dei voluntatem, & apud fratres sororesque  
 „ culpam verè contrito corde deprecantur. Cum autem  
 „ acceperimus & alios fratres cætus vestri, imprimis Ca-  
 „ terlam & Carnicum magnam isti scandalo præbuisse  
 „ occasionem; ideo per Deum oramus, ut humiliatis  
 „ cordibus & mutua conciliatione ac deprecatione, non  
 „ tantum illos fratres sororesque, sed & nos consolentur,  
 „ quo Deus inde referat gloriam, Satanas verò hostis con-  
 „ cordiae & caritatis pudorem. Quod vos pro prompta  
 „ benevolentia vestra facturos minimè dubitamus, ut  
 „ tristitia ex discordia orta tanto majus fidelibus adferat

„ gaudium.

„ gaudium. Ut autem deinceps in omnibus actionibus vestris  
 „ modestia vestra nota sit omnibus hominibus, nihilque fiat  
 „ ad contumelia afficiendum nomen Dei, sed omnia in spiri-  
 „ tu lenitatis & vera caritate peragantur, per Deum ro-  
 „ gamus. Pariter obsecramus ut illud incommodi, quod  
 „ ex suborta de baptismo disceptatione evenit, in sola-  
 „ tium vestrum & nostrum mutuum vertat. Nam quod  
 „ ad baptismum attinet, de quo nata inter vos est qua-  
 „ stio, ne omnino spiritui divino repugnemus, propria  
 „ eaque crebrè edocti experientia ex consilio S. S. tale tem-  
 „ peramentum inventum est à nobis, quò dissidentes se  
 „ invicem æquari putent, ne ab utrinque quispiam ad ali-  
 „ quid reclamante conscientia faciendum cogatur, sed ut  
 „ omnes pacem illibatam conservent, abstinentes titulis  
 „ invidiosis Anabaptistarum vel antagonistarum, perseve-  
 „ rantes in precibus ad Deum ardentibus, expectantes tem-  
 „ pus Synodo præfixum, quo Deus pro sua misericor-  
 „ dia unam viam monstrabit, in qua nullus fidelium  
 „ impinget, cum sit ovis obediens pastori suo, quin  
 „ potius tantò majori cum solatio gestit solam Pastoris  
 „ sui in negotio aeternae salutis audire vocem, prout id  
 „ experti sumus è tristi carcere & infinitorum Antichristi  
 „ errorum vinculis educi. Qua de re plenius vobis referent  
 „ fratres. Nam hac quoque siquæ convocari Synodum  
 „ curabunt per istum Superintendentem, quem vos con-  
 „ corditer elegistis, & cui obedientiam in Domino secun-  
 „ dum verbum Dei debetis, eique adjumento esse.

Synodus ista Wengrovienſis, quod oppidum est in  
 Podlachia, indicta est ad d. xxv. Dec. quo illuc è vicinia  
 tanto plures convenirent fratres Litvani, qui pædobaptis-  
 mum propugnabant. Aderant ibi XLVII. Ministri, Pro-  
 ceres & Nobiles, præter populum, XIV. cujus præses  
 consensu omnium Hieronymus Philipovius constitutus est:  
 Missæ adhanc Synodum litteræ ab Illustrissima Ma-  
 trona Kisciana Palatina Vitepcensis, ab Anna Radivi-  
 lia, & ab aliis privatis fratribus fororibusque: tum ab  
 Ecclesiis & Senioribus districtuum Sidloviensis, Lubli-  
 nensis, Bresinensis, & Chelmenſis, & à Synodo Eccle-  
 siarum in regione Carpato monti subjecta, Qui omnes



Scriptis suis monebant, ne memores officii erga Deum paterentur quidquam Ecclesiis inferri, quod non ferrent Scripturæ Divinæ, sed darent sedulo operam, quod omnes concordiam inter eos & caritatem ad ædificationem, non contentiones & schismata vigere audirent. Post multas utriusque partis disceptationes, acerrimè tam his oppugnantibus, quam illis propugnantibus Pædobaptismum, facta est conclusio talis.

*Conclusio Sacre Synodi Wengroviensis in Articulo veri baptismi jam decreti, confirmati ac conclusi penultima Dec. Anno Domini 1565.*

*Ad gloriam Dei nostri & Jesu Christi Filii ejus, & omnium fidelium solatium.*

**N**egotium quod hic Wengroviæ præcipuè agitatum fuit, de baptismo, ut nihil jam de eo dicamus, hanc quæstionem jam à triennio in Polonia, at longe prius in Litvania à fratribus excusam, cum primis & publicè in Synodum Bresnensem, allatum fuit. Cum autem ibi finem accipere non potuerit, ex hac causâ, quod se quidam illuc imparatos, alii nullis mandatis fratrum, citra quorum voluntatem quidquam inchoare religio sibi sit, instructos accessisse dixerint, & aliam Synodum ea fini sine mora convocari postularint: ideo omnes eorum desiderio assensu sunt, cum hac cautione, ne impostero quisquam ignorantiam ostendar, vel aliam excusationem adferat, sed ut quisvis se quàm optimè possit ad tuendam causam suam præparet, & aliis quorum hæc scire interfit, & qui illuc venire & de hac re agere velint, notum faciat. Quod factum est Bresniæ ad nuper elapsam festum Pontecostes. Cui fini indicta jam est Synodus huc Wengroviam, in præsens, id est ad festum, quo memoria Natalitiorum Filii Dei anniversaria celebratur, consentiente illa priore Synodo, cui intererant Superintendentes Frater Lutomirski, Nicolaus Zytio, Danus Bylinius, Gregorius Paulus, Stanislaus Paclefius, Martinus Crovicius, Bartholomæus ex Majori Polonia

„ Pau-

„ Paulus ex Litvania, & alii multi Ministri & fratres. Quos nominatos Superintendentes ratio officii à dicta Synodo Bresnensi impositi urgebat, ut domum, reversi Synodos indicerent, quo cuivis auditorum, quibus eloquia Dei dispensant, constare de hoc negotio posset, & quod Ecclesiæ è medio sui quos vellent, ad Synodum Wengroviensem, hujus quæstionis disceptandæ causâ, ablegarent. Ea fini Synodus ista convocata est huc Wengroviam, eò quod fratres Litvaniam incolentes semper se in Poloniam ad celebrandas Synodos evocari, fratribus Polonis nunquam propterea in Litvaniam vel vicinam regionem commeantibus, quærerentur, quo nomine piæ memoriæ Illustrissimus D. Palatinus Vilnensis nos admonebat, quod monendum hoc loco erat, ne quis nos autumet aliâ quadam de causâ locum hunc elegisse. In qua quidem Synodo iste ordo servatus fuit, ut post absolutas singulis diebus preces in Ecclesia, fratres in locum designatum convenirent, ubi proposita fuit ista quæstio: An baptismus infantium sit secundum verbi divini præscriptum institutus, nec ne? In quam rem omnes & singuli suffragia ferebant ex ordine, tam Superintendentes & Ministri verbi Divini, quam reliqui fratres, quovis rem istam secundum modulum virium à Domino concessarum deducente. Dehinc habiti sunt ea de re a nonnullis fratribus sermones utro citroque tendentes. Id sex dierum spatio factum, & quidem ita, ut integri dies isti negotio impenderentur, non digredientibus fratribus. Alii demonstrabant ex Verbo Dei & historia Evangelica institutum & mandatum Filii Dei de Baptismo: dein exemplum ex Actis & epistolis Apostolicis, producentes multa loca, quibus superstruebant sententiam suam & fundabant fidem suam, proferebant, dicentes sufficere sibi solas divinas scripturas. Cum vero multi humanam respiciant auctoritatem, disquirentes quid retro actis seculis gestum fuerit, ideo idem aliorum causâ certis iudiciis demonstrabant, in antiqua Ecclesia parvulos non fuisse baptizatos, deducta assertione sua ex historia Ecclesiastica, & scriptis veterum Patrum temporibus

M 3

„ Apo-



„Apostolicis proximorum. Insuper demonstrabant hoc  
 „ex Agendis, id est libris, ex quibus baptismum pera-  
 „gunt Romanenses, Russi, Armeni, Græci, Witte-  
 „bergenſes, & nostris propriis, quibus vel huculque  
 „uſi fuerimus, vel etiam num utamur: ex quibus ad  
 „oculum patet cuius, qui fideliter id considerare velit,  
 „rem hanc ad infantes non pertinere. Alii contra, qui-  
 „bus hæc res displicuit, istis repugnabant & sat multum  
 „improbabant, propugnantes parvulorum baptismum,  
 „& argumenta adferentes novitiorum, qui multis de  
 „hac re scripserunt, quæ etiam Ecclesia Vilnenſis de-  
 „ſcripta miſit, & quæ hîc fuere lecta. Inde talis con-  
 „cluſio ſecuta, ut isti quidem qui parvulos baptizandos  
 „eſſe contenderint, ſuam opinionem mordicus retinue-  
 „rint: alii verò qui hîc hæſitarint, & ſi nondum con-  
 „ſenſerint, noluerint tamen contumaciter contradicere,  
 „ſed potius promiſerint, velle ſe quod verum & rectum  
 „ſit, diſcere. Itaque cum in Eccleſia Dei vera alter al-  
 „teri dominari non poſſit in fide, nec ad eam cogere  
 „utraq; pars permanſit in ſua ſententia, prout tunc  
 „quidem divina voluntas tulit. Adeoque qui tunc in  
 „conſcientia verbi divini robore convicti fuere, nolunt  
 „amplius facere quidquam quod videant & ſentiant ver-  
 „bo Dei adverſum, quin potius quod cum verbo Dei  
 „ſincero convenit in poſterum ſincere debent docere,  
 „pariter & de hoc negotio libros edere poſſunt, dummo-  
 „do nil publico inſcîs Eccleſiarum vicinarum ſenioribus  
 „committant, tali tamen moderatione, nequemquam præ-  
 „gravent, vel nominent, præter hunc qui aperte &  
 „præſtrectè huic ordinationi Filii Dei adverſari ſuſtinerit,  
 „quo hac ratione caritatem illibatam conſervent, dum-  
 „modo nil ſit divinæ gloriæ contrarium, vel conſcien-  
 „tiam prægravans. Ad hæc mentio à nonnullis inje-  
 „cta, ut baptiſmus infantibus non conveniat, ita tan-  
 „to minus quenquam baptizatorum in infantia opinari  
 „poſſe, ritè ſe baptizatum, quam rem rationibus & ex-  
 „emplis probatum ivere. Quibus quidem pauci præ-  
 „buere aſſenſum. Erant tamen, qui de eo edoceri cu-  
 „perent. Cum autem reperti fuerint, qui impium Mo-  
 „naſterien-

„naſterienſium facinus in medium protulerint, ea ſini  
 „ut noviter introductæ (de catechumenis baptizandis)  
 „ſententiæ invidiam conciliarent, & nos ad abjicien-  
 „dam illam, intuitu turpis illius facinoris, inducerent;  
 „técirco Deum homineſque teſtati ſunt, quos illa ſu-  
 „ſpicio petebat, quod quemadmodum adhuc ſincerè ob-  
 „temperarint Magiſtratu à Deo dato, ita in poſterum  
 „juvante Deo, tanto majorem daturi ſint operam, &  
 „pro ſua virili parte allaboraturi ad finem uſque, ut  
 „idem non verbis, ſed factis teſtentur, Deum invocan-  
 „tes & ei ſupplicantes, pro ſuo Magiſtratu non tan-  
 „tùm ob timorem, ſed etiam ob conſcientiam, prout  
 „Apoſtolus docet Rom. xiii. Quòd ſi quis aliud illis im-  
 „putare velit, is coram tribunali divino tantæ calu-  
 „mniæ reddet rationem, ibidemque loci admonebant ſe  
 „officii, quò ſcil. & ipſi facerent, & auditores à Deo  
 „ſibi creditos pari modo ſolenter inſtituerent: tùm et-  
 „iam exemplo veræ regenerationis & pietatis in modèſtia,  
 „ſincera caritate, & erga contradicentes lenitatis Spiritu  
 „conſpicio præluſerent, & pro adverſariis Deum deprecæ-  
 „rentur, ne contumelia Dei verbum afficeretur. Quum  
 „verò nulli non acquieverint, ne eis offendiculum  
 „poneretur ad moniti ſunt memores ſint, cum Deus nos  
 „vinculis Antichriſti expedire occæperit, qui circa tracta-  
 „tionem rerum minoris momenti, ſcil. de imaginibus,  
 „de miſſa, tùm de æna Domini ſat diu, hinc de Me-  
 „diatore: demum de cognitione uniùs veri Dei, & vero  
 „filio ejus unico, alia ut taceamus, multi conventus  
 „fuerint facti, in illis circa ſingula rerum capita ſubor-  
 „tæ contentiones, diſidia: quàm non omnes verbum  
 „Dei receperint: quidam tamen in melius proſecerunt:  
 „alii contra defecerint, & poſtquam ſemel transfugæ  
 „facti ſunt, non amplius caſtra noſtra ſequantur, quod  
 „quidem & temporibus Apoſtolicis non erat inſolens:  
 „ad ultimum nec ipſi Filio Dei omnes fidem adhibuerunt,  
 „nec omnes ſimul crediderunt. Tunc & admoniti fuere  
 „omnes, ne quiſquam id mitteret, nec in ſequiorem tra-  
 „har partem, quod in iſtis colloquiis habiti aliquando  
 „fuerint ſermones, qui cuiſpiam videri poſſint immo-  
 „deſti & injuri: cum in ejus modi rebus vix aliter fieri  
 poſſit.



possit. Verum tamen ibidem loci mutò se deprecari  
 offensam condonavere & in caritate ab invicem disces-  
 sere. Hæc autem cuncta memoriæ causâ adnotata sunt  
 pro temporis ratione, certum rei istius cuivis, qui  
 sufficienter de ea edoceri voluerit, fide idoneorum tes-  
 tium probamus. Aderant enim isti transactioni omnes  
 ut Superintendentes, ita Ministri & fratres, in quorum  
 oculis & auribus cuncta hæc fuere gesta, talis conclu-  
 sio facta, quæ postmodum conscripta, & coram om-  
 nibus lecta. Adhæc omnes rogamus & admonemus,  
 si quid alicui in nobis minus placuerit, vel si quis no-  
 stræ bonæ famæ detractum iverit, ne ad culpandam &  
 damnandam hanc rem properet, sed potius nobis alte-  
 ram relinquat arem, ac demum utraque parte auditâ,  
 pro concessio sibi Divinitus dono, iudicium ferat. Nos  
 parati sumus, divinâ assistente nobis gratiâ, cuivis ra-  
 tionem sufficientem de his ex verbo Dei reddere, pro-  
 ut & ipsi ex eo discimus, cui soli in solidum acquie-  
 scimus, & per omnia semper acquiescere volumus: Deo  
 gratias agendo, quod nos ex hac abominanda Babylo-  
 ne educat, in eo maximum collocantes gaudium & so-  
 latium, quod omnibus reliquis optamus, eosdemque  
 commonescimus, ne ab inanibus seculi istius pende-  
 ant, quæ cito relinquere necesse habebunt, & compa-  
 rere coram illo Domino, qui nullos, etiam maxima pol-  
 lentis auctoritate, verebitur, & cui quemque oportebit  
 omnium factorum reddere rationem. Dabantur  
 Wengroviæ d. 10: Dec. 1565.

Stanislaus Lutomirski Superintenden-  
 dens consentiente Synodo.

**H**Accè Synodo soluta postquam Vilnam, qui ad  
 eam ablegati fuerant, reverterunt, ac quomodo  
 utraque pars hanc rem controversam discusserit, quidve  
 de ea conclusum ibi fuerit retulerunt, ac demonstrarunt  
 se & paucis nonnullis Litvaniæ Ministris exceptis, uno  
 animo & una voce sententiam illam de rejiciendo parvu-  
 lorum & reducendo catechumenorum & credentium ba-  
 ptismo,

ptismo, latam fuisse; non acquieverunt huic transactio-  
 ni Vilnenses, quin potius literas aculeato stylo ad Bre-  
 stenses exararunt, quarum exemplar merito appono.  
 Magnum fratres in Christo dilecti, concepimus omnes dolo-  
 rem, quem & alii fideles concipiant necesse est, vi-  
 dendo adeo dolenda & noxia in Ecclesia Dei dissidia, his  
 præsertim ultimis, & calamitosis temporibus, quibus,  
 secundum prædictionem Christi, Apostolorum & Prophe-  
 tarum Domini apertam, multi apparent, qui fidelibus ti-  
 morem incussuri erant, prout etiam incutiunt, nominatim  
 & inprimis isti qui sententiæ suæ nimium fulsi adeo vehe-  
 menter & præfractè infidelium parentum liberorum baptis-  
 mum debacchantur, quales Prophete apud vos, & apud  
 nos non pauci reperiuntur. Hanc abominandam pestem alia  
 sequuntur, quod nonnulli haud ita pridem magna cum jactura  
 experti, quod aperta scriptorum testimonia docent. Itaque  
 nos fratres dilecti, officio Christianis conveniente defungi  
 volentes, vos pro ea, qua vos fraterna complectimur cari-  
 tate adhortamur & oramus per Deum, ne circumferamini  
 levibus ventis dogmatum ab hominibus maleferiatis profecto-  
 rum sedulo ac constanter providentes quid mali inde sequatur.  
 Certum est ex ista jam olim ab Ecclesia Dei sibilis ex-  
 plosa sententiâ conversionem Reip. & eversionem Ecclesiæ  
 Domini provenire. Rem ita se habere, haut ita pridem  
 Deus manifestavit; Videmus enim quomodo in instituto suo  
 miseri isti homunciones procedant. Testati sunt ante hæc ac-  
 quieturos se, si solos adultos bona conscientia baptizarent.  
 In præsens jam de Virtute in Virtutem progredientes bap-  
 tismum suum indubium vocarunt, aperte dicentes, se non  
 fuisse baptizatos. Postquam verò voti compotes fient, judi-  
 cabunt se tali baptismo factos liberos & verè spirituales.  
 Ita se dilatabunt plus plusque artes suas ut boni isti Spirituales  
 hos qui e medio lapsi fuerint vel peccarint, aternæ damna-  
 tioni & infernali pene addicant, negatâ eis poenitentia. Hæc  
 libertas eos, ut nimiam de se opinionem concipiant, simulabit  
 quæ ambitiosa opinio eò perducet eos, ut neminem supra se  
 patiantur, imo ut omnes, iudice Apostolo Paulo, liberta-  
 tem velamen cupiditatum suarum habeant. Ut nil dicam de aliis  
 facinoribus, quæ ex isto fatido rivo antehac promanarunt,  
 M 5 que



quæque etiamnum inde, si res eis ex voto cedat promanare oportet, & si isti qui huius instituti fundamenta ponunt, speciosis id commendare nitantur coloribus & incrustent. Sed omnia hæc dies Domini patefaciet. Iterum iterumque vos hortamur, & rogamus, fratres dilecti, ut longe fugiatis hanc pestem Anabaptisticam, & alios commonesciatis acquiescentes simplici institutioni & Evangelio Christi, quod talia subtilia phantasmata ignorat, sed omnibus Dominum accedentibus gratiam & vitam æternam pollicetur. Putamus fratres dilecti vos hanc nostram admonitionem fraternam boni & æqui consulturos, & constantiam ad extremum servaturos, orantes nobiscum Patrem cœlestem, ut nos ab ejusmodi inquietis hominibus in integritate, & pace clementer conservet. His vos Deo commendamus. Dabantur Vilnæ Anno 1566.

Ministri & Seniores & Diaconi Ecclesiæ  
Christi quæ Vilnæ colligitur.

Ad has literas tam acerbas Brestenses tale responsum remiserunt.

Deus Pater Domini Jesu augeat vestram fidem. Amen.

**I**ngentes vobis, fratres dilecti, agimus gratias, quod nos fratres vestros, non tantum litteris compelletis, sed & tristi corde commonesciatis, & adhortemini, ut diligenter nobis à falsis Prophetis caveamus. Nos equidem in his oris adjuvante Deo ejusmodi Pseudopphetis non auscultavimus, nec auscultare volumus, quin imò ut nos semel verbo Dei & Patris nostri subjecimus, ita adhuc in hoc instituto constantes permanemus, & auxiliante eodem Patre clementissimo auscultabimus unico Magistro, quem illenobis dedit & declaravit, ut nostræ professioni satisfaciamus. Christianorum namque nomine insignimur ab isto Filio Dei Christo Domino nostro. Cum autem memneritis, futurum fuisse ut fideles dogmatis Pseudopphetarum turbarentur, hoc equidem convenit cum eloquiis Doctoris nostri Pseudopphetas qui ante se venerant & extra se hominibus vitam æternam pollicebantur, fures & latrones appellantis, & docentes,

oves,

oves vocem eorum non audivisse, nec vocem alienorum nosse, sed obedire & obsequi unico Pastori suo. Huius Evangelium non est occultatum nisi perituris. Idcirco nos nullum in eo scandalum patimur, nec ulla ratione turbamur eo quo vos turbamini, nimium vobis tribuentes. Nam Pædœbapti sinum verbi divini auctoritate fundari dicitis, nec tamen illum inde documentum ejus proferitis. Hoc solum in subsidium causæ sumitis, quod docentes Pseudopphetis non esse adhibendam fidem, ipsimet de his prophetis quæ nec nostram nec Ministrorum nostrorum mentem subiere. Appellatis hanc pestem & ruinam Reip. ac Ecclesiæ Dei. Nos vero id iudicamus esse emendationem Ecclesiæ Apostolicæ, ut credentes & confuentes fidem ære generati sacramentorum Demini participes evadant. Admonetis nos ne circumferamur quovis dogmatum humanorum vento, & ipsi institutum filii Dei humana auctoritate subvertitis, prout id & in proxime habita Synodo patuit. Nil enim illuc ex verbo Dei deproptum missis, sed illos quos vobismet in testes elegistis, & lapides adversus Filium Dei collegistis proferentes Virgam Magistratus. At enim nos juvante Deo non retrocedimus, nec sibilis nos ab institutione Filii Dei absterrenti & explodi patiemur. Omnes hic junctim sumus per Dei gratiam, nec discimus ferociam vel illa abominanda Antichristi, vel etiam Monasteriensium facinora, sed potius doctrinam Christi, Magistratus reverentiam & obsequium, non tantum ob metum, sed & ob conscientiam. Discimus etiam vitam piam domi agere cum uxoribus nostris, ut qui sciamus Deum soli homini mulierem creasse, & digamos punivisse: quod ubique scripture docent, quod filii digamorum vel cubilia paterna polluerint, vel domibus ejecerint, vel violentas manus sibi intulerint. Discimus etiam ex facultatibus nostris ministrare usibus gloriæ divine, scientes integrum esse fratribus possidere prædia: cum & Apostolus Paulus ab his divitibus eleemosynas collegerit & Ecclesiæ detulerit. Conamur etiam Deo adjuvante fieri spirituales & liberi ab omnibus quibus conscientias nostras homines præggravabant. Hanc vero Spiritualem perfectionem non ita Ministri nostri (quos miseros homunciones indigitatis) intelligunt, ne qui semel colla jugo verbi divini sub-

miserè,



misere, amplius labantur, vel quasi tentationi non sint obnoxii. Namque Dominus electos perpetuo orare iussit Patrem suum, ut sibi debita vel delicta condonet. Apostoli quoque baptizatis liberis Dei cum peccant, Mediatorem & Advocatum Jesum Christum apud Deum ostendunt. Quin imo necesse foret verè regnum Christi ipsi hic datum, nisi lapsi spe remissionis peccatorum erigerentur. Altera enim pars regni ejus, in eo sita, ut agat Mediatorem & Propitiatorem his qui peccata ejus norunt. In judicio Dei, ad quod & vos provocatis, reddent rationem Domino nostro isti Prophetae, qui veritate & certo eloquiorum Dei defecti, convolant ad arma, quae adhuc Antichristus arripere solebat. Cum enim institutionem culpae non potuerit, convertit se ad aliud stratagemata, ut praedicaret adversus electos Dei, quasi illi propter explendas carnis libidines Evangelium receperint. Ac proinde per Deum rogamus, ne armis Antichristi adversus Agnum illum, cuius unicus pes plus valet, quam omnia ista universi arma, bellum geratis. Nos quidem grato animo hoc à vobis accipimus, quod nos ad verbum Dei amplectendum moneatis. Sed cum dolore audimus, vos obedire hominibus. Verum enimvero istis prophetiis vestris institutionem Domini, & fidem nostram non convellitis. Namque Deo auxiliante pro nostra virili parte ex rivis Antichristi egredimur, nec amplius in cano illorum volutabimur. Aequiescemus etiam, ut ait, simplici Christo, & simplici ejus Evangelio, qui sceptrum regni sui in predicatione Evangelii electis Patris sui misit. Quapropter citra subtilitates commentariorum hac sinceritate simplici contenti vivimus, & nos dictis Magistri nostri obedientes semper exhibebimus auxiliante Deo. Prout verò antea doluimus veriti Ministrum nostrum à nobis avocatum iri, ita nunc Deo gratias agimus, quod eum nobis relinquere dignatus fuerit, qui etiam isti pusillo grege se adherere sibi gratulatur. Rogamus igitur vos iterum iterumque ne nos in cursu nostro sufflaminetis, qui ad metam nobis propositam accedimus, ut brabeon referamus: quin imò ut abjectis prophetiis de rebus fædis Deum oretis, ut quemadmodum incepit nos educere ex Babylone, ita & perfi-

perficiat. Nos etiam orationibus vestris jungendis non deerimus. Gratia Domini nostri Iesu Christi sit cum omnibus nobis Amen. Dabantur Brestiae d. 20. Febr. 1566.

*Omnibus Fratribus nostris in Christo dilectis*

*Ecclesiae Vilnensis tradantur in manus proprias.*

*Servi Christi, fratres vobis benevoli  
in Ecclesia Brestensi.*

**R** Apit nos, licet alioesum properantes memorandum illius Nicolai Wendrogowii exemplum. Morti enim vicinus hypocrisios crimen coram Deo se commississe confessus est. Rogatus, Quomodo? respondit: quod cum se ministrum Domini coelestis appellaret, saepe in spem non ejus, sed hominum gratiae docerit, vociferans: *Laus mea in opprobrium vertatur, quia quævis gloria mea non Dei, notaute Buddinio.* Non mirum cum ab Andrea Regenvolsio in historia Eccles. præteritum.

Postquam hanc controversiam à Polonis & Litvanis acriter agitari Ecclesiae Transylvanicae acceperunt, aliquoties datis literis eosdem monuerunt, ne contentiones & rixas de hac re traherent, quæ minus illis necessaria visa, quasi antiquis illis temporibus & conversionis ex Judæis, vel gentibus ad Christum conveniens, quod prolixo scripto tunc docuerunt, in quo & Judaizantis Spiritus indicia apparere. Quæsti sunt inter alia baptismi ritui necessitatem salutis alligari, & ex baptismo novum veluti Servatorem fieri, ac, idolum aeneo illi serpenti simile: adeoque qui hoc faciant, perinde facere quam si quis arcam Noachi, vel jugum Jeremiæ, vel sagittas Regis Johasi quærere & captare velit. Adhuc prolixè docent baptismum primordii Christianismi, conversionis gentium & miraculorum secutorum respectu ut Agni Paschalis sanguinem & aenei serpentis conspectum non posterioribus convenire, cum & ipsi Apostoli liberos alteru-



alterutro parentum fidelium natos pro sanctis judicant, & res ipsa doceat, liberos utroque parente Christiano latus & in religionis Christianae pietate educatos Sanctos & fideles, ac minime, etsi baptizati non fuerint, perituros esse: tum sublati errore de peccato originali, consuetudinem ejus ablationem scilicet ejus per baptismi lavacrum, tolli. Quae cuncta cum grano salis accipienda. Neque tamen illa controversia inter dissentientes sopita, imò maximo conatu his oppugnantibus, illis propugnantibus paedobaptismum tandem veritas de catechumenis per baptismum Ecclesiae solenniter inserendis, ut ex attritione chalybis & silicis, ignis, emicuit. Quamvis enim haec controversia de baptismi necessitate & renovatione inter Martinum Czechovicium & Faustum Socinum scriptis etiam publicis contenta fuerit disputata; tandem tamen & veritati & caritati, id est simplicitati & prudentiae satisfactum, postquam rejecto paedobaptismo verus & primitivus catechumenorum baptismus Ecclesiae restitutus & in ea confirmatus fuit, ac adaequatum dissidentibus sententiis conciliandis inventum medium, ne paedobaptismus omnino damnetur quibusdam locis, (ut in Transylvania, ubi majoris scandali vitandi causa & parendo necessitati parvuli baptizantur, quod & in hac gravi persecutione fratres in Prussia faciunt) toleraretur, illis vero qui in infantia è sacro baptismo levati fuere, libertas relinqueretur verum baptismum in aetate adulta suscipiendi, vel omittendi, ne cuiusquam conscientia gravaretur. Meretur hic comme morationis officium *Nicolaus Cecocius* Vir ut nobilitate generis, ita & pietatis constantia ac singulari hospitalitate, in Curavenses advenas (quorum duces *Joan. Nemojevius* Judex terrae Inovroclaviensis, gente Rolitus, Vir genere, meritis & pietate eximius ac depositio magistratu, licet pie gesto, verus seculi fallacis transfuga & germanissimus ejus amicus *Valentinus Brestinius* Senior Anno 1564. fuere) in provincia Lublinensi exercitu praclarus. Is enim diu baptismum, prisco illo more, dilatum, morbo diuturno & gravi praepeditus ex voto non suscepit. Primus qui genuinum baptismum illo puerili (quem cum per asperionem non per immersionem fiat rhanismum potius quam baptismum dicendum

endum esse supra affirmavimus) rejecto susceperet, *Joannes Securimus* erat, Vir simplicitatis eximia, at in sacris litteris exercitissimus, concionator facundus, gravis acutus: quem non unus suorum vitorum, ut Demosthenes Phocionem argumentorum, securim dicebat, monitor zelo flagrans, veri tenacissimus. Pietatis, etiam in cultu corporis, qui è per exiguis imovilis erat, observantissimus, quem cum auditorus animi causa *Joannes Seninius* gente Debnus Palatinus Podoliae, Vir Illustrissimus & elegantissimus mundi asseda accessisset, flexanima eloquentia & singulari ardore percussus, ut dum concio haberetur aliquot sudaria lacrimis madefecerit, & inde egressus, rogante Petro Casimiro gente Bibersteynio strenuo veritatis confessore, licet ei frater Episcopus Xioviensis fuerit (quem utpote militem regentum Orphanovius in Heroibus Christianis Cornelio Centurioni illi pio comparat) num ridere nunc placeret, responderet: *Nisi ita ut iste Vir pius docuit, vixerimus, omnes aeternum peribimus.* Inter primos reputandus & *Petrus ille Pulchraninus*, quem supra vidimus, quem hac de causa nobilis quidam genere, at moribus ferus, è Laszizorum gente male multatum in Stagnum profundum conjecit, quem tamen Deus mirabili ratione praesenti tunc vitae periculo eripuit. Quibus merito accensendus *Andreas Lubieniecus* Senior *Stanislao* & *N. Sobievia* natus, quod cum liberaliter educatus, Regis Henrici Vallesii sumtu, commendante eum Budzovio Palatino Brestensi Cujavienfi (hac illi patria) ut pote sanguine junctum & magnae expectationis juvenem, in Academia Parisiensi, una cum aliis selectis equitibus Polonis vi pactorum cum Rep. factorum altus, & ad praecelara quaque natus videretur Magno illi Famoscio, quem pariter sanguine attingebat, & qui bona ingenia benigne, quod vel exemplum *Stanislai Follierii* (è qua gente *Andreas Noverca* fuit) ejus in utroque Magistratu supremi Cancellarii & exercituum Ducis, successoris, docet, promovebatur, quin & gratia Regis Stephani, cujus Aulam sequebatur, polleret, ac insignes honores sperare poterat, relicta Aula Cracoviae Velicam, tertio ab urbe lapide oppidum



se conferens genuino ritu baptismi splendide vestibus suscepto Ecclesiae magna cum Aulae admiratione se adiunxit. Quin imò & ministerii munus postea in se suscepit, illudque solus proprio stipendio obivit, ac fratribus natu minoribus Stanislaò & Christophoro bono exemplo praeivit. Martinus ille Cechovicus postquam ex Cujavia sedes cum sex fratribus Lublinum transtulit, multos ad iterandum vel potius thantismo commutandum baptismum permoverat. Nam acriter oppugnaverat Padobaptismum, non tantum scriptis Polonicis, sed & Libro Latino, cui titulus: *de Padobaptistarum errorum origine & de ea opinione, qua infantes baptizandos esse in primo nativitate eorum exortu creditur*, quem typis Theophili Adamidis impressum Anno 1575. Viro illustrissima dignitate & summa pietate conspicuo Joanni Kiskæ à Ciechanovic, Generali Praesidi Samogitiae & in Magno Litv. Ducatu S. R. M. Pincernæ inscripserat. Is manibus hominum etiamnum teritur stylo sat acuto exaratus & grandem invidiae molem in eum devolverat & in discrimen salutis coniecerat, dum illa *virga magistratus* peteretur prout ipse in dedicatione hujus libri memorat. Sociam ei navarunt operam Niemojevius ille, tum Gregorius Pauli, Securinius, Calinovii & alii Racoviae degentes, quod oppidum in provincia Sandomiriensi Sieminius ille Palatinus à nomine uxoris suae Gnoiniae gentis Polonice nostro idiomate *Rak*; id est, Cancer Anno 1569. exaedificari ceptum, appellaverat. Auctor tamen vitae F. Socini Magnus ille *Samuel Prypliovius* adnotat Securinium primum sententias Socini & amplexum fuisse & propugnasse: tum secutos alios, & inter eos tergeminos illos fratres Lubieniecios, tum demum Juniores Ministros, qui ad amplectendam mitiorem ac mediam Socini sententiam, non obstanti senili auctoritate & praecedente opinis praedicio erant faciliores. Cechovicus qui ut Socino in sensus, ita & Andree Lubieniecio ob diversam de baptismo sententiam iniquior fuit, morti tamen vicinus sui sequaces ad perseverandum in Ecclesia Minori (sic tum nostra vocabatur, posteaquam se ab ea separavit Calviniana Major dicta) admonuit. Magnum par-

tibus

tibus Socini addiderat nomen tum ut Alberti Cosce-  
ni, qui in Ministerio Ecclesiae Cracoviensis successerat  
Gregorio, invidia Calvinianorum, Palatinum & Prae-  
fectum Urbis Stanislaum Myscovicum sibi addictum in  
eum concitantium, ferventi tincta veneno Cracoviâ Raco-  
viam pulsi, moderatio, ita praecipue Stanislaui Lutomirii  
Superattendentis Ecclesiarum Minoris Poloniae, viri exi-  
mia pietate, eruditione & prudentia conspicui auctoritas.  
Cum enim cum Nicolaus Paruta Italus de hac contro-  
versia litteris compellasset, vulgo recepta tuens dogmata,  
his verbis ei inter alia respondet: *aeque ut canam Domini  
ita & baptismum in cetu piorum administrari debere non ne-  
gant cordati pietatis amantes. Scimus tamen locis & tem-  
poribus non esse allegatos. Facebat superstitio edificati-  
onem serviant pacis tranquillitati Ecclesiae. Volebat quip-  
pe, notante Budzinio, Paruta, ut cum baptismi itera-  
tionem ad salutem crederent necessariam, fieret ea per  
ablutionem in Ecclesia, ne se immergendo publice immer-  
gerent periculo, ob solum ritum. Sed in eo assensum  
illorum non obtinuit. At moderatio illa Ecclesiae firmo  
talo consistens etiamnum inconcussa permanet. Verum  
tamen & genuinum baptismum Robcoviae in provincia  
Cracoviensi suscipiendi Viro nobili & pio Christophoro  
Wiscovio Pincernae Bielscensi, olim Ducis Januissii Rad-  
zivili Aulico, & duro Calviniano, sed post modum re-  
genito & vero Christiano, omnes seculi illecebras & uxo-  
ris iras spernenti, relicta Anno 1653 libertas.*

## CAPUT IV.

*De persecutionibus ob impugnata dogmata de Trinitate &  
Padobaptismo à Pontificis & Calvinianis adversus veri-  
tatis confessores excitatis.*

Nemo æquus mirari, nemo pius indignari & queri  
satis potest homines qui Christiani vel Catholici,  
vel Evangelici vel Reformati, omnes Orthodoxi appel-  
lari

N

lari



X  
lari volunt in homines sententia de rebus fidei dissidentes Christianos tamen religione, multos etiam populares imo & necessarios, ob solam differentem religionem tantopere favire posse. Me quidem iudice, nulla tetrior hæresis sub sole datur. Est enim tyrannis ista sacra, non tantum in regalem caritatis legem ac maiestatem divini numinis, cui utpote cordium auctori & scrutatori omnipotenti & omniscio, eoque unico mentium Regi & iudici omni exceptioni majori, imperium in conscientias competit, sed & in ipsam humanitatem ac civilem societatem injuria. Adeoque doctrina ista divinis scripturis, leni mansuetoque Christi Spiritui, institutioni & praxi Apostolicæ, ac moribus primitivæ, quin & trium priorum seculorum Ecclesiæ contraria, Satanam auctorem, duces Cainum Judæos, gentiles, Antichristum Romanum habet. Quam tetricis & internecinis prope bellis Germania utraque, Gallia & Anglia ex hac causa concussæ & miserum in modum afflictæ fuerint, in præsens persequi nostri non est instituti, a præsertim cum id officii seræ posteritati alias præstiterimus. Felicem dixerò nostram olim Poloniam, quæ se ejusmodi sacris & exitiis bellis implicari non permiserit, & ad cruentas persecutiones, exceptis paucis quibusdam privatis hominibus, quos supra vidimus, non descenderit. Atrox tamen præ cæteris invidia Hieronymum illum Philipovium appetiit singulari studio Divinæ veritatis propagandæ accersita, ita quidem, ut in eum omnes veri osiores licet alioqui non levibus tam dissidiis quàm odiis laborantes invicem conspirasse se merito dici potuerint. Mota de officio Mediatoris, de persona Filii Dei ante mundum conditum genti, de iterando baptismo certamina magnam confessoribus veritatis conflexerant invidiam. Idcirco instigantibus adversariis Romano & Lemano Spiritu ductis, Rex Augustus in Comitio Lublinensi Anno 1566. Legem horrendi carminis in Anabaptistas, & Trideitas latam promulgari curavit, qua ii intra mensem regni finibus excedere iussi. Atque hoc inprimis Philipovium percudit, qui tunc non tantum religionis, sed & Matrimonii cum uxore gente Comorovia Comitum Zivceensium familiâ oriunda, &

a In Histor. Comet.

My-

Myseovii Castellani Velunensis vidua contracti, quod Myseovios defuncti fratres & necessarios dignitatibus & opibus illustres pessimè habuit, tum & quæsturæ invidiâ quam in provincia Cracoviensi patria exercebat, premebatur. Provinciales indictionem certam lanxerant. Quam cum Rex appeteret, Primores ne hæc Regi traderetur, Quæstori Philipoviæ injunxerunt. Interim qui in eum male affecti erant, Regis odium ei per hoc accersiverunt. Igitur id egerunt, ut per legem illam Philipovius, tanquam Anabaptistarum fautor, capitis supplicio asiceretur. Etiam Cracoviensis municipii ablegati eum deseruere. Solus ex illis Prilecius causam justam tutabatnr. Tanta rei indignitas & iniquitas generosum pectus permovit, ut in Concilio in hæc verba eruperit. *Nunc quidem vos injuria afficitis me miserum. Sed veniet tempus, quo alius Rex jus dicet & superior causa evadet, qui suos tutabitur.* Id quidem ille quod & fides ac probitas ejus intaminata & res ipsa docet, de cælesti Rege protulit. Verum tamen traxit id in suspensionem & crimen Joan. Zamolcius unus ex Delegatis Provincialibus, sequius id de Joanne Principe Hungariæ, quem Regis Augusti sorore natum supra vidimus, interpretans, & dextrâ porrecta sinistrâ accipiens, imo & de suo apud Regem addens Philipovii criminandi causa, quasi is adventum Joannis ad invadendam tyrannidem intra annum pollicitus fuerit. Pupugit hæc dilatio Regis animum, ut qui quidpiam simile mente divinationibus & præstigiis obnoxia concepisset. Concepit ideo & indignationem ac in innocentem Philipovium offensam & iram. Concepit & Philipovius merito indignationem & dolorem & in animo habuit de injuriâ à calumniatore sibi illatâ ac læsâ bonâ famâ queri. Sed avertit eum à proposito Stanislaus ille Cicovius, boni & prudentis viri officio functus, postquam ipsi in aurem dixit, tum ardenti odio Zamolscium in se flagrare, ut id ei coram Rege certo obiecturus sit. Ita profusus lacrymis opportuno silentio tegens intimo conceptum dolorem, & prudenti consilio obsecundans, à proposito destituit. Neque tamen, ut cordatus erat, bonam causam per inertiam deferuit. Sed Zamolscii patrem, qui tunc jam Castellani Chelmenfis Se-



natoria fungebatur dignitate, adiit, inque sinum ejus acerbum effudit dolorem. Pater tam atrox delatoris & calumniatoris nomen de filio audiens, & quam Philipovius vitæ fuerit integer, probè gnarus, accitum filium graviter & severe corripuit, abdicaturum se eum & vel necaturum, ni tam pudendum facinus linquat smitans. Ita cum formidine pænæ coërcuit. At Philipovius tuendæ salutis invigilans, summo mane Amicis juvantibus, à Rege auditus. Ibi ille de atroci injuria sibi à malevolis illata queri: dolorem etiam justum de Regis animo contra innatam benignitatem delatione & calumnia exasperato fateri: innocentiam vindicare, productis documentis authenticis invidiam negati sibi tributum ololiri, malevolorum fraudes prodere: Regi per omnia fide probata satisfacere: isti dictis veritate fundatis acquiescere, non sine lacrymis fateri. *Gens tua & Populus tuus, Philipovi, tradiderunt te mihi*: offensam ex corde ejicere. Placato Rege exsultavit innocentia. *Et finem pietas contigit ista suum*. Interim malevoli in regiam, sub ipsam prandii tempus convolant magno numero, nec minore ausu, Regem in Philipovii mortem propellere conantur, tempore nimis alieno, postquam in multam lucem steterunt ut indomitum despumarent falernum. Quamobrem Rex negotium eorum per jocum boietis comparavit Doctoris Mehovitæ in arte Medica præstantissimi, qui de istis terræ ulceribus dicere solebat, purgandos in aqua, elixandos in olla, torrendos in butyro, tandem cum frictorio per fenestram, ne lethum afferant ejiciendos. Uffit omnes malevolos, & adussit quosdam eorum ardens in vindictam ira, pudore licet velut frigida suffusa, sed eo ipso renitente malitia plus plusque exardescens & excandescentes, ita ut tandem nonnulli igne proprio è visticcio consumti fuerint, cum primis Myscovichus Marechalculus Curie Regni, Volscius Castellanus Sendomiriensis & Zucovichus Delegatorum provincialium unus. Sed ut Nunquam bella piis nunquam certamina desunt: *Et qui cum certet mens pia semper habet*: ita Vir iste pius assiduus fere Satanæ assultibus appetebatur. Quod etiam tunc paulo post evenit. Cum enim fratris filiam Viro nobilissimo Gnoinio, gen-

te Rakio matrimonio in Petricoviciano collocaret, *Simon* ille *Zacius* cætus Cracoviani Minister, habita concione horæ diei 14, prædixit pro cathedra quid in loco aliquot milliariibus ab urbe disito hora 18, qua novorum nuptorum par solemniter cum impetrata benedictione copulabatur, gestum fuerit aliquoties ingeminans Philipovium Neonymphos in horto sub picea (ubi mendacem oportebat esse ex veteri dicto, memorem, cum Juniperus non picea esset) nudos expositurum conspectui hominum. Memoria tradit Budzinius testis omnium oculatus, & quorum pars magna fuit, (æconomum enim in illis nuptiis egit) *Prosperum Provanam* natione Italum, virum pium & candidum, qui illi concioni interfuerat, literis ad Philipovium datis eum de hac re reddidisse certiorum. Quibus publice inter convivas lectis, omnes tam majoris quàm minoris Ecclesiæ asseclæ & extranei perversitatem viri illius mirari satis non poterant. Spartus tamen in vulgus falsus iste rumor etiam in Regiam serpsit. Hinc Padnevius Episcopus Cracovius Budzinium tributum pendentem obtestatus, an hæc ita se habuerint seriò rogavit. Comperta autem veritate, *Viden*, inquit, *Budzini*, tuos Evangelicos, non meos Catholicos talia de vobis dicere! Quomodo fides reliquis adhibenda, dum ita mentitus est iste Minister, isque senex? Addit hic epiphonematis loco Budzinius: *Qui & fides habenda Episcopis tot horrenda de Ario spargentibus. Id quod & de Paulo Samosateni, Photino, aliisque, quorum omnia scripta adversæ partis impotentia pro libitu grassans nobis invidit, sentiendum*. Finito illo comitio Lublinensi, & latà à Rege illa atroci in Anabaptistas, auctoribus Proceribus Evangelicis, & hos instigantibus Ministris illis Sarnicio, Gilovio, Sylvio & Zacio, ac Trecio homine Scholastico notæ perversitatis viro, sententiâ, haud tuta fuit inermis & injuriis obnoxia innocentia. Hanc quippe adversariorum veritatis factio viribus ut præpollens, ita & ferociens ac ut studio partium, ita & iræ ob adamatos errores vitiis patrocinantibus concepta: nimium indulgens acriter appetebat. Quam in re cum N. Myscovichus metropoleos regni præfectus cæteros feritate superaret,



Gregorius Pauli infensum cum sibi sciens, praefens periculum tempestive lubterfugit. Albinus tamen ex Ivanoviciano & alii nonnulli fratres velut dispersas luporum metu oves collegere. Quibus tandem Pastor Albertus ille Coscenius datus. Nonnulli rus vitae quietae amore illecti, concessere. Budzinius quoque domum quaestori Philipovio designatam inhabitans fratribus cogendis, solandis, monendis, ad preces secum fundendas allicientis non defuit, usque dum saeva illa procella desaviiit. Nec immerito imbellem Christi turbam ferox ille Anti-Christi Spiritus potentia virium & favore seculi armatus gravi perculit metu, postquam Geneva à Roma Sacram tyrannidem atrocibus suppliciis & acerbis Scriptis asserere didicit. Erant adhuc in oculis recentia Serveti, Valentini Gentilis, Sylvani Gribaldi, Ochini exempla, quos Genevensis ille vel perdidit vel ad mortem persequabatur Spiritus zelo fervido & ferro armatus, qui etiam cunctis haereseos damnatis, quales non minus inventorum Calvinii aemuli, quam omnes reliqui Romanensium iudicio sunt, improvidè feralem ictum intentavit. Terrebat & exemplum Adami illius Neusneri quem integro decennio Heydelberga tetra carceri mancipatum tenuit, quem nec pietas nec eruditio eximia, nec praeclara merita, tanta calamitati subducere poterant. Sed Deus optimus maximus qui mirabilis est in suis operibus, modo prorsus admirando bonum hunc Virum veluti missio ei Angelo liberatore, quod de Petro Apostolo in historia Sacra legimus, ex carcere eduxit. Res ita se habet & commemorationem meretur praecedente Budzinio. Additus ei erat ex ordine custos satellitum Electoralium unus. Is dubio procul pietatis Adami conscius & diuturnae afflictionis ejus misertus, carcerem ingrediens cum eo unà cubaturus, pro salutatione compellere hominem; *Adhuc ne es in isto carcere?* Is respondere, *quidni hic sum miser, quem dura attinet custodia?* Ille verò dicere: *Nonne tibi sunt oculi?* vel *nonne es ratione praeditus?* Hinc demum Adamus agnoscere, missum sibi à Deo Angelum ad se liberandum: tum isto absoluta custodiae vice digressio, an possit effringere fores, quae pergulam & arcam

aream respiciebant, unde, utpote, ex loco edito haud facilis descensus erat, circumspicere: tandem modum diuturnae miseriae semet expediendi monstrante Deo invenere. Illum Satellitem digressum excepit alter homo elatioris Spiritus & vino deditus, eoque ad faciendum custodiae officium minime, sed ad dandum captivo excundi tempus maximè, idoneus. Is carcerem ingressus & lectum, in quo ei unà cum captivo cubandum erat, adspiciens sordidum, istum dedignari, carcerem, captivo compellato: *Cuba tu hic in istis Jordibus, ego interim in hospitio cubabo*, claudere, linquere. At miser captivus opportunitati semet carcere tetra liberandi invigilans, omnes stragulas & quidquid lineae & lanei ad manus erat, in singulos conscindere, ista simul instar funis ligare hinc fores illas effringere, tandem se deorsum demittere. Atque ita vir ille pius truculentas adversariorum manus evasit. Inde fugiens Gallias & Belgium peragravit, nequicquam tutum quarens receptum, odiis & bellis sacris flagrante orbe. Ita Smiglam Poloniae Majoris oppidum venit, ubi aliquandiu subsistit. Sed cum nec ibi tuto vitam agere posset, in Transylvaniam, in qua Joanne Scepusio, Principe illo pio & veritatis amatissimo pax sacra florebat, se contulit. Cracoviam à quodam Ministro verbi divini deductus, quo & Joan. Sone-rus Vir pereruditus (qui odia malevolorum pariter fugiens) eodem die venerat. Ita simul die 15 April: in iter se dedere comitantibus aliquantum fratribus. Postquam Claudiopolin venire, periculum mox, quae fors est cultorum veritatis, invenere. Erat enim aliquis explorator, qui eos ad Magistratum detulit. Rerum tunc ibi Stephanus Rex Poloniae, delato ad Fratrem Christophorum Batorem imperio, portebatur. Ita tunc Transylvania dispari domino dominabatur: praesertim cum Franciscus Forgacius, olim Episcopus, Pontificio Spiritu, veritati & omni aequitati inimico, plenus, in locum Czascii Viri grandavi, qui sub Principe Pontificio provinciam Cancellarii obire nolebat & sponte Magistratu se abdicarat, suffectus esset. Hinc à vitâ libertate religionis diminutâ & patriis juribus violatis, trito tramite ad exilia,



exilia, carceres, cædes, indomita ferebatur tyrannis. Quæ cum Adamum quoque peteret Claudiopolitani non tantum vultus ejus, gravitate, sed & eruditionis præstantia ac morum sanctimoniam in cultum & amorem ejus pertracti, etiam capitis periculo & corporis objecta eum tutari volebant. Sic ei parva quies. Brevis tamen. Nam exacto trimestri necesse habebat, periculo sibi ab exploratoribus Cæsareis imminente, solum vertere, & Constantiopolin (quam & Alciati fortunam fuisse supra vidimus, adeo Turcæ ante Christianos æquitate & humanitate longe sunt!) confugere. Ibi eum compellavit Palæologus ille, qui deplorabat sortem hominis. Nil amplius de eo memoriam quod sciam, proditum est. In præsens de Palæologo (*de Palæologi vita, moribus, & morte, Vid. Socii. um F. contra Unjelum editionis secundæ cap. 2. fol. 42.*) occasione mentionis de eo factæ, aliquid dicendum venit, quanquam & ipsum argumentum, quod præ manibus habemus, illuc nos ducit. Hujus historiam brevem, ut & plurima historiarum huic inserta, eximie diligentia Jacobi Riniovicii (: qui consilio fratrum urgente persecutorum malitia Trembecii maternum assumpsit nomen :) viri pereruditi, pii & de Ecclesiis Polonicis optime meritis, imo & in hacce dispersione adhuc optime merentis, debeo. Fuit is vetere & illustri Imperatorum Græcorum sanguine cretus, qui ut Romam venit, & dissensum à vulgò receptis dogmatis prodidit, officio Sacræ, ut vocatur, Inquisitionis, quæ est vera mentium & corporum Antichristiana carnificina, subjectus, & in carcerem conjectus fuit. Inde effracto carcere in Germaniam primum ad Protestantes, inde in Poloniam ad nostrates confugit: quibus cum ei in articulis maximi momenti, scilicet de Filii Dei divinitate & invocatione, ac magistratus jure non convenit. Inde in Moraviam digressus, frustra Pii v. Pontif. Romani insidiis appetitus, tandem postulante Gregorio XIII. ab Imp. Maximiliano captus, & Romam missus fuit. Ubi tetro carceri mancipatus, sententiæ suæ tenax, ad Rogum damnatus est. Quem, ut & duos veneficos palis alligatos, vidit, horrore acerbissimæ mortis percussus, palinodiam se velle canere pro-

professus, à rogo retrahitur. Cum autem in vinculis adhuc hæreret, pristinae sententiæ retinens visus, denuo ad flammæ damnatus miseranda perijt morte.

## CAP. V.

*De exorto aperto Ecclesiarum Schismate posthabitu in conventu Petricoviano 1565. colloquium.*

**D**Urante quinque vel sex annis de Trinitate dissidio, pars veritati & paci amica, ne id in apertum schisma erumperet, omni nisu prohibere conabatur; confessionem religionis æquitate, modestia & caritate cunctis commendare studens. Commodum autem accidit, ut ad celebrandum Ordinum regni conventum Anno 1565. Petrocoviam plurimi omnis generis homines confluerint, adeoque & Ministri verbi, quos Magnates & Equites secum in Comitium florente jam tunc libertate, licet nullis legibus cautâ, adducere solebant. Hos cum inter & Gregorius Pauli esset, omnem movebar is; lapidem, quò concordia post liminio revocari posset, instituto præsentibus Patronis, viris gravibus & moderatis, colloquio. Atque hoc tandem sollicitis precibus Philipovius divinæ gloriæ flagrans zelo, pro ea qua pollebat auctoritate cum aliis nonnullis Equestri Ordinis viris, præsertim cum non pauci fuerint, qui neutras partes sequerentur, obtinuit. A parte confessorum veritatis designati collocutores Gregorius ille Pauli, & Georgius Schomanus Minister Lublinensis, præsentibus ex ordine Senatorio & Equestri Joanne Lutomirscio Castellano Siradiensi, Nicolao Siencio (Demosthene illo Sarmatico), Camera Equestri Præside, Joanne Nemojevio Judice & Delegato Ino-Vladislaviensi, Stanislaio illo Lutomirscio Secretario Regio, Superintendente Eccl. Min. Pol. & Hieronymo Philipovio, qui Director concilii à parte sua constitutus est. Aderat & Joannes Paclesius minister verbi, ut testis & iudex una cum aliis. Notarius hujus partis erat constitutus Albertus Romeus Minister Bressiunensis. A parte Tri-



nitiorum collocutores & schismatis auctores fuere Stanislaus Sarnicius cum suo Discordia, Jacobus Sylvius, Joannes Rocita & Christophorus Trecius Rector Scholæ Cracoviensis. Judices & testes eis fuere Joannes Firley Palatinus Lublinensis & Magnus per Regnum Marschaleus, Joannes Tomicius Castellanus Gnesnensis & Jacobus Comes Ostrogus: Præses Stanislaus Myscowius Castellanus Sendomiriensis: Notarius actorum colloquii fuit eis Nicolaus Dlusejus junior. Postquam in condictum locum ventum est, Gregorius in illo Concilio in hunc ferme modum verba fecit:

Memini ego me ante annos aliquot in Synodo Secimienſi ex ore Petri Gonesii, quem ego virum & pium, & doctum, licet à me in nonnullis dissentientem, merito magni facio, per quos gradus ultra primævam veritatem processum sit, & errores prædicti fuerint, audire. Quæ quidem, fateor, tunc animum meum perculerant, & mox ad investigandum solertius primævæ veritatis certum permoverunt. Hinc ego me totum denuo diligentiori SS. LL. lectioni & acriori earum examinationi tradere: veteris & Novi Instrumenti monumenta, in illis promissa divina de Messia, in his istorum effectum conferre: cuncta simul comparare: veterum etiam scripta excutere. Sed post multos labores & conatus, nil æquè tutum, quam divinæ scripturæ lectionem, & genuinum ejus sensum, quem clarissima verba satis produnt, reperiri, & ad hunc Lydium lapidem cuncta humana, uno animo unoque ore consentiente antiquitate, jurè meritoque examinanda esse, video, si quid video. In ipso certe Symbolo quod Apostolicum vocatur, quæ de descensu ad inferos leguntur, possunt quidem cum scriptura conciliari, stylum tamen Apostolicum in tam brevi articulorum fidei creditu ad salutem necessarium compendium, non sapiunt. Unde illa nec Orientale vetus, nec Romanorum Symbolum, legunt. Sed nec regula fidei, quam unam *solam immobilem & irreformabilem*. a Tertullianus alicubi vocat. Ubi nec illa tertia Symboli pars legitur, quæ etiam stylum Apostolicum in tam exiguo credendum com-

a l. de vel, virgin.

, compendio, ut res ipsa docet, non redolet quamvis cum eo, sicut & illud prius, conciliari queat. Quod si symbolum Apostolicum, in quod omnes, qui Christiano censemur nomine, Patrem, Filium & Spiritum S. confitendo baptizamus, æqua & benigna explanatione opus habet, tantò magis Nicenum eà opus habebit. In hoc enim vox *τὸ ὁμοούσιον* (*consubstantialis* sive *coessentialis*) de Filio contra Arium inventa, & licet scripturæ ignota, tamen in Ecclesiam, frustra nitentibus multis, qui id vocabuli, nonnullis quoque qui & id ipsum dogmatis rejiciebant, introducta est, sicut multi veteres & recentiores aperte fatentur, & nemo profecto rerum gnarus negare potest. Id autem vocabuli novitii tantum disidium attulit, ut totus orbis Christianus propter unum apicem atrocissimis bellis committeretur, dum alii Homousion, alii Homoiousion Patri Filium statuerent. Cui quidem voci, si in S. Script. extaret, nequaquam jota addendum fuisset. Atque utinam nunquam illa adjectis vocis peregrinæ SS. LL. ignota, citra quam Arius erroris per istarum claram institutionem de uno Deo Patre & de filio ejus Jesu Nazareno virtute Spiritus S. ex virgine genito, Christo Dei, Rege cælesti convinci potuisset, facta fuisset! Pravo enim consilio & tristissimo eventu factam esse res docet. Tantò magis cum Homousian novitium dogma armis præfractè tuerentur, & Arium convitiis & calumniis rarent. Atque id etiam injuria faciunt Monachi Romanensium, sed & isti qui à Papatu recesserunt, cum tamen Arius Antenicenos, imprimis Origenem, Tertullianum, Theophilum, Antiochenum, Dionysium, Alexandrinum, Lactantium, magni nominis Duces de filio Dei Antefæculari vel Antemundano, qui à Patre alius sit numero & substantia, Deo, secutus fuerit. Quà sententia, si latum unguem à veritate discedamus, nulla est antiquior. Licentia illa in Arium exercita, quam multorum dehinc malorum, Reip. Christianæ infavorum, causa fuerit, & quæ partium studia, quæ invidiosa sectarum & hæreseon nomina, quæ internecina

odia



„odia ( quæ pro dolor ! etiamnum durant ) pepererit ,  
 „notum est. His artibus crevit dogma de Trinitate , in-  
 „jurium in Deum : cum isti idolo non magis cum Dei  
 „verbo , quàm spissis tenebris cum Sole conveniat. Il-  
 „lud tamen Symbolum Nicænum in verbis *Credo in Spi-*  
 „*ritum S. subsistit*. Quibus demum reliqua in concilio  
 „Constantinopolitano , illa verò **FILIOQUE** etiam lon-  
 „ge serius addita fuere. Jam quid dicam de Symbolo ,  
 „quod Athanasii esse dicitur ? quamvis non desint ra-  
 „tiones valide , quæ probent non esse ab illo conscri-  
 „ptum , cum & institutioni fidei ab eo in aliis libris  
 „traditæ non conveniat , & post ejus tempora fuerit  
 „vulgatum , idè nec in censum librorum ejus relatum.  
 „Nam Nicæni quidem Unum Deum Patrem , rerum  
 „creatorem cum Symbolo Apostolico ( quamvis id in  
 „Concilio demum Nicæno , & ita quarto seculo compo-  
 „situm esse quidam viri docti , & inter eos Valla & E-  
 „rasmus Viri præstantissimi , agurentur ) & cum univer-  
 „sa Scriptura Sacra ac prima antiquitate confessi sunt ;  
 „Filii autem Patri quidem consubstantialem , sed ta-  
 „men *Deum de Deo* , *lumen de lumine* , Patri originem  
 „Deitatis adscribentes , agnoverunt. Sed de Spiritu S.  
 „nihil definite dixerunt , genium illius seculi , quo vel  
 „Spiritus S. Spiritus Dei , virtus , donum , os Dei crede-  
 „batur , vel cum Verbo Dei ante secula sive initio re-  
 „rum creato , factò , genito confundebatur , at Patris  
 „& Filii confessioni connexus , nec à Patris & Filii con-  
 „fessione separandus , nec adorandus vel invocandus ,  
 „sed promerendus & expetendus , imò nec æque ut Pa-  
 „ter & Filius credendus , sed tantum cognoscendus ju-  
 „dicabatur , secuti , temere quæstionem à curiosis ,  
 „scripturæ simplicitate non contentis , motam , atque sic  
 „arduam redditam decidere nolentes. Unde illa Gre-  
 „gorii Nazianzeni ad Clidonium querela Nicænos Pa-  
 „tres non persecutam de Sp. S. tradidisse doctrinam. Cæ-  
 „terum Symbolum , quod Athanasii nomine vulgo cir-  
 „cumfertur , Unum Deum Patrem Filium & Sp. S. esse  
 „per extremam audaciam pronunciat. Hinc quivis per  
 „quas semitas à via Primæ veritatis Regia discessum  
 „& in avia aberratum sit , videt : Neminem autem latet  
 Sp.S.

„Sp. S. per os Apostolorum heterodoxias sive alienas do-  
 „ctrinas & corruptelas , imò defectionem à fide prædixit-  
 „se , & indicasse , nobisque nunc velut extenso digito mon-  
 „strare. Ex his quisque salutis æternæ amans , ab errori-  
 „bus ad veritatem primævam redeundum esse , conclu-  
 „dat necesse est. Neque verò mea quædam , nova vel nu-  
 „pera videri possunt. Imo vero ego nil secundum pietatem  
 „magis , quàm primævam simplicitatem & illam quæ  
 „est secundum pietatem doctrinam , commendo , & urgeo.  
 „Itaque quod reliquum est , Deum illum , qui solus bonus ,  
 „solus sapiens , solus potens , in Script. SS. prædicatur , Deum  
 „dico & Patrem Domini nostri Jesu Christi per hunc , ut  
 „unicum & solum Mediatorem , ut nos omnes ex spissis  
 „tenebris prælucente verbi sui face eductos ab aviis in vias  
 „suas rectas & planas reducat , in iis Spiritus sui Sancti  
 „virtute regat , & per eas ad æterna gaudia perducatur , &  
 „his pijs cogitationibus & studiis intento huic conventui  
 „& colloquio adsit propitijs , ex animo precor & veneror.  
 Ita quidem tunc veritas causam suam , voce & scriptis egit.  
 Istius copiam sibi fieri pars altera postularunt , quasi pos-  
 stridie ad hoc responsuri : Sed non steterunt promissis , ge-  
 nium adversariorum veritatis apprime referentes , qui ar-  
 gumentorum pondere defecti ad inania seculi , splendorem  
 dignitatum , ampullas titulorum fucum antiquitatis ru-  
 morem potentix , philtera promissorum venena calumnia-  
 rum quin & ad jacula persecutionum , confugiunt. Nam  
 pro responso ad præstitutam diem exhibendo , & assertio-  
 ne sententiæ suæ silentium confessoribus veritatis imperant  
 perpetuum , lege lata non amplius de his controversiis  
 faciendos sermones. Quin , ne quid injuriæ deesset ,  
 nec conclusum illud ab se parti adversæ communicarunt ,  
 nec responsioni vel defensioni ulli locum dederunt ,  
 auctoritate & potentia Firlei sceptrigeri , comitum uni-  
 versum dirigentis armati. Ut autem ægrè facerent veri-  
 tatis cultoribus , communes adversarios Pontificios in eos  
 instigarunt , quasi in SS. Trinit. blasphemos , hinc in uni-  
 versam Christianam religionem injurias. Quin & in istis  
 lentorem arguerunt quod non in tales , ad exemplum scil.  
 Genevensium & Bernensium animadverterent , graviter  
 etiam ferentes Hosium Cardinalem agnovisse dogmata de  
 Trinit.



Trinit. & de Pædobaptismo ex foliis script. SS. probari non posse. Ipsos insuper Episcopos ut negligentes officii culparunt, quod permiserint istis blasphemis tor incautos à fide in SS. Triadem reductos perdere. Uti sunt & sucto adversariorum veritatis artificio, ut acta colloquii prope publice commiserint, & triumphum citra victoriam cecinerint, imperito & præconcepta opinione laboranti populo imponentes, ut strenui Orthodoxæ religionis viderentur defensores. Admiscuerunt calumnias, quarum maculis intaminatam Lassocii & Philipovii, Virorum integerrimorum famam adspargere conabantur, Sarnicius præsertim & Sylvius, ingrati animi detestabile crimen non horrentes in Patronos & benefactores suos commissam perfidiam in patriam eis objicientes. Ita enim illi: *Quid isti in patriam militi fuerint, posset & Despotæ, si in vivis essent dicere.* Sed si quilibet ex præscripto juris civilis præsumitur bonus donec probetur contrarium, certe illorum duorum Virorum moribus ita probatorum, ut de iis fama utcumque honesti inimica, mentiri verita, semper fuerit, optima existimatio periclitari hic non potest. Atqui historia quoque de Despota supra memorata innocentiam eorum probat. Accedit quod & res ipsa vel apud iniquissimos iudices omni suspitione eos liberat. Procul enim omnes causas habuerunt tam odii, imò impietatis vel in patriam, in qua illustribus familiis editi Illustrissimis etiã sanguine vel adfinitate juncti, præclaris officiis admoti ac Remp. in Comitio & alias assidue tractantes, libertate in sacris etiam ad invidiam usque gaudentes, optimas facultates possidentes, vel in Regem, Principem Felicissimum, sapientissimum, Optimum, quàm affectus in Principem extraneum, profugum, imperium apud gentem fluxa fide celeberrimam appetentem. Itaque ardens illud calumniæ telum, in aquam innocentia improvidè conjecerant malevoli, subito extinctum. Verum tamen ex eò miserum in modum scissa Ecclesia communium adversariorum insultibus tanto magis fuit opportuna, & injuriis obnoxia. Factum tunc è vestigio initium à tribus pauperibus Fratribus, quos Parochus Bieccensis in urbe sua aliquot annis degentes aggressus

fuit;

sus, vigore sententiæ nuper à Rege in Anabaptistas & Arianos & novitios hæreticos lata urbe ejicere, obtento à Rege ad Magistratum loci mandato parabat. Cæterum illi, quamvis viri simplicitatis columbinæ serpentinam prudentiam ictum intentatum evitando adhibuerunt. Dixerunt nempe se nec Anabaptistas nec Arianos esse, nec novitiam religionem introducere, sed adhærere Primavæ & Catholicæ. Symbolo Apostolico comprehensæ nec ab ea vel transversum unguem recedere, etsi se quis ab ea humani ingenii versutis ratiociniis abstrahere velit. Ita ille Regio mandato, & salva Magistratus Bieccensis obedientia boni illi viri pace & libertate in urbe illa gavisi sunt.

## CAPUT VI.

*Tabulas ultimæ voluntatis Georgii Schomani, ita integram vitæ & mortis, tum plurium actuum Ecclesiasticorum historiam continens.*

**D**iximus adhuc certamina de Trinitate & Pædobaptismo, persecutiones ea subsecutas, mox certamina de Sp. S. deitate & invocatione visuri. His cunctis opportunè inseram tabulas ultimæ voluntatis Georgii Schomani viri eruditione & pietate Clarissimi, de Schola & Ecclesia optimè meriti, utpote non tantum integram vitæ & mortis ejus historiam, sed & non parvam historiæ Ecclesiarum nostrarum partem continentes. Accedit quod & de persecutionibus confessorum veritatis aliquid contineant, & isti Schomano in Ecclesia Lussavianæ ministerio successor datus sit Petrus Scatorius Petri illius, qui controversiam de Sp. S. movit, filius. Et est quidem scriptum hocce omni ex parte memoria posterorum dignum, cum & pietatis & industriæ & prudentiæ, sed & paternæ sollicitudinis eximium sit specimen, merito omnibus imitandum. Verum tamen ego ut illud operi isti inseram, causam habeo particularem, nec sane, ut mihi quidem videtur contemnendam



mnendam. Cum enim ante annos xxx. cum patre beatæ memoriæ Rybelino, Volinæ oppido, quo Vetere & illustri familia ortus Georgius Craplicius Spanovius Vir cum cura aliàs, Deo volente, dicendus, pulsas Racoviâ Mufas receperat, iter facerem, atque ille mihi parvus temporis dispensator & rigidus ejus exactor hosce à Beato Schomano conditum testamentum in rheda legendum tradidisset, & de meliore nota commendasset, factum est, ut lectio & æstivus ardor mihi juveni somnum accerfverint. Ita scriptum manibus excidi. Quod ubi Parens comperit me curru descendere & scriptum amissum quærere jussit, ipse interim iter ad locum destinatum se: qui milliari inde distatam persequutus. Parenti morem gerens remensus pedibus iter, Scriptum inveni, & bonos nactus itineris focios Parentem sero vespere in loco destinato reperi. Tanti ille scriptum hoc faciebat! Tanti & mihi jactura ejus tum constitit. GEORGIIUS SCHOMANUS. *Vid. Bibliothecam Antitrin. pl. 191.*

## CAPUT. VII.

*Certamina de Sp. S. persona & Deitate continens.*

**A** Trigimus superius qua ratione tum *Spiritus*, natione Belga *Spiritus S.* invocationem animo expendendi occasionem dederit, tum Remianus Chelmus eam in Synodo Pinczoviana Nov. xii. Anno 1559. habita in dubium vocavit, tum Petrus Statorius in hoc se gesserit, tum denique Gregorius Pauli & alii viri pii ac veritatis amantissimi negotium hoc matura deliberatione discusserint vulgare dogma de Trinitate ad judicii stateram revocantes & ad Verbi Divini Lydium Lapidem examinantes. Diximus tunc responsum super hoc negotio Chelmio datum fuisse, Cæterum cum Statorius qui ei convivebat & scriptam Sententiam manibus habebat, in Synodo Pinczoviana Nov. xix. Anno 1561. habita prius significasset, non benè eum contentum fuisse illo responso, eisdemque Statorio injunctum esset ei plenius responderet, pro ut instinctu numinis, responderet ille

quidem

quidem sed ita ut non appareat ejus animi sensus de ea materia (quod ipsum Nepotem ejus Joannem Stonium, Clarissimum illum Ecclesiæ Racovianæ Ministrum adnotasse comperio) tantum dicit, Blandratam à Calvinò notatum, quasi virus Servetianæ impietatis aleret. Inter ea sententiam ejusdem, quam in Synodo proposuit, ab omnibus ait laudatam sed tamen ab illo postulatam, tum pluralitatem Deorum statuat, cum Patrem ait ingentum, unum Filium genitum credit. Nos vero omnes (verba sunt illius) nescio quo pacto in hæreses suspicionem venimus, qui cum Blandrata vivimus. Sed si hæretici sunt, qui Patrem Filium & Sp. S. credunt ex Sacrarum Litterarum præscripto, me ex illorum numero libens esse fateor. Nondum venit illa de Sp. S. invidia quam malus ille demon mihi conciliaverat, sed ego in bona mea conscientia acquiesco. Mitto quæ Regenvolffius de Statorio Historiæ suæ Ecclesiarum Slavonicarum inseruit, in vulgus nota. Budzinius memoriæ prodrat eum de hinc regimini Scholæ Pinczovienfis adnotum professum esse veram de Spiritu S. doctrinam, idololatriam scilicet esse, dum ante sacrorum celebrationem in templis & Scholis Spiritus S. ut ad se veniat, invocatur, cum ejus nec unico verbo in Scriptura S. tradatur, imò nec ejus invocatio, quin nec eum personam aliquam in Divinis vel etiam credendum in eum esse divinis oraculis doceatur. Adde quod aliquot sæculorum Ecclesiæ Doctores, ut vidimus, dogma hoc prorsus ignoratum, quarto demum sæculo declinante stabilitum fuerit. Orto inter Statorium & quosdam Theologos certamine, ille eos acriter Sacrarum Litterarum auctoritate urgere, isti opinionem præconcepam obtentu quorundam Sacræ Scripturæ Locorum difficiliorum & posteriorum Ecclesiæ Doctorem testimoniis tueri studere: Ille contra eos ex verbo divino docere & asserere, Spiritum S. personam haudquaquam sed virtutem & donum esse Dei quos is fidelibus largiatur & partiatur pro beneplacito diversâ adhibita mensura, sed Christo ut pote filio unigenito & omnium bonorum suorum hæredi, majorem supra cunctos copiam ejus dederit, adeoque cum isthoc oleo lætitiæ supra omnes

O

con-



consortes ejus unxerit, ita quidem ut de hac plenitudine, quam in Christo inhabitare voluerit reliqui omnes diferentes particulas acceperint: ut ita appareat Sanctum illum Spiritum nec creatorem cæli & terræ nec Deum aliquem adeoque nec invocandum esse cum donari mensurari, & dividi in partes possit, quod in Deum non cadat. Ita veritas à certamine illo illustrior surgere cepit. Multi enim, etiam qui in adversis Statorio partibus steterant, & caput illud fidei, contra eum promoverant, rationibus ejus velut ex alto somno expergefacti ponderare earum pressi veritati cessere. Invenio litterarum monumentis traditum, istis eos argumentis usos, quæ hic adponere operæ pretium judicavi.

Christus cum rogaret discipulos, an in Deum vel Deo crederent, & in se credere præcepit. Nusquam vero legimus eum ut in Spiritum S. crederent mandasse.

Discipuli ejus cum doctrinam de Spiritu S. traderent, præceperunt fidelibus, ut probarent Spiritus an ex Deo essent.

Christus cum doceret Apostolos qua in re vitæ æternæ consequendæ ratio consisteret dixit, *Patrem esse solum verum Deum*, se vero, nempe *Jesum esse ejus Christum* & Legatum nulla Spiritus S. personæ facta mentione.

Christus redivivus à mortuis cælum petiturus, fidelibus adscensurum se ad *Patrem suum & Patrem eorum*, ad *Deum suum & Deum eorum*, nullâ adscensus ad Spiritum S. injectâ mentione, dixit. Ibidem S. Evangelista memoria scriptum reliquit, longe quidem plura miracula Jesum patrassè, quam vel ille adnotavit, vel mundus eorum rationem comprehendere possit, sed se libro Evangelii certa quædam tantum adnotasse, ea fini, ut discipuli crederent, *Jesum esse Christum filium Dei*, & ita vitam æternam adipiscerentur. Neque hic meminit Spiritus S. dum de vitæ æternæ consequendæ agit modo.

Verum quidem est in Symbolo, quod Apostolicum vocatur, nos profiteri: *Credo & in Spiritum S.* Sed hoc nil facit ad adstruendas orationes, quæ ad Spiritum S. in Ecclesiis vulgo diriguntur: Nam etsi Christus docuerit in se quo-

quoque, non in Deum tantum, credendum esse, diversa tamen ratione fides ad Deum & fides ad Christum dirigitur, cum per Christum ut Mediatorem in eum tendat, & in eo terminetur. At longe magis diversa ratione creditur in Deum, & in Spiritum S. Sic etiam in eodem illo Symbolo nos & in Sanctam Ecclesiam Christi credere confitemur. Cum autem Apostolus scribat ad Philemonem, gratias se agere Deo quod acceperit de ejus charitate & fide in Dominum Jesum & in omnes sanctos, probabile est hinc sumtam inferendi illa de fidei in Sanctam Ecclesiam occasionem. Oportet igitur prius cognoscere ipsam rem, ut de hinc causâ & modus fidei ejus vel in eam convertendæ pernoscat. Produunt etiam Sacra monumenta populum in Deum & in Moysen credidisse. Sed ut diversus erat Moyses à Deo, ita & fides. Ita igitur & fides in Christum Mediatorem, & in Spiritum S. & in Sanctos diversa est ab ea quæ in Deum tendit Altissimum. In hunc enim credere est fidem adhibere omnibus ejus præceptis & promissis & obsequi voluntati ejus prout eum per Angelos, Prophetas & novissime per Filium suum revelavit. Credere in Christum est fidem ei ut Mediatori & Legato Dei, nomine paterno docenti adhibere, eumque imitari, sed & ut pote Dominum & Christum à Deo effectum, ad gloriam Dei Patris adorare & invocare, cum ita in Christum credatur, ut per eum credamus in Deum & ita Christus adoretur & invocetur ut per eum adoretur & invocetur ipse Deus, docente id aperte Scripturâ, quidquid hic vel ille Semi-Judaico ductus Spiritu ogganierit, quasi cultu Christi cultus Altissimi diminuatur, cum per eum vel maxime stabiliatur, augeaturque imò non aliter sub N. T. fieri possit ipso Christo dicente: *Doctrina mea non est mea, sed ejus, qui me misit: & Qui credit in me, non in me credit, sed in eum, qui me misit:* quod pari jure & de cultu ac invocatione Christi dici potest ac debet: sed & Apostolo illis verbis ad gloriam Dei patris omnem scrupulum eximendo. Porro credere in Spir. S. est credere eum esse Dei spiritum afflatum, virtutem, donum, à Deo expectandum, qui ejus participes faciat fideles eosque ad divinos usus consecreret, & eo ad vitæ æternæ hæreditatem, dato



hocce arrhabone obsignet. Credere in S. Ecclesiam, est credere Christi Ecclesiam debere esse sanctam, inculpata, gloriosam, non habentem maculam, aut rugam, aut quicquam ejusmodi, cum Christus ea fini sanguinem suum in cruce profuderit, ut eam talem sibi listeret, docente Apostolo. Unde patet citra idololatriæ periculum non fieri, dum plures Dii adorandi & invocandi inducuntur, cum Apostolus idem expresse doceat. Unum esse Deum, Deum Patrem ex quo omnia & nos per eum.

De Spiritu autem Sancto ita ore & scriptis Apostoli docuerunt.

*Accipite (inquit Christus) Spiritum S. quem à meo abitu Deus mittet vobis loco mei alium Paracletum & perfectissimum Doctorem, qui vobis omnia in memoriam revocabit, quæ à me audivistis, & educet vos in omnem veritatem. Ideo scriptum est ex plenitudine ejus nos omnes accepimus: & iste Spiritus S. vocatur Spiritus Christi. Ita enim Christus eum dividit & largitur, ut olim inter seniores populi divisus fuit Spiritus Moïsis.*

*Cui ille Spiritus inest, is profunda Dei scrutatur. Quibus is non inest, illi sunt animales, qui non capiunt cælestia. Nam ut quæ sunt in homine nemo scit nisi Spiritus qui est in homine: ita nemo quæ in Deo, nisi Spiritus Dei: docente Apostolo, qui etiam infra ait: Qui autem agglutinetur Domino unus est Spiritus cum eo. Hoc profecto magnum quidpiam est, cum & Christus dicat. Ego sum in Patre & Pater in me. Ego & Pater unum sumus, propter conjunctionem scilicet ætissimam quæ fit per Spirit. S. Ille nos ducit ad omne opus bonum, & in eo clamamus Abba (Pater) Ideo corpora nostra sunt templa Dei & Spiritus S. (cum Deus in nobis habitat per Spiritum S. quem nobis dedit) ita ut & corpus nostrum & Spiritus noster sint Dei.*

*Idem Spiritus in nobis scrutatur omnia & intercedit pro nobis gemitibus inenarrabilibus. Deus autem novit quid desideret. Spiritus iste attestatur spiritui nostro, quod filii Dei simus. Talem Spiritum non habuit Ananias cum mentiretur. Contra hunc Spiritum qui peccat, spiritui immundo opera ejus per extremam malitiam adscribendo, nullam remissionem consequitur. Isti spiritui S. semper*

Judæi,

Judæi, confitente Stephano restiterunt. Iste Spiritus revelavit, quod Christum Domini viderit.

*Ille Spiritus per Apostolos locutus est coram Regibus & Judicibus Terræ. Qui eo præditus non est, tertior est omnibestia. Hunc Spiritum adeo ardentem, ut postea non habuerint Apostoli, antequam D. Jesus esset glorificatus. Non habuit Petrus, cum eum abnegaret. Non habuerunt Apostoli, cum ignem è cælo ad perdendum Samaritanas inhospitales deducere vellent, nescientes quo Spiritu ducerentur.*

*Hunc Spiritum S. dat Pater potentibus à se, inquit Christus.*

*Hunc Mundus non novit, nec recipere vult, præferent amicitiæ Satanæ amicitiæ Dei: Hoc Spiritu acti Apostoli prædicarunt magnalia Dei, postquam eorum discipuli eum esse cognoverunt.*

*Eodem Deus Filium supra modum unxit.*

*Per eundem Prophetæ prædicarunt afflictiones Christo obventuras. Hunc nec norunt qui Veni Spiritus Creator, canunt.*

*De hoc Hugo Cardinalis in explicatione Missæ sub finem memoriæ scriptum reliquit. Quare etiam non dirigitur oratio ad Spiritum S? quia Spiritus S. non est Deus, sed est donum Dei. Igitur non est dirigenda ad donum, sed ad largitorem doni.*

*Hæc quidem tunc non minore animo quam virtute Spiritus pro asserenda Spiritus S. qui sit Spiritus Dei non ipse Deus, natura urserunt veritatis confessores. Statorius tunc merito cum Poëta dixisse fungar vice cotis acutum Reddere quæ ferrum valet, exfors ipsa secandi.*

*Exacuit enim bona ingenia illa initialis ejus de Spiritu S. institutio, quam in eo amor seculi hebetavit. Nam in Synodo Lancuti Anno 1567. habita, cum controversia de Spiritu S. ageretur, & non tantum de Spiritu S. sed & de filio Dei multus sermo inter partes haberetur, ab adversis stetit partibus, & se unquam id de Spiritu S. docuisse, negavit, ne ab adversariis vitæ mediis privaretur veritus. Licet autem Alexius Rodocius typographus in os ei dixerit, se cum studiis Pincoviz, cui Scholæ Statorium præfuisse*



diximus, daret operam, hunc articulum de Spiritu S. ab eo didicisse: nihilominus ille in faciem negavit dicens, Spiritum S. Deum esse, ut Deum colendum, & qui aliter deceat, ex Patre Diabolo esse. Notat Budzinius hanc ejus fluxam fidem, ideo Proteum vocat, à quo Spiritus iste Dei recesserit, qui etiam scripto patrocinium errori præbuerit, & paulo post mortuum esse adnotat. Sed & Ophiovius arguit, eum talentis sibi creditis (vir enim fuit pereruditus & eloquens ac solers, quod vel ex Grammatica Polonica ab eo natione Gallo edita patet) non usquequaque ad tuendam veritatem usum, potentiori tandem Trinitariorum parti adhæsisse.

### CAPUT VIII.

*De studiis concordia inter tot sententiarum dissidia, & certamina, præcipue de Synodis Lancutensi & Scrinensi Anno 1567. habitis.*

**E**T si sapius & multum sectata aliis, ut supra vidimus, concordia restauranda & pacis in Ecclesiam Christi postliminio reducenda, minimum tolerantia Christiana in eam introducenda media, præsertim canones in Synodis Petricoviensi 1562. & Mordensi 1563, dati frustra fuerint patronis errorum potentia carnalis brachii patrocinante, eosque in dies efferrante, tamen veritatis amantium studia in redintegrandâ pace Ecclesiastica non destiterunt. Dolebat eis graviter scissam adeo Ecclesiam, à colloquio cum primis Petricovia: Anno 1565, habito, ut non mirum sit Gregorium ad Procop. Nazianzenum olim de infelici omnium conciliorum, in quibus magis ambitioni quam pietati detur opera, exitu questum fuisse. Magis vero etiam dolebat eis non compositis inter Trinitarios & Unitarios de Deo, Dei filio, Dei Spiritu S. deque baptismo controversis, novum schisma auctoribus Petro Gonesio & N. Farnovio, qui Arii sententiam propugnabant, & quidem acriter ita ut multa virulenta in confessores veritatis, non tantum ore, sed & calamo effutierint, inque

hac

hac malevolentia, ad extremum perstiterint, non satis bene bonis ingenuis usi. Mirum eos qui ab adversariis veritatis in articularis de Trinitate & Baptismo dissenserint, cum illis tamen consilia & studia inconfessores veritatis velut conjuratione inita, sociasse.

Peræque utraque pars veritatis confessoribus imposuerant invidiosa nomina Ebionitarum, Samosatenianorum & Arianorum, cum tamen illi duo nil nisi Ariani novi fuerint. Gonesium qui ante decennium Polonias cum sententia Serveti de præ eminentia Patris intratas commoverat, dubio procul Wittebergeneses in veri cultores armarunt, sed & alii, quibus cum ore vel per litteras contulit. Indicta Lancutum Synodo & processu promulgato omnes, quibus cordi esset gloria Dei illuc convocarunt. Ac proinde è medio Ecclesiæ Cracoviensis profecti illuc quatuor auditores, *Simon* (ut puto) *Ronenbergius* Pharmacopola Cracoviensis vir eximie pius, & singulari dono in precibus publice fundendis divinitus præditus ut Spiritum illum gratiæ & orationum accepisse merito dicendus sit, *Budzinius*, *Alexius* (forte ille *Rodecius*) & *Zulasovius*, & duo Ministri verbi, *Securinius* Junior & *Stanislaus Lutomirius*, qui diu multumque veritati reluctatus, tandem ei victas dedit manus, memor exempli *Stanislai Orichovii*, qui etiam postquam diu & acriter *Joanni Lasco*, ejus Socero restiterat, tandem publicè his verbis ei valedixit. Has victas vir Dei tibi porrigo manus. Volebant nempe & isti testari veritatem & gloriam divinam cordi curæque sibi fuisse. Sed licet inexpectati ingrati tamen hospites illuc adveniant, quo diversa quidem dogmata foverentes convenerant, sed & in eo, ut confessores nominis Filii hominis acerbis odiis infectarentur inter se convenerant. Budzinius, qui horum pars magna fuit, notat multos nobilium moderatores ministris verbis fuisse, solum si excipias *Jvanum* illum *Carinsecium*, quem supra modum virulentum & omni non tantum Calviniano sed & Ethnico pejorem, propria edoctus experientia appellat. Qui cum vir quidam nobilis *Sicorius*, etsi diversæ de Filio Dei sententiæ addictus, sed non ita, ut reliqui exulceratus, acriter congressus sermo-

nem



nem ab his verbis orsus est: *A fructibus eorum cognoscetis eos. & Probate Spiritus an ex Deo sint*, monita sunt ab ipso Spiritu S. profecta nobis omnibus per necessaria, & ubique usurpanda. Itaque & mihi nunc, Ivane, adhibenda sunt, dum te amaro zelo flagrare animadverto. Non possum quin ex officii ratione sincere & cordate tibidicam, te non Dei, non Christi Spiritu, qui levis & humilis est duci. Consedisti enim hic sponte in medio eorum, qui pariter sponte ex locis longè diffitis huc confluerunt, & vis eis imperare, ac necessitatem hoc quod tu verè credis credendi imponere, convitiis adhibitis, ita ut corda pia in spem tuæ gratiæ aliter sentiant, aliter credant, aliter loquantur quam judicant. Quæ quidem tyrannis nec inter Ethnicos in politicis rebus locum habet. Tantum abest ut locum habere possit in rebus divinis, ubi de salute aeterna cuiusque agitur, ubi sermo est de erroribus, ex quibus velut ex innabilibus & inamabilibus paludibus pedes erueretentamus. Tunc hic Stentorea voce vel etiam opprobriis causam obtinere cupis istdem scil. quibus Romanus Papa contra te causam se obtinuisse putat? Ego vero emorior, dum talia audio. Nam & ipse huc veni, non ut me aliquis inconditis clamoribus obruat, vel ego alium, sed ut in caritate colloquamur? Nempe hic non imperiose vociferationi tuæ vel ullius hominum nec tristi supercilio, sed mansucto verbo Dei & suavi jugo Christi colla libera submittimus. Vocabat Ivanus sublata voce impotentiam animi tueri, sed oportebat cum pudore confusum desistere capto & ori silentium imponere, victum verecundia præsentibus Goleciis, Balo, Domaracio & aliis viris nobilitate generis & gravitate morum conspicuis. Hinc Cracovientes è medio conventus egredi jussi. Tum reliqui consilia agitare, an cum eis de Filio Dei cominus congregiendum sit, necne? His & illis in diversa euntibus, Petrus ille Statorius licet Ivano comes itineris fuerit, sed qui veritatis gnarus rapidam servans sub pectore vulpem sensa animi erueret noluerit, congressum disvadere, & dicere. *Causa cadent & confusi pudore recedent. Novi eos, Novi vos. Scio quid dicam.*

Tum Ivanus animi & linguæ immodicus eum queribus  
ver-

verbis adoriri, partium studium & obicere, & animosa voce clamare. *Quidni cominus cum eis pugnemus? Nomen nobis in promptu sunt divina oracula? Michæ V. legimus, Etegressus ejus a diebus aternitatis. Et i Joan. V. Qui diligit eum qui genuit, diligit eum & qui gentus est ex eo.* Sed illum locum Farnovius ad rem non quadrare agnovit. Istum ipse Statorius, ut pote in quo de generatione fidelium ex semine verbi non Christi agatur ei eripuit. Ita Ivani ardor ille disputandi defixit. Qui tamen se ab aliis correptum & correctum in intelligentia verborum Sacrae Scripturae graviter tulit. Verum enim vero Farnovius animum ad tuendam Præternitatem Filii impulit summo sententiæ ex initio Evangelii Joannis de Verbo vel potius sermone qui in principio fuerit, præsidio. Ibi Joannes Securinius eum rogare: Ubi possit monstrare verbum à principio mundi operans: & affirmare, se contra luci monstraturum Verbum à principio Evangelii temporibus utriusque Joannis Baptista scil. & Evangelistæ, operans. Ibi tum Farnovius nec animo nec Lingua temperare quitus, cum clamoribus obtunderè, conari, & rationibus defectus ad convitia devenire, cavet ut plaustrò fundere. Quod ubi Asseslores viderunt, quibus iniquum, indecorum & noxium visum rem silentio tegere rixas cohibuerunt & contentionibus animosis finem imposuerunt, & ex communi consensu Synodum ad diem 24 Junii Serinam minoris Poloniaro oppidum, indixerunt, & ad eam habendam omnes salutis propriæ & gloriæ Dei ac Christi ejus invitaverunt. Solus tunc Ivanus, zelum nimis juravit nunquam se interfuturum colloquio, cum secta, ut aiebat, in Deum blasphemam habendo, imo daturum operam, ut Synodus illa disturbaretur. Omnes ex Synodo Lancuteni illa caritate ab se discesserunt invicem datâ fide, concordia se operam duros, & intra modestiæ fines usque ad proximam Synodum permansturos. Solus hic Ivanus ab omnibus discessit, & nuncium alterius partis nominatum Philipovii, amicitia remisit. Qua in re supra modum constans, vel ut commodiore utamur verbo, pervicax usque ad suprema persistit, rigido illo Calvinii Spiritu actus. Postquam præfixa Synodo



nodo dies venit ad quam centum & decem ex utraque Polonia & Litvania nobiles & Ministri convolarunt, præter turbam vicini populi utriusque sexus, cunctis ad audienda de rebus divinis colloquia animos erigentibus & aures arrigentibus. Conventus istius Præses & moderator communi suffragio Philipovius creatus, insigni fiducia de prudentia, pietate, & moderatione viri illius Egregii ab omnibus concepta. Nec fefellerat eos spes.

Cautum ante omnia tam idoneo æquitatis auctore, ut occurrendo rixosis & acerbis certaminibus, utraque pars mansuetudinem & modestiam servaret ac leniter sententias suas per electos Collocutores proponeret, quod si quispiam necessarium quid rogare voluerit, faceret id cum bona venia loquentis, cum actus prælongi in illo Conventu adhibiti fuissent. Hæc igitur pars quæ contendebat Verbum, sive Filium Dei ante Matrem extitisse ac celum & terram cum Patre creasse, elegit Collocutores Joannem Casanovium, Farnovium, Joannem Niemojevium, Judicem Inovladislaviensem jam tunc à Cechovicio baptizatum, Nicolaum Zitinum, Joannem Falconium, Martinum Cechovicium, Danielem Bielinum, demandata Notariorum provincia Laurentio Criscovio & Thomæ Swzechovio. Pars vero altera, quæ tuebatur veritatem Primævam Sacris proditam monumentis, Filium Dei Verbum sive Sermonem, quod paternæ voluntatis interpretes fuerit, dictum non extitisse ante mundum conditum, sed initium existentie accepisse certo tempore, viventibus, scil. Joanne Baptista & altero Joanne Evangelista & Apostolo, sub imperio Romanorum Imperatoris Octavii Augusti, expresse perhibente id Sacra Historia, elegit Collocutores Georgium Schomanum, Gregorium Pauli, Joannem Securinium, Mathiam Albinum, Joannem Baptistam à Litvania, Martinum Crovicium, Simonem Budneum & Jacobum Calinovium. Notarios constituebat Albertum Coscianum & Stanislaum Budzinum, cuius ut testis locupletis, fide intextenda ista historia nitimur. Utraque pars citra anxiam ordinis Scholastici curam in colloquiis, in quibus non de Philosophicis questionibus, ac inanilaureola, quæ vulgo pedibus manibusque in mu-

staceo

staceo quaeritur, sed de eruenda primæva veritate ac consequenda æterna cælesti gloria agebatur, solis Scripturarum Sacrarum verbis rem peragebat. Cum autem ista diversam explicationem admittant & ferre videantur, ita in eo processum, ut alterum alteri comparatum clara obsecuris, facilia difficilibus lumen adferrent atque ita ratione veritas ex tenebris ignorantie erueretur, atque proferretur in lucem. Prodit Budzinus notæ fidei & industriæ scriptor, nullum propemodum locum tam prioris quam posterioris Instrumenti fuisse: quem non alterutra pars in medium protulerit: quod prosequi longum foret. Ad ultimum ita ab se discesserunt ut ista pars illi dixerit, nolle se alium Filium Dei & mundi Servatorem nosse, quam Jesum Christum crucifixum, quem Deus Sancto Spiritu castæ Virginæ genuerit, eodem unxerit, in mundum miserit, à mortuis excitatum à dextris in cælestibus collocaverit, ac nuncium se mittere verbo illi præ æterno de quo Augustinus scriptum reliquerit, quod si se ipsum miserit, seipsum sanctificaverit, ipsemet à se & suo nomine venerit. Ex hac Synodo digressi, & si sententiis in diversa abierunt, tamen nullam acerbiteratem inde retulerunt, præter Farnovium, qui & de hinc aculeatis scriptis partem adversam appetiit. Verum tamen ista famæ & salutis suæ consulens, utpote asulibus trium quatuorve sectarum Pontificiæ videlicet, Lutheranæ, Calvinianæ & Binaturiæ sive Farnovianæ, quamvis iste eide Uno Deo & eminentia illius assenserit, omnem rei tunc gestæ seriem curante Stanislaò Cicovio Archicamerario Cracoviensi publico commiserunt, responsonibus ad omnes partes adversæ objectiones adpositis. Singularem meretur & dicentis curam & legis memoriam conclusio sive regula ac lex omnibus consentientibus à Præsidente conventus illius conscripta & ab iis recepta; neutiquam tamen servata, quæ sic se habet. *Piè & Sanctè Trinitas retinenda est ea lege, ut fraterna caritas ex præscripto Filii Dei servetur, & alter alterius infirmitates toleret nullo vero prorsus modo alter alterum convitiis incesat. Quod si quis aliter fecerit Deo rationem reddet. Interea integrum est per scripta de eo agere, sed ita, ne alter alterum calumniatur, convitiis proscindat, vel damnet vel in privatis*

vel



vel in publicis. Orationes & conciones Sacras alii aliorum audire possunt ea cautione sicuti orationes peractæ fuerint eâ formâ quæ in verbo Dei est tradita. Quod si aliquis orationes instituerit, vel pro concione docuerit non servato Scripturæ Sacrae solito stylo, hic quisque ductum propriæ conscientie sequatur. Si forte illas orationes vel conciones audire nolens foras exierit non est id ei vitio ferendum, quasi vinculum fraternæ dilectionis solveret. Pari ratione in Baptismo parvulorum & celebrando memoria mortis Christi Domini actu sequendus cuique est propriæ conscientie ductus, cunctis expectaturis, quid cuique & quo modo ostensurus sit in ista difficili confusione rerum per Romanenses introducta, & ardentes preces missuris, ut vera institutione uno animo in emendatione vitæ ad gloriam Dei & mutuum solatium utamur, alter alterius fidei imperare nolens, cum istius dominus & Largitor sit ipse Deus, usquequo is miserit sapientiores Ministros Angelos suos tempore suo rixanti avulsuros, & à tritico separatuos, interim nos alii alios non evellamus, nec laceremus. Hoc enim Christus noluit permittere Apostolis, tanto minus id nobis permisit. Actum Sorinnæ die 29 Junii Anno 1567.

Atque hæc quidem tunc prudenter agitata & ex æquo fuere peracta. Sed non servata ab illis, qui suscepto semel errorum inolitorum patrocinio nihil non tentabant, ut libidini suæ obsequerentur & cultoribus veritatis ægrefacerent. Prætulit signum dissidii Famovius ille, Ariannæ opinionis fautor accerrimus, ambitionis typho, inflatus, qui patronum in actus Menzicum præfectum Sandecensem sedem in illa urbe Hungariæ vicina fixit, & ludum ibi aperuit, acerbe Præternitatem sive præexistentiam Filii ante mundum conditum propugnans. Quam acriter non tantum Pontificii sed & Calviniani prædicationis defenderint, & quam superbe veritatis cultores hanc Ecclesiæ corruptelam corrigere studentes rejecerint, supra vidimus.

## CAPUT IX.

De Reformatorum odio in cultores veritatis in Synodo Cracoviensi Anno 1568. exercita; quæ res Andrea Duditis præbuit offendiculum & sic incentivum subdidit ad inquirendam veritatem de cuius vita & morte paucis dictum.

Quam in veritatis confessores malevolentiam Christophorus Trecius Scholæ Cracovianæ Rector partes Sarnicii & Discordiæ secutus, verbis & conatibus ac litteris ad Helvetios scriptis prodiderat eandem ipso facto erga Andream Fricium Modrevium Virum illum pietate & Eruditione, ut de generis nobilitate & officii dignitate nil dicam, præstantissimum ac inter primos ætatis Viros numerandum exeruit. Jusserat hunc, utpote Secretarium suum, Rex Augustus colligere omnes diversas de Trinitate sententias, imo eos diffidentes ad concordiam reducere. Id ille Rege ad bellum Moschicum profecto 1565. orsus præstantissimum illud Sylvarum 4. opus feliciter composuit; Quod quidem ille Anno 1569. perfecit, sed se vivo ob rationes varias publico committere non potuit. Cujus rei rationem reddens præfatione in Sylvam quartam satis modeste unius popularium suorum technas notat. Intelligit verò Trecium illum, qui Basileam, quo Fricius usus illud suum veteri amico & solerti typographo Oporino excudendum miserat, veniens & ab se imprimi talem Fricii librum audiens, copiam sibi ejus videndi fieri petiit; quod cum illi vir bonus ex suo candore alienam versutiam metiens, indulgisset, ille prædampnatam in casses suos nactus & inibi argumenta veritatis responsonibus, exceptionibus & objectionibus Trinitariorum longè fortiora animadvertens, Basilea protinus excessit, evasit, erupit, & librum Fricianum bona fide sibi commodatum abstulit & sic editionem libri sufflaminauit. Ita in Poloniam reversus obviam Fricio Cracoviæ factus, & ab eo rogatus annon Oporinum viderit



derit & de editione libri sui aliquid inaudiverit, fortè cum in sinu gestans, nec Oporinum, nec librum se vidisse respondit. Oporinus igitur se ab impostore delusum videns, de hoc Trecii dolo malo Fricium certiorum fecit, qui ut eum vidit, acriter in eum iuventus, ferream frontem in eo deprehendit. Ac proinde actum se agere in eripienda Cerbero ossa animadvertens rem Stanislao Miscovio Palatino & Præfecto Cracoviensi cum dolore iusto exposuit. Quem præconcepta opinione laborantem & studio partium nimis deditum ut comperit, de fraude Trecii plagarii apud Palatinum queri restitutionem libri instanter urgere, injuriam sibi illatam etiam contemptui Palatino habitam dolere, acriter jus suum prosequi, tandem potentiae Palatini Trecio patrocinantis cedere: postremo scrinia sua excutere & rejecta omni mora opus, illud ex adversariis & chartis ferè rejectaneis denuo moliri, & absolvere, antequam mors eum occuparet. Atque ita tandem præstantissimum illud, licet mole perexiguum Sylvarum opus, ab interitu vindicatum habemus. Inter hæc cordati & veritatis amantes Viri isti tuendæ & propagandæ omnem impenderunt operam, nihil morati adversariorum impotentiam animi, iras & insultus, quibus bonam causam malitiosè impedire nitentur. Nullo tamen aut certè exiguo successu, cunctis veri & honesti cultoribus adversus cuncta mundi obstacula tanto animosius ad laudis veræ decus enitentibus. Quos inter primas tunc meritis est *Andreas Dudithius Sbardellatus* olimque Episcopus Tinienfis, post Chanadiensis tandem Quinqueecclesiensis, trium Imperatorum Ferdinandi I. Maximiliani & Rudolphi Consiliarius in concilio Tridentino nomine Cleri Hungarici & in Aula Polonica perpetua legatione perfunctus. Vir recondita eruditione, linguarum scientia, & quod præcipuum, morum castimonia, inter primos qui unquam fuerunt merito ponendus. Quomodo is è medio Papatu & sæculi illecebris ad purioris veritatis notitiam pervenerit: & non tantum honestè ministerium Cæsareum, sed & Episcopatum optimè fortiter resignavit, ac matrimonium propè vocante cælo, iniverit. Pontificis ideo Romani & universi

Papatus

Papatus indignationem & iram Romæ in imagine exustus meruerit aliis memoratum prætereo. Illud tacere non possum, quod solus annotavit Budzinius, cum fixa Cracoviae sede frequentasse ecclesiam Calvinianorum, & notasse diligenter istorum odia & injurias quibus veritatis cultores ad bonam causam deferendam impellere studebant, & qua erat modestia singulari ac verecundia Matronæ potius quam Viro, si Budzinio credimus, conveniente animum ab illis avertisse. Præcipua ei præbita causa fuit in magna Synodo à Calvinianis Anno 1568. Cracoviae in aula illius Miscovii Palatini habita. Ad quam exosa veritatis confessores ablegarunt aliquot Viros graves imposita Philippovio, utpote notæ modestiæ viro perorandi provincia. Is in illo conventu sic locutus scribitur.

Satis quidem, Fratres & Amici in Christo honoratissimi, utpote è communi ecclesia ejectionis à societate fratrum, na exclusis spretis & abjectis nobis toties repulsam passis, & indigne habitis à parte Vestra (à plerisque certè, infonti modestiæ suus maneat honos) causæ præbitum est, ut nos nostra virtute involveremus, intra fines non tantum in expugnabiles patientiæ & insuperabilis modestiæ, sed & necessarij silentij positi. Fecit tamen flagrantissimus in Deigloriam, in concordiam omniconatu redintegrandam, in veritatem illustrandam, in salutem vestrum omnium aliorumque procurandam amor, ut magis tot officiorum quam injuriarum memores, ad hunc quoque Conventum vestrum adeo frequentem accesserimus. Non venimus ardelionum importunorum more. Non temere quidquam gerimus, non præfractè quidquam geremus. Comparemus in isto Illustricæ tanquam Ablegati à Fratribus nostris, qui & vestri non nomine tantum, sed & re ipsa esse ex animo optant & percipiunt. Adsumus, non rem levem, vel ingloriam sed qua nulla graviore, nulla gloriosior debentur ista caritati Christianæ encomia ipsius veritatis ore) publico nomine in loco publico decenter tractaturi. Ne putetis quæso nos Vobis molestiam facessituros. Injurias condonamus, concordiam, minimum tolerantiam



„ rantiā & moderationem animi officiosi requirimus.  
 „ Non turbabitur circulus rationum Vestrarum, intra  
 „ circulum æquitatis cuncta reducere volentes. Nontur-  
 „ bābimus & quietem vestram, nil nisi pacem omnibus  
 „ vobis & studiis querentes. Non alienarum rerum cu-  
 „ riosi ingerimus nos negotiis vestris, Christi imo Ve-  
 „ strum proprium negotium apud vos acturi. Par au-  
 „ tem concordie studium & æquitatis officium a parte  
 „ vestra, nisi nos omnia fallant nobis pollicemur. Ipsa  
 „ vel invita fatebitur invidia, nos in omnibus Sacris  
 „ Conventibus in hac ipsa regni Metropoli. Anno 1561.  
 „ Xianstæ Pinczoviæ Rogoviæ anno 1562. Mordī  
 „ anno 1563. tum Petricoviæ 1565. tum Lancuti de-  
 „ nique Scrinæ anno superiori habitis omnem servasse mo-  
 „ destiam, etiam cum acerbis appetiti non ex æquo  
 „ tractaremur. Præcipue vero quæ in priore Pinczoviana  
 „ Mordenſi & Scrinenſi de tolerantia servanda sancita  
 „ erant, intemerata custodivimus nulla re magis quam  
 „ omnis generis afflictionibus, quas ab omnibus pro-  
 „ pter filium hominis patimur nobilitati. Annon ita-  
 „ que officium verorum Christi discipulorum studentes  
 „ servare unitatem spiritus in vinculo pacis fecerimus, ipsi  
 „ iudicate. Sed ut nullam officii partem negligereamus,  
 „ etiamnum vobis conventis opus fuit. Testamur coram  
 „ Deo mentium auctore & inspectore nos soli infallibili  
 „ & omni exceptione majori Sacrarum litterarum au-  
 „ thoritati acquiescere, & primæ integritati adherere  
 „ ex animo, illi doctrinæ & veritati quæ secundum pietatē  
 „ tem est addictos. Nec falsi sumus dum asserimus  
 „ quicquid in omni antiquitate cum immobili regula  
 „ veritatis divinæ convenit, nobiscum facere, pro nobis  
 „ militare exceptis Philosophicis tricis, quæ nobis simplicio-  
 „ ribus, qui tamen majorem semper Ecclesiæ partem con-  
 „ stitunt ignotæ sunt, à quibus tamen doctrina Christi-  
 „ ana nulla re magis quam simplicitate se commendans  
 „ paulò post Apostolorum tempora pendere cepit, quem  
 „ primum fuisse gradum Ecclesiæ ad deteriora prolaben-  
 „ tis, Magnus ille jure meritoque judicat Erasmus præ-  
 „ fat in Hilarium. Ita decerto veritatis plene persuasi &  
 „ sen-

„ sententiæ nostræ firmiter confisi, alios minime odi-  
 „ mus, damnamus, insectamur, verbo, opere, vel et-  
 „ iam Manimò. Judicium de occultis incorrupto illi  
 „ Judici relinquamus. Vos etiam atque etiam ora-  
 „ mus & hortamur, ut memores officii propter glo-  
 „ riam Omnipotentis Dei & Filii ejus unigeniti Domini  
 „ nostri Jesu Christi nobiscum fraternè & amicè ex so-  
 „ lis sacris scripturis de veritate illustranda, de caritate  
 „ retinenda, de concordia postliminio revocanda agatis,  
 „ omnes vero rixas, similitates, iras facessere jubeatis,  
 „ nil nisi gloriam divinam & mutuam ædificationem  
 „ quærentes. Atque hæc sunt quæ pro fratribus meis,  
 „ id est, pro veritate fidei, proprietate morum, pro con-  
 „ cordia & pace Ecclesiæ apud vos dicenda habui: qui-  
 „ bus si aures præbueritis faciles, felices nos judicabi-  
 „ mus, nos bonam causam non tantum bene sed &  
 „ prospere egisse: Sin autem, ut adhuc res secus ceci-  
 „ derit: dolebimus in vobis quoque illud verum esse,  
 „ quod ibidem Erasmus addit: Accreverunt opes & accessit  
 „ vis. Porro admixta huic negotio Cesarum auctoritas, non  
 „ multum promovit fidei sinceritatem. Tandem res dedu-  
 „ cta est ad sophisticas contentiones articulorum myriades  
 „ proruperunt. Hinc eventum est ad terrores & minas.

Hæc quidem tunc Philipovius in frequentissima illa  
 panegygi in oculis auribusque ut plurimorum aliorum  
 etiam Pontificiorum ita & Duditi peropportune dixit;  
 omnesque viri senili prudentiâ & auctoritate gravis, par-  
 tes implevit. Sed quos amor hujus sæculi & fiducia po-  
 tentiæ transversos egerant virum cavitè venerandum, &  
 magnæ in Rep. quoque auctoritatis non reveriti cum  
 acerbatis ac contumeliæ pleno responso dimise-  
 runt. Quo profecto omnium æquiorum ipsorum  
 quoque Pontificiorum, quibus ex facili judicare  
 erat, illos ipsius hospitalitatis & juris gentium in tra-  
 ctandis & dimittendis Legatis obliros fuisse, animos of-  
 fenderunt. Et certe magno eis tanta iniquitas constitit,  
 jactura scilicet Magni Duditi, quem quanti Maximi qui-  
 que viri Thuanus, Lipsius, Crato, Monavius, Mure-  
 tus, ipsique adeo gravissimi adversarii Beza, Romundus  
 fecerint;



fecerint, non attinet dicere utpote orbi notum. Nam ille quidem tunc pro tempore dissentum dissimulabat. Cuncta tamen tacitus pectore condebat suo. Malevoli interim, quibus solemne est cuncta, etiam alienissima, in partes trahere, & silentium opportunum pro consensu interpretari pudendum facinus tanti viri auctoritate velare contendebant, & ab exteris (non enim domi continere se nimia sui fiducia poterat) qui tantam in Dudithio pietatem collaudarent, & ad induendum zelum extimularent, flagitabant. Ita apud multos non equidem lynceos, multum de tanti nominis existimatione detractum, operâ cumprimis Trecii viri garrulitatis, levitatis & ambitionis notæ, quem eruditio pulcherrima Scholastico conveniens, intrata Helvetia simplicioribus vix cognita, & commercium litterarum cum Calvino ante quadriennium demum defuncto, Beza eorumque gregalibus cultum inflabant. Ideo vir ut veri, ita & bonæ existimationis servantissimus, quam ei lava manus detractoris adaspererat maculam dextrâ adhibitâ prudentis scriptionis spongia absterfit. De hinc partes amplexus meliores Ecclesiæ quidem ut minori ita & veriori nomen non dedit, ejus tamen fautor & Smigla, Majoris Poloniæ oppido (nam ob maxima merita inter regni indigenas Anno 1565. in Comitibus Petricoviensibus cooptatus adfinitate quoque præclara nitebatur, ut qui secundis nuptiis Elisabetham splendidis natalibus ortam Zboroviam cujus pater Senatus Politici Princeps, quatuor fratres Regni Senatores tres reliqui illustribus admoti officii fuere, domum duxerit) patronus imo fundator fuerat, & vitam agens Christianam ad extremum usque Vratislaviæ certus supremæ horæ & vitæ melioris, placido fato cessit. Vir ut natalium sorte, ita cunctis animi dotibus, meritorum excellentia, dignitatum sacrarum civiliumque splendore, adfinitate, vita & morte piâ, præcipuis quibusque in orbe Viris & Heroibus Christianis (quod etiam Orphinovius in suis rythmis fecit) meritisissimum accensendus, cum & incomparabilis dici meruerit.

## CAPUT X.

*De itinere à Philipovio & Schomano in Moraviam suscepto, & de fratribus Moravis.*

Celeberrimam Synodum Cracovianam, de qua superiore capite egimus, & quam prisco Conciliorum exemplo veritati puriori inimicam diximus, non meliori fato ab eodem illo Philipovio & Georgio Schomano susceptum in Moraviam iter excepit. Nempe Lucas Mundius urbis Vilnensis Senator dignitate & patria relicta impetum pietatis secutus ut varia loca peragrarè amabat, ita Anno 1569. in sectam Moravorum fratrum (qui . . . . . incidit. Quibus aliquot hebdomadibus cohabitans, Ecclesias Polonicas, quasi eis per omnia, excepta honorum communionem consentientes commendavit. Ita acceperant auditione viri illi eximii multa de illorum fratrum Moravorum singulari pietate, modestia, caritate, disciplina morum. Sed & ibi non parum minuit, præsentia famam. Duo enim illi viri multa præclara, sed eisdem vulgare dogma de Trinitate mordicus retinentes, & qui si contradicant, odio persequentes, ab eis abhorrentes, præter opinionem offenderunt. Nam nec puræ per gratiam divinam veritatis confessores, & unius Dei creatoris & patris per Jesum Christum Mediatorem & Servatorem, summum Pontificem, Regem caelestem, Dominum & judicem universorum in Spiritum S. (qua fide nil magis Catholicum Apostolicum, Christianum, divinum est) cultores Ethnicos appellare ausi sunt. Ut ita iter & conatus illorum deorum virorum fuerit irritus bonis istis viris à præconcepta opinione & inuito errore ne latum, quod dicitur nunquam discedere volentibus, adeo ut & ab istis, alioqui mundo exōis & hujus judicio; abjectis odiâ propter nomen Jesu Nazareni pati necesse habeamus.



## CAPUT XI.

*De bello Trinitario in Transylvania orto, & certaminibus  
Georgii Blandrata & Fausti Socini adversus Franciscum  
Davidis pro Christo invocando susceptis.*

**N**ON ita bellum de Trinitate in Polonia & Litvania gestum, quin & Transylvanos è vicinia subinde exerceret. Luculenta tamen errorum oppugnantorum, quam tuenda & propaganda veritatis præbita occasio sub Joanne Sigismundo Principe Transylvaniae, cui amissum Regnum Hungariae paternum Rex Regum notitia mysteriorum regni caelestis pensavit in Schola patientiae strenuè ad pietatem veram exercito, ac velut divina dextra educto. Evocarat ille Claudiopolin non paucos Viros in sacris literis exercitatos, quorum pius colloquiis integris decem diebus habitis assiduo interfuit & praefuit, & hisce pietatis studiis constanter deditus vitam hanc ærumnarum plenam illa caelesti ac beata Anno 1579. d. 14. Martii commutavit. Multa sub hoc Principe Magnanimo & virtutibus Christianis praedito ac proinde Eximio in illis oris ad propagandum genuinum divini nominis cultum gesta. Et anno quidem 1578. Tordæ in Transylvania ad Synodum congregati fuere cccxxi. Ministri Unitarii, in qua Pædobaptismus rejectus fuit, uti in suis notavit Adversariis Valent. Smalcus. Verum tamen & excitati in simpulo fluctus, Francisco Davidis pastore Claudiopolitano invocationem Christi, quam Majestas Regis caelestis jure suo requirit, idque tanto magis quod ad gloriam Dei Patris fiat, oppugnante. Huic primus Blandrata, cujus apud Principem magna erat auctoritas, se opposuit. Utrunque acerbis scriptis vellicarunt Theodorus Beza & Georgius Major Prof. Wittebergensis, & iste quidem postquam ante victoriam triumphum cecinit, pudore confusus quievit. Extat in scriptis Budzinianis excerptum ex litteris à Blandrata Segeşvaria ad Ecclesias Minoris Poloniae  
Anno

Anno 1568. d. 27. Jan. exaratis, quod hic inferere placuit ut pote ad rem, de qua agimus, pertinens.

Quia facti jam pridem fuistis certiores de rebus nostris & Ecclesiarum nostrarum per Dominum Prosperum Provanam fratrem, nunc breviter omnia perstringam. Primum opinor vos Bezae libellum famosum in Valentini Gentilis cineres & nos omnes sigillatim debacchantem vidisse, in quo magho opere Bernensium in trucidando homine illo facinus divinum esse commendat, cui quo abundantius virus posset depromere, epistolam praefixit, cujus authorem filium Satanæ esse constat. Interea nihil ad rem vel ad causæ cognitionem. In calce horrendum postea canit classicum, Serenissimum Regem Poloniae & Serenissimum Regem Transylvaniae ad favendum in nos adhortando. Turpe est referre scurræ petulantiam & rabulæ infamem, procacitatem. Sic verò opera pretium erit, ut hostes nostri, pro ingenua ipsorum impietate scribant. Caveamus vero ne maledicendo illis similes unquam videri possimus. Misit Petrus ille Melius Pastor Debrecinensis Convocatorias ad Synodum indictam per suos Debrecini cum Thesis disputandis. Id verò vaser impostor, habitâ intelligentiâ cum Germanis, quod nos captivarent, ex professo fecit, qui & nuper quem per Lazarum Svendi jusserat in carcerem conjici Dominum Lucam Agriensem Pastorem omnium eruditissimum fratrem nostrum, qui tametsi rem totam ad unguem non teneat, disputabat ad mortem usque paratus subeundum Verbum ante carnem Filium Dei nisi in praedestinatione nec dici nec esse posse, nunc audimus salvum utique evasisse, sed proscriptum. Hic Melius nos omnes non secus atque Beza in epistola praëliminari traducit, & convitiis lacescit, animadvertensque nos eo venire nulla ratione posse, jactando in fine habere: filii ad nos non venerint, omnibus constabit homines esse, qui lucem fugiant, & malam defendant causam. Quamobrem nostras Synodos additis thesibus quarum exemplaria 40. per Valentinum Seniorenum Ecclesiae Lublinensis mittimus. Orate Dominum ut quem



quemadmodum in publica illa disputatione Albenſi nobis strenuus adfuit, in hac quoque Tordenſi ſuo Spiritu per Jeſum Chriſtum muniat & doceat. Cæterum, amantiffimi fratres, credite Dominum nunc hic habere athletas ſuos, qui propalam & privatim unicum & Altiffimum Deum unicumque ejus filium de Spiritu S. conceptum tanto animi fervore prædicant, ut nullis poſſint deterreretur tormentis. Vos ſcitis Domini fuiſſe inſtitutum, ut tantæ molis columna hic per nos exereretur, & ſuper montes inaccessibiles poneretur. Cogitate quæſo initia, media, & quam ratione nunc tranſigantur. Non arbitror me proſus extra numerum eorum eſſe, qui cauſæ promovendæ cauſam dederint. Interea ingenue coram Deo fateor, me ignore rare quoniam pacto vel in quem uſum & finem Deus hæc per nos movenda eſſe voluerit. Reliquum eſt, ut oremus inceſſanter illum Deum & Patrem omnis conſolationis & miſericordiæ, ut perficiat quod per nos incepit opus ad ſacro ſancti nominis ſui gloriam. Habemus typographum planè noſtrum, & Sereniſſimum Principem, qui audire omnia, expendere & juſto judicio perſequi velit. Nec eſt procul dubio cur inſolentia aut fucata rhetoricandi arte Luciani milites vel Thraſones, Bezam cum illis ſuis Claudianis tonitruis ne pilum quidem poſſe promovere contendant. Orate quæſo Dominum ut hunc Sereniſſimum Principem ſaltem nobis cuſtodiat, ſi tamen erit voluntas ipſius.

Satis inde apparet quàm acres adverſarios Trinitarios experti tunc fuerint veritatis cultores. Nam & Petrus ille Melius ſatis malus, illarum turbarum in Hungaria fax extitit. Quæ de cauſa in Synodis Tordæ & Albæ Juliz habitis actum eſt. Cuncta ibi geſta libris publicis edita ad nos non pervenerunt, præter ſolos titulos eorum. Alter eſt *Refutatio ſcripti Georgii Majoris*, in quo Deum trinum perſonis & unum eſſentia, unicum deinde ejus Filium in perſona & duplicem in naturis ex lacunis Antichriſti probare conatus eſt. Alter *Refutatio ſcripti Petri Melii*, quò nomine Synodi Detrecine docet *hova-*

*hoyalitatem & Trinitarium Deum Patriarchis, Prophetis & Apoſtolis cognitum.* Finitis illis duabus Synodis, imò & tertia longè celeberrimâ, licet hæc non parum labefactarint erronea dogmata, præcipue ſectæ Romanæ peſſimæ & idololatricæ, ut Budzinii verbis utar, ſparſis per Poloniam, Germaniam, Italiam libris de controverſiis religionis. \* \* \*

*Transferemus huc etiam litteras \* \* \* ad Hallopegium datas, ubi & de libris clam edendis & aliis quibusdam Lectori tadio, ut ſperamus, non futuris agitur.*

ET præſentem fortunam tuam tibi gratulor, & gratias ago quod meam mihi à Deo humaniter fueris gratulatus, utriuſque eſt curare ne tanta Dei in nos clementia benignitateque abutamur. Exculationem ſilentii adſerre non fui opus, tempeſtivè ſatis ſcripſiſti, qui nunquam etiam ſine ulla turpitudinis nota potuiſti, grata mihi tamen tui in me animi tanta propenſio, pro qua viciffim iterum abſenti offero, quæ alias præſenti obtuli id eſt quæcunque poſſum debeoque. De libro quem hic interceſſione mea velles impri mi, paucis accipe; Scis hoc hominum, i. e. typographorum genus non eſſe tale, ut propriis ſumptibus impreſſionem librorum penes ſe recipere ſoleat, cum libri auctoribus offeruntur, quorum famam excellenti- amque non apud eos aut ſaltem multos eſſe celebrem putent, queſtum unum ipſis ſibi proponunt & nihil præterea: niſi liber ille popularis tui qui proximè editus fuit Wittembergiæ quaſi deſenſionem Doctoris Georgii Majoris præ ſe tuliffet, & ipſe certè vix fuiſſet excuſus, non temere loquor. Laudo conſilium tuum qui Deo ſervire & proximo conſulere operæ tuæ in re tanti momenti ſtudeas, ſed ne rogo ſis quorundam imitator: quid intelligam tu conjici- cis.

Extant jam multa à Tranſylvanis contra iſtos, & ab iſtis ac noſtris contra Tranſylvanos: nec plura à vobis proponi vel allegari poſſe puto. Ad omnia tamen



„ Franc. Davidis in libro de vera & falsa religione, in  
 „ responso ad D. Georg. Majorem & alibi ad Davidem  
 „ vicissim nostrum multa responderunt. Vide igitur ne tu  
 „ actum agas, sed vel melius si possis respondeas, vel  
 „ omnino taceas. Tu unum ex illis haud credo, qui ex  
 „ Galli cantu seu audita cum Petrus Christum Dei abne-  
 „ gavit, Trinitatem personarum in unitate voluit ex-  
 „ tondere, ac proinde ludibrio adhuc magis nostris istis  
 „ exponere. De cætero in hisce rebus nobis dictum me-  
 „ minerimus Uni tantum Deo dandam esse gloriam nul-  
 „ la nos ambitione (quis est mortalium qui tali scabie  
 „ non est infectus?) gloriæ propriæ hic titillari vel targe-  
 „ re oportere. Magnum quippiam videtur nostrum no-  
 „ men tipis excusum circumferri quod tamen in aliis ar-  
 „ gumentis minori cum damno nostro esse potest: atin  
 „ istis divinis, non sine irati divini numinis vindicta.  
 „ Quid agas, abstine à furis illis Genevensibus, i. e. Con-  
 „ tumeliis, verbis ne jungas Sacrosanctam Dei scientiam:  
 „ Non enim ab alio quam Diaboli Spiritu ducuntur qui  
 „ in tam prophana verba de istis mysteriis erumpunt.  
 „ Rabies non allicit ad se animos advertariorum, maledi-  
 „ cta non probant convicia, non persuadent, propria hæc  
 „ eorum dicit esse Aristoteles in Rhetoricis, qui minus  
 „ in causa valent.

Voces autem illæ aqua, ignis, ferrum laqueus voces  
 „ sunt anthropophagino Christiani disputatoris, & quasi  
 „ verò res ipsa vel vera vel falsa sit, unâ cum ipsis homini-  
 „ bus comburatur vel pereat.

Quod si quis non auscultet nostro Sermoni, inquit Pau-  
 „ lus ad Thessalon. hinc notate ut eum pudeat, neque  
 „ tamen ut inimicum ducite, sed admonete ut fratrem.  
 „ Atque Timotheo scribens desinit nobis Pastorem Ec-  
 „ clesiæ cum ait: *servum Domini non oportet pugnare*,  
 „ sed placidum esse erga omnes aptum ad docendum, tole-  
 „ rantem malos, cum levitate erudientem eos qui contrario  
 „ animo sunt affecti, equando dei eis Deus ut respicientes  
 „ agnoscant veritatem.

Adducuntur huc à Sarcophagis illis Genevensibus limi-  
 „ tationes, sed quales illæ fuerint, Deus ille unus, au-

„ te

„ te cuius tribunal aliquando stabimus omnes judicabit,  
 „ Zizania volunt omnino extirpari rectè sed à quo?  
 „ Christus ipse Dei Filius altissimi prospiciens multos  
 „ postremo isto sæculo fore, qui pro zizaniis triticum  
 „ ex agro Dei essent eradicaturi, jussit ne nos colligere-  
 „ mus ipsi, sed crescere sineremus usque ad messem.  
 „ Tunc chim ait, mittet filius hominis angelos ejus  
 „ (hinc falluntur, nos falli discernendo triticum à Zizaniis  
 „ possumus) qui colligent omnia scandala & projicient  
 „ in fornacem ignis.

Hæc à Præceptore tuo, si gratus esse velis discipulus,  
 „ accipies animo quod dicuntur, i. est. candido & sincero,  
 „ Iuter pios & impios nullum discrimen impietatis est: qui  
 „ Politico magistratum cum omni reverentia tam in lu-  
 „ cro quam in damno se subijcit, is, ut Aristoteles ex  
 „ Homero inquit, *αἷμα καὶ πάρεμπε ἐπιδύμπηται*. At non  
 „ hoc petimus quæstio est num hominem conscientia  
 „ quod ad cognitionem pertinet, sint, igne, aqua ferro  
 „ unquam vel usquam cogenda?

Quæstio est num ji qui ministerium verbi Dei profitentur  
 „ Principes terræ ad ignem unquam ad aquam, ad fer-  
 „ rum, ad laqueum debeant incitare. Vocabula quædam  
 „ ex Philosophia petita & abs te usurpata ad revelatum  
 „ hoc mysterium Trinitatis explicandum voluisse à me  
 „ planius declarari benè erit, mi Hallopegi, si præter-  
 „ missa Philosophia rem totam Theologicè tractes. Et  
 „ enim in nostrate disciplina ista nihil est quod isti articu-  
 „ lo ne non ex diametro repugnet, ut de vocibus illis  
 „ differre, idem esse realiter essentialiter, ratione unum,  
 „ trinum, essentia, hypostasis & hujus modi aliis de  
 „ quibus sanctissime scripserat alicubi Lutherus, meras  
 „ nimirum esse nugas quæque obsecrent magis Trini-  
 „ tatem quam illustrent: & sanè si ad regulas Aristoteli-  
 „ cæ Philosophiæ revocare vellem ipsas, actum  
 „ omnino nobis erit. Quid ergo dices tot tantorumque  
 „ virorum & Philosophorum sententias damnas atque  
 „ eorum etiam quos antea laudasti? hanc certe ut falsam  
 „ Chimericam jure damno ut noxiam abhorreo. Lau-  
 „ davi antea, quia cum cæcipientibus excutivi, nunc  
 „ videor

p s



videor mihi aliquantum acutius in nostrate Philosophia  
 ista cernere posse, sit nomen Domini benedictum.  
 Concludam in angustum quod volo, dabis adversariis  
 nostris ansam ridendi magis & plura respondendi, quod  
 tu plus Philosophiæ isti dispensationi tuæ immiscebis.  
 Thomas & Scotus qui viri & quanti ante te fuerunt? re-  
 liqua per te ipse intelliges. Vale, & me ama præter  
 cetera rogo & obsecro ut quoties ad me literas dederis,  
 velim autem dare frequenter, de toto statu istius re-  
 ligionis facias me quam diligentissimè certiore. I-  
 terum Vale, Liphæ 15. Maji. Anno. Domini  
 1571.

Addemus & alias Joannis Someri Scholæ Claudopolitane  
 Lectoris, (de quo vid. Biblioth. Antitrin. p. 57.)  
*præfixas thesibus in quibus indicare conatus est*  
*Auctores dogmatis vulgò recepti de Tri-*  
*nitate, una cum Thesibus ipsis.*

**D**Iu multumque hæcenus de Deo Uno Trino,  
 idque cum summa animorum contentione disce-  
 pratum est, sed fructus est idem utrinque consecutus.  
 Ut enim nostri animi facti sunt non paulo confirmatio-  
 res, ita adversariorum multi quidem facti sunt obsti-  
 natiore, sive quod eos cedere pudeat, sive quod me-  
 lius non intelligant. Alii vero cum scripta apud E-  
 vangelistas & Apostolos non reperiantur, quæ pro con-  
 firmatione dogmatis afferuntur, animo pendunt, eò  
 quod non satis sciant unde interpretationes illorum sint  
 haustæ. Putavi itaque me operæ facturum pretium, si  
 paucis thesibus comprehensâ illorum doctrinæ auctores  
 ostenderem, à quibus ista omnia accepta sint: quando-  
 quidem & inter ipsos multos esse nequaquam dubito,  
 quod nihil minus sibi persuadent quam se Platonis do-  
 ctrinam pro Christi Evangelio defendere. Et nostro-  
 rum quoque multi sunt, qui in horum auctorum  
 lectione non adeo sunt versati. Græcia propter Philo-  
 sophiæ studium Christi & Apostolorum tempore flore-  
 bat admodum, & sectarum auctores præcipui erant  
 Chry-

Chrysippus, Plato, Aristoteles & quorum opiniones qui  
 ignoraret, in eruditis nequaquam numerabatur. Ex  
 illorum Scholis cum multi ad Christum accederent, ne  
 cum vulgo communem haberent doctrinam, studue-  
 runt Evangelium cum Platone conciliare, quod ipsis  
 perquam videbatur facile, cum utrinque eadem voces  
 λόγος, πνεῦμα, ψυχή, verbi, Spiritus, animæ, prin-  
 cipii quamquam sensu diverso reperirent. Vide & Pau-  
 lum verisimile enim queri, quod Græci requirerent in  
 ipso Sophiam quod conjectare licet ei qui Dionysii illius  
 quem Pauli fuisse discipulum volunt, scripta legerit.  
 Amelius Philosophus Platonis discipulus Ammonii,  
 cum legisset initium Evangelii Joannis, exclamavit  
 Discream nisi barbarus ille (nam ipse Græcus erat)  
 breviter complexus est, quæ divina ratione principio &  
 dispositione divinus Plato & Heraclitus tradiderunt, ut  
 Postellus lib. 1. c. 3. refert. Talia fuerunt initia, sub-  
 secuta tempora omnia magis ac magis corruperunt, quod  
 etiam in libris Lactantii manifeste videre licet. Bene  
 vale Christiane lector; ex his paucis totum dogma, ex  
 digito quod ajunt pedem aestima ac obstupescere Clau-  
 diopoli: die 15. Maji Anno D. 1571.

## THESIS I.

**U**Nus est Deus Pater Filius & Spiritus S. in essentia  
 indivisus, tribus personis distinctus juxta illud, *hi*  
*tres unum sunt.* Probatio: Plato in Timæo Essentia indivi-  
 dua & semper secundum eandem se habens formam &  
 rursus ex dividua tertiam speciem ex ambabus mediani  
 commiscuit, quæ rursus ex ejusdem & alterius. Nam  
 hærent. Et acceptis his quæ tria essent, omnia in unam  
 ideam commiscuit.

Id. Epistola 6. Adjuratis Deum omnium Ducem,  
 tum eorum qui sunt & Ducis ac causam Patrem Domi-  
 num, *Etcce Trinitatem, Patrem, Ducem & causam.*  
 Marfil. Tic.



## II.

*Hi tres simul sunt creator celi & terræ non Pater tantum. Probatio: Aristoteles 8. Physic. Tribus regitur mundus, Motore non moto, moto motore & motore non movente, i. e. ac si diceret, Pater increatus generat æternum filium à quo & Patre procedit Spiritus S. in quo est finis divinitatis. Post. de orb. concord. 1. 1. c. 3. Plot. Elucit. 2. l. 9. c. 2. Tria sunt rerum Principia Ipsum bonum, filius ejus intellectus ex prima luce luminis more manans & mundi anima ex intellectu divino velut Spiritus per omnia profluens. Marfil. Ticin. in Tim. cap. 9. Universum hoc judicant Platonici ab ipso bono per intellectum divinum, quod boni illius filius est, animamque universi producere. Idem in summa Enn. 5. l. 2. Bonum includit paternæ fecunditatis intellectum, intellectualis filii emanatio, animam processio Spiritus per voluntatis modum.*

## III.

*Pater æternus intuens sempiternum gignit Filium imaginem suam, lumen de lumine.*

*Probatio. Plat. in Tim. Opifex ille pulcherrimi & optimi Perfectissimum Deum generavit. Plot. Enn. 3. lib. 8. c. 10. Qui mundum intelligibilem intuetur, eum oportet effectorem ejus diligenter inquirere, quisnam ille sit, ubi vel quando talem genuerit filium, intellectum puerum puer & formosum formosus filium inquam à Patre primum. Id. Enn. 6. l. 8. c. 18. Quale enim est id quam in mente tale ferme cogitatur quod enim in uno aliquo quam jussit longè præstantius, perinde ac si lumen longè diffusum ex uno aliquo in se manente penitusque perspicuo prodeat. Ubi profecto quod est diffusum alterius est imago illud autem unde hoc emicat lumen est proculdubio verum non tantum imago diffusa aliena est & dissimilis forma.*

## IV.

*Filius lumen de lumine & imago prioris doctrinæ quia essentia illius est particeps. Probatio.*

*Plato in Timæo. Imaginem in alio fieri convenit ita ut essentiam quoque usurpet quodammodo, aut ipsa penitus nihil sit. Idem in definitionibus Generatio est motus ad essen-*

*essentiam: assumptio essentiae, progressio ad hoc ut sit. Marfil. Ticin. in Tim. c. 10. Imago boni sit pendet ut bono sicut lumen extra solem à luce intra solem quam fundit ex lesplendorem sicut lumen.*

## V.

*Cum Filius sit principium oportet esse æternum sine alio principio temporis non factum. Probatio Plato in Phædro. Principium factum non est, ex principio necesse est quicquid sit fieri, imprimis vero ex nullo. Si enim ex aliquo fieret, utique ex principio fieret, & cum factum non sit, etiam corrumpi non potest.*

## VI.

*Hic logos creavit coelum & terram cum Spiritu S. & gubernat omnia. Probatio. Plato in Tim. Intellectus vel ratio filius boni, & architectus mundi. Idem in Epim. Ratio divinissima vel verbum divinissimum mundum constituit visibilem. Idem in primo de legibus. Anima quæ Deus est adjungens sibi mentem quæ & ipsa Deus est semper recte & fideliter gubernat omnia. Idem in Cratyllo: Mens & anima omnium aliarum rerum naturam dispensat,*

*Ibidem Anaxagoras dicit, Mentem imperatorem summum existentem & nulli permixtum exornare res per omnia transcendentem.*

*In Philebo, Omnes sapientes consentiunt, quod mens sit Rex celi & terræ. Ibidem dicimus mentem & prudentiam quandam admirabilem componere & gubernare hoc quod vocamus universum.*

## VII.

*Filius Dei habet in una persona duas naturas, alteram divinam ex patre alteram humanam ex matre: quærum illa immortalis hæc vero mortalis est. Probatio.*

*Primo auctoritate Homeri qui Odys. l. 2. Herculem dimidiatum tantum esse mortuum, & humana tantum natura mortuum, idolum apud inferos esse solam divinam naturam cum celestibus, recumbere. 2. Probatur auctoritate Luciani in dialogis mortuorum, ubi idolum Herculis rationes reddit quomodo duæ naturæ copulatæ sint. Interrogat enim Diogenes sic: Per Herculem tuum dic quæso, dum ille vivebat, eras*



erant cum ipso etiam tunc imago existens? aut unus quidem eratis in vita, postquam autem ex vita excessistis seperati, ille quidem ad Deos immortales avolvit, tu vero umbra illius ad inferos devenisti? *Herc.* Quicquid Amphitryonis in Hercule erat, id ipsum morte affectum est, quod nempe ego sum totum quod autem ex Jove erat, cum diis immortalibus conversatur. *Diog.* Perspicue nunc intelligo, dicis eadem vice Aleme-  
nam duos peperisse unum quidem ex Amphitryone alterum vero ex suo Jove, ex quo factum est ut gemini in unius matris utero letarentur.

*Herc.* Nequaquam ô insane. Idem profecto eramus ambo.

*Diog.* Neque adhuc intelligo si est facile duos Hercules in unum copulatos esse hominem videl. & Deum.

*Herc.* Annon homines eodem pacto tibi componi videntur animo videl. & corpore? *Consonat cum his symbolum Athanasii, qui 200. annis post floruit, quemadmodum corpus & anima sunt unus homo, ita Deus & homo sunt unus Christus.*

## VIII.

*Spiritus S. procedit ex essentia Patris per amoris emanationem. Probatio Plat. Enn. 6. l. 8. cap. 16. Idem autem Deus intra se reque per totum quasi penetrat, tanquam se ipsum amans puram lucem, ipse hoc ipsum quod amat existens, id est autem in hypostasi se producens. Jehovahitas & Aternitas recens nata sunt Debrecinii, ideo veterum testimoniis destituuntur.*

Non caruerunt hæc & alia ejusdem generis scripta effectu suo, quæ etsi damnata & vetita, prisco tamen humano ingenio tanto ardentius appetebantur, & hos ad tolerantiam, illos etiam ad veritatis notitiam pertrahebant. Quin imò & calumniæ aliæque persecutionum tela idem adversus veritatem quod nebulae adversus solem poterant.

## CAPUT XII.

*De fundata Racoviâ, & Synodo quæ ibi aliquot annis duravit, habitis de rebus fidei per multos viros pios colloquiis, multis & illustribus divinæ providentiæ super locum illum argumentis usque ad ruinam ejus 1638. factam.*

**T**Empus & occasio me monent, ut hoc loco historiam celeberrimæ Racoviæ contexam. In hoc enim oppido & avia mea Anna patre Erasmo illo Orphinovio nata, & pater nuptias cum matre mea Catharina Philipovia, Hieronymi illius nepte, contraxit, & ego vitæ initium accepi & qualescunque, in studiis humanioribus profectus in illa celebri Schola Consilio patris mei magni Stanislai Lubieniecii fundata, cepi, ut ita sine ingrati animi nota natales natalis loci imò sine sacrilegio divinæ providentiæ quæ illud oppidum toties servavit prorsus mirabiliter insignia documenta silentio præterire non possim. *Joannes Sienini*, Olesneciorum eadem arma gentilitia Dembno dicta gerentium consanguineus, Castellanus Zarnoviensis postmodum Palatinus Podoliæ professione Reformatus Anno 1569. oppidum hoc in Palatinatu Sendomiriensi, uno à Sidlovia lapide, fundavit à gentilitio uxoris è Gnojienorum avita stirpe. *Stemmata Rak*, id est *Cancer* nuncupatum. Solum quidem illud fuit arenosum, adeoque minus lætus ager. Suppeditavit tamen quantum satis erat, etiam ad victum commodum, ad hæc temperato & salubri aëre, & amano situ, planitie, stagnis, fontibus, sylvis proximis arboribus etiam in ordinem confitis, gaudens ac pratis luxurians. Multos piorum, etiam longius remotos, loci illius commoditas, & sub pio patrono gratissima libertas, ad sedes illuc transferendas & figendas allexerat. Nam & Gregorius Pauli & Albinus Cracovia illum commigraverant. Calinovii quoque, Georgius Schomanus  
Secu-



Securinius, & alii locum illum in domicilium elegerunt. Idem Mundius ille urbis Vilnensis Senator & alii Lithvanti fratres fecerant. Addeoque iustum collegium illi ibidem formarunt & Synodum aliquot annis ibidem celebrarunt assiduo divinæ rei vacantes & de sacris inter se conferentes. Sed veritatis amantes principii difficultates ita feliciter eluclari non poterant, quin in tanto hominum numero, dissidia orta fuerint, captis plurimum superstitione animis ad temnendum corporis cultum, ad Linquendum magistratus & cunctas vocationes, etiam ministerii, quasi perfectioni & æqualitati Christianæ aduersantes & communionem bonorum introducendam Schomanus memoriæ scriptum reliquit, Deum miserum tuorum res prope dissectas opera Optimi viri *Simonis Pharmocopæi* (non dubito quin illum *Ronenbergium*, Cracoviensem, virum Spiritu gratiæ & orationum prædium intelligat) tanquam uovi Eldæ, collegisse in unum, & cum illæ collapsæ humanitus viderentur, ministerium cum baptismo adutorum Anno 1570. in illis tumultibus erexisse. Blandata eos ex Transylvania datis ad Philipovium litteris officii admonuit quò scilicet abjecta superstitione inter homines agerent, eisque vitæ exemplo ad veritatem & pietatem sectandam præluerent. Gubernarunt illam Ecclesiam Viri undecunque eximii *Christophorus Ostorodus*, *Petrus Statorius*, *Valentinus Smalcus*, *Stanislus* & *Christophorus Lubienieci* fratres, *Joannes Crellius*, *Jonas Schlichtingius*, *Petrus Morcovius*, *Joannes Stobius*, *Salomon Paludius*. Schola inibi Anno 1602. fundata egregia sumerat incrementa, & ita brevi interjecto tempore feliciter Curatoribus præter Patronum virum indefesse Solertix Viris undique Præstantissimis Hieronymo Moscorovio, Erasmo Orphinovio, Adamo & Andree Goslayiis aliisque ut inter illustriores totius Poloniæ haberetur. Idecirco multi Pontificiorum fama nominis viro- rum doctorem, *Pauli Crokeri*, *Ioannis Crellis Martini Ryari*, *Pauli Rynovicii*, *Ioachimi Stegmanni Senioris*, *Adami Franci*, *Georgii Nigrini*, & *Laurentii Stegmani* (qui post cladem Racovianam Eribander dictus est) post *Martinum Borrbbaum*, *Georgium Manlium* & *Samuelem*

Nec

*Necceium* Scholam illam rexerunt, invitati, liberos suos illuc tanquam ad mercatum bonarum litterarum mittebant. Ac inter eos viri nuper etiamnum in patria Illustrissimi ac dignitate Senatoria conspicui *Lescinii*, *Bar-nicii*, *Tarlones*, *Niezabitovii*, alique fuere. Nemo quod præter incomparabilem Præceptorum diligentiam & legum Scholasticarum auctoritatem bonis moribus in illis Athenis Sarmaticis, imbueretur generosa Juventus. Ad hanc Scholam ac typographiam fundandam, ut & libertatem oppidanis concedendam permotus est *Jacobus Sieninius*, *Joannis*, filius, Heros immortalis memoria dignissimus persuasionibus ut dixi, *Stanislai Lubieniezi* quo olim amico in Aula Stephani Regis usus est, & qui ministrum verbi in illa Colonia Racoviana agebat unâ cum *Christophoro Ostorodo* Goslayensi, Viro eximie docto & pio. Vivebant ibi id temporis Sacro dedito duo eximii Viri *Hieronymus Moscorovius* *Pilaucius*; Non tantum splendore natalium, utpote vetere & illustri gente ortus, tum necessitudinibus, quas cum *Dudithiis*, *Zboroviiis*, *Tamovix* Comitibus aliisque insignibus in Regno familiis contraxerat, sed & ingenii dotibus ac moritis in Remp. & quod maximum est, in imitabili morum Comitatu, modestia & vitæ Sanctimonia præclarus, & *Matthæus Radecius* eruditione & pietate præstans, qui antequam divinæ veritatis consors fieret, amplissimo Syndici munere apud Gedanenses functus est. Faultus Socinus Vir nunquam sine laude nominandus litteris ad illum Ostorodum ex agro Luclaviano Anno 1602 datis gratulatur tunc ei de Patroni Sieninii facta ad Ecclesiam accessione, ut ita appareat veritatis cultores diu inibi benigno Sieninii patris & Filii, licet utriusque Evangelicæ Reformatæ religioni addicti, gavisos fuisse. Sed jam operæ pretium facturum me credo, si eximia, divinæ providentiæ in loco illo tutando & servando sæpius conspicuæ documenta in exemplum fiduciæ in Deo positæ memoravero. Intonuerat sæva belli civilis in Polonia procella Anno 1606. arma pro libertate adversus Regem Sigismundum III. Austriacis addictiorem populo capiente, ejus partes, quæ Reip. esse credebantur, patronus Ecclesiæ & Scholæ

illius



illius Sieninius vir Illustris natales illustribus in Rep. & Ecclesia meritis exornans, sequebatur. Rex victor oppidum transiens cum universo exercitu, etsi multi Magnatum & militum instigantibus Pontificibus in locum illum capitali odio flagrantibus, Regis animum accenderent, & ultimum excidium loco illi minarentur, prudenter & moderate victoria usus, loco illi pepercit, hactenus etiam præclaram illam OB CIVES SERVATOS coronam meritus. Merito hic adnotabo singulare divinæ providentiæ super Vidua Philipovii Hieronymi illius nuptæ Golecia gente, avia mea materna tam dubio & arduo tempore beneficium, Ut oppidani nuncium de fortuna Regiarum partium acceperunt, Patrono adversas partes sequente, omnes fuga salutem petiere, & fortunas in tutiora subduxere. Vidua illa annis gravis cum admodum paucis in oppido, soli Deo confissa remanserat. Ad hæc venit homo quidam, vel certe humana specie Angelus: quicam his fere verbis compellavit: *Itane Domina tu sola in hoc oppido manes, ceteris fuga dilapsis?* Illa respondente, se senio confectam divinæ providentiæ salutem credere, vel certe hic inter spem & metum, quam inter tot fugæ assidua incommoda mori malle: confirmavit eam & securi præsidio futurum promissit. Stetit promissis, & ita quidem ut accedentes milites viso eo, quasi in præsidium dato, ut mos est, salutis custode, semper recesserint sine maleficio. Postquam omnes illæ copię præterierunt, vidua debitis Deo gratias actis, erga illum quoque salutis custodem officio functa quodnam præmium sibi adnumerari velit, rogavit. Sed ille id recusavit, seque à Deo ad eam tutandam missum esse affirmavit. Simile exemplum alias, volente Deo in servato miraculosa ratione Licinio Sene, imò plura in Petro Statorio, Michaele Gittichio Veneriano, & Patre meo, utroque opinatis malis furori perditorum hominum crepto, infra dicam. Intra sexennium secutum illud foedus militis Polonici in Moscovia merentis stipendia, moderante illud Josepho Caelinio, ut multa damna Reip. attulerat, ita & oppido illi extrema minitabatur. Sed ei paratum à Pontificibus castrensis novum ictum mirabili ratione divina avertit manus. Imo aliquoties ibi milites federati concilia sua

sua generalia quietè peregerunt. Inter federatos istos clarus fuit Cisovius, cuius ductum & auspicia secuti Lisovii sive Lisoviani dicti, non tantum patriæ sed & vicinæ Hungariæ ac Silesiæ cadibus & rapinis graves erant. Inter horum tribunos erat Oporovius, qui acri odio oppidi illius Dominum Sieninium persequabatur. Qui ideo opportunitatem exercendæ vindictæ nactus & uti ea volens aliquot turmas meliores in vicinia disposuerat, loco illi imminens, ipse cum duabus turmis Sidloviae in oppido illo Regio satis vicino consistens, & oppidum quod copia pannificum aliorumque opificum, imò & mercatorum ac civium opulentiorum abundans, avaritiam & ferociam militis præsertim illius licentiosi & nulli iusto Duci parentis exacerat, ex compacto postridie declinante Anno 1420. aggressurus. Erat inter commilitones ejus *Elias Arcisewius*, qui postea in Dania & patriâ Tribunus acer militiæ bellis Prussici & Moscovitici inclamavit veritatis quidem exosa cultoribus corde & ubi commodum videbatur, ut genius fert hominum seculo deditorum, ore, sed non moribus additus. De religione ejus Tribuno nil constabat. Is pravæ molitionis conscius sero vespere Racoviam advolans incolas de ingruente eis excidio opportune admonuit. Et erat quidem oppidum natura loci & manu munitum, utpote ab una parte stagno profundo, cætera sepimento ligneo cinctum, tum verò etiam iusto numero civium ad arma iusta salutis tuendæ causâ capiendâ & propulsandam injuriam promptorum, perpetuas excubias agentium instructum. Sed hæc omnia adversus tantam vim eamque subito torrentis instar ingruentem invalidum præbebant præsidium. Itaque omnes post Deum in fuga sibi subsidium ponentes fuga salutem petere nocte illam ideoque nimis incommoda, præsertim cum obscurum illius pluvia nivi mista & gelu aquas & paludes non satis adstringeret contenderunt, opacæ silvarum petentes, quod vicinos pagos miles infestus compleverat. Omnibus ita vel fugam capeflentibus vel ei se accingentibus Deus è cælo missio Angelo salutem peperit. Nam nocte multa venit in oppidum vir nobilitatis generosæ è Grassinia gente Regi à cubiculis, ab eo districta mandata dies noctisque illi Tribuno Oporovio nullo



nullo temporis momento intermisso turmas dimittendi ferens. Accidit autem ut iste cubicularius oppidi vicum Urenboviesem, qui lapidibus non stratus & valde canosus erat intempesta nocte equis fatigatis ingressus perdifficilem invenerit transitum, & in luto aliquandiu haerit. Luctans cum luto & equis auriga & reliqui famuli crebris vocibus vigilem inter alios pro salute pharmacopolam *Danielem Cunavum*, virum Germanum natione & opulentum, Deo adgubernante ad opem sibi ferendam excitantur. Gratissimus illis adventus ejus, gratissima & opera, sed & humanitas invitantis in proximam domum nitidam, commodam, omnibus rebus, etiam ad delicias, abundantem, ac hospitalitatis omnia officia in lassos & iter festinantes exercita fuere. Atque id ille tanto alacrius & accuratius fecit, quanto magis gaudebat missum illuc caelitus servatorem, qui quarenti quis esset? se Cubicularium Regium missus ejus mandata Tribunum Oporovio exauctorandi militem licentiosum quam ocyslime ferre (hac enim ratione operam unguentarii tanto magis ad se in itinere quamprimum prosequendo juvandum provocare studebat, insciens Medicamentarium & totum oppidum longe magis operâ suâ ad avertendum maturata profectione periculum indiguissse) respondit, & sine mora in stationem & commilitones inquisivit. Imo ut humanitatem & indultriam hospitis (cui non melius obtingere poterat officium) ad festinandum accenderet, quam multa & atroces querelae Provinciae Regis aures transverberarint & animum perculerint, ut sub pena mortis ejusque atrocissimae & ignominiosissimae, qualem paulo ante *Carva* ejusdem farinae homo subierit acutae cruci infixus denunciari ei mandaverit, quo eo ipso temporis articulo, quo mandatum acceperit missionem det militibus retulit. Ita cum maximo utriusque desiderio nil satis festinaretur, re ad Patronum *Siennium* patris instar de salute civium, sed & de propria sollicitum festinanter, ut par erat, delata equis defatigatis alii recentibus viribus subditi secunda vigilia Cubicularem in *Sidlovios* detulerunt. Ex quo illuc ventum, Minister & Mandatarius Regius confert se in curiam,

riam, mandata Regia Consuli & Tribuno è vestigio exponit, ac isti cumprimis militem missum faciat capite sancit. Is rem inexpectatam mirari, dolere, indignari exiguum morae spatium aliquot minimum dierum (nempe ut *Racoviam* vel deprædaretur tantum, quod quidem destinatum Ministro Regio non aperuit, sed invidiâ religionis excusari posse speravit) sibi dari postulare, difficultates velut insuperabiles obtendere: ille contra mandata Regia fortissime urgere, observantiam promittam rigidâ poenâ sancire, ac certum exitum denunciare: coactæ concioni litteras Regias prælegere, minas adhibere: *Arcissevius* etiam occulto in *Racovienfes* propendens studio commilitonibus obedientiam suadere, metum incutere; ut tandem legio illa exauctorata huc & illuc dilabi necesse habuerit. Ita *Racovienfes* parato subducti exitio divinam providentiam admirabilem laudibus debitis extollere, gratiarum actione solemniter venerari fiduciam in Deo positam saluti sibi in tempore fuisse, agnoscere, hanc aliis commendare & semet in ea firmare: Cubicularium illum Regum velut liberatorem omnibus humanitatis officiis equitem splendidissimum & generosissimum integris octo diebus prosequi, non indotatum grati animi testandi causa dimittere. Paulo temporis intervallo grassante scilicet illa *Lisloviani* militis licentiâ apparuit ibidem novum providentiæ divinæ documentum. Stationem sumserant in oppido duae eorum turmae, numero militum & virorum fortium famigeratissimae, altera atrum, altera rubrum ferens signum, optimae praeda spe illecti: nulli certo Duci obedientes. Inde orta inter eos *Siracii*, *Zalescii* & *Ruxicii* partium studia. Imprimis iste ortu quidem sed non altu, non mente rusticus, nimius animi & vini, ideoque ad quodvis flagitium perpetrandum audax, qui ut capite, ita & ferocia supereminebat omnes, tribunatus honorem ambire, commilitones largitionibus & conviviis demulcere, in partes trahere, se unum ex ministris verbi divini in ade sacra de laqueari suspensurum, hanc deinceps igni exusturam minari. At Deus qui perpetuam suorum gerit curam, in tempore metu percussis fidelibus novum liber-



tatis & salutis assertorem misit *Fridericum Ivanicum* virum nobili genere natum & necessitudine Ivaniciis veritatis divinae cultoribus conjunctum, & qui ab uno eorum cui nomen *Gabrieli* & provincia gemina *Judicis* & *Propraefecti Volodimirienfis* ob spectatam prudentiam & probitatem credita erat, ejus cognitionem hauserat. Is ut illic constitutus à Rege *Tribunus* illam virorum fortium manum in *Gabrielem Berlemum* *Transylvanicae* Principem extemplo ducturus cum manipulo selecti militis advenit, *Ruzicii* ferociam & maledicentiam ex invidia profectam iniquo tulit animo: praesertim cum cum Illecullo oppido oriundum sciret. Itaque ad suos conversus acclamat, se auctore quicumque illorum singulare certamen cum eo ineat eumque impune opprimat. Id oneris & honoris ut quidem militum fert genus suscepit in se *Beicovius*, corpore parvus, magnus animo & manu promptus, qui eum in duello graviter vulnerat & ad turpem fugam capeffendam eruentum adigit. Saucius adhibito ad obligandam vulnus hospite suo *Simone* *Polano* praestante *Chymico* & *Medicinae* non ignaro *Magni* illius *Hieronymi Moscorovii*, qui ejusmodi studiis multum delectabatur administro, desuper immisissam poenam meditati in infantes facinoris ultricem agnoscere culpam fateri admittis, dolere, hospitem *Polonum* deprecari & dicere. Non sine causa nocere eis ante hoc infortunium non potui, & si maxime volui, quasi fuisset delinitus: vel quasi me aliquis cohiberet hoc ne facerem. Mox *Tribunum* qui *Ruzicii* à partibus stabant convenerunt eum, facti rationem ab eo repostari. Sed cum hunc invenissent & addendam facti justam rationem, & ad expedienda arma paratum à proposito destiterunt. Haec dum ita fiunt tristis hospiti *Tribuni Joanni Gucio* adfertur nuncius *Ruzicii* commilitonem *Christovium Litvanum* ad mortem verberibus tractare communem hospitem suum avum ejus *Petrum Gucium* *Florentinum*, senem octogenario majorem, qui una cum aliis Italis patriam reliquerat, *Reginam* Bonam, sed postmodum Regem Christum, cognita pura veritate secutus, qui & quandiu *Ecclesia Cracoviae* vigeat, tamdiu ibi degit: illinc *Pinezoviam* tum *Chmielniciam*, tandem *Racoviam*,

viam, *ecclesiae Cracoviensis* ambulatoriam, ut sic dicam, fortunam secutus commigravit. Hospes vestigio *Tribuni* pedibus advolutus à *Ruzicii* socio avum suum trucidari cum lacrimis questus opem ejus imploravit. *Tribunus* initio miratus hospitem quadragenarium liberis adultis cinctum avi acerbum casum queri. Et illico quidem misit satellites, qui afflicto succurrerent eumque ab injuria defenderent. Sed isti invenerunt eum semimortuum multis atque gravissimis ictibus contusum. Et cum homicida se subduxisset ad tempus in quosdam famulos animadverterunt. Ille postquam crapulam edormivit ad se reversus & facinus intelligens in innoxium & pium & humanum senem; eumque hospitem officiosum perpetratum ebrietatem tanti mali scaturiginem detestari, facinus lacrimando abominari, culpam fateri & apud Senem agere spiritum trahentem provolutus ad pedes ejus imo cernuus cadens ac toto corpore sub lecto senis jacens deprecari, ut sibi ignosceret suppliciter & subjectissime orare, & ne sibi malediceret, imo voce, vel manus impositione culpae condonationem ut restaretur obsecrare. Atque hoc quidem impetravit, tene utcumque senio & ictibus gravem manum attollente capiti ejus imponendam. Facinoris occasio haec erat. *Christovius* bene potus in diversorium reversus compellavit eum graviter, quasi in *Beatissimam Virginem Mariam* blasphemum. Ille quidem cum milite coque ebrio disputare sed & silentio bonam causam prodere nolens, imò studio cum modesto & populari responso placandi: Se minime *Beatissimam Virginem* blasphemare, imò vero *immaculatam* & *beatam* virtute *Spiritus S. Filium Dei unigenitum*, mundi *Servatorem* conceptum peperisse, dixit. Hoc ille non contentus, Atque, inquit, eam non invocatis & orationes ad eam non dirigitis. Hic Senex responsum declinare, tacere, se subducere: sed ille imperiose & ferociter responsum urgere. Tunc ille id expedire his verbis: Nempe quia Deus id à nobis fieri non mandavit. Hic miles velut furore correptus senem decrepitum, nulla venerandae canicie, nulla hospitalitatis, nulla innocentiae & honestatis ratione habita, qui ebriosorum mos est, arrepto



arrepto ingenti cilindro, pessimè muliare & inter graves ictus nequicquam uxore, quæ una cum marito cuncta hospitalitatis officia ei exhibuit, pro eo miserum in modum deprecante; Beatissimam Virginem invocaret instare: ille salutationem Angelicam recitare: ist hæc non acquiescere, sed rabiem omnis juris oblitam exercere: ille patienter pro veritate cuncta ferre. At Tribunus Ruzicianarum partium commilitionibus propè tumultuantibus facinoris tetri indignitatem exponere, exaggerare, atrociter etiam minari: tum illi miscere. Senex prima luce spiritum Deo Creatori reddidit. Paulo post Tribunus Racoviensis miserum cum significatione benevolentiae, signo commilitionibus dato abutum imperat vexillumque novum, quod ista decorabat inscriptio, quasi mortis Gucianæ monumentum: *Honestæ turpitudine pro bona causa mori*, explicari iussit, Ruzicio exaucto-rato, qui ex vulnere gravi æger & pallidus turmam postea vili comitatu secutus est, vale hospiti & aliis culpam exaggerans & deprecans dicto. Postera die seni habitus sepulturae honos, parentante ei Viro illo pie eruditionis Joanne Crellio ex illis Christi verbis, quibus post gloriosam resurrectionem triumphata morte Petro (idem nominis erat Seni Martyribus annu-merando) quali morte se esset glorificaturus significavit. Haud multo post interjecto tempore Anno scilicet xxvi. Pater meus *Christophorus Lubienecius*, qui patre Christophoro cætus Racoviensis ministro fatis functo ministerium cætus Lublinensis in se susceperat, Cracovia Lublinum tendens Racoviam advenerat. Ubi cum tumultuantes milites (qui stagno gelu adstricto excubias civium ad portas frustrati in oppidum via ferro patefacta, irruerunt) invenisset, salutem laboranti oppido credere non ausus in Aulam Patroni divertit. Dum omnes imminentes cominus periculi metus strenuè exercet benigno fato venit illic *Christophorus Vissovatinus* juvenis non tantum avita nobilitate & oris fecundia sed & meritis, utpote supremi copiarum Regni Ducis Stanislai Conietzpoli quæstor præclarus. Uterque auctoritate Imperatoria fulti milites extrema minitantes composuerunt.

Vix

Vix hæc deservit procella, & ecce nova anno proximo coorta.

Licentiosi milites illatempestate per Poloniam passim grassantis ferociae, & Racovientes non levi affecerat alias metu, alias incommodo. Nempe enim præter militis avaritiam oppido omnibus rebus affluentem inhiantem, invidia religionis & suggestionis Pontificum pericula ei constabant, licet incolæ plures ad se turmas non tantum vigili & circumspecta cura sed & largitione averterint. Impendebat eitunc quædam turma, in qua militabat juvenis dissolutus *Stanislaus Franconius*, Danielis, Poëta celeberrimi, viri Pii filius sed qui a priore matris marito Crausio utpote Viro Cl. Camera Imperialis Spirensis Assessore cognomen vulgò ut & pater ipse, sortitus fuerat. Is adolescentiam turpiter, ut fit, inter milites exactam, crimine fedissimo ingrati animi in patriam, utpote Racoviam natus & eductus, ac litteris excultus tanto magis contaminaverat. Nesciebant oppidani perditum juvenem militiam & illam turmam sequi. At ille condixerat militibus certam horam matutinam, qua armenta per portam in vicina agi solebant, ut ex insidiis porta, in qua tunc cum vigilibus moveret litem & occiperet jurgium potirentur. Comprobavit adhuc fortuna factum. Milites velut urbe capta in omnem licentiam feruntur præcipientes. Proditor omnis pudoris & pietatis exfors non in sinu, sed palam ridet, imo insultat, & nomina ditiorum, quos noverat, prodit. Hinc omnes pavor incessit, & vagabatur passim per oppidum miles ferox & formido. Sed noxa cubat præ foribus. Non passa est diutius impunem grassari nequitiam juvenis in omnem audaciam projecti, degeneris, impii & ingrati, imò exemplum in eo statuit, quo ostendit concedere se aliquando diuturniorem impunitatem malis & tardo gradu ad vindictam procedere, quandoque & prospera indulgere sed ea fini ut homines tantò magis commutatione rerum doceant, & agnoscant potentem Dei dextram quæ tarditatem gravitate supplicii compensat. Proditor ille, qui omnia jura divina humanaque susque deque habuerat, ad Racoviam nobili cuidam equum furto abstulerat.

Q 5

Tam



Tam turpis sceleris reus peractus, turmæ præfectus, Vir probus, æqui servans & famæ bonæ amans, id & impietatem ejus in patriam videns, ut semper proditio amatur, proditor odio habetur, ex oppido educta turmâ contra portam illam in qua patriam prodiderat, frustra pro eo deprecantibus oppidanis, parentum probitatis & meritorum memoribus, eum de porta vicini horrei suspendi jubet per commilitonum famulos. Postquam is in aërem liberiore prostratus recte rupto in terram decidisset, fugam capessere cepit. Sed ex ea retractus iussu principis de arbore infelici melius recte suspensus sensit miser se fœde perire, & turpem vitam turpissima morte finivit. Sub id tempus comparuit ibi celebris Medicus à Germania Bartholdus, qui à Magistratu eadaver Crausii dari sibi petiit. Quod cum illi magistratus gratificatus esset concessit ex eo pissaspaltum, quo feliciter ad varii generis propulsandos morbos usus est, ita ut quamdiu illud pissaspaltum factitium haberet, felix & præclarus Medicus haberetur. *Discant omnes justitiam moniti, & non temnere Numen*, ex veteri dicto, *Discant juvenes à parentum probitate non degenerare sed eam presslo pede sequi. Discant pietatem, ut in Deum ita & in parentes, & patriam: discant & gratum animum cum ingrato nil terra alat pejus.*

Ego ut proposito pietatis defungar officio memorabo laude dignum Racoviensium anno 1630. factum, & simul grati animi officium fungi volens, cuncta me ista eximix supra memorati Jacobi Riniovecii maternum Trembecii nomen adepti cujus viri merita in Ecclesiam hac præsertim durante fœva persecutione satis deprædicari non possunt, diligentia debere fatebor. Istud vero quod dicturus sum Racoviensium factum exscripsit ille ex libello Memoriali Patris sui patris mei. *Nicolai Riniovecii*, qui honesto loco in districtu Lucoviensi natus, sed in re tenui constitutus (quæ est plerorumque nobilium in illo exiguo districtu magno numero degentium conditio) quemque ideo cognatus Pontifex in re lauta postius Cracoviam ad operam dandam litteris miserat, Deus vero postea Racoviam ad

ver-

veritatem suam cognoscendam & bene merendum de Ecclesia sua misit. Venerant in illas oras aliquot turmæ militum omni disciplina solutorum, qui prædonum instar per totum Regnum grassabantur cum quibus magna undique multitudo perditorum hominum latronumque convenerat, quos spes prædandi studiumque bellandi ab agriculturâ & quotidiano labore revocabant, ut olim in Galliis teste Cæsare factum. Appetebant ut cuncta quæ cupidinis luxuriosæ pruritum irritabant, ita cum primis Racoviam, ubi spes optimæ prædæ in incerto erat. Incolæ igitur longè inferiores, cauti tamen & pro salute ac pignioribus & fortunis vigilantes, nullam conventionis pacatæ rationem intromiserunt, ita ut tandem magno pacem mercari fuerint. Prædones isti, ita enim potius quam milites vocandi sunt, relicta Racovia vicinam aggrediuntur & appetunt Sidloviam urbem Regiam, muratam & muris ac vallo cinctam in rupe sitam, ita naturâ & opere probe munitam, arce & templis aliisque ædificiis sic satis ornatam. Huic tunc temporis à Rege præfectus erat Stanislavovius vir natalibus meritis, dignitate & Casanoviorum adfinitate illustris. Tot ille nominibus & urbis Regiæ mænis, sed & exemplo lignei & virium potentia ac dignitate longè maioris oppidi Racoviensis, ejusque invidia religionis laborantis, quod vim eorum, at enim hastis argenteis, ab se averterat, confusus, urbis portas claudi, obserari, aggesto solo, assultus metu obstrui, sola quæ in arcem duebat, relicta, mænia & vallum à civibus armatis custodiri mandat. Ita miles urbis aditu exclusus in latè patentibus suburbiis urbi nimium vicinis stationem capiunt. Hinc à civibus more suo pecuniam, vinum, multum, carnes, avenam, exigere, eam eis, ut Racoviensibus licitari, transigere: cives contra mutis, viris, viribusque & præfecti auctoritate confissi omnia pacis componendæ media dedignari. Iccirco miles prædæ & vindictæ cupidus expilatis suburbiis ignem subijciunt, cupis vorax flamma vicina urbis recta corripens, totam illam urbem & arcem, quod extinguendo tanto incendio duo putei, quorum alter in medio foro, alter in arce erat, non sufficerent, & ob-

rutis



rutis portis aqua ex suburbiis in urbem inferri non poterat. Quinimo vix, cum jam res ad extremum deducta esset, casum, ut fuga salus petenda fuerit omnibus, salva mors exitu difficili per unam portam arcis, ejusque incendio flagrantis patente ab omnibus virari poterat. Hoc facto infames illi incendiarii signis desertis, quo quemque casus & fortuna tulit, dilapsi meritum effugerunt supplicium.

Racovientes debitis Deo gratiis de tanta super se providentia & salute parta actis, satis amica, quod, praesertim in tanta vicinia, rarum, urbis acerbo fato multum dolere, omnis generis commeatum parare, postredie sine mora submittere, Patronus erga Praefectum, Ministri & oppidani erga Parochum & cives, Judaei erga Judaeos in tempore officii & beneficentia certare: ita miseris in admirationem rapere, lacrimas afflictiis, his praegaudio, illis praeverecundia, istis etiam praepudore elicere, excutere. Ipse Parochus non pepercit lacrimis. Imo erant qui corde compuncti dicerent: Deus, id eis remuneretur, & nobis parcat, qui turres, vallum, tecta nostra nocte intempesta conscenderamus, fatum eorum oppido flammis subiecto spectaturi, & ecce statim ura culmine alto corruimus, panem eorum comedimus, & potum bibimus, nullis officiis, & vel precibus provocatorum. Sed & alias benigna Dei providentia in tutando illo oppido in quo quotannis frequentissima Synodus fratrum ex universo regno celebrabatur 8. vel etiam 15. diebus, apparuit, donec tandem Anno hujus seculi xxxviii. per injustam sententiam dimissis nocentibus in innocentes savientem Patrono Heroe Reip. Christianae Incomparabili, sed & de Rep. Polona optime merito (de quo cum Cicerone dicere jure possis: Totum se usibus Reip. devovit & patrimonium suum magna ex parte, effudit, quanquam non sumus usi eo verbo quo deceit, non enim effudit, sed in salute Reip. collocavit: cujus rei documentum est illustre, pars indictionis publicae ei, instante provincia Sandomiriensi in Comitio 16. collata.) Ministris & Magistris proscriptis, ecclesia & schola dissipatis tot exulum, vidua-

viduarum & orphanorum receptaculo diruto, & verè Pietatis & Musarum sede disturbata gravem mutationem expertum est, qua de re ex ordine tempotum infra dicendi dabitur locus, si Dominus permiserit, ut verè tunc ocellum Poloniae erutum fuisse quivis rebus ipsis discat.

### CAPUT XIII.

*De Ecclesiae Lublinensis ortu, progressu, fine, ubi & de Gzodoviensi ac Zapoviensi Ecclesiis.*

UT in pluribus aliis urbibus Regalibus, ita & Lublini Deus veritati caelestem sedem initio Sigismundi Augusti paraverat. Hoc Rege defuncto, Henrico, & Stephano Regibus ac initio Sigismundi III. Ecclesia illa floruit, etsi Stephanus auctore Joanne Zamoscio supremo Regni Cancellario & exercituum Regni Duce, supremum tribunal ibi Anno 1578. crexerit. Gaudebat enim illa patrocinio Virorum undecunque Clarissimorum, quos generis & virtutis nobilitas ac praestantes ingenii dotes plurimum commendabant. Tales erant Stanislaus Orichovius Archicamerarius Lublinensis, Paulus Orichovius Pincerna (tandem Archicamerarius) Chelmenis Praefectus Surasensis totius Ordinis Equestris in Comitio electionis Sigismundi III. Director. Niemojevii, Lasota, Ostrovii, Suckodolii, & Lubienieccii. Primus ibi oracula divina dispensabat supra memoratus Stanislaus Paclefius, urbis illius incolae, vir egregie doctus & pius: ac facundia populari praestans, qui, ut diximus inter primos errores de Trinitate & de Pado baptismi retexterat. Post cujus & comitis Tencinii Palatini Lublinensis primi Ecclesiae illius Patroni, sacrae congregationes intermissae & Schola Belscium translata sunt. Auditores & ex civibus viri spectabiles, Crokerus, Balcerovicus, Naborovius, Ciechanii, Bachus, Schirerius, Cocotus, Ekkerus, alii. Agebant ibi praeter Pharmacopolas, Aurifices & omnis generis opifices, praecleari in re medica viri



virii Ciachovius, Crokerus, Tomcovicus & alii. Primum Ecclesia nidum struxerat in domo Ministri Padesii, quæ illic loci ubi jam superbum Jesuitarum templum cernitur, sita erat. Sed ideo mota inde ecclesia translata fuit in vicinam domum Nobilissimæ Matronæ Ostrovix, Suchodoliorum vetere & illustri Familia ortæ, cujus maritus Jacobus Ostrovius Gryphius, Dapifer Lublinensis, Vir pietatis eximie & raræ erat modestiæ, filius Petrus Ostrovius Anicus Regius, vir eximie comitatis & dexteritatis in rebus gerendis, ideo domi forisque egregia cum laude gestis legationibus, quas inter illa ad imperatorem Turcarum eminebat, clarissimus. Colligebatur aliquando Ecclesia in domo nobilissimi virii Andreæ Lafotæ Venationis Regiæ in provincia Lublinensi præfecti. Tandem translata erat in Illustris illius Virii Stanislai Orichovii & uxoris ejus Sophiæ Zeleniæ, rara pietate, ardenti zelo, morum sanctimonia & munificentia non vulgari in Ministros verbi divini, in egenos & impressionem plurium librorum celebratissimæ matronæ domum. Istam usibus divinis per ultimæ voluntatis tabulas istorum pientissimorum conjugum consecratam patrocinii jure Paulus Lubieniecicus illorum trium verbi divini ministrorum frater, sed matre Zolkievia natus, vir non tantum in Ecclesia, sed & in Comitio ac Tribunali meritis ac officiis clarus retinuit, Joanne Niemojevio viro illo in Rep. Clarissimo illuc cum Alberto Bresinio, Simone Siemianovio, Plecio, Bielavio (qui officio Diaconi immortalis est) & Martino illo Cechovicio, ex Cujavia commigrante, & laudabilis exempli faciem ad pietatem præferente, relictæ & firmatæ floruit illa Ecclesia; quam præclara ornabant nomina Kurosius, Brezinius, Comorovius, Orphiovii, Suchodolii, Casimirsii, Vilcovii, Lubieniecii, Lendcii, Szecocii, Orichovii, Gozdii, Bienievii, Zelenii, Sultrevicovii, Marcini, Zaporii, Gorleovii, Lepcovii, & alii nequid de Civilibus Belzicenisibus, Piascenisibus, Urendovienibus, Crasnostavienibus, Levartovienibus & aliis vicina oppida incolentibus dicam. Addebant isti Ecclesia non leve pondus vicina

vicina Schola Levartoviana, quam primus regebat Albertus Calisius vir egregie doctus & cujus consilio ac opera Magus ille Joannes Zamoscus in formanda Academia Zamosciana usus est, sub patrocinio Equitis Splendidissimi ac meritis in Rep. illustrissimi Nicolai Casimirsii gente Bibersteini, cujus frater erat Petrus ille nobis supra memoratus, alter Christophorus Episcopus Kioviensis, tertius Laurentius, tergeminarum fratrum, qui adhuc vivunt Casimiri, Vladislai, & Thomæ pater. Primo Ecclesia ista non tantum Ministro, sed & Patrono simul Padesio gavisa est. Is sacro munere fideliter adversus permultas difficultates, ut umbra corpus munus illud comitantes, & invidiam seculi, quam probitate morum imminuebat, administrato, nec presentissimum pestis veritus discrimen, cum uxore & liberis immortalis est. Huic non segnes operarii in vinea Domini successerunt, Martinus ille Czechovicus, Valentinus Smalcus, Joannes Stoinius Viri scriptis editis clarissimi, Christophorus Lubieniecicus senior, Matthias Twardochlebus, vir raræ pietatis, tam in victu & amicu parvus, quam in egenos munificus, Joachimus Rapnovius & qui agmen clauserunt, Christophorus Lubieniecicus Junior & Jacobus ille Rinovicus supra nobis laudatus. Horum enim ministerio durante ecclesia illa, cum jam Rege Sigismundo III. res vi gereretur. Anno hujus seculi vicesimo & septimo disturbata est. Urebat nempe invidiam malevolorum ecclesia illa adeo frequens & in loco tam illustri posita, de qua merito ob urbis illius in monte satis edito sita, sede Supremi Tribunalis Regni insignitæ splendorem & superbas templorum tutres dici poterat, quod de Pergamensi ecclesia Sacra prodiderunt oracula, eam nempe *ibi fuisse, ubi thronus Satane fuerit*. Vere etenim & citra convitium hoc dicendum venit, postquam Collegium Jesuitarum juvenum ad omne flagitium factorum receptaculum & omnes facinorosos ad quidvis prætextu religionis audendum armans, tum supremum illud tribunal omnis injustitiæ & luxuriei officina illic fundata fere. Feriebant oculos adversariorum frequentes qui in urbe illa haberi soleban



bant sacri conventus, ad quos è vicinia confluxebant variis ex locis tam Ministri Christophorus Rudnicus, Joannes Volkelius, Andreas Sedlicovius alique, quam nobiles, alique auditores. Tanto magis quod eos auxerint subinde tribunal illud adeuntes ex toto regno Equites alique viri ornatissimi, tum adolefcentes nobiles, qui ibi vivebant juri patrio operam dantes: sed & ex Litvania, Samogitia, Volinia, aliisque regni provinciis urbem illam transeuntes Ministri, & Nobiles Racoviam celebrandarum Synodorum causa perentes. At enim & plures Synodi ibidem habitae fuere: imo & publicae de rebus religionis disputationes adversus Jesuitas, Dominicanos & Carmelitanos à Niemojevio, Czechovicio, Petro Statorio, Joanne Stoinio, quarum nonnullae typis publicis erant vulgatae. Ultima ibi disputatio Christophoro Lubienecio adversus Gasparum Druzbicium Jesuitam Anno 1637 fuit. Factum id postulante Viro undique Illustri Georgio Niemiercio Supremi illius Tribunalis adfessore. Hunc enim tunc juvenem doctrina & peregrinatione exculum, opibus & splendore Principibus comparandum mundus illaqueare conabatur, prout ad ultimum composito bello Suecico in novo Magno Ducatu Russiae primas dignitates affectantem & partes Russicas securum illaqueavit, &, qui mox ejus est, misere perdidit. Cum autem omnes istae disputationes confessoribus veritatis feliciter tam cum praecleara horum gloria quam confusione adversariorum successerint, isti illos quamvis quietis amantes tanquam exprobrantes adspiciebant. Ac proinde omnes his & aequum fusque deque habentes nullum non lapidem ad evertendam illam Ecclesiam moverunt. Cum pelle vulpina primum prodierunt ficta Epistola quasi ab aegro Joanne Stoinio Luclaviciis ad Christophorum Lubienecium data & inde Lublenum perlata per juvenem in Jesuiticis artibus exercitatum versare dolos variasque personas effingere paratissimum submissa. Erat autem illa subdole conscripta & ad fallendum composita, ut aliquid Lubienecius vel alius quispiam ore vel scripto affectus proderet in Gabrielem Betlemum Transylvaniae Principem, qui tunc bellum adversus Caesarem gerebat,

rebat, & ob submissa isti à Polono per turmas illas Lissovianas auxilia, vindictam meditabatur, vel in Gustavum Adolphum Regem Sueciae, qui sub idem tempus Prussiam infestis armis vexabat. Nunciabat illa Epistola, rumores ibi sparfos fuisse de confessoribus veritatis Lublino pulsos, & de quopiam religionis causa ad rogam damno. Et illud quidem experiendi causa fictum, hoc aliquam veri speciem ferebat, proscripto tunc Samuele Svantopelio Bolestrafficio viro genere nobilissimo professione Calviniano, & ad flammam damnato libro Petri Molinari, quem de vanitate & miseria vitae humanae Gallice scriptum Bolestrafficius idiomate reddiderat vernaculo. Allata fuit illa epistola & tradita Lubienecio sub canam officiis amicorum, quos adfines ejus Stanislaus Matcinus Synodo Racoviana in Litviam & Voliniam redeuntes invitavit, occupato. Sed è vestigio his acri oculo inspectionem & stilum epistolae lustrantibus illis, impostorem de Stoinii vultu & Viri stultae transitu rogantibus dolus aequè ut in lucerna Punica ignis apparuit. Dissimulatio tamen opportunè adhibita & hospitalitas personato tabellario exhibita. Responsum urgenti Lubienecius respondit, se & laboribus tota illa die Pentecostis Sacrae Synaxis parasceve, quae ex consuetudine morum totius Ecclesiae censura absolviatur ad vesperam usque protractis fatigatum & tunc officii hospitalitatis deditum, responsum tam alieno dare non posse, paraturum se tamen illud de nocte, licet tarda & jam provecta ut si luce crastini & vel summo diluculo redierit, illud expeditum sit inventurus. Digresso illinc impostore postquam cunctis dolus in officina Loyoliticæ fabricatus suboluit, missus qui illum in vicinia degentiae jura amicitiae cum nostratibus colenti & aliqui Viro pio & probato Laurentio Dominico Ecclesiae Reformatae Pastori indicaret, & annon pari fraude appetitus esset, rogaret. Is gratis de amico nuncio & monito actis, agnovit se jam ad dandum liberius responsum simili dolo inductum quod Jesuitis exhibitum cum sibi negotium facessere posset, ad tempus Lublino se subduxit. Ergo tanto majori cautione Lubienecius



bieniecicus ulus Stoinio respondet: dolet morbo & fuga ejus præcipite: Certiorem eum reddit nihil ibi de turbis Hungaricis audiri, neminem religionis causâ Lublini ad gladium vel exsiliium damnatum, sed tantum Bolestrassicii librum ad rogum, illi ipsi multa irrogata: supremum illud tribunal ab iustitiæ & publicæ tranquillitatis cura commendando, prudenter officii monet: caute tamen se in urbe agere, & metu tumultus à malefieriatis nullo negotio excitandi, curta supellectile contentos, & ad fugam si res postulet expeditos vivere; edocet denique pro fictis illis & ad fraudem compositis rumoribus certum eumque latum nuncium victoriæ ad Hamersteinum de Suecis obtentæ, voto, quod pietatem in patriam exegit, subjuncto, perscribit. Venit summo mane impostor solers, repetit & recepit latus responsum. Unde digressus à præcedente primum, hinc sequente exploratore in domum ubi bursa Jesuitarum erat, recta contendisse deprehensus est. Ibi cum litteras Lubieniecii Jesuitarum tunc assignano *Laurentio Sussigæ*, capitali ante Pontificiorum hosti & alioqui viro ferocis & turbidi ingenii, qui eas tanquam petitam prædam procul dubio (ideo enim consilii omnibus præceps & devius homo, aliquot ante diebus auditores ad audiendum illa die & videndum quidpiam singulare invitarat) avidus præstolabatur, tradidit. Sed prudentia innocentie fida cunctos corvos delusit hiantes. Qui cum hæc via non successisset aliam ingressi sunt manifeste calumnie tam in fraudes quam in apertam malitiam præcipientes, & quibus injuria inferri nunquam non libet, nunquam non licet, nunquam non vacat. Mox enim postridie ad tribunal trahunt Patronos, Seniores & Ministros Ecclesiæ, nominatim Illustrem illum Heroa Sieninium Palatinidem Podoliæ & fidum ejus in Ecclesiâ & Rep. tractanda socium Paulum Lubieniecium Christophori patrum, Venecium Ministrum una vadati. Erat is Michael Gittichius Veneticus dictus ab urbe Veneta, patris patria, Ecclesiarum Litvanicarum Pastor fidissimus, Vir rara eruditione & morum gravitate conspicuus. Hic pridie ipsa Pentecostes feria, in maximo auditorio, cui cum nec conclave spatiosum nec pergolæ suffi-

sufficerent paries intergerinus remotus maximæ panegyri locum fecit, sacram habuit concionem. Qua finita preces cum ad Deum pro felicibus Gustavi hostis patriæ successibus fudisse, amentia præcipientes adversarii (quis enim sanus hoc in oculis & auribus tot infestorum veritatis hostium diceret, vel virum hinc pium & doctum, illinc invidia publica laborantem dixisse crederet?) sine fronte calumniantur. Sieninius amicum sibi semper Curie Præsidentem convenit, ibi cur ad jus fuerit tractus rogare: ætatem & valetudinem gravem, tum vero innocentiam nulla pallefcentem culpa testari, dimissionem postulare. Præses crimen perduellionis ob preces pro hoste publico publicè habitas objicere. Sieninius fidem testari, innocentiam tueri. Præses hanc illi gratulari, bonam spem dimissionis facere. Præstituta die, quæ erat Mercurii, Sieninius & Lubieniecicus in iudicio comparent. Maximus sit hominum ad tantæ rei famam concursus. Inquiritur in Venecium ut placito Curie detentum eoque necessari sistendum. Instigator Lisecius præceps ingenio in iracundiam adversus Antipontificios effervescentem crimen perduellionis in citatos impingit. Hoc isti ut par erat negant. Accusatur Sieninius ut Patronus Racoviæ, unde isti Ministri profecti illuc venientes tanto crimine obstrinxerint. Accusatur Lubieniecicus, ut Ecclesiæ Lublinensis in quantantum crimen perpetratum fuerit, Patronus. Uterque ut agnus ille amnem in adversa ripa turbat lupo. Pernegant illi factum, ac Delatorem sibi sisti postulant, urgent. Is non comparet. Ergo illi pænam talionis in instigatorem, ut calumniatorem, & convitiatorem temerarium repossunt. Iste nihil se nisi iussu Præsidis fecisse ait. Illi patrono Ruzinio Reformatae confessioni addicto causam fortiter tuente, secundum legem nemine instigante absolvi postulant, liberi declarari urgent. Rabula perfrictæ frontis Venecium sisti flagitat. Latebat illos ubi iste lateret, in domo scilicet Michaëlis Schureri civis & mercatoris Lublinensis. Erant qui sistendum eum iudicio fuisse, ut fidei rationem redderet, judicarent: quos inter & causæ patronus, Vir



probus initio erat. Sed postquam comperit hostes citra ullam justitiæ rationem cum malitiose atque consulto, subornato quodam clerico, qui calumniam jurejurando firmare paratus esset, perdere, & quod plus est, omnes reliquos ut culpæ affines ac perduellionis complices, communi pœna involvere velle, monuit & ipse serio ac instanter fratres, ut eum subducerent certo & destinato exitio, tot insuper insontibus parato. Atque in hanc sententiam ab omnibus itum est. Verum enimvero longius progressa est hominum ad quidvis audendum paratorum iniquitas. Post multas contumelias & criminationes, quibus ferrei oris rabula, nequaquam foro illo ex prisci Catonis consilio muricibus strato, ut vipera sibilare & mordere sueta, bonam famam Virorum Illustrium & innocentium appetiit, lata ab Judicibus sententia, citati præstito juramento, Venecium talia non dixisse, nec ista à quoquam audita esse, suam & illius innocentiam assererent. Quo facto ad multam grandem damnati ab improbis judicibus evaserunt, postquam Sieninus cum multa libertate utpote magnorum in Rep. meritorum & innocentiae probe conscius injuriæ atrocitatem & calumniatoris malitiosus, callidi, impudentiam demonstravit, quod senio & meritis Viri Clar. cui generoso incaluit pectus honesto, datum: Verum tamen neque hac ratione qui ex judicio tam adverso, tunc evaserant, ex artibus malevolorum, qui indomiti & irreconciliabiles ruebant subinde in pejus, evaserunt. Imò, mente vertente gravis calamitas non tantum nos, sed & Reformatæ confessioni addictos, trito tramite grassante effræni licentia, attrivit, atque utramque Ecclesiam disturbavit. Causa tam atrocis injuriæ præter malitiam veritatis & omnis juris adversariorum nulla, occasio verò talis præbita fuit. Duo focii qui dici volunt Jesu Leopoli Varaviam tendentes & Lublinum prætereuntes à duobus gregalius & aliquot adultis studiosis officii causa extra urbem deducebantur, custru præcedente. Isthis Czechoviam suburbanum Raphaelis Comitis de Lesno Palatini Belzensis, Viri senatoria dignitate & meritis in Rep. Illustrissimi Ecclesiæ Reformatorum Patroni, eximii prætereuntibus, studiosi, indomitum, in gente præsertim plus quam libera

& ferociæ per laxam disciplinam Jesuiticam innutritum genus hominum, iique pravo more gladiis accincti, læcesserunt in transitu Germanos milites (quos tunc Palatinus post obitum Judicis in illo supremo Tribunali Regni provinciam in bellum adversus Gustavum expedire parabat) in diversorio comportantes. Offensæ causa nulla sed & hic ventum apparuit illud oraculi vice habendum: *Malefacere qui vult, nunquam non causam invenit.* Primi studiosi eos adorti quod se prætereuntes salutationis honore cum id officii illis potius de more incumberet, non prævenissent. Hinc ob non apertum caput aperta porta sceleri eique multiplici, quia & injuriæ atroci non tantum in Evangelicos, sed & in Unitarios illos quidem, quod ad communitatem attinet, insontes, sed istos nullo colore (præter nudam veritatis & innocentiae invidiam) offensæ cognitos exercitæ. Juvat singula minimè utilia vitæ, prosequi. Unus illorum feroculorum ebrios milites, citra pudorem, sed nec in tempore humanitatis officium efflagitans, arrogans, & temerarius his adortus verbis: *Eccur prætereuntes Patres Societatis Jesu debito honore non afficitis?* Milites licet vino incaluisse non tamen rationis usum & humanitatis sensum & honesti respectum amiserant. Regerunt igitur quod fas erat: *Atqui vobis prætereuntibus, ô bone, conveniebat nos hic dudum in diversorio nostro sedentes illo officii genere prævenire.* Ventum dehinc ad jurgia. Feroculus ille de securitate suorum Patrum sollicitus minis intentatis se mox in reditu injuriam vindicaturum, Patres ad currum una cum reliqua turba deduxit. Quo facto priora relegens vestigia, sed extra oleas evagans, studiosus & Sociorum Jesu, si Deo placet Discipulus, militem eumque Gerinatum & vino madentem, quin imo honestæ consuetudinis tenacem, verbis dehinc ferro aggressus. Ut ad arma ventum, feroculus gladio confossus corruit è vestigio mortuus ac temeritatis luit pœnas. Reliqua extemplo turba feroculorum: conclamari: *Ad arma: ad arma Viri. Ruite ad Ecclesias Lutheranorum (ita vulgo omnes ab Ecclesia Romana dissidentes compellantur) dirruendas. Lutheri Catholicos occidunt.* Et certe miles ille Lutheri castra sequebatur, & stipendia merebat apud Heroem Evangelicæ



lice Confessioni addictum, sed in fundo herili, animosior erat. Respuit more inolito omnem moram sat non tantum solers sed & ingeniosa ad destinata prava exsequenda ferocia, palmam plerumque virtuti in suo genere præcipiens. Confluit studioforum, longissime sanè à Caltris Musarum remotorum, opificum, servorum, & omnium perditorum ac malefactorum die Dominica ex qua profecto pessimo more plerique Christianum nomen mentientes & pudoris obliiti nec solem à quo etiam dies illa nomen habet veriti computationibus, choreis, lasciviis indulgendo Diabolicam (si vel solarum chorearum intuitu Chrysostomo, ne quid de Apostolo & de Christo dicam, credimus) faciunt, colluvies. Ipso vespere cohortes facinorosa templi Evangelicorum & Christianorum aggressi. Erat tunc in urbe inter illorum Proceres *Andreas Firlejus* Castellanus Belsenis, tandem Palatinus Sendomiriensis & exercituum Regni nupero bello Cosacico Dux. Qui cum aulam haberet domui quam Ministri eorum incolebant, contiguam obleratis portis una cum familia, & amicis qui se repentino & gravi periculo illuc subdlexerant, adversus vim illorum malefactorum, imo grassantium in urbe latronum, se tutabatur, & in aggressores selopeta explodi continuo iussit. Hoc enim illi primi faciebant, nulli vi & petulantia, sed nec innocentia parcentes. Ita hinc tumultuosa aggressione, illinc necessaria defensione transacta nox. Alter Ministrorum Ecclesie Unitariae Lubieniecus ante vesperam in prædium Jablonianum tertio propemodum lapide ab urbe positum concessit. Alter Riniovicius ille quod cum nonnullis fratrum aulae Firlejane se includere, ad vim vi repellendam cogi & vel spectare talia noller, saluti in repentino consulens discrimine, cum alius non pateret exitus, stagnum vastum natando præsens periculum fuga superavit & noctem brevem totus madens aqua, subditiō transiegit. Orto sole ad stationem & officium rediens ubi sacrum solitum faceret in abominanda (verbis ejus propriis) desolatione, non invenit. Nam nocte ruit tota utriusque Ecclesie ædificium. Sed nec vicinis pareitum. Cum primis læva illa procella effudit se in contiguam ad

Chri-

Christianorum sacra domum divitis Civis Reformatæ confessioni addicti ac Ecclesie illius Diaconi: erga quem Riniovicius cum Andrea Lubieniecio, illius collega sui fratre & Alexandro Przypcovio humanæ miserationis officio defuncti. Inter hæc Joannes Crechanius unus ex primariis Civibus & Ecclesie Christianorum Diaconus, vir pius & solers Rinioviciū opportunè in Jablonianum subdixit. Quem ad pontem comitatus Paulus Lubieniecus junior vix in Aulam patris cognominis redire per tumultum poterat, & in transitu fratrem Andream quem parum aberat quin publica illa calamitas obtereret cum socio Nicolao Borencio, viro nobili & cordato, præsentissimo eripuit periculo. Mane factō desitum paululum est furere. Sed intra aliquot horas turbones illi nec solem reveriti media luce in ipsa sæviunt rudera & aulam Firlejane in quam Ministri Evangelicorum confugerant, oppugnant. Dum cuncta hic gaudio, illic luctu & horrore plena forent supremi Tribunalis Iudices in sinu ridentes, ac priscum illud *Euge*, ne sic quidem male ingeminantes, tandem metu gravioris mali aliquot è medio sui Sacri & Profani Ordinis, ad compescendam turbam & disturbandam concionem ablegarunt. Aegrè tumultus spe prædæ aucta sedatus. Atrox profecto facinus & furor, sed hoc quod dixi ad id quod dicturus sum parum est. Nulla namque tanti sceleris indignitatem secuta iusta vindicta vel mileratio. Imo cum omnem utriusque ipsiusque humanitatis sensum exemisset ferox & indomita sacra tyrannis, lævæ pænæ insontibus & miseris irrogatio secuta, & graviter afflictis longe major addita afflictio, eaque perpetua, & ne quid ad complendam iniquitatem desit, cum insultatione conjuncta. Palatinus ille, licet Supremi ejus Tribunalis assessor, tum Castellanus, alique utriusque Ecclesie Patroni in jus vocati. Ille ad addendos duos Germanorum illorum militum (quorum alter gladio percussus alter aegrè & magno redemptus) compulsus; iste ad exsolvendam è vestigio mille marcarum multam damnatus. Utraque Ecclesia perpetuā sententiā, injusta sane & dura sublata, proscripta. Non justitia, non æquitas, non lex, non præscriptio, non preces, non ipsa

R 4



ipsa denique sanguinis, mictæ, rapinarum fatietas, quæ & tyrannos capere solet, quidquam profuere, quin exemplum utriusque Ecclesiæ disturbance, Cracoviæ antehac ut vidimus factam, hoc sequeretur. Ex tam atroci exemplo aliisque quæ adhuc diximus & post dicti sumus jure meritoque mensura capi potest justæ vindictæ divinæ, quæ antecedentem scelestum non deseruit pede claudo, & tarditatem gravitate supplicii internecionum bellorum ex hoc iniquitatis feræ fonte promanantium compensavit. Post hac enim nec funus efferre, nec Aulas Vidorum illustrium vel nobilium rei divinæ peragenda gratia adire impune licuit. Nota est injuria gravis *Samueli Macovio*, licet Medicinæ Doctore & experientissimo & clarissimo ac alioquin integro viræ sed & de urbe illa cum primis grassante peste optime merito illata, qui Regis patrocinio munitus Regiis Commissariis absolutus, ab Judicibus tamen tribunalis illius in jus, carcerem, ad supplicium toties tractus post tot mortis metus vix grandi pretio preceque redemptus, Unitarium Ecclesiæ afflictum mille libris dono datis sublevante. Totum hoc quod tot atrocium injuriarum dolorem lenire poterat, erat vox prætereaque nihil. Afflicti enim querelis Conventus Provinciales & Comitium Regni complentes pro solatio miserationem & eodem illo anno 1627 tum 1632 adversus decreta Tribunalitia vim novæ legis sapientia abroganda leges in Comitio obtinuerunt latas, sed quid iræ vane, ut ille ait, *sine viribus proficiunt*? Injustis Judicibus ad exemplum militum illorum Pompejanorum universæ Reip. respondentibus: Quid vos nobis gladio (Sacræ & Civilis auctoritatis & supremæ potestatis ac furoris vulgi) accinctis audetis leges prædicare? Lubieniecus Ecclesiæ illi (ut & Zaporienti in vicina posita una cum Andrea Sedlicovio Alberti illius Calissii filio, viro docto facundo, pio, & hospitalitate insigni præfuit, variis expositus adversariorum insultibus, quos inter eminebat aggressio facta Anno. 1628. per licentiosum militem noviter lectum in qua & isti duo servi Dei & tertius Jacobus Riniovicius Trembecius & tota Ecclesiæ sacris operans præfens vitæ adierant discrimen, nisi divina adgubernante providentia

Illuc

illuc inopinato adveniens Petrus Crolevius Stremieniecus vir nobilitate generis & meritis in Rep. clarus agnitus fuisse à Ductore illius manipuli furum & latronum, qui cum ei amicitia in castris intercesserat, intra paucos dies manum illa ferocium in vicinia per Coniecpolium Episcopum Chelmensem sublata & dissecta. Memorabilia hic duo divinæ providentiæ argumenta jure meritoque adnotabo. Cohors illa funbendorum diversorum in quo nostri confugerant aggressa cum esset, patri meo quispiam eorum rapuerat pileum. Hunc ille extemplo paucis nummis redemit. Hinc raptor in medio tumultu eum tutatus est per exigua bonitate victus. Cum vero *Georgium Bachum* natione Germanum primarium civem Lublinensem virum pium ~~notæ~~ humanitatis ad mortem propemodum verberibus tractarent alii, unus eorum qui paulo ante bajulum Lublini egerat quæsivit, an inter eos esset *Michael Schurerus*, (erat & is natione Germanus vir opulentus & humanus, unus pariter è primariis Lublinensibus civibus) qui se multis beneficiis obstrinxisset. Mater mea discriminis cum marito consors Bachum ei indicavit & ita morti eripuit. Adeo & in prædonibus quandoque virtus locum invenit. Ita tunc illa Ecclesiæ præfens periculum Dei beneficio evasit. Haud alienum hic à proposito imo commodum ad dictis faciendam fidem fuerit memorare enormium injuriarum exempla, Auctori Historiæ Ecclesiarum Slavonicarum studio partium & malevolentia laboranti præterita, qui & in eo correctionem æquam meretur, & leges illæ Comitiales patrocinari ita Dissidentibus in religione, ut non soli comprehendantur Evangelici sed & Arriani (vulgo & illi injuria dicti) intelligantur. Christophorus ille Lubieniecus, cum ut nobilitatis & possessionis hereditariæ, ita & suffragii jure in conventibus illius provincie gauderet, flagrantissima & singulari adversariorum laborabat invidia. Hinc sæpius technis & vi aperta appetitus, semper tamen manus eorum evasit. Sed parum aberat quin Calamitas Cicoviana, quæ ut multis fratrum ita illi cum primis, utpote verbi Divini Ministro incubuit gravis, eum opprimeret. Rei gesta brevem narrationem appono. *Stanislaus Cicovius* Stanislaw Archicamerarii Cracoviensis filius



Stanislai illius Castellani Biecenſis & exercituum Regni Ducis nepos, nulla prole ex Dorothea Blontcia gente Biberſteinia ſuſcepta, relicta unica ſorori Chriſtophori Oſolinii Palatini Sandomirienſis uxori ac filio ejus unico Balduino opima hæreditate, patruelem Joannem religioni Unitariæ addictum villæ Creloviienſis cum aliquot prædiolis inſcripſit hæredem, ejuſque juri omni meliori modo ſecundum leges publicas cavit. Agerri-me id ferens Oſolinus à morte affinis ejus viduam & patruelem in jus vocat, ac ut mos eſt adverſariis veri & omnis æqui ac honeſti, falſam hæreſeos Arrianæ invidiam imo & calumniam, ab uxore ſua ob religionem Catholicam alienatam per affinem legitimam ſucceſſionem, hæreſeos Arrianæ propagandæ ſtudio. Cicovius ſatis gnarus in ſupremo illo tribunali diſſidentes ab Eccleſia Romana toties ſeralium Sententiarum fulminibus, ictos, & videns ſe non obſtante juſtitia cauſæ de ſucceſſione periclitari, plures Unitariorum & non nullos Evangelicorum (quos inter Georgius Recicius Urendovienſis præfectus vir illuſtris erat) ut deprecationibus rem ſuam apud Judices juvarent, quo ſcil. leges avitas de fœdere diſſidentium de religione & de ſucceſſione lartas ſartas teſtas conſervarent nec de innocui lite injuſta cognoſcerent oravit. Obtinuit iſte id officii ab amicis haud invitis, cum hoc fuerit innocuum nec inſolens & antehac in cauſa Chronovii viri nobilis Miniſtri & hæredis Robcovienſis ex voto ipſius Eccleſiæ Lublinenſis ſola ſacta invidia laborantis non inſeliciter ceſſerit. De-mandatam perorandi provinciam Stanislauſ Orichovius illius Pauli Archicamerarii Chelmenſis viri in Rep. ut vidimus Clariffimi ex Oleſnicia uxore Palatini Lublinenſis ſorore genitus & ipſe de Rep. in illo ipſo tribunali & Comitio bene meritus, bene quidem obivit: ſed parrheſia quâ per-motus, ſi forte leges avitæ non valeant rem ſe ad Comiti-um delaturum dixit, Judices ita offendit ut 15. vel 16. nobiles in carcerem compegerint, & reliquos quidam ad turris perſtatis cacumen damnarint, ac Lubie-necium ad imum carceris canoſum & ſqualidum de-ruſerint. Suppar morti prægravis certe hæc iſti erat poena

poena, utpote imbecilla valetudine utenti & catharris ob-noxio: adhæc abſtracto à ſuavi conſuetudine fratrum, quibus & illic loci & illo rerum articulo non deſuit, præiens in orationibus & Pfalmorum cantu, & à con-ſortio fidæ uxoris, quæ ſe ſubinde in antrum illud hor-ridum maximo cum incommodo demittere neceſſe ha-buit. Officium illud paſtori incumbens movit malevo-rum gregem, & quæſitus iniquitari color captivos vin-dictæ explendæ ſtudio Pfalmum in carcere cecinſſe 79. qui incipit. *Deus venerunt gentes in hæreditatem tuam.* Qui quidem injuſtis & ſavis judicibus accommodari potuiſſet ab aliis, ſed ab illis qui ſeiverunt, cujus ſpi-ritus eſſent, accommodatus non eſt. Alienæ namque à temporis conditione, ſed & à genio institutionis Chri-ſtianæ illæ execrationes fuiſſent. Poſtquam ita ignominioſo & fædo carceri mancipati tor viri nobiles aliquot diebus magno cum rerum ſuarum diſpendio & publica igno-minia (quam tamen edulcabat melioris cauſæ fiducia & conſcientia nulla pallescens culpa) egerunt, Senato-res Graviffimi, & bonarum partium Georgius Dux Zaſlaviienſis & Romanus Hoſcius Caſtellanus Cioviienſis, qui etiam tribunalis illius fuere adſeſſores, ſed cum illa atrox ſententia in captivos ferretur à curia ab-ſentes erant, pro iis apud collegas deprecati, liberationem eorum obtinuerunt, Sed unicuique eorum multa ſexcen-tarum marcarum quæ propè mille libras conſtituunt e-ro-gata. Dimiſſi è carcere & deducti in curiam ſenten-tiæ quantumvis injuſtæ & gravi morem è veſtigio gere-re neceſſe habuerunt. Attamen *Martinus Czaplincius* cu-jus natalis & præclara in Rep. merita eximia morum & oris modestia ornabat, fratrum nomine de clementiæ pa-na ita egit, ut nonnullis Judicum lacrimas oculis excuſ-ſerit, & quidam eorum dixerit: *Si Czaplincius pro Ori-chovio peroraſſet in carcerem compacti non fuiſſetis.* No-tandum vero hic velut in tranſitu ſeriò tamen, diviniæ juſtitie exemplum. Nempe enim judices multâ ſanè mulctâ deliniti nec magno alicui in Rep. motui juſtiſſimis certe querelis, ſi jus ſacroſanctum ſuc-ceſſionum & teſtamentorum, quibus, omnium gen-



gentium leges patrocinantur everterent, occasionem præbere volentes Cicovio jus suum involatum reliquerunt. Ideo omni legi & acquitati repugnans Palatinus cum eo de successione XII. Millia Ioachimicorum pactus, intra aliquot annos summam hanc pecunie exsolvit, interim usuræ nomine Cicovio prædium Cobilanum tertio à Racovia lapide possidendum è vestigio tradidit, & viduæ jus quod vocatur advitalitium intactum, sive possessionem Creloviensem ad suprema vitæ tempora relinquere necesse habuit. Attramen nec ille ipse nec ejus uxor nec unicus filius Baldvinus hæreditatem illam adierunt, quod vidua ei superfuerit. Apud quam Baldvinus in bellum Tartarico Cosacicum Anno. 1649. iturus veniam culpæ petiit, de omni jure suo remisit, & benedictionem ab ea (erat enim Matrona ut pia, ita singulari auctoritate prædita & eximie exultationis) petiit, eamque obtinuit. Verum tamen judicia divina quorum profundam abyssum Regius cecinit Plaltes, & tot Regum ac Regnorum depradicant exempla, non effugit. Nam ad Sboroviam occubuit. Vidua ejus grandi arte alieno gravata nupsit tamen alteri viro, & amplas possessiones Cicovianas, quæ ad maritum per successionem devolutæ sibi jure nuptiarum cesserant, in aliam domum transtulit. Solum Crelovianum illud Baldvini patrueli obtrigit. Sed ad rem; Captivos illos omnibus in Curia rite peractis. Dux Georgius humanissime ad convivium invitavit omnes. Nomina tot confessorum perpetuam posteritatis memoriam. Fuerunt igitur isti tres Craplicii è Spanovia gente, Martinus & Georgius frater & Alexander illius filius dicti Castellani ut & Kyrdejsorum consanguinei ut pote eadem insignia gerentes, adeoque gentiles, sed & propinqua necessitudine Duci Georgio conjuncti quippe ejus avia è Craplicia fuerit gente: & alioqui cognatione Ducibus Wisnoveciis & Coreciis devincti. Petrus Suchodolius, Juninius, Sobieviorum pariter consanguineus, Petrus Crelovius, Joannes Conarius, Stanislaus quem dixi Orichovius, Georgius Grek, Stanislaus Matcimius, Joannes Lepcovius, Nicolaus Rossek, Lubieniecius tamen aberrat, invaletudine impeditus. Nempè teterimus ille car-

cer

cer vires ejus graviter debilitaverat ut dehinc quartana febre conflicaretur. Eundem dehinc adversariorum, in primis studiosorum in Schola Loyolita versutiam & malitiam edoctorum malevolentia sapius appetiit. Quæ cum aliquando in nervum erupisset, audaculis nonnullis cum ex urbe in prædium illud Iablonianum redeuntem persequentibus imo aggressis & prope jam capientibus, mira Dei providentia superveniens vir nobilitate & pietate præstans Basilius Bienievius cum numerofo famulitio eum præsentissimo eripuit dilerimini. Hinc cum eo & aliis amicis Collegium Iesuitarum adiens furorem Studiosorum in media urbe latronum more grassantium verbis pro merito ulens, Magistros tantorum facinorum officii seriò & graviter admonuit, eosdem ad excusandum facinus & promissum faciendum se in posterum juventutem litteris humanioribus auspiciis suis operantem compe-

#### CAPUT. XIV.

*De eadem Ecclesia Lublinensi primum Piascios, inde Siedliscios translata, tandem nupera Suecica calamitate una cum reliquis dispersa.*

Pulsa Lublino Ecclesia novam sedem verius diversorum Piascis (ubi Martinus Crovicius supra nobis memoratus supremum diem obiit) tertio ab urbe lapide invenit. Possidebat illud oppidum post Stanislaum illum Orichovium Lublinensem Archicamerarium Andreas Suchodolus Janinius Vir ut natalibus illustris, ita & dives, pius & constans, sed cui uxor erat Reformatae religioni addicta è Podlodovia gente, soror Stanislai, pariter Janinii, Viri eruditione, rerum civilium scientiâ, prudentiâ sed inprimis pietate eximia conspicui. Et is quidem ad mercatum bonarum artium peregre profectus veritatem puram apud Baravos in medio Calvinismo (ut Christophorus Sienuita Vir illustris & Daniel Rudnicus Vir nobilis eximie doctus, idoque



ideoque Theolog. & Philosophiæ Professor in medio Papa-  
tu Romæ) agnitam ore profiteri non erubuit & magno  
piorum dolore in ipso ætatis flore, ex Sophia illius Sucho-  
dolii fratre Petro Dapifero Chelmenſi genita adhuc super-  
ſtite unica filia ſuſcepta ſatis ceſſit. Sed ſoror ad extremum  
Reformatorum parti adhæſit. Confefſoribus tamen verita-  
tis etiam à morte maritali ſuprema uſque ſavit eiſque be-  
nignum præbuit patrocinium, mariti & fratris & æquitatis  
non immemor, quorum omnium immemor ab ejus mor-  
te fuit filius unicus Adamus Suchodolius quod mox dictu-  
ri ſumus. Vidi illam Eccleſiam puer & adoleſcens frequen-  
tia & præſtantia Auditorum florentem ſub patrocinio Pa-  
troni, Viduæ & filii adoleſcentis. Ille quidem nomen  
Eccleſiæ noſtræ dederat, & ut ſtudiorum ita & morum do-  
mi forisſque moderatorem Andream Wiſſovatium Fauſti  
Socini ex filia nepotem Virum reconditæ eruditionis, ha-  
buerat. Sed gratis. Nam ab exteris redux factus neceſti-  
pendia ei exſolvit, nec quidquam Parentum manes & ju-  
ra cuncta, veritus, Anno. 1645, Eccleſiam diſturbavit,  
& paulo poſt temerario caſu ſororem Virginem bombar-  
da onerata, à qua illa maximopere ſibi metuebat, per-  
terrefacere volens interemit. Hinc Lubienicius, quem  
ut intimæ admiſſionis amici parentes ejus magni ſemper  
faciebant & cujus ille præſentiam à matre moritura ſum-  
mopere expetitam ſciverat, de tanta injuria bonitati qua-  
nihil magis populare ſit & conditioni temporis, quo cor  
ejus plus quam adamantinum ſanguine ſororis ad ſas &  
æquum, hæcti (fertur enim adamas ſanguine emolli-  
ri) oportuerat, & amicitie avitæ & neceſſitudinibus multis  
adverſa, apud illum ipſum graviter queſtus eſt. Quo ani-  
mo in veritatem puram ejulque confefſores tunc *Stephanus*  
*Svetlicius* ſcholæ Beſſienſis Rector, ejus olim præceptor  
fuerit, patet ex epistoſa ſatis inſolente, cujus exemplum  
jure meritoque ex autographo quod poſſideo, memoriæ  
commendo:

Inſcriptio litterarum extus talis erat:

*Animula in amaritudine Jeſu Chriſti dulcedinem breviter  
expertura Generoſo Adamo Suchodolski*

In

Intus hæc legere eſt.

*Suchodolski*

*Animula tantum Deo dilecta quantum afflicta.*

*Vitam primi amabilis Jeſu Chriſti magnopere ſpretam jam  
agnitam morte dilectiſſimæ ſororis tuæ piare te voluit ma-  
gnus illerum arbiter, cujus judicia abyſſus. Progredere in  
patiendo & expiando delicta adoleſcentiæ tuæ patrata do-  
mi apud nos & peregrè & exclama: Minor ſum Domi-  
ne omnibus miſerationibus tuis. Forſan ni ſic ſoror tua  
cariffima excidiſſet, tu denuo excidiſſes.*

Non leviter à perpetrato iſto facinore exiſtimatio & bona  
fama vapulavit Cujus patruelis Nicolaus Petro illo  
& Dorothea è Spincorum gente, pia matrona ſatus in vi-  
cino pago Siedliſcenſi, qui Suchodoliano aviro & gentili-  
tione nido contiguus erat, & in quo olim Eccleſia nidum ha-  
buerat, hoſpitiū eccleſiæ conceſſit. Iſtius miniſterio cui  
Parens meus piæ memoriæ Anno. 1648. erat immortuus  
& ubi patruus ejus ille *Andreas* ſupra nobis memoratus  
Anno. 1623 ſatis ceſſerat, & ego tyro Viris pietate, doctri-  
na, ſacundia & zelo conſpicuus Joanni Ciachovio, illius  
Schomani nepoti, & Joachimo Stegmano adjunctus loci-  
us, eram Anno. 1652 & 1653 applicatus. Et illa quidem  
ſat frequens ad extremum erat. Sed paulo poſt Anno ſcil.  
1655 belli Suecici ejusque occasione acerrimæ Moſcoviticæ  
invaſionis, denique perſecutionis ad uſque publicæ pro-  
ſcriptionis triſtis exilii legeduri carminis in Comitio Anno.  
1658. latæ ſævitiam genti liberrimæ inſolentem coorta  
procella, graviffima concuſſa, tandem & diſſipata eſt.  
Nam & ipſe Patronus olim Georgii illius Czaplíci Kirdei  
dein Joannis Rupniovii Srzeniavii, tunc Magni illius Samue-  
lis Przypcovii Radvanii gener una cum pluribus fratribus in  
confiniis Hungariæ Comitatu ſcil. Marmorofenſi ex in-  
ſigni Viri Illuſtris Franciſci Redaj Comitis comitate &  
humanitate receptum quaſiſit. Sed unde ſalus ſperabatur  
magnum periculum exiſtitit. Omnes enim (erat autem  
tur-



turba misera 500 amplius) à Cæsareano milite licentioso male habiti & fortunis ac vestibus ad usque nuditatem exuti, tandem, & fannis insultantium omni injuria grioribus exceptierant: Inde alii in Transylvaniam, alii in Prussiam confugerunt. Hos inter Patronus ille fuit, qui Servatori inter acerba exilii incommoda fidem ad extremum servavit.

## CAPUT XV.

*De Ecclesiis Submontanis, cumprimis de antiquissima & celeberrima Ecclesia Luclaviana in provincia Cracoviensi ubi & de Fausti Socini morte agitur.*

**I**nter primos nidos, quos Deus Opt Max in Polonia veritati & Ecclesiae suae struxit. Luclavianum est. Pagus iste in Provincia Cracoviensi ad oppidum Saclicinum & ci trans Danubium, vulgo Donajecum oppositum ac fluvio imminentem arcem Melstiniam situs loco amoenissimo, utpote in media planicie satis undique exposita, quam velut corona collium Carpato monti subsectorum (unde illi ditioni Submontanae nomen) cingebat. Haeredes illius tunc erant Stanislaus Tassicius Tremencius Vir nobilitatem generis praclaris meritis non domi tantum sed & foris apud Carolum V. Imp. Gloriosissimum exornans, adeoque in patria magna pollens auctoritate & Abrahamus Blonscius Bibersteinus. Ille in agro suo fundaverat Ecclesiam quam inter alios viri undique praestantes Petrus Statorius, Georgius Schomanus, Stanislaus Lubieniecus patruus meus magnus, Ioannes Stoinius, Petri Statorii Senioris Nepos, Junioris illius filius & Ionas Slichtingius rexerunt. Hanc utpote loco peropportuno constitutam sapius accedebant à Transylvania venientes vel in eam revertentes Proceres, nobiles, & alique Viri juvenesque senesque fratres nostri qui in illis oris Unitarii ut pote unius Dei Patris per unicum Mediatorem Christum cultores, appellantur. Hi etiam liberos & juventutem suam illic

able-

ablegant, ut & linguam Polonicam edicerent, & bonis artibus, imprimis pietate, excolerentur. Erat enim ibi patrum ætate Schola cui saepe Viri docti ex vicina Hungaria accessit præerant & quæ ex ruinis celeberrimarum Scholarum Racovianæ & Kisselinianæ multum creverat, ac sub Rectore M. Valentino Baumgarto Memela Borasso Viro insigniter docto, qui haud ita pridem Plebanus Claudiopolitanus è vita migravit, ad morem Academicum studiis & disputationibus, Theologicis, Metaphysicis, Physicis & Logicis, ac exercitiis Oratoriis florebat. Veri certus ista scribo, utpote quorum pars ipse fui, in matres patrias ingenii pius & Præceptorem hoc quoque loco gratus. Degebant tunc nobiscum aliquot nobiles matronæ quæ reliquum ætatis cultui consecrarunt divino: degebant duo præstantissimi & celeberrimi per totam Poloniam Chymici Martinus Wilhelmus & Simon Polanus. Degebant & viri juvenes litteris exculti, Christianus Dyrnerus Magdeburgensis Saxo, & Christianus Augustus Fredericus ab Honlter, è Brunsvigia nobilitate. Constructæque ea fini domus elegantiores speciem quandam oppidi referebant. Accedebant ex vicina ad audiendas Sacras Slichtingii conciones singulis non tantum Solis, sed & Mercurii & Veneris diebus ut alii auditores ita imprimis Joannes, Petrus & Alexander Blonscii, fratres tergemini. Et tamen orta in Slichtingium persecutione Anno 1647. duo illi in Castra Calvinii concessere. Ac iste quidem ad mentem quæ illi, ut pote sterili, fuit opipara, gulam fregit. Ad celebrandam illic Sacram Synaxin Ecclesia frequentissima colligebatur, confluentibus illuc Viris Nobilibus non tantum ad vicinas Ecclesias Robcovianam (quam fundaverat Stanislaus Chronovius, vir prisca nobilitatis, ex gravitate morum Catonis Christiani appellationem meritis, qui quod ratum & Patronum & Ministrum simul verbi agebat) & Pellanam, cujus Patronus erat Paulus Brescius Zegota è Topororum antiquissima gente vir pariter genere & zelo conspicuus, focer meus, pertinentibus, sed etiam trans Danubium & Vistulam degentibus Morstiniis Rupniovius aliisque. Inter istos erant & Adamus & Andreas

S

deas



deas Goslavii Oxicii fratres germani, præter splendorem familiæ paternæ (quæ inter decora gentilitia reputabat Barbaram Valentini Dombini Magni Cancellarii & Castellani Cracoviensis uxorem) & maternæ, quæ Philippovia erat, meritis in Ecclesiâ & Rep. clarissimæ morum gravitate plena, comitatis & modestiæ incomparabilis etiam Magnatibus veritati alias infensissimis perari. Et ille quidem eximiarum eruditionis documenta scriptis publicæ luci commissis orbi haud vulgaria dedit, plura daturus, nisi opus adversus Jacobum Martini Philosophum celeberrimum elaboratum incuria amici periisset. Alter Luclavianum jure uxoris, quam è gente Scepanovia duxerat relictam à Cyrillo Talsicio Stanislai nepote Matthiæ filio viduam, ad quam ulus fructus illius prædii ad suprema vitæ temporalia spectabant. Cyrilli frater natus minor Sigismundus ex voluntate parentum à Stanislao illo Lubienicio Sene Pietate clarissimo, quem jure meritoque dicere possis fuisse Virum comis gravitatis & gravis comitatis (adeo utraque virtutum harum in illo temperata erat) à puero educatus optimam de se expectationem præbuit sed ille.

*Imberbis juvenis tandem custode remoto*

& mortuo utroque parentum illecebris blandientis seculi captus transvorsum actus ducta bis in Uxorem virgine Pontificia. Quam secundis nuptiis duxerat è gente Cerminia noverram seminam vasti animi & odio irreconciliabili in veritatis cultores flagrantem, ita ut præposterus ejus & socrus Achacicio Talsicio Patrum secundis nuptiis junctæ amor, & Episcopi Cracoviensis Petri Gembicii auctoritas eum postquam jus dotalitium fratris olim uxori, tunc Goslavio nuptæ, concessam redemisset, fidem isti & fratribus datam averfa Ecclesiâ violavit. Nec tantum fidei amicis datæ sed & æqui ac honesti hic immemor extitit tum vero cum primis adjurationem Piæ Matris, è gente Wierzbientarum Janiniorum, gravis matronæ quæ una cum marito in cæmeterio illius Ecclesiæ sepulta, ante obitum eum oravit & obsecravit, ut thesauri loco fundatam in agro suo Ecclesiâ conservaret, nec sibi eripi vel surripi viaribusve Saranæ pateretur, secus facturo omnia adversa & proli præsertim masculæ interminata. Semper quidem

quidem omnia bona de se pollicebatur Achacio alteri & Joanni germanis patruis aliisque necessariis veritatis avitæ cultoribus: quos inter & sororii ejus Georgius Czaplincius & Sigismundus Zabavius & Magnus ille Samuel Przpiecovius fuere. Memini cum & ego aliquando adolefcens commilitonum cinctus corona oratione gratulatoria compellasset idem promissi ab eo referre. Sed cuncta postmodum tenuit, cuncta jura violavit, præsertim postquam acerrimæ persecutiones ut in alios Ecclesiarum patronos, ita & in ad finem ejus Czaplincium (ut vidimus & porro infra, si Deus volet videbimus) motæ essent. Certa relatione accepi eum à perpetrato isto facinore nunquam fuisse quietum, imo diurnis nocturnisque visionibus pientissimæ matris, tantam malitiam, ingratum in Deum & se animum & impietatem exprobrantis infestatum imo aliquando cum media luce somno operam daturus in lecto se composuisset, valde exterritum fuisse, cum videretur sibi mater minas, mox ictus intentare, & lodicem detrahère, ita ut se e lecto proripiens & metu propemodum exanimatus fugam dederit. Assiduus ex eo malæ conscientia furis agitabatur tandemque nescitur qua ratione bello isto Goslavico perierit.

Uxoris ejus soror Birecia, cum qua maritus, districtus Præmissienfis incolæ vir nobilis & opulentus, quod præmonitus à quopiam viderit paratum sibi in balneum ituro per aliquot annos veneficæ & duas virgines nobiles uxori famulantes (quarum illæ ad flammæ damnatæ, illæ suspensio ante heræ fores vocatæ) venenum ejusque experimentum in rupto protinus vase ligneo, cui illud infundi jusserat fecerat divortium fecerat, in Luclavianum aliquando veniens & sorori cohabitans, cum ad eam sacram adisset, & exultans amplam ex ea cauponam extrui posse dixisset, justam vindicis Dei iram sensit, intra aliquot dies exanimata.

In illa pagi parte quæ Joanni Bloisicio Abrahami filio, cesserat, debebat olim Faustus Socinus, ut in epistolis ejus videre licet, ibidemque Anno 1604, Martii diem suum obiit, in cæmeterio Ecclesiæ illius sepultus, parentantem ei Petro Statorio, qui cum quotidie sacra conversatione



tione gavisus est & qui eum anno vertente, sed Racoviam transgata sede, securus est. In illo ipso loco, in quo olim Socinus degit, & mihi Baumgartio Rectori conviventi degere contigit.

## CAPUT XVI.

*De Ecclesiis in Provinciis Voliniae & Kioviae.*

**I**nter eximia divinae providentiae argumenta merito ponere licet plures Ecclesias in duabus istis Provinciis magnanimo pietatis zelo fundatas. Apparuit iste non tantum in Viris sed & in feminis illustribus, ut dicamus etiam in vasis infirmioribus divinam vim se exercere. Inter praecipuos Patronos fuisse *Gabriel & Romanus Hoyseii*, pater & filius, quorum uterque amplissima dignitate Castellani Kioviensis adhuc pater Orocensis Volodimiriensis praefectura fuisse decorati. Sub eorum patrocinio Ecclesiae diu florebant Hosciae ad Horinam & Socoliae sive Curciciae ad Sluciam oppida Volinae. Pater agebat aliquando praefectum Aulae Praepotentis Principis Ostrogienfis Basilii Constantini Palatini Kioviensis, cujus praecleara in Rep. merita, filii Georgius Castellanus Cracoviensis & Alexander Palatinus Volinae fuisse, & ab eo opinor didicit aequitatem erga veritatis cultores, quos Princeps iste Graecae religioni ad mortem usque constanter addictus, non tantum Ostrogiae, Lubartoviae, Ostropoli, quiete degere patiebatur, sed & Ecclesiam Constantinoviae fundandi dedit facultatem. Christophorus Sieniura ut nobilissima editus familia, ita divitiis Principibus comparandus (cujus, ut & Danielis Rudnicii conversionem Romae factam supra indicatam, utpote rem maxime memorabilem alias describemus) in ditionibus suis Lachovecensi & Scenuitoviensi ecclesias pariter fundaverat multaue acerba eo nomine passus, non exiguum reddituum annuorum partem ad tuendam & propagandam veritatem impendit. Sed & Martinus ac Georgius Czaplicii fratres nobis memorati nati Joann-

ne Czaplicio districtus Iudice Terrestris divina veritate illuminati, Berefsteciae & Kislelini oppidis unico milliari ab se distitis, tum patruelis eorum Adamus Spanoviae & Milostoviae Ecclesiae commoda praebeuerant hospitia. Et Kislelinensis quidem Schola ex ruinis Scholae Racovianae insigniter sub Rectorebus *Eustachio Gifelo*, *Ludovico ab Hollausen*, *Petro Stegmanno*, *Joachimi Viri Cl. fratre*, *Theodoro Simonis Holfato* (qui ob librum quondam de Papatu editum *Philippus Cosmius* vocari voluit, Graecis litteris apprime excultus, ibique *Janua Comeniana* versionem Graecam adornavit) creverat, ibique etiam Synodi aliquot fuisse celebratae. Sed quae Deus ibi otia nobis fecerat ea invidiam & bilem adversariorum veri & omnis aequi rectique commovit ita ut per injustam Tribunalis Lublineusis sententiam & ille Ecclesiae Berefstecensis scilicet & Kislelinensis ac Schola fuerint disiectae. Qua de re inferius Deo volente ex ferie temporum, Capite de persecutionibus uberius agemus. Czerechovianam Scholam rexere *Barthol. Wochus*, *Debelius*, *Borussus* & *Paulus Myslicus Silesius*. *Hofenssem Theophilus Molitor*, *Daniel Duroffius* post celebris Med. Doctor *Salom. Paludius* & *Albertus Caperius* struxerant sibi nudum sed brevi duraturum Ecclesia in Babiniano, haereditario Babiniorum praedio. Longe ampliores & durabiliores struxerant nidos in ditionibus Niemiericianis. Initium fecit pia matrona Niemiericia e gente nobilissima Chreptoviciorum Iudicis Terrestris Kioviensis uxor: cujus filius *Seephanus Archicamerarius Kioviensis* & Praefectus Orocensis negotium perfecit fundata in oppido Czerniechoviano Ecclesia. Huic postea commodas sedes *Serlius* & *Uslomitia* filius *Seephani* Georgius patri in illo officio terrestris & praefectura succedens designavit & tutatus est non sine multis persecutionum assultibus & incommodis, de quibus infra pariter suo loco plura dicturi sumus si Deus permiserit.



## CAPUT XVII.

*In quo fragmento quedam adsequentium temporum Historiam pertinentia afferuntur, in quibus præsertim quomodo Unitarii Poloniæ eiectioni sint post varias persecutiones narratur.*

**H**istoriam ad finem perducere cum non potuerit Vir Nobilissimus Stan. Libimiecus Hamburgi anno 1675. veneno ab ancilla subornata à nefariis hominibus è medio sublatus, visum est, ad supplenda aliquatenus quæ hic desunt adjicere Epistolam eloquentissimi Viri Sam. Prybkovii Equitis Poloni in qua narrat calamitates quibus ab Anno 1648. oppressi fuere Unitarii in Polonia, donec ea Regiis edictis exigerentur.

*Vir omni laudis genere eminentissime  
Domine & Amice plurimum honorande.*

**Q**uod anxiiis votis optandum est, omni conatu intendendum fuit, ut amicitia tuâ frui possem: id ultro ab humanitate tuâ prævento mihi obtigisse, plurimum gaudeo & gratulor. Satis arcto benevolentia tuæ vinculo animum tibi meum adjunxeras edito tam insigni operæ nostris navatæ specimine, & porro quoque oblatum, indefesso navandæ studio. Ego vero peculiari quoque meo nomine quantum tibi debeam, testantur in amicorum literis effusi in me favoris plena indicia. In quibus quantum agis tu falleris ea nobis tribuendo, quæ quia non agnoscimus, pudore suffundimur, tanto magis nos obstringitis qui defæcato alioqui iudicio tuo tenebras offudit, propitius erga nos affectus. Potestas ut calamitatis & egestatis nostræ tibi descriptio nem exhibeam. Infandum tu nempe jubes renovare dolorem, neper vestigia luctuum iterum, & cruda adhuc & hiantia, necdum cicatricibus obducta retracta, re vulnera; horret animus ad exceptos tot fulminum ictus, attonitus & pavens. Qui nos calus huculque

agita-

agitaverint, quæque ipse miserrima vidi, & quorum pars quantulacunque fui exponere, non meis tantum, sed manus quoque ac calamus trepidat ac refugit. Fuimus, fuimus Troes & vel ipsa non multo ante, benignitate Dei, tot per annos indulta Ecclesiis nostris felicitas, acriorem sensum præsentium malorum reddit: ut etiam recordari pigeat, quando & quomodo & quibus gradibus, quod fuimus esse desymus. Et nisi mentes nostras causæ, ob quam patimur bonitas, & commendare quondam à Domino hujus generis patientiæ solatia erigerent, tanta calamitatis procella prostratis atque obrutis penè optimum factum videbatur, quo levius ferantur præsentia, præteritorum memoriam amittere. Quia tamen aliquam status nostri imaginem poscis, dabimus eam non suis h. e. vivis coloribus depictam, sed simplicissimis lineamentis adumbratam, ea cursim attingentes in quibus immorari molestum est. Nec video quod operæ pretium sit ignotorum nominum catalogos longâ serie contexere, si narrantium fides ob infestos forte aut certè ignaros causæ nostræ testes aut indices suspecta est. Auger ærumnarum sensum, quod calamitosus non creditur: sed non si nos miseros fortuna destituit, idcirco fidelem quoque decoximus. Præstat igitur ad malorum nostrorum fontes digitum intendere: quibus cognitis cuivis liquido patere possit, frustra & inique iis rebus fidem derogari, quæ per illatarum nobis injuriarum naturam aliter se habere nequeunt. Prima nobis malorum origo ab exorto in Patria anno 1648. Cosaciæ belli incendio exitit, quod una cum cæteris patriæ civibus plurimos nostratium præcipuè qui viciniore Borysthenni oras incolebamus, bonis ac possessionibus exuit, aut irreparabilibus damnis affecit. Hac occasione egomet ipse longe ante legem proscriptionis, quæ anno 1658. lata est maxima parte fortunarum mearum provolutus; & toto decennio ante exilium exul: quasi ante tempestatem (una cum multis nostrorum) naufragium feci. Mox accessit Moschica & paulò post Svecica: tandem & Transilvanica irruptio, quæ passim toto regno immissis miscuerunt: nec ullus tam



„sepositus ac secretus Regni angulus latuit, qui damno-  
 „rum atque irruptionum exors esset. Nam proprii mili-  
 „tes insolentia & auxiliares Sythæ atque Austriaci, eo no-  
 „centius grassabantur, quod nec fuga evadere, nec armis  
 „vim injustam repellere liceret. Atqui non soli fui-  
 „mus quos tot bellorum vexationes afflixere. At fo-  
 „li quos tot bellis exhaustos ac pene animam agen-  
 „tes: tunc cum ceteri respirarent, pax omni bello cru-  
 „delior adorta est, & cum adversa fortuna sine missio-  
 „ne luctantes confecit, ita ut in affligendis nobis, an-  
 „teacta bella consecutæ pacis truculentia ministrasse vi-  
 „deatur. Quanquam & in ipso bellorum æstu inve-  
 „nit inimicorum industria rationem quâ nos præ cate-  
 „ris seivius bellorum furor affligeret. Svecis enim pul-  
 „so Casimiro Rege, Cracoviæ dominantibus, cum ex  
 „omnibus regni provinciis legati confluentes cum hoste  
 „paciscerentur cum ipsi exercitus unâ cum ducibus suis  
 „in partes transissent, & omnes pene ordines deditione  
 „pacem redemissent nenos quoque brevis illius pacis iura  
 „& communione frueremur malignitas inimicorum ni-  
 „hil minus cogitantes nos latrocinio invasit, & mon-  
 „tanorum agrestium spe facilis & luculentæ prædæ con-  
 „citavit, quæ in nostros periculi ignaros & domi suæ  
 „singulos quiescentes improvise impetu facto cadibus  
 „ac direptionibus grassata est. Quod subito malum  
 „non paucos nostratum; nonnullos etiam agnatorum  
 „meorum domi suæ crudeliter interemptos oppres-  
 „sit; quosdam insequentium latronum manibus agrè  
 „elapso Cracoviam tunc Svecico præsidio occupatam  
 „compulit. Hoc ab invitis ac trepidis extortum effu-  
 „gium, iniquissimis postea criminationibus traductum  
 „est, qui tamen ipsi jam ante Svecicam protectionem ul-  
 „tro susceperant. Sed in opprimendis nostris non ex-  
 „spectata est Legum auctoritas: Armati ipsi & armato-  
 „rum catervis succincti Pontificiorum sacrilegii nobi-  
 „lium ædes invadebant, direptionibus, incendiis, nobi-  
 „lium matronarum raptationibus atque omni violentiæ  
 „genere impune grassabantur. Supremum vero Tribu-  
 „nalis judicium nec dum Sanctâ contra nos Lege rigo-  
 „rem ejus adversus nos tristibus exemplis exercebat quo  
 „gene-

„genere decreti gener meus Siedlicensis Ecclesiæ Patro-  
 „nus paulo ante conditam istam legem afflicus est.  
 „Successit tandem tot illegitimus insensuum vexationi-  
 „bus Lex omnium illarum injuriarum Patrona nova &  
 „inaudito exemplo, per oppressos violententer qui inter-  
 „cedendi jus habebant, quasi, per jugulum, liberta-  
 „tis in codicem legum nostrarum ingressa est. Super-  
 „flua illa quidem initio visa cum & sine novâ lege & contrâ  
 „antiquas constitutiones non modo publicorum magi-  
 „stratum aut judicum injustitiæ, sed & privatorum  
 „libidini ac violentiæ adversus nos jam omnia impune  
 „licerent: sed quæ tamen novis nocendi spiculis arma-  
 „ta non modo omnibus, tam judicum quam privato-  
 „rum sceleribus juris colorem induceret, verum etiam  
 „nos omni fautorum & amicorum præsidio exarma-  
 „tos, & quasi vinculis constrictos & compeditos vivi-  
 „dis inimicorum odiis traderet. Quam illegitime &  
 „quam pleno nullitatum processu lata sit queri nunc non  
 „vacat. Sufficit exponere quam subdola & per speciem  
 „clementiæ nocens fuerit: quod in eâ exilii necessitas in  
 „triennium dilata ostentaretur, ut in speciem convales-  
 „dis ad discessum rebus tempus suppetere. Sed hoc injustis-  
 „simi juris beneficium, plerisque omnes decepit, & fallax  
 „ista gratia subito revocata est, ad unius duntaxat indulgen-  
 „tiam anni spatio isto contracto, adeo ut penè omnes  
 „justo rebus suis per otium consulendi tempore exciderint.  
 „Vendere igitur bona sua paucissimis licuit, & eorum qui  
 „vendere pars multo maxima exiguo ac penè nullo  
 „pretio opulentos fundos emptoribus addicere coacti sunt,  
 „cum licitatorum iniquitas non modo urgente venditorum  
 „necessitate ac periculo, sed (quæ per tot bellorum da-  
 „mina & devastaciones forte invaluerat) nimis in angustum  
 „reductæ rei pecuniariæ inopia & difficultate, aut ejus  
 „prætextu ad infame lucrum abuteretur. Vis habere ejus-  
 „modi emptionis exemplum? Patrona Pobrinenſis ecclesiæ  
 „Matrona nobilis jura sua dotalia pluribus talerorum mil-  
 „libus æstimata, trecentis florens ægrè vendidit. Chri-  
 „stophorus Ostrovius eques splendidus patrimonium pretii  
 „decies mille talerorum, tribus florenorum millibus h. e.



„ ne decimâ quidem iusti pretii parte alienavit. Et hic qui-  
 „ dem in emptorem verecundum incidit: alios enim  
 „ quindecima, vigesimâ parte alios, multos denique nu-  
 „ dâ spe & promisso solvendi contentos esse oportuit. Quod  
 „ plures nostrum coegit bona nostra amicorum potius  
 „ fidei committere. Sic distractis aut potius dissipatis vel  
 „ in alienam potestatem traditis bonis suis patres familias  
 „ cum miserabili liberorum aut cognatorum agmine, pa-  
 „ tris oris excedere oportuit. Pars in Silesiam, multò ma-  
 „ ior pars in Transilvaniam tendit. Utrique damnum  
 „ per latrocinia acceptorum expertes non fuere. Sed qui  
 „ Transilvaniam perebant nondum destinatam itineris  
 „ metam attigerant, cum à Caesareo milite (occultis, uti  
 „ fertur indicis ac stimulis è Polonia excitato) omnes via-  
 „ tico simul ac bonis omnibus spoliati sunt. Castus hic,  
 „ simulque captorum & impendentium illic bellorum tem-  
 „ pestas plerosque in Poloniam revertis, in Prussiam  
 „ nostram adegit, ceteri obstinato ad pericula animo mo-  
 „ pes ac seminudi tamen in Transilvaniam penetrarunt;  
 „ ubi tot laborum ærumnarum, ac discriminum metes  
 „ excepit eos pestis ac pauperies. Ecquid igitur miremur  
 „ tot malorum ac periculorum horrore plurimos in eccle-  
 „ siis nostris à veritatis amore ac fide revulsos: cum longe  
 „ magis mirandum sit aliquos in ejus professione constan-  
 „ ter mansisse? Nec enim simplici aut solitâ viâ præsens  
 „ nos invasit persecutio: sed ad extinguendum veri quod  
 „ nobis affulsit, lumen advocavit ingenium suum  
 „ Satanâs ut non tam mortis (qua sæpe cito defungi pos-  
 „ ses) periculo, quam vitæ in miserias longius productæ  
 „ tormento atque supplicio, constantiam nostram expu-  
 „ gnaret. Nec istud quod memoras horrendi carminis  
 „ fulmen; quo patriâ exturbati sumus, ita nos percussit,  
 „ ut is, qui paulo post novis subinde comitorum sanctio-  
 „ nibus, extremus rigor additus crudelissimæ legi, ac  
 „ sevis deinceps decretorum exemplis exercitus est, qui  
 „ nobis omnem amicorum usum aut opem, omnem è Pa-  
 „ triâ auxilii spem abstulit atque eripuit, dum in eos qui  
 „ nobis succurrissè aut miserias nostras sublevassè convicti  
 „ fuerint, longe severiora quam in nosmetipsos exempla  
 „ eduntur.

„ eduntur. Quippe nostrorum quispiam deprehensus ap-  
 „ redux, si Romanensium sacris se adjungat ilico restituitur  
 „ in integrum & bona sua nullo negotio recipit. At si Catho-  
 „ licus aut Lutheranus complicitatis aut minimi nobiscum  
 „ commercii convincatur culpam hanc inevitabili bonorum  
 „ confiscatione luit: nec remedio ulli locus est. Ita nobis uni-  
 „ cum quod in amicorum fide supererat refugium creptum  
 „ est, & omnes quibuscunque aliquid à nobis creditum fuit  
 „ ad perfidiam vel inviti adiguntur: nec inopia nostra luc-  
 „ currere quisquam impune potest aut finitur. Præterea no-  
 „ stris omni undique angustiarum genere coarctatis unica  
 „ per Apostasiam eaque latissima & facilissima è difficultati-  
 „ bus evadendi via panditur. Ut hinc penitus omni ex parte  
 „ obstructo, illinc latè patefacto aditu tanto plures in laque-  
 „ os suos Satan impelleret, cui tantum hac tempestate in nos  
 „ licere Domino placuit. Positâ ob oculos ejusmodi rerum  
 „ nostrarum difficultate, quis ultra cuiquam mortalium de  
 „ angustis nostris dubitandi locus relinquitur. Finge sin-  
 „ gulos exulum cum Patrios focos linquerent, recens in-  
 „ ventis thesauris in subsidium viatici ditatos. Jam tot iti-  
 „ nerum sumptibus & expensis, tot injuriarum damnis & ja-  
 „ cturis consumpti essent. Quid si perpendamus multos tan-  
 „ quam ex naufragio nudos ex Patria excessisse: ceteros aut  
 „ latrocinii, aut sumptibus per tot annos erogandis, quæ  
 „ in omnem casum reservaverunt, amisisse? Præcipue cum  
 „ nusquam satis tutus fugientibus è Patriâ receptus pateret,  
 „ & incertis sedibus vagos oborientia undique pericula & dif-  
 „ ficultates in loco consistere non paterentur. Nunc quoque  
 „ nos recens ab Holfatia, recentior è Silesia, quanquam  
 „ nondum satis exploratus metus percellit, cum utrobi-  
 „ que nostris migrandi necessitas imperari nunciatur quod  
 „ tamen Deus avertat aut in melius vertat. Jamque adeo  
 „ subvereri incipio, ne non tum nullæ esse angustiarum no-  
 „ strarum adeo graves & nimia, ut ipsis succurri nequeat  
 „ existimentur, præcipue cum non nulli mille familias opis  
 „ vestrae indigas computent. Sed calculus hic minus falle-  
 „ ret, si omnes in quos legis mucro districtus est Christus  
 „ & veritatis causa pati voluissent. Ceterum quod dolen-  
 „ dum est, plures quam vellemus patrum familias, ut  
 „ aliena



„ aliena ope non indigerent, sibi consulere, aut etiam-  
 „ uum nutant & in Patria latent. Longe pauciores sunt quos  
 „ palam Christi jugum subire non piguit. Neque ii tamen  
 „ intra Cruciburgensis oppidi pomeria, aut eorum vicini-  
 „ am conclusi, ut Uratislaviensi indici Calvini forte zelo  
 „ ferventi, noti esse possent. Multi per aliqua tutiora Po-  
 „ loniæ ac Lithvaniæ loca per ulteriorem Silesiam Marchi-  
 „ am, Prussiam Transylvaniam diffusi. Quidam in Hol-  
 „ satia atque Manheimii in Palatinatu recepti sunt. Qui-  
 „ buscum tamen omnibus per tam longa locorum inter-  
 „ valla licet, mutua commercia exercemus, nosque in-  
 „ vicem, quæ licet subsidiis adjuvamus. Certè distributio  
 „ proximè missæ pecuniæ sanctæ ac innocentèr administra-  
 „ ta; neminem eorum de quorum inopia constabat, aut  
 „ constare poterat, præterit: & per Silesiam, Marchiam,  
 „ Prussiam, Poloniam diffusa Transylvanos quoque &  
 „ Holsatos fratres attingit: & longe lateque per populos ac  
 „ gentes Roterodamensium ac cæterorum fratrum, qui tam  
 „ præsentis munificentiae non immunes fuisse, nomen ac  
 „ beneficii gratiam gloriamque circumtulit. Quibus eti-  
 „ amnum ex intimo arcè obstricti animi sensu exuberan-  
 „ tes, & immortales cõ nomine gratias agimus, Deum  
 „ Op. M. largitorem omnis boni precati ut in tam liberales  
 „ & benignas animas effundat flumina beneficentiæ suæ;  
 „ & qui scyphum aquæ frigidae irremuneratum non fore  
 „ pollicitus est, tam insignè afflictorum fratrum refrige-  
 „ rium dignâ & cumulatâ mercede rependat. O quam sua-  
 „ vis est in conspectu Domini tam sancti sacrificii fragrantia!  
 „ quam valis cæterorum cunctatione aut parsimoniâ spe-  
 „ cianti ex alto Deo commendatur! Hilares datores is dili-  
 „ git: nihil ab invitis, nihil à mæstis & gementibus exigit:  
 „ Animum respicit non dona. Ne nos quidem petita tam ne-  
 „ cessariæ opis, graves & importuni exactores esse velimus.  
 „ Si parum ex superfluis dare possunt: quis nostrum paupe-  
 „ res emungere optet; cum ipsi quoque pauperes simus &  
 „ egentibus adeo graves esse nolimus; ut de nostro quoque  
 „ si cuiquam nostrum quicquam adhuc superest egentibus  
 „ opitulari parati simus. At si quid cuiquam veltrum  
 „ supra ea quibus indiget superest, suum quisque statum  
 „ viden-

„ vidente Deo introspiciat. Nos ultra vires singulorum  
 „ nihil poscimus, ac ne id quidem quod superfluum est (si  
 „ grave videatur) poscimus. Est Deus cui desideria no-  
 „ stra & necessitates curæ sunt; & suaviter præposteram  
 „ illorum ridet sollicitudinem; qui metuunt, ne quod dare  
 „ possint necessitates nostras non expleat: quasi id quicquid  
 „ dederint aut ipsi industriâ nostrâ aut Deus ope sua supple-  
 „ re non possit. Et quia chartam exhaustit *Scriptus est in*  
 „ *tergo necdum finitus Orestes.* nolim ista quæ memoras  
 „ *σφα φάρισμα* pluribus diluere duo tantum adjiciam.  
 „ 1. Nulla distributorum culpâ factum quod non omnium  
 „ inopiæ subventum sit; præsertim in Prussiâ nostrâ; eorum  
 „ enim quotidie plures confluent non modo ex iis qui in  
 „ Polonia & Lithuania non exiguo ad huc numero latent;  
 „ sed ex istis quoque, qui metu aut difficultate restricti ad  
 „ Romanensium sacra descendere, ad saniores mentem re-  
 „ deunt: De quibus quo loco essent nondum constabat.  
 „ Unde nobis maxima oboritur difficultas numerum exu-  
 „ lum definiendi. 2. Alterum est, habere me non pauca,  
 „ præter ea quæ Rev. Spinovius attulit, tibi communican-  
 „ da. Interea, in primam servatoris concionem; quæ  
 „ summam prædicationis Christi continet, cogitationes  
 „ nostras, quas tibi dedicare destinavi & primo quoque  
 „ tempore mittam. Cæterum illud enixè peto & urgéo,  
 „ ne quid sub vero nomine meo; me vivo & infcio in lu-  
 „ cem prodeat. Quod si quid forte aliquà eruperit, præ-  
 „ stat ut eorum quæ displicebunt odium & invidiam JU-  
 „ LIUS CELSUS sustineat. Vale amicorum optime me-  
 „ que precibus tuis apud Dominum sublevare define. Re-  
 „ giomonti in ipso autumnali æquinoctio. 1663. Rev.  
 „ Trembecii absentis nomine te saluto, ejusque filium tibi  
 „ tuisque commendo.

## CAPUT. XVIII.

Exemplar Epistolæ Unitariorum Exulum ad N. N.

Q Uanta feralium malorum vis, universum Poloniæ  
 regnum, magnum Ducatum Lithvaniæ, Russiæ,  
 Borussia, omnesque adherentes ditiones ex omni  
 parte



parte inundaverit decem & quatuor annorum turbis, bellicque immanissimis, ignorare non possunt, qui norunt utcunque, quid proximis temporibus in Europa sit gestum. Ignorant tamen etiam qui norunt exactius & confortes fuere arumnarum; adeo infinita pestis omne genus clades, per omnes ac omnia, longè lateque accumulavit. Cosaci, Scythæ, Moschi, Sueci, Hungari, quinque gentium sævissimarum feces cum auxiliariis in Sarmatiae viscera impactæ, nihil eorum omiserunt, quæ militaris furor & feritas armata tolerare ac potest designare. Et sic fuere quidem Gentes Polonæ longè miserrimæ; Et in miserrima patria bis semper miser fuerunt & sunt Ecclesiæ homines, quæ hæcenus ibi unum Deum Patrem, & unum Dominum Jesum Christum, Dei filium unigenitum, adeoque Deum in secula benedictum, in Spiritu Sancto veneratur ac colit. Nam & cum publicis tot ac tantis calamitatibus iis juxta veteres luctandum fuit & cum odiis privatis, magis etiam infestis, adversariorum qui partes propugnant Pontificis Romani. Ea verò placato tandem externo hoste, implacabilis exarserunt, ad Ecclesiam illam ex illis terris penitus exterminandam. Id jam pridem hostiliter meditantes ac molientes omnium artium ac virium contentione, contra leges patrias, & avita Regni jura pro dissidentibus ab Ecclesia Romana, gravissimis comitiorum sanctionibus crebro asserta, & sacramentis Regum confirmata, diu repressit, libera gentis generosæ æquitas & virorum Principum illustris auctoritas, Radziviliorum, Goraisiorum eorum, etiam, qui Pontifici, nominis à Majorum virtute tamen ac justitia non agebant degeneres, jugum detestabantur, quod ita premeret nonnullos ut nulli, & sic ne ipsi quidem, possent in sacris juris esse sui: donec invalescente tandem potentia sacerdotali, levissima occasione, per summam judicium injuriam, gymnasia juventutis & Ecclesiæ seminaria, typographia, edendorum librorum facultas aliæque nobis commoda egregia, alii muneribus dejecti, alii infantes planè omnes, lege durissimâ proscripti sunt, acerrime nequicquam intercedentibus suffragio Provinciali, quibus hoc jus ad mandatum,

datum, primariis in Republica viris partium quoque Pontificiarum. Ex eo non intermiscere, adversarii, quavis accepta occasione, exagitare nos infestis judiciis, premere, carpere, insectari publice, privatim, sine modo ac fine. Semel laxatis juris repagulis nullum erat in legibus præsidium, nulla in iudiciis fides, vis tantum aperta differebat, exitium præcipitare. Et sic quidem quæ exercerent patientiam nostram, obveniebant sanè longè plurima. Sed præludia tantum levicula erant malorum, quæ post incubuere; & primum quidem cum adversariis & patria universa, Communi nos fato involvere. Nunc verò post exantatos innumerabiles & incredibiles labores, utcunque reddita demum patriæ quiete, & sævis hinc adversariis ad nostram perniciem animo addito in ultimas & ineluctabiles angustias crudelissimè præcipientes dederunt, dum quibus pepercit ensis & ignis hostium, sua inimicorum, lues pestilentia, tormentum famis, inclementia cœli, & pereundi mille figuræ, immites non parcunt, & inexorabiles cives minimè qui soli audire volunt Sacerdotes Dei, æconomi Christi & magistri caritatis. Ac spoliatis, exutis, exenteratis funditus per tot & tandem continuata rerum omnium detrimenta, quod unum supererat vitæ præsidium, Patriam eripiunt, nisi sic vitam etiam posse eripi sperarunt, aut mitius est vitam eripere, quam vivendi facultatem. Veranos conqueri, intelligetis, si plenius casus nostros & arumnarum multiplices vices exposuerimus. Cœperant illæ, cum anno duo dequinquagesimo, cruenta rebellionis facinus Cosaci inceperant, nec dum etiam edomitate. Insurgentes illi, cum numerosissimis Scytharum auxiliis ad servile bellum, violatam etiam Pontificis religionem Græci placiti armis vindicaturi, Regni exercitibus semel atque iterum concisis, Russiam totam ac provincias limitaneas ad orientem, Borysthenem versus ac Pontum Euxinum, velocissimâ expeditione rapuere ac diripere, ferro atque flamma sternentes cuncta. Quantum illic sanguinis fufum, sit, quantum hominum abreptum in Scythicam & Turcicam servitutem, quantum agri desolatum, quæ illic edita sint immanitatis exempla, horreat animus meminisse, lingua proloqui. Fratrum nostro-  
rum



rum alii illic obtruncati, alii cessere barbaris in prædam; plus milleni rapim profugientes, relictâ plerique omni substantiâ (tam præceps urgebat exitium ab hoste advolante) evadere in Poloniam nudi, pars in majorem, plerique in minorem, ubi per familias fratrum tributas, non valde numerosas, fraternè omnes sustentavimus dum substitimus ipsi, & grave onus per ac propter Christum leviter tulimus. Bellum Cosacorum, ut sæcunda sunt secunda sceleris, peperit Moschoviticum. Attrita Regni vires, Russia cum tot terris finitimis avulsa, concilia turbata, concordia luxata, rebellium auxilia, imparata Polonis omnia, occasio inasperata, nova & magna spes, Magnum Moscorum Ducem, magno maleficio in Litvaniam impulere. Pace perfide abruptâ, ingruit subito immensum agmen. Nihil extra ordinem, velut in pace comparatum præsidii, auxilii. Ita amplissimus Ducatus in latitudinem ac longitudinem centum quinquaginta patens milliaria Germanica, altero anno est subjugatus. Ipsa Vilna, caput Provinciæ brevi tempore, direpta, diruta, incensa est, multæ illic cædes, multa vastitas passim edita ab hoste truculento & fero, ubi iterum fratres nostri illa in terra aut vitam aut patriam & fortunas, aut quod ipsum etiam pro beneficio erat, libertatem amittere. Reliquum vero jam erat, ut major minorque Polonia suum etiam hostem fortiretur, ne quid, Deo sic commissâ nostrâ corripiente in toto regno esset integrum. Ergo ut Cosaci Moschum in Litvaniam, ita perturbatione rerum utrique Suecum attrahere in Poloniam. Debilitata socialibus incommodis, expilata tributis, occisa viris, rei, consilii inops, & secum variâ factione discors torpet Polonia, velut vœrno quodam sopito, dum bellum ei gravatur. Ingreditur hostis, accipitur tanquam amicus, prona deditione cuncti se submitunt, Regem repugnando imparem prope cunctu, ille regnum desertus fuga deserit. Ipsa Cracovia parvo negotio subacta Novum Dominum ultro amplectitur Borussia Brandeburgicus compellitur in partes. Unum Gedanum terminum agit. Cum reliquum jam id unum videretur, idemque tertio etiam ageretur, ut novus Rex ritu solenni regale solium iniret,

&amp;

& regni insignia capefferet, resurgit in opinanter Casimirus Rex & Gens Polona velut ex longo mentis deliquio ad se reversa, jam demum hoste & errore suo agnito, capit arma, ejectione visceribus, quem acere finibus potuerat. Hic jam Polonia velut sedibus suis convulsa sursum deorsum volvitur, cælum misceatur terræ. Concurrent infestæ acies, pax toto exulat regno, nusquam tuta quies, in omnes se partes, ad remotissimos etiam angulos habitabiles incendia & dispendia diffundunt atrocissimi belli. *Cru- delis ubique luctus, ubique pavor, & plurima mortis imago.* Ex agris, villis, vicis, oppidis, ultro citroque, prorsum tetrorum, undiquaque fuga perplexa sine perfugio. Decurrunt, recurrunt, quasi Euripus, profligant suis sedibus mortales, nullo vastissima in regione receptu, vix ullâ munitione. Abire, consistere pariter anceps. Vident quâ mutare, non quâ vitare detur exilii locum. Ludus fuit Bellum belgicum, morum civilitas præ illa barbarâ, laniatâ hominum, vexatione innocentium, ruinâ rerum. Inclinate mox Suecorum fortunâ, ubi illos evocabant fara Dania, illi advocant etiam Racocium, novum & atrox Poloniæ flagellum. Utinam verò inconsultissimus Princeps, Theologorum etiam quorundam fanaticis auguriis effasci- natus, amicus quàm hostis, propugnator quàm oppugna- tor accedere præoptasset, magno suo, Poloniæ, & Transylvaniæ bono. Nunc bonam ei malorum partem debet Polonia, debet Transylvania, quod sit jam longe miserrima, ipse sibi & malis consultoribus, quod male perierit. Ejus Transylvani, Hungari, Moldavi, Valachi, urendo agros, sternendo obvios, impotenter, crudeliter, insipienter om- nia agendo prodidere duntaxat, quantum traxerint è vi- cinia Turcia feritatis. Tandem nullâ re magnâ gesta, ma- lis multis, ea ipsâ in terra, in quam sevierat, fame domi- tus, à Polonis subjugatus, à Tartaris devique in receptu de- lectus, captus est omnis exercitus, Principe cum paucis e- quitum agrè elapso. Ita demum spes temporum mitiorum illuxit alma Poloniæ, heu quondam etiam nostræ, quæ cum adjunctis ditionibus (quod nec fortasse quis credat nec intelligat) præter auxiliares Austriacos & gentium suarum multiplices copias, haud sanè admodum mites vel in suos,

T

stipen-



stipendiis minimè procedentibus, imo tot acerborum sensu, visu ac usu denique efferatas, uno illo tempore sustentavit & sustinuit, septem amplius hostilium populorum, Regum, Principum; plures etiam quam septem ingentes exercitus horrendæ plerosque feritatis, à Cosacis, Tartaris, Moscis, Suecis, Germanis, Brandenburgicis, Transsylvanis, bellatorum innumerum numerum; & credat quis malorum numerum iniri & magnitudinem posse æstimari, quæ patria pertulit & nos cum patria? At cum patria gravissima passi, non quiritaremur, opem alienam non exambiremus; ut nec ambivimus hætenus, cum Deo, tanta ærumnarum mole pressi, si omnibus amissis patriæ nobis velut Matris communis gratia ac possessio perstaret. Nunc vero Patriæ novercantis aut potius opprimentium patriam, & patrias leges ac juratas libertates perfidè conculcantium abnormis impietas gravissimis ingerit multo graviora, hoc tolerabilia minus, quò plura toleravimus, quò magis tolerandi vires tolerando perdidimus. Nam vitam quidem duriter tolerare acerbum est: at penuriam ac famem, exitiale. Et ad famem certè, id est durissimam mortem, nos adigunt hoc tempore, hac rerum difficultate, qui nos patriæ, patriam nobis subtrahunt importunissima asperitate, velut infanti qui gremium matris subtraheret, ubera nutricis. Cœpit id primum odium Theologicum & furor vulgi; vis deinde confecit sacerdotalis occupatâ auctoritate Comitiorum, resecissis, projectis, spretis, pro omnium Dissidentium pace ac securitate, quâ annis admodum centum gavissi sumus inviolati, severissimis legibus, gravissimis statutis, pactis, federibus, promissis quæ omnium ordinum sanctissimo seito & conceptissimo Regum, hujus nominatim & quidem ter repetito jure jurando, sæpè & nuperimè erant religiosissime & amplissime renovata, ascripta atque confirmata; ut vim juris obtinerent inviolabilis atque æterni. Atenim occasione datâ jus violare, pacem abrumperè, dissidentes opprimere, in contradicentes sævire, fide pro arbitrio abuti, olim fuisse & esse etiam nunc Romanum Catholicum, clamat exitum ante nos multorum, nunc exitum exitiale nostrum. Submoto utcunque metu ab hostibus, capitalior ab inimicis ingruit in dissidentes, nos im-

primis

primis, ut invilos magis & firmos minùs; cum pessimè aliis, pejus semper nobis erat. Pontificia ergo undique se colligebat ira ac rabies dolore adversorum exulcerata in innocentes, velut à Civibus sacris dissentientibus justâ ultione repetitura, quæ damna intulerant dissentientes hostes. Plebs agrestis, apud nos barbarum genus, non sacra modò disturbare nostra, sed grassari etiam in domos, villas, vicos & vitam nostratum, flammæ ac ferrum circumferre. Alii domiciliis per incendia, rebus per rapinas exuti, alii verberati, vulnerati, contrucidati omnes perterrefacti, instigantibus sacrificis, imo præsentibus & ducatum scelerei præbentibus quibuldam etiam edictis, in nos armantibus bacchantem turbam, usurpatâ contra leges & jura, per licentiam & nequitiam temporum, auctoritate. Pace deinde Regno plusculum repubescente, ut primum sparsi per avia nostrates & ante exilium exules è latebris suis ac perfugiis prodire & in vastatas sedes cœperant cõire, recruduerunt cum reditu eorum odia ac iræ hostium. Hic iterum illi miserrime sub cultro invaduntur denuò armatâ manu, ferrum & ignis intentantur, ut nusquam tuti minùs quàm domi suæ in patria jam pejus quàm exularent. Rex, Senatus, Proceres sollicitati ad defensionem, improbant quidem popularis ac sacerdotalis audaciæ crimen, at perexiguo cum fructu. Imo evincunt insuper hostes libertatis, insperato jam successu incolentes, & elade civium, viribus licentiaque aucti, ut privatæ violentiæ facinus publicæ injuriæ consummetur. Ipsa Regni Comitia perpelliunt ad jugulandam per latus nostrum Dissidentium pacem, & solemniter juratam nuper fidem turpissimè fallendam, perturbatione rerum & iniquitate temporum, vel extinctis vel exclusis vel absentibus vel compressis, qui causam communis libertatis tutari ac vindicare assolebant. Revocatur ab inferis edictum, quod centum amplius annis ante restitutum per Lutherum, Zwinglium, Calvinum & alios Evangelii lucem. A Rege Vladislao Ingellone vibratum in hæreticos tutari, impulsu Episcoporum Romanensium, ex occasione fratrum Bohemorum, qui Christiani plerique longe optimi & innocentissimi, à præcis Valdensibus à Johanne Husio propaga-



ri, è Bohemia solebant in Poloniam excurrere. Id verò edictum annorum lapsu jam obsoletum, & regnante Sigismundo Augusto prudentissimo Principe, ultimo ex stirpe Jagellonica Rege, usu moderationis jam antiquatum ac ejus excessu post annum sæculi septuagesimum prorsus abrogatum, & consentientibus omnium ordinum suffragiis publicè tandem rescissum est: fuitque deinceps inter leges & conditiones immutabiles, sacrosanctas & æternas, quibus regnum delatum Regibus est, Henrico Valesio, Stephano Bathoreo, Sigismundo tertio, Vladislao quarto, & ei qui nunc regnat Joanni Casimiro, pax & libertas disidentium, velut omnium prima, ac princeps. Eam cum exemplo majorum ab annis octoginta in novissimis electionis comitiis, largissimè ac validissimè iterum iterumque asseruissent universi ordines Regni, quibus interfuere etiam ex numero nostro, se posterorūque suos obstringentes *sub fide, honore ac conscientia sua*: ad omnigenam pacem tuam disidentibus in religione Christiana adeoque etiam nobis, ex more & jure præco, de quo nunquam fuit dubitatum, temporibus perpetuis integrè conservandum, eique unanimiter resistendum, qui vincula ejus quoquoque modo violenter rumpere auderet; imò junctis omnium viribus in eum consurgendum ad ejus exitium, qui pacem illam niteretur evertere. Rex etiam Casimirus, primum per oratores suos in Comitibus electionis, deinde ipsemet in templo Varaviensi ad Sancta Jesu Christi Evangelia, iterum denique Cracoviæ in Comitibus inaugurationis, Sanctissimo jure jurando pacem illam munivit ac statuminavit, tutelamque ejus ac defensionem verbis gravissimis suscepit. Et ultimi quidem juramenti hæc erat formula:

*Ego Johannes Casimirus Electus Poloniæ Rex &c. Spondeo ac Sanctè juro Deo omnipotenti ad hæc Sancta Jesu Christi Evangelia. Quod omnia jura, libertates, privilegia publica & privata, tum pacta conventa per oratores meos cum Ordinibus Regni & Magni Ducatus Litvaniæ juncta manu tenebo, observabo, custodiam, & adimplebo in omnibus conditionibus, articulis & punctis in eisdem expressis. Pacem quoque & tranquillitatem inter disidentes de religione Christiana tue-*  
 boy

*bor & manu tenebo, nec ullo modo vel jurisdictione nostra vel officiorum nostrorum & statuum quorumvis auctoritate ququam affici opprimique causa religionis permittam nec ipse afficiam nec opprimam. Et si (quod absit) in aliquibus juramentum meum violavero, nullam mihi incole Regni, omniumque dominiorum uniuscujusque gentis obedientiam præstare debebunt, imo ipso facto eos ab omni fide & obedientia Regi debita liberos facio, absolutionemque nullam ab hoc meo juramento à quoquo petam, neque ultro oblatam suscipiam. Sic me Deus adjuvet, & Sancta Christi Evangelia.*

Contigerunt ea anno octavo supra Quadagesimum mense Julio. At decimo post anno octavo videlicet quinquagesimo mense eodem, Papaliterque fascino incantati, Ordines Regni, ac fidei suæ, honoris ac conscientiarum religiosissimis nexibus obligatæ turpiter oblitæ, percussis qui rectè sentiebant violentis clamoribus & minaci turbâ, Sanctissimam & Saluberrimam pacis legem, tot Comitiorum cautionibus, patris, fœderibus, stipulationibus, tot Regum à Sigismundo Augusto continua serie succedentium, publicis Sacramentis firmissimè constitutam, & nuper adeo tam sollicitè ac tolemuiter constabilitam nobiscum proscriptum, nosque hoc feriunt, & natali solo exterminant diro decreto.

Quamvis sectam Arianam, vel ut eam nonnulli vocant, Anabaptisticam in Dominis nostris existere & propagari Lex semper abnuebat: quoniam tamen fatali quodam Reipublicæ casu, nominata Secta non à longis temporibus in dominis nostris tam Regni quam Magni Ducatus Litvaniæ dilatari cœpit, quæ Filio Dei præternitatem adimit. Reassumentes & in suo vigore relinquentes contra illos statutum Vladislai Jagellonis antecessoris nostri de Hæreticis, consensu omnium ordinum constituimus; Quod, si quis ejusmodi inventus fuerit qui sectam hanc Arianam in ditionibus nostris tam Regni quam Magni Ducatus Litvaniæ & provinciis eis annexis ausit attentève confiteri, propagare, aut predicare, vel illam & assertores illius protegere & fovere, fueritque super hoc legitime convictus talis quilibet superius nominato statuto subiacere debeat & sine ulla dilatione per Capitaneos nostros & officia ipsorum capite plecti, sub privatione Capitaneatus. Fautoribus vero illorum tanquam pro pœna perduellionis, forum in Tribunali inter causas conservatas mixti fori assignamus ad instantiam cujusvis, sicuti



Capitaneis eorumque officiis: in Magni autem Ducatus Litvanie tribunali ex quovis registro. Volentes tamen clementiam nostram exhibere, si quis talis inventus fuerit, qui hanc sectam suam abnegare nolit, ei annos tres ad dividendam bona sua concedimus, salvâ interim bonorum & domorum securitate, atque debitorum repetitione. Quo tempore nihilominus nulla exercitia sectæ suæ supra nominatæ peragere tenetur, nec ad ullamviam publicam immiscere sese poterit, sub penis superius expressis. Noudum hic acquievit inimicorum sævitia, sed velut nimium indulgentiam vendendis extricandis possessionibus perniciosissimo bello milite deformatis, imminucis, impeditis, triennium concedendo infelicitibus, annum etiam triennio altera comitia sic detruunt.

Quoniam Comitibus anni proximi præteriti 1658. Secta Ariana seu Anabaptistica consensu ordinum à nobis ex ditionibus Regni eique annexis est proscripta, tresque anni istius sectæ hominibus ad dividendam bona fuerunt assignati nunc vigore presentis Constitutionis Comitialis, duos annos à tempore comitiarum proximi præteritorum ad dividendam illis concedimus, ita ut terminus exilii ipsorum præcisè incidat in decimum diem Julii mensis Anno proximi instanti 1660. Quod tamen nocere nequaquam debet iis, qui ad Sanctam Catholicam Romanam Ecclesiam conversi fuerint.

Hoc agebant nimirum ut improvisa temporis angustia constricti & rerum difficultate circumventi, hoc citius à gradu constantiæ ad Papam deficeremus, quò magis ratio deficeret expediendi facultates; aut si omnino sententia staret potius ex ulare, ne bonorum utcumque compotes minis duram sentiamus exilii sortem. Cum verò aliqui latebras in regno quærerent, aliquos tegeret nonnullorum gratia Magnatum, & ne hoc quidem ferendum censerent, ut vel pauculos eximerent fatis communi, prodiit anno primo post sexagesimum & exilium nostrum mense Majo, Decretum tertium in hæc Verba.

Regratificantes Deo exercituum accepta beneficia anni præteriti, quæ nobis per tam insignes de hostibus victorias contulit, & volentes hanc Divinam beneficentiam hac nostra gratitudine ulterius placare, cum hostes præternitatis filii ejus & Dominiis nostris proscripserimus; sicuti id jam proximi præteritis

Comi-

Comitiis constitutione anni 1658. cujus hic est titulus: Secta Ariana seu Anabaptistica, & constitutione anni 1659. fecimus; Ita & nunc ne hæc Secta Ariana ullo qui excogitari queat modo, oblecta inditionibus nostris Regni Polonia & Magni Ducatus Lithvanie remaneat, sed potius ut ad executionem deducantur leges prædictæ, ab omnibus Officiis ac judiciis requirimus. In Magno autem Ducatu Lithvania talibus actionibus inter causas Compositi judicii in Tribunali forum assignamus.

Omnes denique alicujus nominis ipsis noti nominatim proscribuntur, recitatâ Varlavæ & propositâ in publica tabulâ proscriptorum, & omnes quidem inauditi atque indefensi: Tantulque, fuit inclementiæ rigor ut ne sceminis quidem, viduis, virginibus, non senio decrepitis, non morbo invalidis sit paritum, aut moræ brevis commodum indultum vix ac ne vix quidem tutæ uxores, quarum mariti aut diversa colunt Sacra, aut transire ad Pontificia. Universos urget lex Edictorum inexorabilis, aut mori jubemur aut solum vertere patrium, aut animi sententiam ejurare, sacra Papalia amplecti: Reformatis, Augustanis, arcemur pariter ut nostris, quo pœnas dare nos constet non quod sumus, ut loquuntur Ariani, sed quod non sumus aut fiamus Pontificii. Sic visum Deo est arbitro rerum justissimo & sapientissimo, & delicta nostra castigare, & pietatem explorare, durissimâ lane condicione. Inter aras & focos constituti, hac lege examinamur, ut alterutri renunciemus: aut fortunas cum patria exuamus omnes, aut fidem in Deum & Servatorem Christum. Nam à conscientia etiam errante quomodocunque desciscere in gratiam hominum commodi, & incommodi causa, apostasia certè est, & perfidia detestanda; ac Deum abnegat, Deo mentitur qui abnegat animi religionem, mentitur alienam vel meliorem, nedum certissimis argumentis sibi improbatam. Eò cogere tyrannis est deterrima, prolabi impietas manifesta. At pietatem suam sic testatam volunt Christo, commendatam Orbi Christiano inimici nostri. Pacem Poloniæ prope subjugatæ largitus est insperatam Deus: victoriæ insignes reportatæ de hostibus. Hanc ei jam gratiam pro tantis beneficiis rependunt. Hoc eum grati animi officio pacare porro & placare contendunt.

T 4

ut



ut nobis civibus & confanguineis suis, hominibus plerisque ordinis Equestris, contra datam publicè & creberrimè fidem contra juratas regnileges, & gentis libertatem, pacem & gratiam eripiant nosque velut odii Pontificii victimas piaculares ejciant in desertum, in malam omnino rem pietatis genere non sanè desumptæ ex disciplina & exemplo mitissimi Christi, sed genuini Anti-Christi. At Clementiam suam exhibere cupientes concedunt triennium, anno post jam inclementiores, & de clementia sua poenitentes, biennium bonis dividendis. Ipsi sibi inclementes fuissent visi, si ex sententia edicti Jagellonici morte nos sustulissent, & acrius quidem sed tolerabilius sævissent. Exulatum euntibus, nulla se offert certa ac tuta exilii sedes. Patria seclusi clausum prope orbem terrarum habemus: quo nos sustentemus in exilio non habemus. Bona relinquuntur, quibus nulla aut pauca aut parum utilia reliquere dispendia, & impendia rapacissimi belli. Aurum, argentum, paratum substantiam rerum mobilium preciosiorem aut rapuit, extorsit miles & militaris necessitas, aut consumpsit vivendi & oberrandi usus. Agri, fundi relinquuntur, sed deformati, corrupti, spoliati, ferro ac igni desolati, justum, hoc præsertim tempore, tempus non relinquitur eos commodè vendendi: Vendendi tamen fuerunt imo prope modum obijciendi anxia concilia præcipitante per extrema omnium difficultatum incommoda, decretorio exilii die. Majorem per agros colonorum partem confecit clades multiplex belli. Habitanda cum frugibus horrea, granaria, ædificia, omnis generis navigia passim plurima eversa, perdita, in cineres conversa; servitia, pecora, jumenta ad paucitatem redacta; Apparatus rusticus, Domesticus, quæcunque operi & quæstui deserviunt humano, multifariam direpta, dissipata. Sic dum prædiis, agris, pro modo & numero cultores, cultoribus desunt adjumenta, nervus maxime rerum gerendarum nummus publicè, privatim defecit, summa undique urget egestas: Turbata etiamnum agriculturâ nondum pacato fideliter regno adhuc exterminatis prorsus commerciis, redditu intercluso, quo in precio agri, fundi, domicilia aliaque rerum esse potuerint, quæ asportari vel non poterant, aut non

expe-

expediebat, quæ sorte vendi, plura imprimis multorum, facile colligant vel imperiti, itaque multis emptor non fuit, aut emturus pecunia non fuit. Etiam ex præcipiti necessitate, emptori lucrum, venditori non leve detrimentum. Vel minimo tamen emi, quæ possidere non licebat, pro lucro erat, & magno beneficio: ab paucitate emptorum penuria nummorum, multa fuere simpliciter concedenda & paucis sua provenit è venditis pecunia, eam expectant à solâ emptorum & novorum possessorum fide bona, ac fortuna prospera. Nam proscriptis & infamiâ notatis, leges nostrates non subveniunt, ne per procuratorem quidem jure enim aliquo experiri, & iudicio sua repetere concedunt. Tum quibus aditus patet in Aulam, diplomate impetrato quæ habent in regno bona proscripti, hi facile sibi vendicant jure, quod vocant, caduco, ceteris Christianis gentibus incognito, nobis jam cognito nimis. Ita domi hæcenus locupletes, peregrinantur pauperes. His tamen medica res est unde vitam tollerent, & ipse quâ animum sibi sustentent: At non est unde egenis de more succurrant, præsertim, quia paucioribus tantum constantiæ, ut exemplo Moïsi præoptarent adligi cum populo Dei, quàm temporariis frui commodis peccati. Plures ditiorum terrificæ facies exilii extra ordinem iniqui perpulit ad defectionem. Mori se posse proficiebantur, at cum liberis ac conjugibus discrimen adire tristissimæ mendicitatis à se non impetrabant. Nimirum quibus erat plus præsidii minùs erat animi, hoc ipso eos debilitante quod debuerat corroborare; quasi plus esset multum amittere, quàm nil aut parum habere. Nam illi quidem utcumque imminuti habere tamen poterant, qui frugaliter viverent ipsi, & quo nil aut non satis habentibus aliquatenus subvenirent; nunc eorum defectione gravius angimur defectu auxilii. Ergo Christum deseruere, quibus plus erat copiarum; sequuti sunt, quibus plus virtutum. Nam Christum certè deserunt, qui conscientiam deserunt. Ne eam derelinquamus, omnia potius relinquenda statuimus. Sic duce & auspice Christo confidenter accingimur ad peregrinandum, quo fata trahant retrahantque. Pars agmine facto supra trecentos & octaginta, exilii sede

T 5

Clau-



Claudiopoli delectâ, in Transylvaniam iter intendunt, sed auspiciis profecto infaustis. Hos infelices qui velut naufragio servata, omnia sua secum portabant, ad fines Hungariæ, ubi in oppido quodam hospitabantur, miles impius inopinanter invadit; deprædatur, despoliat, exiit penitus. Claudiiopolitani quidem fratres, etiam expilati jam ipsi & crebris exactionibus, Transylvanorum, Scytharum, Turcarum, omni prope auto & argento eviscerati, ne Ecclesiæ quidem peculio intacto, succurrunt tamen magnificè, nudos vestitu, egentes comætu, inopes viatico instruunt, vehicula itineri submitunt, humaniter in urbem suam eos deducunt, & non tectis tantum, sed mœniis etiam suis amanter excipiunt, omnibusque fraternæ caritatis officiis humanissimè prosequuntur. At gravis illic aer & transmontanis præcipuè infestus, tum temporis verò pestiferè infectus, subito corripit interuicinas lue novos hospites quæ eos non decimavit, sed ne decimas quidem reliquas fecit ex omni numero vix servatis ultra tricenos. Strages hæc luctuosissima in malis an in bonis nostris reputanda sit, ambiguum faciunt tot rerumstrarum discrimina & exitium prope Transylvaniæ universæ belli, incendio longè crudelissimi. Exules certè Deus infelices arumnis exemit inexplicabilibus, & Claudiiopolitanos falsè exoneravit cui ferendo impares jam essent prostratæ funditus eorum vires calamitatibus infandis. Cæteros nostratium vestigiis territos funestis, cum eos etiam furor armorum Transylvaniâ discluderet, suus cujusque usus & locus longè sparsit per vicinas Poloniæ terras, Silesiam, Marchiam, & Borussia Brandeburgicam. Cruciburgi imprimis in ditione illustrissimi Ducis Bregensis, Reformata religionis principis, plures confederunt, cum bona quidem ad tempus venita Illustrissimi Ducis, & libertate domesticâ optatâ Deum colendi ex nostro instituto; sed quam esse nobis diuturnam ac stabilem, æquo saltem animo neutiquam ferent invidi nostri ac adversarii. At sic munere Dei ac Indulgentia Clementissimi Principis, ubi vivamus jam habemus, sed plures non habemus unde vivamus. Sunt quidem plerique exultantium genere Nobiles, sed sibi nequaquam omnes sufficiunt, paucis facultas inopes

juvandi.

juvandi. Alii munus gerebant in Republica aut Ecclesia. Alios agrialebant conductitii ratione apud nos commodissimâ. Alii majorum gentium nobilibus & magnatibus à negotiis erant & ministeriis, qui omnes vivendi conditione dejecti, post gravissima bellorum damna, aut agrè aut non inveniunt, quo vitam honestè tueantur. Sunt præterea Ecclesiæ Ministri & inter eos ætate grandes, tot annorum continuis incommodis plerique ad famem usque exhausti, & vel ipsa muneris sui sorte ac invidia, omni ratione destituti, sibi suisque victum quærendi. Artifices, operarii, & qui quæstum exercebant aliquem, omnes communiter sorte patriæ attenuati, & plures jam illic subsidii egeutes è terra, ubi facilis annona, ratio facilis parandi rem jam nota sibi ac familiaris, in omnis generis ejectione difficultates, cum in exilium ejectione sunt. Rudis apud nos artificum, negotiatorum & operatorum minerva; & quæstu officio quovis in civitatibus germaniæ prohibentur peregrini. Exercitium indiget sumptu, apparatu, materia, favore, tempore, locorum, hominum, morum, occasionum notitiâ, quorum fere omnium laborant nostri inopiâ, & quia inopes, & quia novitii sunt peregrini. Ipsa paupertas nostra, quæ ingenium ac industriam solet augere, sibi impedimento est, & ut auget inopiam consilii ita ab eadem augetur. Tum sermone etiam patrio à toto ferè Christiano orbe longissimè dissociamur. Concurrunt denique ac conspirant inimicè omnia quæ affligere hominem vel robustissimum animum dejicere & reddere nobis possunt tristem, difficilem, molestam, quin & deploratam exilii sortem: nisi quod Dei munere singulari, Illustrissimi Ducis Bregensis eorumque qui ei à consiliis, oppidi in quo plerique commemoramur Rectores, Ministros Augustanæ confessionis, incolasque amice nobis cupientes ac faventes experimur. Si jam ea indoles misericordiae est, ut solâ miseriâ commoveatur apud homines ab humanitate non alienos: quo affectu pectora Christiana commovebit nostra tam multiformis, multijuga & modis omnibus acerba. Certè si diffidere ac desperare posset homo Christianus, videri possumus proximè abesse à desperatione.

Sed



Sed merito fortasse nostro miseri sumus sic iudicabunt multi, & penas nos condignas luere hæreseos impia: Impietatis quidem ac hæreseos nullius consensu nobis sumus: Imo studio unius pietatis ac veritatis, tristissimum hoc nostrum testamur exilium, extrema subimus ac perperimur. Error hæresis non est, innoxius, quietus, modestus, tractabilis, sed veritas etiam sediciosa, factiosa, schismaticæ, violenta. Errare humanum est in primis in mysteriis Divinis, quæ necessarii & salutariibus exceptis, plurimum semper habent caliginis. Verum si erramus non magis volentes erramus, quam miseri sumus; atqui vel toto erramus cælo, vel minime erramus, cum misere potius oberramus extorres quam ut erroribus hæreticis Papicolarum subscribamus coacti. Isthoc saltem nomine causa & miseria nostra favorabilis est apud eos omnes, qui idolo non favent Romæ. Martyrem scimus causam facere non pœnam. At bona omnino causa est, conscientia bona, maleficio, scelere, flagitio nullo obligata, nulli infecta, omnibus amica, vitæ innocentis studio probata, in primis soli Deo ac Dei oraculis simpliciter addicta, etiam cum perperam habitudine mentis capit multa. Pro ea qui ultro ac volentes patiuntur, pro Deo patiuntur, optimæ semper cum virtutis ac pietatis germanæ sit documentum summum, patienter ac libenter pati dura, ejus amore. Et hoc est quo bonis omnibus sive consentientibus, sive in nonnullis aut pluribus salva fiducia & obedientia, Servatori debita, dissentientibus nos commendamus & commendatos fore confidimus. Damnant nos tamen adversarii hæreseos, & exilii ob hæresin: sed lege quâ olim cum nondum nos essemus, damnati Hussitæ, Valdenses, nunc omnes damnantur Protestantes, Damnant nos hæreseos ejusdem ab omnibus damnati omnes damnantes qui Papam & ejus placita non adorant. Damnant nos, à quibus damnati, prope approbati est. Et de quo damnamur, de eo damnamur omnes nunquam auditi, nedum defensi, minimè convicti. Est illud quod hostes præternitatis Filii Dei sumus, eam illi adimamus. At Filio Dei nos tribuimus, quicquid liqui-

liquidò tribuunt Literæ Sacræ. Habere eum lubenter facemur, imo urgemus quicquid dare potuit Pater, Filius accipere, imo quicquid Pater habet, eo excepto quod Pater est: hic omnia à se, is à Patre habet; excellentissimâ, qua concipi & esse potest, plenissimaque ratione vere proprius & unigenitus Dei Patris filius, eoque æternæ ejus naturæ ac divinitatis amplissimè confors, ac verò inde, & sublimi supra omne nomen nomine Deus in sæcula benedictus super omnia: majestatem hoc solo inferior Patre, quod Patri referat acceptam, Pater cum cuncta ei subderet, seipsum exceperit; atque ita par & æqualis Patri, quo usque Filium valuit infinitus amor de potentia Patris sibi exæquare, adeoque Filius tam consummate, & omnis divinitatis numeris absolutæ perfectionis ut esse & gigni à Deo Patre perfectior non posset. Si jam omnes forte non percipimus infinitæ illius perfectionis modos, ac gradus: si quid forsitan hallucinemur in tam arduo mysterio, dum ita & merito studemus eminentissimæ supra omnem altitudinem dignitati Filii; ut ne interim impingamus in prærogativam Patris non seigniori cura tuendam, summa æquitas & modestia filii, eam tam disertè, tam crebro, tam sollicitè asserentis, summa bonitas & indulgentia Patris, eam sibi apertè vindicantis, severè indignabitur, inclementer, aversebitur, summo utrumque cultu, addictissimo obsequio pie venerantes? Si conciliare non possumus genitum præternitum: præternitatem filii cum præternitate patris: duos æqualiter præternos, alterum patrem, alterum filium, alterum gignentem, alterum genitum; in primis cum nusquam disertè id asserat pagina sacra, vis ipsa vocum patris & filii videatur repugnare: Si nec Patrem propterea, nec Filium, nec gignentem, nec genitum intelligimus, nec capimus in absoluta præternitate utriusque patrem qui non sit prior filio, gignentem qui non sit ante genitum: cum æternus sit Pater, quia ex seipso, à nullo, ingenuus, origenis expers, & origo omnium, etiam filii: qua ratione filius patri coæternus sit, qui è patre est & genitus est, omnia à Patre habet, etiam quod est, &



& filius est. Ista si captum excedunt nostrum, si quo pacto consentire non videmus, hoc cunctis criminibus est *brevibus Gyris & morte piandum*, maximè cum nemini nostra obtrudamus, iis qui hic à nobis dissentiunt, ea se intelligere, capere, explicare posse, aut saltem ut vulgo traduntur, tenenda esse autumavit, nequaquam cupiamus esse molesti, neminem ob ea ab amicitia nostra & fraterna societate arceamus: discere denique ac proficere amemus, meliora nobis se habere, afferre existimantes benevole audiamus, in nullius verba iuremus, nisi unius Christi? Vos omnes ac singulos ô Christiana ac fraterna peccata, per charitatem Dei *φιλανθρωπία*, per viscera Christi Servatoris, omnibus precibus oramus ac suppliciter obtestamur, ut infelicissimos exules non dedignemini, sed egestatis eorum deploratæ miseri, promptæ ac largæ eam manu benignè sublevertis. Quocunque nomine flecti potest animus humanus ad miserandum, Christiana caritas ad opitulandum in iis se vobis offert. Causa est constantia fidei in Deum, fuga superstitionis & tyrannidis papalis, & omnino studium conscientie bonæ, pœna omni titulo divini ac humani juris violentissima, injustissima: calamitas exilii modis omnibus acerbissima, tristissima. Qui respicere nos nequeant ut fratres, scire tamen velimus se ita respici à nobis & suis, re nostra & patria integra, ita respici solitos Protestantes, nec unquam defuisse nos occasionem, exules, adstrictos, oppressos, omnibus officiis ac copiis fovendi, recreandi, erigendi. Saltem respiciant hunc affectum, hoc studium nostrum. Respiciant saltem ut exules causâ Conscientiæ, cuncta posthabentes obsequio Dei: qui qualescunque sunt. Viri saltem boni sunt & bonorum benevolentia digni. Respiciant ut oppressos à communi hoste quod deficiere ad hostem, pro mandatis Dei commenta hominum, pro Christo Papam amplecti recusamus. Respiciant nos saltem ut miseros & supplices ex necessitate qua non possunt aut forte non esse miseri, aut animo non esse impii. Respiciant denique nobis cum seipso, & hoc divini Psalteris pium essatum, *Beatus qui intelligit super egenum & pau-*

*pauperem, in die mala liberabit eum Dominus: Tum hoc quoque memorabile in hac causa Servatoris oraculum: Beati misericordes quoniam ipsi misericordiam consequentur. Contra illud Jacobæum, iudicium absque misericordia erit ei, qui non presterit misericordiam & gloriatur misericordia adversus iudicium. Deus omnis consolationis & pater misericordiarum misereatur nostri, & solatio cœlesti clementer nos erigat: Vobis autem largiatur, Fratres, Amici, ut miseros amanter miserantes, nunquam ullatenus sitis miserandi, & bonis porro vos omnibus cumulet ex voto. Hoc præcamur, Fratres, Amici, eo affectu, quem nobis optamus.*

Dat. Cruciburgi.

17. Junii An. 1661.

Omni vobis studio fraternæ voluntatis  
addictissimi

*Jonas de Bucowjec Schlichtingius.  
Stanislaus de Orzechowiec Orzechowski.  
Stanislaus de Bebelno Goslavius.  
Gabriel a Raciborsko Morsztyn.  
Tobias a Raciborsko Morsztyn.  
Daniel Leocki Minister.  
Joannes de Bucowjec Schlichtingius.  
Christophorus a Mierzeri Miercerioki.  
Alexander Sierakowius de Sierakow.  
Georgius Ciachowius a Brzesnica.  
Johannes Preus Minister.  
Jonas de Bukowiec Schlichtingius, Jonas filius.  
Samuel a Priborowice Przychowski.  
Johannes a Moscorow Moscorowius.  
Wiszowaty Krzysztof.  
Mikolay Lippi.  
Joannes Wexyk Widawski de Widawa.  
Maximilianus Wexyk Widawski de Widawa.  
Stanislaus a Wilkow Wilkowski.  
Andreas Thaszycius a Luclawice.  
Proto Golecki Z Goloze.*

Chri-



Christophorus de Golca Goleki.

Andreas a Moscorow Zachovius.

Iohannes Prxypovius a Prxypkowie.

Adamus Zachowski de Moscorow.

Ioannes de wilkowice wilkowski.

## F I N I S.

## ADDENDA &amp; EMENDANDA.

## IN AUCTORIS VITÂ.

Pag. 2. lin. 7. cæterisque qui

eo

Ibid. 1. 23. suam condecoravit.

3. 12. transferat. Ex istâ fidelis in omnibus periculis & molestiis vitæ sociâ, tres suscepit filios, qui omnes cum matre adhuc superstites, duasque filias. Hæ postea parenti mox secuturo præverunt.

4. 6. Slichtingius, quod sibi in Patriâ propter editam fidei confessionem damnato manere tutum non esset

5. 10. Urbs tunc temporis

Ibid. 29. confirmatum esse.

Cui etiam (sic tum eluso illo à quo Religionis fundamenta sæpius audire avebat ideoque meliora edoctus erat) adhæsit usque ad finem, & eum quidem luctuosum; quem non diu post sortitus est, Comes præstantissimus, longiori vitâ dignus. Inde, noster Olivam profectus est

8. 7. pudore suffudit

Ibid. 21. dele tantoperè laboravit.

p. 10. 8. Cibo infusum

Ib. 11. voluit, idque vicio

Ib. 14. exhalasse) quasi

Ib. 17. venenum prius ambas

11. 2. Sunt enim ad ipsum

## IN IPSÂ HISTORIÂ,

P. 1. lin. 22. Opinioni hinc, illinc

6. 13. quidem, Gangrense & Toleranum I, Cleri cælibatum

7. 2. deber: de quorum

Ib. 10. Anno 1140.

Ibid. 28. lib. 41. c. 1.

8. 23. ipse adversantium

9. 14. tum fusi sanguinis

Ibid. 23. Quis, vel integra

12. 2. adhærentes

Ibid. 10. amantes in medio

15. 2. Czericensi ad Neveliam

Ibid. 22. exonerant, affecisset

clade. Ille Turcarum

Ibid. 30. ad eum

16. 22. Iste enim

Ibid. 34. exhibitam

Ibid. 36. Joanni Scholtz uni ex

17. 11. Budzinius

Ibid. 31. impietatem zelo

18. 11. honesto cive

Ibid. 19. dono oblatarum

Ibid. 28. Petro Cmiræ

20. 24. de Parzo Episcopo

21. 13. Kozakovio

Ibid. 33. Choinicius fuere)

puta, & Episcopi & Cancellarii simul.

Ibid. 36. Gastoldi

22. ult. iniquam

23. ult. & ita vino tum

24. 33. Czarncovius

25. 27. salutis amore

30. 10. Nos ex

Ibid. 32. Pobiedzinski *ibid.*

Dziaduski

31. 10. Subcamerarii

Ibid. 29. ustrata

34. 10. Rupniowiz

Ibid. 34. Idem temporis

35. 1. Stobnitza

36. 7. satis aperte

Ibid. 8. injustitiâ

38. 15. Italia præsertim

Ibid. 18. cusæ machinæ

41. 5. Ferdinandi I.

47. 11. in palatium vestrum

Ibid. ult. illam primum

48. 33. Dluski \*



52, 26. Niemſta  
 Ibid, ult. alcernis  
 56, 5. *dele* Synodus Pinczov  
 Ibid, 32. libros (quasi redeunte  
 Ibid, 34. intra 30 annos, 15  
 ſcil.  
 57, 24. veritatis, ambitio  
 61, 24. Gneſnenſi &c. & aliis  
 Ibid, 38. in inauguratione  
 64, 13. Lukisſcis  
 65, 35. Laſocius  
 67, 16. illatam  
 72, 29. chariſſimum eſſe  
 84, antep. ne dum ſe  
 87, 5. tamen per Majeſtatem  
 90, 18. finem nescit  
 92, 19. Hoſti & aliorum  
 102, 25. palam ſic hoc nomine  
 107, 13. *potius* Anno 1562 *ut*  
*inferius lin. 35.*  
 108, 7. iſtam Valentini, per  
 tyrannidem Pontificiæ aſſi-  
 nem, quam Cainus in Abe-  
 le, Calvinus in Serveto prius  
 exercuerat, atroci ſupplicio  
 puniti, mortem,  
 Ibid, 27. Forgiarum  
 110, 7. Lutheranorum per-  
 ſtrinxit,  
 111, 2. omnium undique Fide-  
 lium in eo,  
 Ibid, 4. Slaveoviæ  
 112, 1. Vilnenſibus  
 Ibid, 31. puram ſimplicitatem  
 113, 7. citra perſidæ  
 117, 19. Slomnicenſi  
 118, 12. nonâ in Synodo  
 126, 1. Jacobo Sylvio  
 141, 8. conſervare  
 145, 15. profeſſos extemplo  
 148, 31. verba hæc: *Ex M. S.*  
*Joannis Stoinii, qui huius*  
*Statoris nepos fuit. refer ad*  
*marginem.*  
 151, 28. cum tam ardentem  
 157, 6. Bakſchajus  
 163, 33. in Siekluka

Ibid, penul. Siekierzynski  
 165, 22. *nihil deſt.* *dimmo-*  
*do lin. præc.* publicati legas,  
 non publicatos.  
 166, 35. *forte* Martino Czecho-  
 vicio, *Panlò antè M. S. ſic ha-*  
*bet:* Wendrogowski Vilnen:  
 168, 5. Siemionum Aulicum  
 170, 5. non poſſe.  
 183, 22. nonnulli non  
 185, 35. concipiant, ſtimulæ-  
 bir,  
 187, 9. de his prophetetis  
 188, 6. foret ruere regnum  
 189, 31. primordiis Chriſtia-  
 niſmi  
 190, 20. ac in quibuſdam locis  
 Ibid, 25. fratres in Proſſiâ fa-  
 ciunt) NB. *faciebant. cum*  
*hac Author ſcriberet anno*  
*1665. propter metum Ad-*  
*verſariorum, diſſuaſentibus*  
*tamen & invitis nonnullis;*  
*poſtea id non fecerunt.*  
 Ibid, 27. Nicolaus Seecocius  
*paulo poſt* Cujavienſes  
 Ibid, 35. exercitâ præclarus  
 191, 11. ardore ejus adeo fuſe  
 percullus  
 Ibid, 15. (quem *nimirum* Pe-  
 trum Caſimirum  
 Ibid, 22. Laſtziurum  
 Ibid, 27. Brudzovio Palatino  
 Ibid, 34. Stanislai Zolkievii  
*paulò antè* Zamoſcio  
 Ibid, 36. promovebat  
 192, 1. ſplendide veſtitus  
 Ibid, 26. Palatinus ab inſigni  
 gentilitio uxoris ſuæ Gnoi-  
 niæ, Polonicæ  
 193, 3. Gregorio invidiâ Cal-  
 vianorum, Palatinum &c.  
 concitantium, ferventi tin-  
 ctâ veneno Cracoviâ Raco-  
 viam pulſo  
 194, 29. conſpiraffe, merito  
 195, 7. *Quæſtori* Philipovio

196, 15. iſte dictis  
 200, 15. *contra* *Wajekam*  
 208, 2. Kiſſelino Voliniæ *mox*  
 Czaplicius  
 Ibid, 12. ſeſqui milliari  
 Ibid, 24. Pinczovianâ Numero  
 x 11. Anno. *ſic corrigendum*  
*quoque lin. 33. huius pag.*  
 211, 35. ſcrupulum eximente  
 214, 21. lari, fruſtra  
 217, 36. nominatim  
 218, 23. Swiechovio  
 223, 22. inexpugnabilis  
 232, 6. cantu ter audito  
 Ibid, 18. contumelioſis verbis  
 Ibid, 26. anthropophagi non  
 233, 24. voluiſſe à me  
 Ibid, 28. articulo non ex dia-  
 metro repugnet, ut & voci-  
 bus illis, diſſerre, idem eſſe,  
 realiter, eſſentialiter, ratione,  
 unum, trinum &c.  
 235, 8. Undè & Paulum veriſi-  
 mile conqueri  
 Ibid, antep. ac cauſæ, *poſtea*,  
 Maſſil. Fic.  
 236, 12. univerſi procedere  
 Ibid, 23. intellectum puerum  
 purum & formoſum, ſilium  
 inquam à Patre plenum &c.  
 Quale enim eſt id quod eſt in  
 mente, tale ferme cogitatur  
 quod eſt in uno illo, quamvis  
 ſic longe præſtantius. *poſtea*,  
 Ubi proſecto quod eſt diſſu-  
 ſum, alterius eſt imago. Illud  
 autem unde hoc emicat, lu-  
 men eſt proculdubio verum:  
 non tamen imago diſſuſa, &c.  
 237, 2. ſic pender à bono  
 Ibid, 3. ſolem, quam fundit ex  
 ſe ſicut lumen ſplendorem.  
 241, 32. addicti, patrocinio ga-  
 vilos  
 249, 2. militis. *poſtea*, ſerocia  
 253, 30. patroni obitum,

258, 10. vivere, edocet; denique  
 Ibid, 18. Ibi literas Lubieniecii  
 Ibid, 19. Anti-Pontificiorum  
 Ibid, 27. manifeſtæ calumniæ, tam  
 Ibid, 28. injuriam inferre  
 266, 12. *ita ſuppleo*, calumniam  
 ſtruit, ſingit ab uxore ſua, ob  
 religionem Catholicam, alie-  
 natam eſſe, per affinem, legit.  
 269, 17. compellitur, coegit.  
 271, 27. latæ per ſavitiâ genti  
 liberimâ inſolentem, coortâ  
 procellâ, graviſſimè concuſſâ.  
 273, 18. Chriſtianus Pyrnerus  
 274, 33. adjuvationis  
 276, 14. Owrucenſi *ſic & p. 277.*  
*lin. 28.*  
 Ibid, 31. & Sieniutovienci  
 277, 1. diſtrictus Luceorienſis  
 Ibid, 18. Czerniechovianam  
 278, 24. quanto magis tu  
 Ibid, 30. dolorem, ire per veſti-  
 gia  
 279, 10. commendatæ quondam  
 280, penul. nec dum ſancitâ  
 283, antep. diſtrictus eſt, Chri-  
 ſti &  
 287, 16. hoſtium, ſica inimic.  
 288, 5. fratrum tributos,  
 Ibid, 29. acciſa  
 Ibid, 31. ſopita, dum bellum ei  
 paratur  
 292, 20. conſervandam  
 295, 10. & propoſitâ in publico  
 296, 24. anxia conſilia  
 297, 1. quâ forte  
 Ibid, 12. jure cum aliquo  
 Ibid, 18. vitam tolerant  
 300, 22. hebetudine mentis  
 302, 6. eſſe autumant,  
 303, 23. a Mierzen Mierzenski.  
 Ibid, ult. Piotr Goleczki z Gole-  
 ze.  
 304, 2. a Moſcôrow Lachovius.  
 Ibid, 4. Adamus Lachowski.



